

# ԴՈՒ

ԿԵՆՍԱԳՐԱԿԱՆ

ՀՈՒՇԵՐ

ԿԿԱՅՈՒԹԻՒՆՆԵՐ



Դ 479 Դրո: Կենսագրական: Հուշեր: Վկայություններ: [Կազմեց, խմբագրեց Ա. Անդրանիկյանը; /Նկ.՝ Խ. Հակոբյան]. — Եր.: Ազատ խոսք, 1991. — 416 էջ:

«Դրո» ժողովածուն հայ պատմագրության մեջ առաջին փորձն է, որով ընթերցողին է ներկայանում Հայոց Ազատամարտի ռահվիրաներից և պետականության հիմնադիրներից մեկը՝ Դրոն (Դրաստամատ Կանայանը 1884—1956):

Ժողովածուում պատմական որոշ (տասնամյակներ անընդմեջ կեղծված ու նենգափոխված) խնդիրներ՝ արխիվային նորահայտ վավերագրերի և փաստագրերի օգտագործմամբ դիտարկվել է նորոգվի: Հիմնարար կերպով է շոշափվել Դրո-զինվորական գործչի հսկայածավալ և նպատակադիր ազգային գործունեությունը, որը որոշակիորեն, արտացոլված է թե՛ Հ. Գևորգյանի ուսումնասիրության մեջ, և թե՛ «Հավելվածի» բոլոր բաժիններում:

0503020913

Դ

739 (01) 91

ISBN 5-8079-0249-1

Հ. Մ. Գևորգյան  
 © «Ազատ խոսք» հրատ., կազմելու համար

# ԴՐՈՆ

Ես ոչ մէկ ժողովրդի հանդեպ ատելություն չունեմ, բայց վայ այն ազգին, որ կը համար- ծակուի վատութիւն անել հայ ժողովրդին, նա լինի բուրբ, ուս կամ այլ ազգի, ես գէնք ոյի- տի վերցնեմ նրա դէմ...

ԴՐՈ

... Այսպես էր ասում Դրոն հայրենիքից հեռու, տարա- գրության տարիներին: Արդեն տասնամյակներ էին անցել նրա կյանքի փոթորկահույզ օրերից: Հայոց ազատամարտի անպարտելի ռազմիկը ժողովրդի ու պատմության դատին հանձնելով իր հերոսականությամբ ու մաքառումներով հա- գեցված կենսագրությունը՝ արդեն կյանքի վերջին տարիներն էր անցկացնում օտար ափերում:

Մեր ժողովրդի անցած շարաքաստիկ 70-ամյա ժամանա- կահատվածում խորհրդահայ պատմագետներն ու գաղափարա- խոսներն ահավոր կեղծիքով ու զրպարտանքներով «օծեցին» Հ. Հ. Դաշնակցությանն ու նրա ականավոր գործիչներին: Բազմաթիվ ստահող պատմություններ, նույնիսկ իրականում երբևէ գոյութիւն չունեցող դեպքեր ու իրադարձութիւններ, հորինելու շնորհիվ խորհրդային իշխանության կողմից գի- տական կոչումներ ու «փառքի դափնիներ» վաստակած «գիտ- նականները» ջանք ու եռանդ շխնայեցին Հ. Հ. Դաշնակցու- թյանն և նրա դրոշով մարտնչող հերոսներին անջրպետելու հարազատ ժողովրդից, որի ազատագրության համար մղած պայքարը եղել է նրանց կյանքի գլխավոր նպատակն ու ուղե- նիշը:

Խորհրդահայ պատմագետների սրերն առավելապես ուղղված էին Դրոյի վրա, որին վարկաբեկելու և նրա անունը ժողովրդի հոգում մեկընդմիշտ մեռցնելու նպատակով հորի- նեցին հազար ու մի մտացածին պատմութիւններ: Ներկա ուսումնասիրութիւնը իր նախադեպը չունեցող փորձ է լու-

սարանելու և արժեքավորելու մայիսի 28-ի մեր անկախ պե-  
տականության կերտողներից մեկի՝ Դրոյի կյանքի ու գոր-  
ծունեության առավել ուշագրավ էջերը:

\* \* \*

1884 թ. մայիսի 31-ի գիշերը Սուրմալու գավառի Իգդիր  
ավանում սարսափելի փոթորիկ էր ու երկրաշարժ: Բնու-  
թյունն իր հզոր տարերքով կարծես կանխանշում էր այդ  
օրը լույս աշխարհ եկած՝ հայոց ազատամարտի և անկախու-  
թյան մեծանուն նվիրյալի՝ Դրոյի (Դրաստամատ Կանայա-  
նի) կյանքի ու գործունեության մրրկածուփ ուղին:

Չափազանց անհանգիստ ու ազասատենչ բնությամբ էր  
օժտված Դրոն՝ Իգդիրի դպրոցի ամենաըմբոստ և աշխույժ  
աշակերտներից մեկը: Դպրոցն ու ուսումը, շնայած մտավոր  
փայլուն ընդունակություններին, շէին գրավում նրան: Դրոյի  
տարրերքը զենքն էր ու ձիավարժությունը:

Վերհիշելով նրա մանկությունը՝ Ավ. Ահարոնյանը գրում  
է. «Ամրան տաք օրերին, Իգդիրի փոշոտ փողոցներով, տա-  
րիներ առաջ, ամէն երեկոյ, առանց թամբի և իսպառ մերկ և  
անսանձ ձիու վրայ՝ մի վեց-եօթ տարեկան ջլուտ ու նիհար  
մանուկ էր սլանում, նոյնպէս մերկ՝ ինչպէս էր իր երիվարը:

Փոքրիկ Դրօն էր... Դրաստամատը, իսկական անունով:  
Օրւայ այդ պահին, իր հօր՝ քաջածանոթ Մարտիրոս Կո-  
կոյի ձին ջրելու և զովացնելու համար Իգդիրի մեծ առուն  
էր առաջնորդում, ինքն էլ լողանում կենդանու հետ, նրա  
թիկունքին ցատկելով, մերկ սրունքներով նրա կողերին  
պլլւած և ձեռքերով բաշին կախւած, սիրում էր արշաւել փո-  
ղոցներով դէպի շուկայ, շորս կողմից բարձրացած ծիծաղին  
ու կատակին պատասխանում էր վրանբաց թշնամանքներով  
ու շարունակում իր Անօրինակ արշաւը, որսկան բազէի պէս՝  
ամենի երիվարի թիկունքին թառած»<sup>1</sup>:

Հայրը՝ Սուրմալու գավառում իր հարստությամբ ու դիր-  
քով հայտնի Մարտիրոս Կանայանը որդուն կանոնավոր կըր-

<sup>1</sup> «Ալիք», 1956 թ., 4-ր մայիսի, էջ 41:

թուփյուն տալու նպատակով նրան տանում է Երևան և ընդունել տալիս տեղի ռուսական Գիմնազիան:

Երևանի Գիմնազիայում տիրապետող ուժը ռուսամուլ բարքերն էին:

«Տնօրենն ու նրա կամակատար դաստիարակները, — վերհիշում է Դրոյի դասընկեր Տիգրան Դևոյանը, — ստիպում էին, որ երեխաները փոխեն իրենց ազգանունների վերջավորությունը՝ «եան»-ի տեղ ռուսական «ով»<sup>2</sup>:

Սակայն աշակերտներից շատերը և հատկապես Դրոն հնարավոր միջոցներով պայքարում էին ռուսացման քաղաքականության դեմ: Ավելին, գիմնազիայում առավել խիզախ պատանիների՝ Դրոյի, Սեդրակ Զալալյանի, Տիգրան Դևոյանի և այլոց (շուրջ 10 հոգի) նախաձեռնությամբ ստեղծվում է «Բորեաս» խումբը, որի նպատակն է ահաբեկել ցարիզմի բոլոր այն ծառայամիտներին, ովքեր կփորձեն բռնադատել հայերի իրավունքներն ու ոտնահարել իրենց ազգային արժանապատվությունը:

19-րդ դարի վերջին Հայաստանի արևմտյան հատվածի ազգային-ազատագրական պայքարի վերածնունդի հետևանքով քաղաքական զարթոնք էր ապրում նաև արևելյան հատվածի հայությունը: Պատմական տվյալ ժամանակաշրջանի ազգային-ազատագրական շարժման դրոշակակիր Հ. Հ. Դաշնակցությունը հայ ժողովրդի պայքարը կազմակերպելու ու ղեկավարելու նպատակաուղղվածությամբ արդեն բազմաթիվ մարտական կազմակերպություններ էր հիմնել Հայաստանի և նրա սահմանամերձ հայաբնակ շրջաններում: Երեվանում ստեղծված Հ. Հ. Դաշնակցության «Մրգաստան» կենտրոնական կոմիտեն կոչված էր համախմբելու և առաջնորդելու Արարատյան աշխարհի բոլոր այն ուժերին, որոնք ընդունակ էին ու պատրաստակամ իրենց նվիրաբերել «Հայ դատի» դժվարագույն պայքարին:

Զեյթունի, Տարոնի, Սասունի ու Վասպուրականի քաջակորով հայորդիների սխրանքների փառքն ու նրանց ձոնված երգերը տարածվելով թափանցել էին նաև հայոց դպրոցները, մարտական երգերը շունչ ու ոգի էին ներարկել դպրոցականներին:

<sup>2</sup> «Հայրենիք» ամս., 1957 թ., № 9, էջ 11:

«Բորեաս» խմբի անդամ Դրոն հետազայում բազմիցս պիտի խոստովանի, որ իր ապագա գործունեությունը մեծապես պայմանավորվել է դեռևս դպրոցական տարիներին քաջահամբավ հայդուկապետեր Նիկոլ Դումանի, Աղբյուր Սերոբի և Անդրանիկի քաջագործությունների մասին լսած պատմություններով:

Երևանի «Մրգաստանի» կենտրոնական կոմիտեի անդամ Գալուստ Ալոյանի տեսադաշտից շեն վրիպում «Բորեաս»-ի համարձակ տղաները, որոնք իրենց վարքով ու գործելակերպով արդեն արժանի վստահություն էին ներշնչում:

«Բորեաս» խմբի անդամ Սեդրակ Զալալյանը (Ասլարանի շրջանի Քասախ գյուղից — Լ. Գ.) վերհիշում է. «Երբ 17—18 տարեկան եղանք, արդեն ունէինք մօսին հրացաններ ու մաուզէր ատրճանակներ, որոնց գործածութիւնն ու նշանառութիւնը հասցուցած էինք կատարելության աստիճանին:

... 1903-04 թուականներուն, երբ մենք արդէն մեզ կը զղայինք հասուն, սլատրաստի զինուորներ, ամբողջ Արարատեան Հայաստանը բռնկած էր Երկրին օգնութեան հասնելու մոլեգին մղումով:

... Անշափահասներ ըլլալով, դեռ դաշնակցութեան կողմէ վաւերացուած մարտական խումբ չէինք: Անհատապէս կը դիմէինք՝ Դաշնակցութիւնը իր անձին մէջ մարմնաւորող, ամենահեղինակաւոր գործիչ Գալուստին՝ Խանասորի հերոսներէն, խնդրելով որ մեզ միացնէ մեկնող հայդուկային խումբի մը: Բայց կը մերժուէինք այն պատճառաբանությամբ, որ դեռ հասուննալու պէտք ունէինք»<sup>3</sup>:

Գալուստ Ալոյանի խոհեմ մերժումները չի ընկճում Դրոյի և իր ընկերների բուռն ձգտումը՝ զինվորագրվելու հենց այն կուսակցությանը, որի դրոշով էին մարտնչում իրենց սիրած հերոսները:

Չանցած մի քանի ամիս «Գալուստը,— շարունակում է Ս. Զալալյանը,— ընդունեց մեր խումբը Լ. Լ. Դաշնակցութեան մարտական կազմակերպութեան մէջ «Բորեաս» խումբ անուան տակ»<sup>4</sup>:

<sup>3</sup> Կ. Գէորգեան, «Ամէնուն Տարեգիրքը», 1954 թ., Ա. տարի, էջ 102:

<sup>4</sup> Նույն տեղում:

17 - 18 տարեկան հասակում անդամագրվելով դաշնակցութեանը Դրոն ձգտում էր դեպի մարտադաշտ՝ համալրելու այն ուսումնական շարքերը, որոնց առասպելանման գործողութունների արձագանքները բորբոքել էին իր հոգու հայրենանվիր կրակները:

Դեռ Գիմնազիայում ուսանելու տարիներին փափագում էր ընդունվել ուսումնական դպրոց՝ հասկանալով, որ կանոնավոր կրթությունը կարող է իրեն օգնել դառնալու իսկական ուսումնական գործիչ:

1903 թվականն էր, ցարիզմը հավատարիմ իր հայակործան քաղաքականութեանը, հայոց դպրոցները, գրադարանները, թերթերն ու ամսագրերը փակելուց հետո հռչակեց հայ եկեղեցու կալվածքներն ու հարստությունները բռնագրավելու օրենքը:

Մինչ այդ, ոչ հայոց դպրոցների պարբերաբար փակումը, ոչ ուսական զորքերի կողմից հայ մարտական ջոկատների ջախջախումը և ոչ էլ ցարական աստիճանավորների կողմից հայ գյուղացիների շահագործումն ու հարստահարումը կարծես թե արևելահայության շրջանում չէին սերմանել ուսական պետականության դեմ ընդվզելու, բորբոքելու ձգտումներ: Սակայն եկեղեցական կալվածքների բռնագրավման մասին հրովարտակը միանգամից արթնացրեց «բարի ցարի» հավատով նիրհով հայությունը, որը զարմանահրաշ և հզոր կայսրության պատմության ողջ ընթացքում աննախադեպ երևույթ էր: Ցարիզմի նենգադավ քաղաքականության դեմ հանդգնել, ընդվել էր մի բուռ ժողովուրդ:

Ահեղ գոտեմարտի դուրս եկած ազատամարտիկների առաջավոր շարքումն էր մինչ այդ գլխավորապես արևմտահայության ազատագրության դրոշով առաջնորդվող Հ. Հ. Դաշնակցությունը: Դաշնակցության նախաձեռնությամբ ստեղծվում է ժողովրդական շարժումը կազմակերպող ու ղեկավարող «Հայկական ինքնապաշտպանության կենտրոնական կոմիտեն», որի գործուն մասնակցությամբ բողոքի ցույցեր, գործադուլներ կազմակերպվեցին Երևանում, Թիֆլիսում, Կարսում, Բաքվում և այլ քաղաքներում ու բնակավայրերում: Դաշնակցության վրիժառուների գնդակներին զոհ գնացին

հակահայ գործունեությունն ծավալած բազմաթիվ ցարական աստիճանավորներ և ազգադավ հայ կամակատարներ:

Նույն տարվա ամռանը հազարավոր հայերի բազմությունը շարժվելով էջմիածին՝ պահանջում է Ամենայն Հայոց կաթողիկոս Խրիմյան Հայրիկից, որ պատռի ցարի հրամանագիրը:

Հայաստանի տարբեր շրջաններից հավաքված բազմության մուտքը էջմիածին խոշրնդոտելու դիտավորությամբ ցարական ոստիկանությունը փորձում է ցրել ցուցարարներին: Երևանի Ռուսական գիմնազիայի աշակերտների «Բորեաս» խումբը, որի կազմում էր նաև Դրոն, ի պաշտպանություն ցուցարարների, քարերի կարկուտ է տեղում ոստիկանների վրա և ջախջախում ոստիկանապետ Բալուևի գլուխը: Այդ ընդհարման ժամանակ պատանի Դրոն ստանում է իր առաջին մարտական մկրտությունը: Իսկ մի քանի շաբաթանց նրա անվրեպ հարվածի զոհն է դառնում Սուրմալուի գավառապետ Բոգոսլավսկու կարգադրությունները հավատարմորեն կատարող Թեջերապատ գյուղի գյուղապետ Մարտիրոսը:

Տարիներ անց այդ դեպքի մասին Դրոն Ս. Վրացյանին պատմել է հետևյալը. «Մի երեկոյ, 1953 թ. Հոկտեմբեր 15-ին, երբ, ըստ սովորութեան, միասին նստած տանը վերջիշումներ էինք անում անցեալից, Դրոն դարձաւ ինձ, թէ,—

— Գիտե՞ս ինչ, այսօր իմ զէնք բանեցնելու յիսնամյակն է:

Եւ իմ պնդումի վրայ պատմեց: Վերջը ես պատմածը գրի առի.

— «1903 թուի ամառուանից մեծ թափ առաւ զէնքի փոխադրութիւնը դէպի Տաճկահայաստան: Գաւառապետ գազան Բոգոսլաւսկին խիստ հետապնդում էր հայ յեղափոխականներին: Թէջէրապատ գիւղին դաւաճան Գալաւա (գիւղապետ) Մատրիրոսը օգնում էր ոստիկանութեան: Որոշուեց խփել և գործը յանձնուեց ինձ, մեր շրջանի յանդուգն ու նուիրուած Դաշնակցական Գէորգանի և ուրիշ մի ընկերոջ հետ միասին:

«Մեր տանը ապրում էր Սաշա Զաբուլոտկօ անունով մի սպայ, որի մօտ ես ուսեբրէն դասեր էի առնում: Մեզ մտերիմ մարդ էր: Նրա մօտ յաճախ հաւաքւում էին իր սպայ



ընկերները և ուրախ ժամանակ էին անցնում: Այդ երեկոյ էլ, հոկտեմբեր 15-ին հիւրեր եկան: Սաշան խնդրեց ինձ, ձի նստեմ և երթամ շուկայից ուտելիք բերեմ: Գնացի: Եւոր էի վերադարձել ուտելիքով, լուր բերին, թէ Գալազան երկու հոգու հետ միասին բաղնիք է գնում: Շտապով դուրս թռայ և մէկ հարւածով գետին փռեցի՝ պռռալով՝ «Սատկիր, դաւաճան շուն»: Վրայ հասաւ և Գէորդանը. նա էլ դաշոյնի երկու հարուած տուեց սրիկային: «Դրանից յետոյ, ես անմիջապէս եկայ տուն: Սպաները թուղթ էին խաղում: Նստեցի նրանց մօտ և սկսեցի դիտել խաղը:

«Դրանից յետոյ Դէպքին ականատեսներ լուր էին տուել ոստիկանութեան: Մէկ էլ ոստիկանութիւնը շրջապատեց մեր տունը, թէ «աւազակ Դրոն մարդ է սպանել, ո՞ւր է»: Սպայ Սաշան պատասխանեց, թէ Դրոն ամբողջ ժամանակ ինձ հետ էր և հետեւաբար, շէր կարող մարդ սպանել...»<sup>5</sup>:

Գյուղապետի ահաբեկումը նա իրականացնում է այնպիսի արագությամբ ու հմտությամբ, որ նրանց տանը հավաքված սպաներից և ոչ մեկի մտքով իսկ չի անցնում կասկածել նրա մեղսագործության վրա: Օրեր շարունակ ընթացող հարցաքննությունների ժամանակ Դրոյի «անմեղությանը» անվերապահորեն հավատացող սպաները միահամուռ կերպով պաշտպանում են նրան զազազած նահանգապետի հարձակումներից:

«... Հա,— շարունակում է Դրոն,— այս էլ աւելացնեմ. 1916-ի վերջերը, ես Թիֆլիսում հանդիպեցի Սաշային: Այժմ գնդապետ էր, վիրաւորուած եկել էր ռազմաճակատից բժշկուելու:

— Յիշո՞ւմ ես,— հարցրեց նա,— անպիտան Բոգուսլաւակին ուզում էր Գալաւայի սպանութիւնը քո վրայ ձգել:

— Գիտե՞ս ինչ, Սաշա,— պատասխանեցի ես,— Բոգուսլաւակին իրաւունք ունէր, իսկապէս որ Գալաւային ես էի սպանել»:

Գնդապետ Սաշա Զաբոլոտկօն շշմած նայում է Դրոյի երեսին...»<sup>6</sup>:

<sup>5</sup> «Դրօ», 1956 թ., Պէյրուք, էջ 6—7:

<sup>6</sup> Նույն տեղում:

Թեջերապատի գյուղապետի ս պանությունն առաջին ահա-  
բեկչական գործն էր Դրոյի մարտական կյանքում:

Վերոհիշյալ մարտական գործողություններից հետո, դպրոցական միջավայրը այլևս չէր կարող բավարարել ուղ-  
մի փոթորկահույզ կյանքին ձգտող Դրոյին: Ռազմական կրթ-  
ությունն ձեռք բերելու հաստատ վճռականությամբ նա որո-  
շում է թողնել գիմնազիան և ընդունվել ուղմական դպրոց:  
Բայց ընդունված օրենքների համաձայն ուղմական հաստա-  
տություններ կարող էին ընդունվել միայն դպրոցում բարձր  
գնահատականներ ունեցող և կարգապահությամբ աչքի ըն-  
կած սովորողները: Իսկ գիմնազիայում Դրոյի և գնահատա-  
կանները և կարգապահությունը անբավարար էին: Բայց նա  
արդեն վճռել էր և այլևս ոչինչ չէր կարող նրան խոչընդոտել  
իրականացնելու իր վաղեմի երազանքը:

«Անհամարձակ,— գրում Ս. Վրացեանը,— գնում է  
տեսչի մօտ, թէ՛ — Պարոն տեսուչ, ուզում եմ գնալ զինու-  
թական դպրոց, բայց... նիշերս... կարելի՞ է մի բան անել...»

— Սիրելիս,— ուրախանում է տեսուչը,— քո բոլոր երեք-  
ները հինգ կը դարձնեմ, վարքիդ զերօն եւս հինգ ու խաչ  
կանեմ, միայն թէ գնաս... Կը մաղթեմ քեզ յաջողութիւն, որ  
զօրավար դառնաս...»<sup>7</sup>:

Գիմնազիայի ամենարմբոստ ու անհանգիստ աշակերտը՝  
Դրոն գերազանցիկության վկայականը գրպանում մեկնում  
է Պյատիգորսկ և ընդունվում Ախուլգինսկի Գնդի ուղմական  
ուսումնարանը:

Սակայն հարազատ ժողովրդի դաժան փորձություններով  
լեցուն կյանքը թույլ չի տալիս նրան ավարտելու զինվորա-  
կան ուսումնարանը:

1905 թ. փետրվարին Անդրկովկասում բռնկվում են հայ-  
թուրքական ազդամիջյան ընդհարումները և Դրոն հայտնվում  
է հայության ինքնապաշտպանությանը զինվորագրված մար-  
տիկների շարքերում:

Առաջնորդվելով «Հայաստանն առանց հայերի» հրեշավոր,  
քաղաքականությամբ՝ ցարիզմը սկսած 19-րդ դարի երկ-  
րորդ կեսից հայության նկատմամբ հետևողականորեն, բայց

<sup>7</sup> Ս. Վրացեան, «Կեանքի ուղիներով» հ. դ., Պէյրուս, 1965 թ. էջ 126:

նուրբ վարպետությամբ կիրառելով հայաջինջ քաղաքակա-  
նություն՝ միաժամանակ աշխատում էր հայ հեղափոխական  
կուսակցությունների և ողջ ժողովրդի ուշադրությունը գլխա-  
վորապես բեռել Հայաստանի արևմտյան հատվածի վրա՝  
ստեղծելով այն կեղծ պատրանքը, թե իբր հայությունը ճշնշ-  
վում և հոշոտվում է միայն թուրքական կայսրությունում:  
Բայց իրականում ցարական կառավարությունը ամենահի-  
վանդագին կերպով արձագանքելով արևմտահայության  
ազատագրական պայքարին և մեծապես նպաստելով համիդ-  
յան արյունոտ քաղաքականության կենսագործմանը՝ ամեն  
կերպ խոչընդոտում էր իրենց արյունակիցներին ջարդերից  
պաշտպանելու ոգով համակված հայ մարտական ու զինա-  
տար խմբերի, հեղափոխական գործիչների մուտքը Կովկասից  
Նրկիր: Հայաստանի արևմտյան հատվածի ազատագրումը  
ցարիզմը դիտում էր արևելահայության ազատագրության  
ձգտումների ամենահզոր ազդակներից մեկը և այդ պատ-  
ճառով միջոցների մեջ խտրականություն չդնելով, գործադրում  
էր ընձեռված հնարավորությունները՝ խեղդելու ազգային-  
ազատագրական շարժումները Հայոց աշխարհի և արևմտյան  
և արևելյան հատվածներում: Վիթխարածավալ կայսրությու-  
նում բռնկված հեղափոխական շարժումները խեղդելու հա-  
մար իշխանություններն օգտագործեցին իրենց հզոր ուզ-  
մական ու ոստիկանական ուժերը, իսկ Անդրկովկասում հա-  
յակործան ծրագրի իրագործման համար ցարիզմն ուներ  
հիանալի միջոց. դա խավարամիտ, պանթուրքիզմի շնչով  
թունավորված կովկասյան թուրքերն (ազեր) էին:

Գոտեպնդված իշխանությունների թողտվությունից ու օգ-  
նությունից՝ թուրքերը փետրվարի 6-ին արյունալի սպանդի  
են վերածում Բաքվի հայկական թաղամասերը:

Ընդհարումների հենց առաջին օրը Դրոն լքում է ռազմա-  
կան դպրոցը (ուսումնառության ժամանակաշրջանը միա-  
ժամանակ համարվում էր պարտադիր զինվորական ծառա-  
յություն) և գայիս Բաքու: Կռիվների երկրորդ օրն ընդամենը  
յոթ մարտիկներով, որոնց միանում է նաև Դրոն, Բաքու է  
հասնում Նիկոլ Դումանը և մեծ վարպետությամբ կազմա-  
կերպելով տեղի հայության ինքնապաշտպանությունը՝ ար-  
ժանի ջարդ տալիս ցարական աստիճանավորների և անձամբ

նահանգապետ գեներալ Նակաշիձեի առաջնորդությամբ հայկական թաղերն ասպատակող թուրք սամբոխին: Դումանի դիտավորած մի խումբ քաջազուն հայորդիների կայծակնաչին հարվածներից շանթահար՝ Բաքվի թուրք առաջնորդները հաշտության են կոչում մինչ այդ իրենց կողմից «վախկոտ» համարվող հայերին:

Մեկ շաբաթ տևողությամբ ընթացող կռիվներից հետո հաղթական հայ մարտիկները հավաքվում են Բաքվի հայության ինքնապաշտպանության ռազմական շտաբում՝ Մելիքաջնի լուսանկարչատանը: Գալիս է նաև Դումանը: Պատմում է այդ օրերի դեպքերի մասնակից Թաղե Պետրոսյանը. «Մտաւ Դումանը՝ Խէչօյի հետ: Բոլորս ոտքի ելանք եւ սրտատրոփ սպասում էինք Դումանի խօսքին: Այդ պաղ, համարեա անժպիտ մարդը ուրախ դէմքով եւ կրակոտ աչքերով նայեց բոլորիս եւ ասաց. «Ապրիք, տղերք ջան. Դաշնակցական վրիժառու հայդուկին վայել գործ կատարեցիք: Իմացած եղէք, որ մեծ դաւը սրանով չվերջացաւ: Եղէք միշտ եւ ամենուր պատրաստ՝ աւելի մեծ պայքարներու համար...

Եւ Դումանը մօտեցաւ ամէն մէկիս եւ համբուրեց մեր ճակատները: Երբ մօտեցաւ Դրօյին, գրկեց նրան եւ ասաց.

— Այս արիւնոտ պայքարի մէջ մի նոր գիւտ արի: Այդ գիւտը Դրաստամատն է: Սա մեծ ապագա պիտի ունենայ, եթէ արժանավայել միջավայրի մէջ մնայ: Ապրիս, տղաս, քեզ վրայ մեծ յոյս ունեմ:

Դրօն անհուն ուրախութիւնից լացաւ: Մեծ ռազմիկի գովքը ամենամեծ վարձատրութիւնն էր Դրօյի համար:

— Պարոն Դուման, պիտի աշխատեմ քո յոյսդ արդարացնել, — եղավ Դրօյի պատասխանը»<sup>8</sup>:

Ճիշտ է, շնորհիվ հայ մարտիկների հերոսության Բաքվում շիկացած իրավիճակը խաղաղվել էր, բայց դեռ մնում էր չիրագործված ևս մի կարևորագույն խնդիր: Ընդհարումների առաջին օրը Լ. Լ. Դաշնակցության Բաքվի «Ոսկանպաստ» կենտրոնական կոմիտեն մահվան էր դատապարտել հայերի ջարդերի կազմակերպիչ գեներալ Նակաշիձեին և այդ մասին ի լուր ամենքի արդեն հայտարարվել էր: Իսկ նման պա-

<sup>8</sup> «Հայրենիք» ամս., 1956 թ., հոկտեմբեր, էջ 18—19:

րագաներում դաշնակցութիւնը երբեք չէր դրժել իր դատա-  
վճիռը: Ո՞վ պետք է իրագործեր նահանգապետի ահաբեկումը:  
Տեղի կենտրոնական կոմիտեի կարծիքով ահաբեկման իրա-  
գործումը պիտի հանձնարարվեր փորձառու և առավել հա-  
րուստ հեղափոխական կենսագրութիւն ունեցող ռազմիկի:  
Սակայն Դումանի վճիռն հաստատակամ էր ու անառարկելի:  
«Վահանով կամ վահանի վրա» այս էր նրա պատգամն ու  
հրամանը քսանմյա Դրոյին: Անսպասելի էր դեռևս մարտա-  
կան առաջին փորձութիւնը նոր ստացած Դրոյի համար նման  
պատասխանատու առաջադրանք ստանալ համբավովոր,  
խստապահանջ հայդուկապետից:

Դրոն այնքան էլ չի սիրել պատմել իր կատարած գոր-  
ծերի մասին և միշտ ընկերների թախանձանքին պատաս-  
խանել է.

«Ախար, ի՞նչ եմ արել, որ պատմեմ դուք գրեք» արտա-  
հայտութեամբ, սակայն մեկ անգամ տեղի տալով հետաքրք-  
րովողների հորդորներին՝ անդրադարձել է Նակաշիձեի  
սպանութեան մանրամասներին. «Որոշված ժամին, — պատ-  
մել է Դրոն, — ինչ որ հարկաւոր էր հետս վերցած, խեղճ ու  
կրակ ձեւ տալով ինձ, գնացի եւ կանգնեցի որոշուած տեղը:  
Թարսի նման այդ օրը սոսկալի փորցաւ ունէի եւ փորս գա-  
լարումների մէջ էր. մտածում էի գնալ մի մօտ տեղ հան-  
գրատանալ ու վերադառնալ, բայց երբ զգում էի որ այդ ժա-  
մին նահանգապետը կարող է գալ ու գնալ, յետոյ ինչ անեմ  
եւ ինչ պատասխան տամ: Պիտի մնամ, մտածեցի, փորս  
տրորելով, ոտքերս վեր ու վար շարժելով, ման էի գալիս:  
Այդ ժամին ինձանից քիչ հեռու, մի կեռաս ծախող թուրք էր  
նստած, գնում էի նրա մօտ, մի բան ասում ու վերադառ-  
նում էի: Մէկ էլ տեսայ նահանգապետը կառքի մէջ, շրջա-  
պատուած հեծեալ պահակներով գալիս է. պատրաստվեցի,  
մոռացայ փորիս ցաւը եւ երբ մոտեցան ինձ, նետեցի ձեռ-  
քիս ռումբը ճիշտ տեղը: Ահաւոր պայթումի ձայնից ու իրա-  
րանցումի մէջ, նոյն խեղճ ու կրակ ձեւը տալով ինձ, հեռա-  
ցայ: Չախ կողմից մի նեղ փողոց կար, մտայ այդ փողոցը,  
տեսայ որ մի դրան առաջ կանգնած էր յայտնի մանկավարժ  
Տիգրան Ռաշտմաճեանի կինը, որ Իգդիրից էր եւ ինձ բարե-  
կամ: Հարցրեց ինձ. «Դրօ ջան, այդ ի՞նչ ձայն էր», ասացի

ձայնից մի հարցրու: Մտայ ներս ապա մի քիչ հտք, անմիջապէս միւս փողոցով, պտտունցի եւ գնացի ահաբեկման տեղը, մտայ հասարակութեան մէջ իմանալու թե ինչ էր կատարուել: Տեսայ որ հաւաքում էին թէ կառքի կտորները եւ թէ սպանուածների դիակների կտորները եւ այն աւերածութիւնը, որ ումբը կատարել էր շրջապատում: Միայն շատ ցաւեցի, որ կեռաս ծախող թուրքն էլ կտոր կտոր էր եղել»<sup>9</sup>:

1905 թ. մայիսի 11-ին, Բաքվի փողոցներից մեկում, օրը ցերեկով, վրիժառու Դրոյի ումբի անվրեպ հարվածով արժանի դատաստանի արժանացած հայակեր նահանգապետի սպանութիւնը ցնցող ու սարսափելի տպավորութիւն է թողնում ողջ կովկասում:

«Դաշնակցութեան հմայքը, — գրում է Մ. Վարանդյանը, — որ մեծ էր արդէն եկեղեցական գոյքերու համար մղւած կոիւներէն և ահաբեկումներէն ի վեր, խիստ բարձրացաւ կովկասեան ժողովուրդներու աչքին: Հայ մարտական կազմակերպութեան անունը կը հռչակէին բոլոր շրջաններում, որմանք հիացմունքով ու պատկառանքով, ուրիշներ՝ ատելութեամբ ու ատամներու կրճտոցով: Իր շեշտակի հարւածով եւ յարուցած գորգիւնով, այդ ահաբեկումը, զոր կարելի է համեմատել Պլէեւի և մեծ իշխան Սերգեյի դէմ կատարւած մեծաշառաչ ահաբեկումներուն հետ, պիտի մնայ Լ. Յ. Դաշնակցութեան փառաւոր գործերէն մէկը»<sup>10</sup>:

Բաքվի դեպքերը ծավալվող գործողութիւնների միայն սկիզբն էր:

Շուտով ընդհարումն ավելի մեծ ընդգրկումներով ու ուժգնութեամբ տարածվում է Երևանի նահանգ, Արցախ, Զանգեզուր, Գանձա և ընդհուպ մինչև Թիֆլիս:

Նակաշիձեի ահաբեկութիւնից հետո արդեն անվեհեր ահաբեկչի անուն վաստակած Դրոն գալիս է Երևան: Սակայն, լուր ստանալով, որ ազերի մայրաքաղաքում ոստիկանութիւնը ձերբակալել է իր սիրելի ընկերոջը՝ Մարտիրոս Զաւրուխյանին, նա անմիջապէս վերադառնում է Բաքու: Նրա ներկայութիւնը զարմանք է հարուցում «Ռսկանպակտ»

<sup>9</sup> «Հայրենիք» օրաթերթ, 1956 թ., ապրիլի 22:

<sup>10</sup> Մ. Վարանդեան, «Լ. Յ. Դաշնակցութեան պատմութիւն», հ. 1, էջ 24:

Կենտրոնական կոմիտեի անդամներ Աբրահամ Գյուլխանդան-  
յանին և Լևոն Քաղևոսյանին (Պապաշա): Իրոք, մեծագույն  
հանդգնություն էր նրա հայտնվելը, ուր ցարական ոստիկա-  
նությունը համառորեն փնտրում էր Նակաշիձեի ահաբեկչին:  
Սակայն Դրոն շէր կարող շարհամարհել իրեն սպառնացող  
վտանգը, երբ ոստիկանությունը մահապատժի սպառնալի-  
քով բանտ էր նետել նահանգապետի սպանության գործում  
մեղադրվող մարտական զինակցին: Հանդիպելով Մարտիրո-  
սի քրոջը՝ կարողանում է զաղտնորեն տեսակցություն կազ-  
մակերպել և մարտական ընկերոջն օգնելու անհրաժեշտ գոր-  
ծերը կարգավորելուց հետո դարձյալ վերադառնում է Երևան  
և ներկայանում Երևանի նահանգի ինքնապաշտպանության  
հրամանատար Նիկոլ Դումանին: Չնայած Բաքվի կոիվների  
ժամանակ Դրոն գործել էր նրա հրամանատարությամբ,  
բայց իրականում նրան առաջին անգամ էր վիճակվում  
միայնակ հանդիպել ու առանձին խոսել Դումանի հետ, որի  
խստապահանջությունն ու զինվորական կարգապահության  
նկատմամբ դրսևորած արտակարգ խիստ վերաբերմունքը  
հայտնի էր ամենքին:

«Կուսակցությունը, — ասել է Դումանը Դրոյին, — քո ձեռ-  
քով մի մեծ գործ է կատարել, այդ չի նշանակում, թէ դու  
հակառակ Կենտրոնական կոմիտեի հրահանգի կարող ես,  
կամ իրավունք ունիս վերադառնալ այն վայրը, որտեղից քո  
իսկ ապահովութեան եւ իրեն յայտնի այլ պատճառներով  
հեռացրել է: Հայ ազատագրական պայքարը շատ մեծ է,  
քիալազէօզութեան վայրկեաններն անխուսափելիօրէն դեռ  
կը գան, հարկաւոր է տնտեսել ուժերը եւ սպասել յարմար  
ժամանակի: Մանաւանդ դու, որ թէ գիմնադիայում ես սովո-  
րել, թէ դինւորական դուրոցում, շատ լաւ պէտք է հասկա-  
նաս, թէ ինչ բան է կարգապահությունը...»

Ես լուռ, դլուխս կախ լսում էի: Մերթ տաք քրտինք էր  
գալիս վրաս, մերթ պաղ: Ոյժ շունէի առարկելու կամ ար-  
դարանալու:

Նրա պարզ, բայց կտրուկ եւ ազդող խօսքերը մխւում էին  
զլխումս այլեւ երբեք շմոռացւելու համար»<sup>11</sup>:

<sup>11</sup> «ՎԵՄ», 1934 թ., մայիս-հունիս, էջ 14:

Հաջորդ օրը Դումանը դարձյալ կանչում է Դրոյին և առանց նրա կարծիքը հարցնելու նշանակում Կոտայքի շրջանի ինքնապաշտպանության հրամանատար: Առաջարկը անսպասելի էր և քանի որ ինքը դեռևս շուներ հրամանատարության փորձառություն, փորձում է հրաժարվել: Բայց Դումանի վճիռները որպես օրենք անբեկանելի էին: «Նա (Դումանը), — գրում է Դրոն, — դէմքը մի քիչ խոժոռած, սուր հայեացք նետեց վրաս եւ արտասանեց.

— Վաղը առաւօտեան ժամը 9-ին եկէք շտաբ. պատրաստ եղէք մեկնելու Ղըրխըրբուլաղ (այժմ Աբովյանի շրջան — Հ. Գ.), — եւ ոսկրոտ ձեռքը պարզելով ինձ՝ աւելացրեց՝ ազատ էք, կարող էք գնալ:

Ինձ ոչինչ չէր մնում, բայց եթէ համակերպվել»<sup>12</sup>:

Կազմ դաս էր Դրոյի համար Դումանի՝ նման կտրուկ և խիստ արտահայտման ձևն ու մարտական շոր վերաբերմունքը:

Չնայած Կոտայքի շրջանում ընդհարումները դեռևս չէին բռնկվել, բայց հայկական գյուղերը ցանկացած պահի կարող էին հարձակման ենթարկվել թարաքեամաների (քոչվոր թուրքեր — Հ. Գ.) կողմից:

Դրոն վարպետորեն է կազմակերպում Կոտայք գավառի ինքնապաշտպանությունը: Թուրք քոչվորներին ոչ մի անգամ չի հաջողվում իրենց ասպատակությունները սփռել այդ գավառի հայկական գյուղերում:

Թշնամուն դիմավորելու համար ամենուրեք կազմ ու պատրաստ էին Դրոյի կազմակերպած մարտախմբերը:

Ահա Դրոյի մասին Կոտայքի ինքնապաշտպանության կազմակերպիչներից մեկի՝ Արամայիս Ազնավուրյանի վկայությունը. «Յիշում եմ, — աւելի քան յիսուն տարի առաջ էր, — Կոտայքի գյուղում նշանակուած էր Շրջանային Կոմիտէի ժողով: Դեռ ժողովը չսկսած, ներս մտաւ մի բոլորովին երիտասարդ զինուոր՝ հրացանը ձեռքին եւ ինքը ամբողջովին կորած փամփուշտակալների և փոշու մէջ: Ընդհանուր բարեւ տալով, մօտեցաւ կոմիտէի տեղացի անդամին.

<sup>12</sup> Նույն տեղում, էջ 104



— Որտեղ կարող եմ քիչ հանգստանալ, շատ բեղա-  
րած եմ:

— Հենց էստեղ պառկիր, Դրո ջան, ոչ դու մեզ կը խան-  
գարես, ոչ էլ մենք քեզ:

... Աւանեցի բիձան, Կոտայքի Շրջանային Կոմիտէի ամե-  
նատարիքաւոր անդամը, այն որ նոյն տարին սպանուեց  
դաւաճանութեամբ, նկատեց նորեկ զինուորի հասցէին.

— Զահել է, բայց արդէն արտակարգ ճարպիկ է ու յա-  
ջօղակ, նաեւ առիւծի սիրտ ունի: Դժգոհ է թիկունքային զի-  
նուորական սոշխատանքներից եւ ուզում է, որ Դումանը նրան  
ուղարկի այն շրջաններից մէկը, ուր ընդհարումներ կան թուր-  
քերի հետ:

Առաջին անգամ էի հանդիպում Դրօյին:

Աւանեցի բիձան շատ ճիշտ էր բնորոշել Դրօյին: Այնու-  
հետեւ Դրօն ամբողջ կյանքի ընթացքում բազմաթիւ ապա-  
ցոյցներ է տուել, որ գործ կազմակերպելու մէջ վերին աստի-  
ճանի «ճարպիկ էր», այսինքն հնարամիտ էր, իսկ վտանգի  
պահերին «առիւծի սիրտ ունէր», այսինքն քաջ էր հերոսու-  
թյան աստիճան»<sup>13</sup>:

Որպես վարձահատույց Կոտայքի գավառում ցուցաբերած  
արգասաբեր աշխատանքների՝ Դումանը Դրօյին նշանակում  
է Դարալագեազի ինքնապաշտպանության հրամանատար:

Այս անգամ արդեն հայտնվելով ռազմադաշտում որպես  
մարտական ուժերի համանատար՝ նա պետք է հանձնէր  
թերեւ ամենադժվարին քննությունը:

1905—06 թթ. Կովկասում բռնկված ընդհարումներում  
հայ ժողովրդի մղած պայքարը ազգային միասնականության  
դրսևորման և խիզախումների փայլուն օրինակ է: Ստանձ-  
նելով ինքնապաշտպանության դեկը՝ Զ. Զ. Դաշնակցությունը  
մարտադաշտ է առաջնորդում մեր ժողովրդի ամենակենսու-  
նակ ու մարտնչող ուժերին: Վտանգված շրջանները պաշտ-  
պանելու առաքելությամբ Կովկաս էին եկել կռիվների բովում  
թրծված բազում համբավավոր ֆիդայիներ:

Երիտասարդ Դրոն իր մարտական կարողություններով

<sup>13</sup> «Հայրենիք» օր., 1956 թ., ապրիլի 26:

բարձրագույն ռազմիկների շրջանում պիտի ապացուցեր, որ ինքն արժանի է նրանց հրամանատարը լինելու և վստահությանն արժանանալու կոչմանը:

Դարալագեազում ինքնապաշտպանության դեկն ստանձնել էին Տարոնի նշանավոր հայդուկ, Անդրանիկի և Գևորգ Զաուշի զինակից՝ Հաճի Հակոբ Կոտոյանը (Հաճի Կոտո — Հ. Գ.) և Աղբյուր Սերոբի մարտական զինակից Առյուծ Ավագը: Դարալագեազի կռիվներին նվիրված իր հուշագրությունում Դրոն մեծ ջերմությամբ ու հիացմունքով է նկարագրում Ֆիդայիների և հատկապես Առյուծ Ավագի քաջագործությունները<sup>14</sup>:

Դումանը շէր սխալվել իր ընտրության մեջ: Դարալագեազի կռիվներում Դրոն որպես հրամանատար հրաշալի քննություն է բռնում: Շուտով նա մարտախմբով անցնում է Լեռնային Նախիջևան, ուր կենտրոնավայր ընտրվելով Նորս գյուղ՝ պիտի ղեկավարեր այդ շրջանի ինքնապաշտպանությունը: Նախիջևանը հայկական այն շրջաններից էր, որն ավելի մեծ շափերով էր վնասվել թուրք ավազակախմբերի հարձակումներից: Դրոյի խմբի զինվորներից ոմանք հեզնանքով էին վրաբերվում իրենց 21-ամյա հրամանատարին, իսկ տարեց հայդուկներից մեկը՝ Խլաթցի Գալոն նկատի ունենալով նրա երիտասարդ տարիքը, արհամարհանքով ասել է. «— Տղաք, մեր Մոկաց իշխաններ կը ժողովին ու էրկար ֆիքր կընեն, թէ իրենց հարկ որո՞ւ ձեռքով ղրկեն Վանայ Վալիին, որ քրտեր շթալլեն ճամբին: Շատ ֆիքր կընեն, քիշ կընեն ու կորոշեն փողեր ժամկոշի աղուէսի վիզէն կապել, որ տանի, սաղ-սալամաթ տեղ հասցնէ: Հիմա մեր պարոն Դուման մեզ կապեր է իդա աղուէսի վիզ (Գալոն նկատի ունի Դրոյին — Հ. Գ.)»<sup>15</sup>:

Սակայն շատ շուտով Խլաթցի Գալոն և մյուս փորձառու Ֆիդայիները փոխելով իրենց վերաբերմունքը՝ ջերմ սիրով են կապվում իրենց երիտասարդ հրամանատարին:

Դրոն բուն գործունեություն է ծավալում Լեռնային Նախիջևանում: Շրջանի գյուղերում տեղացիների ուժերից կազ-

<sup>14</sup> Տե՛ս, «ՎՆՄ», 1934 թ., նոյեմբեր-դեկտեմբեր, էջ 1—8:

<sup>15</sup> Նույն տեղում, էջ 9:

մակերպում է մարտական խմբեր և կապեր հաստատում հարևան շրջանների ինքնապաշտպանական ջոկատների հետ: Նրա ատկիվ գործունեությունը չի վրիպում թուրք հրոսակապետների ուշադրությունից:

Նորս գյուղը, ուր գտնվում էր Դրոյի ռազմական շտաբը, բացառիկ կարևոր ռազմական նշանակություն ուներ: Փաստորեն այդ գյուղի միջոցով էր իրականացվում հաղորդակցությունը Զանգեզուրի, Դարալագեազի և Լեռնային Նախիջևանի միջև:

Շուտով, թուրքական մի քանի ցեղախմբերի միավորված ուժերը Լեռնային Նախիջևանի ինքնապաշտպանության կենտրոնը խորտակելու դիտավորությամբ՝ հարձակվում են Նորս գյուղի վրա:

Դրոն վարպետորեն է ղեկավարում գյուղի պաշտպանությունը: Նրա հրամանատարությամբ գործող ջոկատները ոչ միայն կարողանում են հուսալիորեն շեղոքացնել թշնամու հարձակումները, այլև դիմելով հակազրոհների արժանի ջարդ են տալիս թուրքերին և բռնագրավում նրանցից զգալի քանակությամբ զենք, տավարի և ոչխարի հոտեր: Այս հաղթանակից հետո նույնիսկ հեգնոտ Մոկացի Գալոն սկսում է անկեղծ համակրանքով վերաբերվել Դրոյին:

Նորսի կռիվներից հետո Դումանի հրամանով Դարալագեազի և Լեռնային Նախիջևանի ինքնապաշտպանության ընդհանուր հրամանատար է նշանակվում Քեռու, իսկ Դրոն դառնում նրա օգնականը: Առանց փոքր ինչ դժգոհելու նա սիրահոժարությամբ է ընդունում կռիվներ վարելու հսկայական փորձառություն ունեցող Քեռու (Արշակ Գաֆաֆյան) օգնականը լինելու Դումանի որոշումը և մի քանի ամիս մարտնչելով նրա հրամանատարությամբ՝ աչքի է ընկնում բազմաթիվ կռիվներում, որոնցից ամենանշանավորը Սիսիան գյուղի հերոսամարտն էր:

Իր հուշերում անդրադառնալով Քեռու ընկերակցությամբ վարած կռիվներին՝ Դրոն անկեղծ համակրանքով է ներկայացնում բազմափորձ հայդուկի հիրավի հիացմունքի արժանի մարտական քաջագործությունները»<sup>16</sup>:

<sup>16</sup> Տե՛ս, «ՎէՄ» 1935 թ., մայիս, հունիս, էջ 45—55:

Սիսիանի փառավոր հաղթանակից հետո արդեն անվախ խմբապետի անուն վաստակած Դրոն օգտվելով կռիվների ժամանակավոր դադարից, ամուսնանալու նպատակով, մեկնում է Իգդիր:

Նրա սիրած աղջիկը՝ Նվարդը կանայանների գերդաստանին թշնամաբար տրամադրված Ավագյանների ընտանիքից էր: Ամիսներ առաջ խոսք անգամ չէր կարող լինել նրանց ամուսնության մասին: Բայց այդ օրերին խիզախ ահաբեկչի և խմբապետ-հրամանատարի անուն վաստակած Դրոյին իրենց փեսացու ունենալն արդեն մեծ պատիվ էր ցանկացած ընտանիքի, անգամ Ավագյանների համար:

Նրանց ամուսնության վերաբերյալ այսօր պահպանվել են մի շարք հետաքրքրական հուշագրություններ, որոնցում հաստատվող իրողությունը՝ անանձնական կյանքով օժտված և հայրենիքի ազատությանը անմնացորդ նվիրված հայ զինվորի կերպարը բնութագրող պերճախոս վկայություն է:

Արդեն հայ-թուրքական ընդհարումների երկրորդ տարին էր: Հայաստանի տարբեր շրջաններից բազմաթիվ տազնապալի լուրեր էին հասնում Երևան՝ ինքնապաշտպանության ընդհանուր հրամանատար Նիկոլ Դումանի մարտական շտաբը: Ռազմական իրադրությունը առավելապես լարված բնույթ էր ստացել Զանգեզուրում: Շրջանի ինքնապաշտպանությունը ուժեղացնելու համար անհրաժեշտ էին խիզախ ու ձեռներեց մարտիկներ: Այդ օրերին Իգդիրի եկեղեցիներից մեկում՝

«... Գավառական քաղաքի մէջ — օգտուելով իր արձակուրդի օրերէն — պիտի ամուսնանար երիտասարդ, յանդուզն և Դումանի կողմէ սիրուած մարտական նոր ղեկավարներէն մէկը:

Գավառական այդ քաղաքը մեծ խրախճանքի մէջ էր: Խմբապետը տեղի յայտնի ընտանիքէն էր և սիրուած տեղի երիտասարդութենէն:

Պսակը պիտի կատարուէր իրիկունը: Եկեղեցին լուսաւորուած, տեղացիները տօնական հագուստներով խոնուած էին եկեղեցիի մուտքին մօտ:

Ահա և փեսան կը մտնէ եկեղեցին, իր զինակից ընկերներով շրջապատուած:

Կուզայ նաև հարսը հարսնետորներով: Աշարողութիւնը կը վերջանայ. հարս ու փեսան դանդաղ կը յառաջանան դէպի ելքը, երբ մարդ մը արագ քայլով կը մօտենայ փեսային և թուղթի կտոր մը կը պարզէ անոր:

Հեռագիր մըն էր (գրուած պայմանական լեզուով). Նիկոլ-Դումանը կը հրամայէր՝ անմիջապես մեկնիլ Զանգեզուր».  
«Քեզի կարիք ունին»...:

Խմբապետ փեսան վայրկեան մը շշմած՝ կարճանանայ. շուրջինները իրար կանցնին, բայց շփոթութիւնը ակնթարթ մըն էր. խմբապետը անվրդով և դանդաղ շարունակէ իր երթը հարսի քովէն, բայց երբ տուն կը հասնին և ընտանիքի հարազատները բոլորուած էին նորապսակներու շուրջը, նոր փեսան կը մօտենայ իր հօրը՝

— Հայրիկ, հրաման է եկել Դումանէն. պիտի երթամ անմիջապես... կինս քեզի կը յանձնեմ, պիտի պահես ինչպէս քո զաւակը...:

Հայրը, աւանդապահ, ծանրագլուխ իշխանաւոր մը, կը շփոթուի, կարծես շրմբոնելով իմաստը տղայի խօսքերուն, ապա կը մըմնջէ.

— Ատաթ չէ, պալէս... մեղք է... վաղը կերթաս:

— Զէ, հայրիկ ջան, չի ըլլի, հրամանը հրաման է, կռիւ է...

— Դէ, տղերք ջան, ձիերը թամբէք,— կը դառնայ նա իր զինակիցներուն:

Ապա արագ կը մօտենայ հօրը և մօրը, ջերմօրեն կը համբուրէ անոնց դողդոջ ձեռքերը, կը շոյէ հարսին գլուխը և դուրս կուզայ...»<sup>17</sup>:

Դրոն իր մարտախմբով մեկնում է Զանգեզուր՝ օգնելու տեղի ինքնապաշտպանության հրամանատար Սեբաստացի Մուրադին:

Զանգեզուրը հայ-թուրքական ընդհարումների ամենագծվարին շրջաններից էր: Ամիսներ շարունակ բազմաթիվ թուրք հրոսակախմբեր ասպատակում և ավերում էին հայկական գյուղերը: Մեծանուն սեբաստացի ռազմիկը իր անբաժան զինակիցներ Կայծակ Առաքելի և Ավոյի ընկերակ-

17 Կումս, «Խոնարհ հերոսները» մաս 1, Թեհրան, 1982 թ., էջ 52—53:

ցությամբ Զանգեզուրի քաջարի լեռնականների մարտական ուժերի գլուխն անցած կայծակնային հարվածներ էր հասցընում լեռնաշխարհի մերթ այս, մերթ այն բնակավայրերի վրա հարձակվող թուրք և նրանց միացած քուրդ ավազակախմբերին:

Դրոյին բախտ վիճակվեց մարտնչել նաև Սեբաստացի Մուրադի հրամանատարությամբ: Անտարակուսելի է, որ Դրոհրամանատարի ձևավորման դպրոցը 1905—06 թթ. հայթուրքական ընդհարումների ռազմաբեմն էր և տվյալ ժամանակահատվածում հայ նշանավոր ռազմական գործիչներ Սեբաստացի Մուրադի, Քեռու, Հաճի Հակոբի և իհարկե նրա իսկ բնորոշմամբ «Իմ մեծ ուսուցիչ Նիկոլ Դուման»-ի ղեկավարությամբ ու ընկերակցությամբ բազմաթիվ կռիվների մասնակցելը:

Մոտ մեկուկես տարի տևողությամբ ընթացող հայ-թուրքական ընդհարումներում Դրոն մարտնչելով Բաքվի, Երևանի, Դարալագեազի, Նախիջևանի և Զանգեզուրի շրջաններում՝ աչքի է ընկնում իր հրամանատարական ընդունակություններով և իսկական ռազմիկին բնորոշ համեստությամբ ու խիզախությամբ:

1905—06 թթ. հայ-թուրքական ընդհարումների ժամանակ հայ ժողովուրդը դաժան, բայց հրաշալի քննություն բռնեց: Ցարական իշխանությունների կողմից սանձազերծված ազգամիջյան կռիվներում մեր ժողովուրդը միմիայն հերոսական ինքնապաշտպանությամբ նվաճեց ապրելու և հարատևելու իրավունքը և այդ գործում անառարկելիորեն անգնահատելի է Հ. Հ. Դաշնակցության և նրա հայրենաշունչ մարտիկների, այդ թվում և Դրոյի ծառայությունները:

Ավարտվեցին ընդհարումները, բայց նրան վիճակված չէր ապրելու խաղաղ կյանքով: Մի փոքր «խաղաղ կյանքից» հետո Դրոն Մարտիրոս Չարուխչյանի հետ միասին անցնում է Բաքու, տեղի «Ոսկանապատ» կենտրոնական կոմիտեի տրամադրության տակ: Այդ ընթացքում նրանց կյանքում կատարված ամենահիշարժան դեպքը ցարական բանակի գեներալ, Նախիջևանի թուրք Ալիխանով-Ավարսկու ահաբեկումն էր:

Վրաստանի Գուրիայի շրջանի գյուղացիական հուզումները

դաժան միջոցներով խեղդելու պատճառով վրաց հեղափո-  
խականները որոշել էին մահվան դատապարտել մարդակեր  
գեներալին: Ալիխանով-Ավարսկին ուղղակիորեն նպաստել  
էր նաև Նախիջևանի հայերի կոտորածների կազմակերպմանը:

Վրաց հեղափոխականների կողմից գեներալին սպանելու  
մի քանի անարդյունք փորձերից հետո, դաշնակցությունը  
վճռում է իր ուժերով իրագործել այդ օրերին արդեն Ալեք-  
սանդրապոլի նահանգապետի գահին բազմած Ալ.-Ավարս-  
կուն:

Ք ը Շ

2. 2. Դաշնակցության Բաքվի «Ոսկանապատ» կենտրո-  
նական կոմիտեի և անձամբ Նիկոլ-Դումանի դատավճռով  
գեներալի ահաբեկման գործը հանձնարարվում է Դրոյին և  
Մարտիրոսին:

Ստանալով «Ոսկանապատի» զինակիցների օրհնությու-  
նը՝ երկու ընկերները անցնում են Դիլիջան, ապա Ղարաքի-  
լիսա, ուր խնձորներով լեցուն ճամպրուկի մեջ տեղավորելով  
ոսումբերն ու ատրճանակները՝ մեկնում են Ալեքսանդրապոլ:

Ալիխանով-Ավարսկու սպանության կապակցությամբ  
Դրոն Ս. Վրացյանին պատմել է հետևյալը. «... Ալեքսանդ-  
րապոլում ունէինք Աւոյի հասցէն՝ բանաստեղծ Աւետիք Իսա-  
հակյանի, որ 2. 3. Դ. Քարի (Ալեքպոլի) կենտ. կոմիտէի  
անդամ ու ներկայացուցիչ էր:

— Ի՞նչ էք ուզում ինձանից, ինչո՞ւ էք եկել, հարցրեց  
նա...

Մենք յանձնեցինք նրան կարմիր կնիքով թուղթը, որ հրա-  
հանգում էր «ամէն աջակցութիւն ցոյց տալ» մեզ, եւ պատ-  
մեցինք Ալեքսանդրապոլ մեր գալու նպատակը:

«Աւոն սարսափահար բացականչեց.

«— Ես ոչինչ չեմ կարող անել, հեռացէք այստեղից,  
չուտ...

«Մարտիրոսը բարկացած ասաց.

«— Ո՞նց թէ հեռացէք... մենք դաշնակցութեան գործով  
ենք եկել...

«— Հեռացէք, կորէք, ես դաշնակցական չեմ... գործ չու-  
նեմ ձեզ հետ: Ռադ եղէք:

«Ես Աւոյին ծանօթ էի, գիտէի նրա վախկոտ բնավորու-  
թիւնը: Կէս-լուրջ, կէս-կատակ ասացի նրան.

«— Ուրեմն, այդպէս, դաշնակցական շես... նշանակում է՝ սխալուել ենք յայտնելով Ձեզ մեր գաղտնիքը... Յեղափոխական օրէնքով պէտք է այժմ սպանենք ձեզ, որպէսզի մեզ շմատնէք...»

«— Կանէք, կանէք, շան տղերք, էդ էլ կանէք,— արտասանեց նա նոյնպէս կէս-լուրջ, կէս-կատակ...»

«Բայց եւ այնպէս մերժեց մեզ օգնել եւ ջանաց համոզել, որ անմիջապէս հեռանանք... Եւ դամբիւղները մեր ձեռքը տալով՝ ճամփու դրեց, դուռը պինդ փակելով մեր յետեւից»<sup>18</sup>։

Զրկվելով Իսահակյանի օգնութիւնից՝ Դրոն և Մարտիրոսը առանձին-առանձին շրջում են քաղաքում և զգուշորեն տարբեր միջոցներով աշխատում են տեղեկութիւններ հավաքել։ Նրանց հաջողվում է պարզել, որ Ալիխանովը պատրաստվում է մեկնել Կարս։

«... Կարճ խորհրդակցութեան մէջ,— շարունակում է Դրոն,— որոշում է անմիջապէս ձեռնարկել գործը։ Մարտիրոսը պնդում է, որ ռումբը ինքը նետէ, Նակաշիձեի վրայ Դրոն էր նետել, ուրեմն այժմ առաջնութիւնը իրեն է պատկանում։ Դրոն տեղի է տալիս...»

«... Փողոցներում իրարանցում, սուլոց, ոստիկանների թոճ ու բոհ... անցորդները շտապում են հեռանալ կողքի փողոցները։ Զորավարը հպարտ բազմած է կառքում և խուզարկու աչքերով դիտում է շրջապատը։

Մէկ էլ, ստուերի միջից դուրս է թռչում Մարտիրոսը, բացականչում է «ա՛ն քեզ» ու ռումբը շարտում Ալիխանովի գլխին։ Ահռելի պայթիւն։ Կառքը եւ կառքի միջինները բզիկ-բզիկ են լինում։

Անդին՝ որոտում է Դրոյի մատուցերը։ Ընդհանուր խուճապի մէջ ահաբեկիչները անհետանում են»<sup>19</sup>։

Ալիխանով-Ավարսկու ահաբեկումն երկու տարի առաջ իրականացված Նակաշիձեի սպանութեան նմանողութեամբ ցնցող տպավորութիւն է գործում բովանդակ Կովկասում։ Ամենքը կարծում էին, որ գեներալի սպանութիւնը ի պա-

<sup>18</sup> «Ասպարեզ», 1956 թ., նոյեմբերի 30, էջ 1—2։

<sup>19</sup> Նույն տեղում։



տասխան Գուրիայի արյունալի դեպքերի վրայ հեղափոխականների գործն է:

Դրոն օգտվելով տարածված այդ կեղծ լուրերից անարգել անցնում է Բաքու և հաջորդ տարին այնտեղից մեկնում Հայաստան և 1908 թ. ամռանը Երևանում կազմակերպում Երեվանի նահանգի ոստիկանապետ, հայ հեղափոխական գործիչների նկատմամբ թշնամանքով տրամադրված Տեր Սահակովի սպանությունը:

Ցարական իշխանությունները դաժան հալածանք են սկսում Հ. Հ. Դաշնակցության գործիչների դեմ: Մի՞թե ցարիզմը կարող էր մոռացության մատնել Անդրկովկասում իր հայաջինջ քաղաքակնության տապալման գլխավոր «մեղսագործներին»: Ոստիկանության հալածանքներից խուսափելով շատերն անցնում են արտասահման, իսկ Դրոն օգտվելով Թուրքիայում հռչակված «սահմանադրության իրավունքներից, վաճառական Սուրեն էֆենդի կեղծանունով անցնում է Հին Բայազետ և զբաղվում քարյուղի, շաքարի ու ցորենի առևտրով:

Հին Բայազետում կեղծանունով վաճառականությամբ զբաղվելը նրա համար պարզապես հուսալի միջոց էր իշխանությունների տեսադաշտից թաքցնելու իր իսկական գործունեությունը:

Շնորհիվ իր հնարագիտության և ձեռներեցության, նա կարճ ժամանակահատվածում կարողանում է մեծ հեղինակություն ձեռք բերել առևտրականների և անգամ թուրք պաշտոնյաների ու քուրդ ցեղապետների շրջաններում:

Հին Բայազետում Դրոյի ծավալած գործունեության հաջողությունը իր նամակներից մեկում հաստատում է նաև Ռոստոմը.

«Դրոն Բայազետ է. մեծ վաճառական է դարձել: Լաւ գործ է կատարում»<sup>20</sup>:

Սկսած 1908 թվականից, Հ. Հ. Դաշնակցության Երևանի, Թիֆլիսի, Բաքվի կենտրոնական կոմիտեների հեղափոխական գործիչները կապը Երկրի, մասնավորապես, Վասպուրա-

<sup>20</sup> Ռոստոմ, 1979 թ., էջ 188:

կանի, Ճարոնի, Բաղեշի և Շատախի հետ իրականացնում էին նաև Դրոյի միջոցով:

Վաճառական Սուրեն էֆենդին գաղտնի ուղիներով սերտ կապեր է հաստատում Ռոստոմի, Արամի և Իշխանի հետ:

Քարյուղի, շաքարի բեռների միջոցով Դրոն կազմակերպում է զենքի ու զինամթերքի առաքումը Վանի և Լեռնապարի (Շատախի) շրջանների հեղափոխական կոմիտեներին: Ահա մի հատված խմբապետ Ասլանի (Ասլան Ստեփանյան) հուշերից.

«Սուրենը նույնիսկ Դրոն էր, որ յատուկ գործերով հաստատել էր Բայազէդում, ծպտւած՝ իբրև նաւթի ու շաքարի առեւտրական, Սուրէն ծածկանունով:

Սուրէնն ամբողջ երեք օր մեզ պահեց իր մօտ, անհրաժեշտ ցուցմունքները տւեց եւ մեր տարած զէնքերը զետեղելով շաքարի հակերի մէջ, իր եօթ ընկրների հետ ճամբու դրեց Վան, ինձ պահելով իր մօտ...

... Եվ մնացի:

... Ինչ քաղցր ու անմօռանալի օրեր էին, Աստուած իմ: Նրանք միայն լիովին կը հասկանան ինձ, ովքեր բախտ են ունեցել այդ մեծ մարդու մօտ լինել:

... Այդ լայնասիրտ երիտասարդը կարծէք մեծ պահանջ էր զգում, որ ամէն անգամ իր սեղանի շուրջը բոլորեն նվազագոյն տասը հոգի:

— Պարոն Սուրէն, ախր իմ անելիքն ի՞նչ է...

— Գեաղա, ձէնդ կտրիր, գործի՛ ժամանակը որ գայ, գործ կը տամ քեզ: Պիտի մնաս: Հալա հանգստացիր:

«Հանգստիս» տասներորդ օրը լրացել էր, երբ Սուրէնն ինձ ուղարկեց Իգդիր ասելով.

— Դէ գնա, հերիք է, հանգստացար, զէնքերն արդէն պատրաստ են Իգդիրից Բայազէդ եւ ապա Վան փոխադրելու համար:

1912 թ. մայիս—1914 թ. մայիս, Սուրէնի մօտ մնացի, Իգդիր-Բայազէդ գծով դէպի Վան կուսակցական զէնք ու ռազմամթէրք փոխադրելու գործի մէջ»<sup>21</sup>:

Տվյալ ժամանակահատվածում Դրոյի գործունեությունը

<sup>21</sup> «Ալիք» րաց., 1956 թ., մայիս 4, էջ 76—77:

գլխավորապես շղղված էր Արևմտահայաստանի ինքնապաշտպանության կազմակերպմանը: Վաճառական Սուրեն էֆենդու ապրանքների պարկերով Վան տեղափոխվող զենքն ու զինամթերքը ծառայելու էր հենց այդ նպատակին:

2. 2. Դաշնակցությունը նույնիսկ Երիտ. թուրքերի սահմանադրության հռչակումից հետո երբեք իր գործունեության տեսադաշտից չկորցրեց հայության ինքնապաշտպանությունը կազմակերպելու կարևորագույն խնդիրը: Այս առումով ուշագրավ է Ռոստոմի 1914 թ.-ի ապրիլի 2-ին թվագրված նամակը՝ հասցեագրված Մ. Վրացյանին.

«... Դուք՝ ամերիկացիներդ ի զուր էք կարծում, թէ մենք խրուել ենք դպրոցական գործի մէջ եւ ինքնապաշտպանութեան համար ոչինչ չենք անում: Բացարձակ կերպով սխալ է այդ: Դպրոցը՝ իր հերթին, բայց մեր գլխաւոր մտահոգութիւնը ժողովրդի ֆիզիքական գոյութեան պահպանութիւնն է: Գիտես՝ ինչ օրեր ենք ապրում: Պոլսեցիք տարուած են բարենորոգումների յուսով եւ պարլամենտարիզմով: Երանի հաւատացելոց: Այդ բոլորը լաւ, բայց մեր յոյսը պէտք է մեր վրայ դնենք: Ամերիկայի ընկերները թող վստահ լինեն, որ մենք էլ իրենց պէս ենք մտածում եւ եթէ կարող են ինքնապաշտպանութեան գործին օգնել, թող փող շխնայեն: Դրօն Բայազէդում, Արամը՝ Վանում, Փիլոսը եւ մի քանի ընկերները այդ գործին են լծուած: Ցավալին այն է, որ միջոցները պակաս են. մեր հարուստները գրպանները պինդ փակել են, իսկ աղքատ ժողովուրդը ի՞նչ կարող է անել: Հայ հարուստը հոգին կը տայ, բայց փող չի տայ. չեն մտածում, որ վաղը թշնամին հոգին էլ կառնէ, փողն էլ»<sup>22</sup>:

Բռնկվում է առաջին համաշխարհային պատերազմն և Դրոն անմիջապես թողնում է Հին Բայազետն ու գալիս Թիֆլիս, ուր այդ օրերին հայրենիքի ազատագրության բռուն ձգտումներով համակված՝ հավաքվում էին բազում համբավավոր ռազմիկներ:

Գալիք ռուս-թուրքական պատերազմն և համայն Ռուսիայի տիրակալ Նիկոլայ 2-րդի, Կովկասի փոխարքա Վորոնցով-Դոշկովի «Հայաստանն ազատագրելու» կեղծ խոստում-

<sup>22</sup> Ռոստոմ, 1979 թ., էջ 188:

ներն արդեն պարարտ հող էր նախապատրաստել կամավորական շարժման ծավալման համար:

Տարիներ շարունակ թուրքական իշխանությունները հայ ժողովրդի նկատմամբ գործադրած իրենց դժոխային քաղաքականությամբ ատելության և պայքարի այնպիսի շիկացած տրամադրություններ էին սերմանել, որոնք կարող էին ժայթքել առաջին իսկ հնարավորության դեպքում: Ռուսական իշխանություններն անշուշտ քաջատեղյակ էին հայ-թուրք փոխհարաբերություններին և հայ ժողովրդի հոգեբանությանն ու ձգտումներին:

Պատրաստվելով պատերազմի՝ ցարիզմը հրաշալիորեն օգտագործեց հայության հակաթուրք տրամադրություններն և այն վարպետորեն օգտագործեց ի շահ ռուսական զենքի հաղթանակի:

«Թուրքահպատակ հայերը գերազանց գիտեին տեղանքն և թուրքերեն ու քրդերեն լեզուները:

Ստրատեգիական ու մարտական խնդիրներ լուծելիս հրամանատարական կազմին հայերի առավելություններն առաջին հերթին անհրաժեշտ էր օգտագործել հետախուզության և տեղանքի ուսումնասիրության նպատակներով...»<sup>23</sup>:

Ռուսական հրամանատարության որոշմամբ հայ կամավորական զնդերը պետք է գործեին հիմնականում այն ուղղություններում, որտեղ կենտրոնացված էին ռուսական զորամիավորումները: Նախատեսվում էր զորքերի հարձակման շորս հիմնական ուղղություններ՝ 1. Սարիղամիշի, 2. Ալաշկերտի, 3. Իգդիր-Մակու-Բայազետ-Վան, 4. Զուլֆա-Խոյ-Դիլման-Բաշկալա-Վան:

Զորս գլխավոր ուղղություն. և այդ պատճառով թուլլատրվեց կազմել կամավորական շորս գունդ, որոնցից յուրաքանչյուրը պիտի գործեր նախատեսված ուղղություններից որևէ մեկում: Այսպես, առաջին ուղղությունում գործելու էր 4-րդ կամավորական գունդը (հրամանատար Քեռի), երկրորդ ուղղությունում գործելու էր 3-րդ գունդը (հրամանատար Համազասպ), երրորդ ուղղությունում Դրոյի գլխավորած 2-րդ

<sup>23</sup> Լ. Լ. Կ. Ա. (Հայաստանի Հանրապետության կենտրոնական արխիվ—Լ. Գ.) ԱՄՆ, Բոստոն, թղթածրար 503, էջ 7:

գունդը և շորրորդ ուղղութիւնում Անդրանիկի առաջին գունդը:

Դրոյի 2-րդ կամավորական գունդը կազմավորվում է իր ծննդավայր Իգդիրում: Զորամասն ուներ հետևյալ կազմը. Յապոնի (Հովհաննես Պարոնյան) և Գանձակեցի Զեմլյակի (Հարություն Նարումյան) հրամանատարութեամբ գործող երկու կեսհարյուրյակներ և Կարբեցի Օնեի (Հովհաննես Մելքոնյան), Խոսրով Եղիազարյանի, Մարտիրոս Աբրահամյանի (Բաշգառնեցի խմբապետ Մարտիրոս), Գանձակեցի Դալի Ղազարի և Թիֆլիսեցի Ռիժա Տիգրանի գլխավորած հինգ հետևակային հարյուրյակներ: Դրոյի օգնականներն էին Գարեգին Նժդեհը, Արմեն Գարոն և դաշնակցական Խեչոն:

Հարյուրյակների բոլոր հրամանատարներն առանց բացառութեան դաշնակցութեան երկաթյա կարգապահութեամբ կոսոված և 1905—06 թթ. հայ-թուրքական ընդհարումներում մարտական հրաշալի դպրոց անցած քաջավարժ զինվորականներ էին: Իսկ նրանց հրամանատարը շնայած իր երիտասարդ տարիքին արդեն մեծ հեղինակութիւն էր վայելում հայոց ազատամարտի նշանավոր ռազմագետ-գործիչների շրջանում: Եվ պատահական չէր, որ հրամանատարական կազմի ընտրութիւնները կատարելիս, Հայոց Ազգային Բյուրոն 2-րդ կամավորական խմբի հրամանատարութիւնը անվարան վստահեց 30-ամյա Դրոյին, երբ հայ կամավորների շարքերում կային այնպիսի հարուստ մարտական կենսագրութիւն ունեցող հայդուկ-ռազմիկներ, ինչպիսիք էին Սեպուհը, Սմբատը, Ավոն, Խեչոն և այլք:

Ժամանակն ապացուցեց այդպիսի ընտրութեան անսխալականութիւնը:

Հոկտեմբերի 18-ին սկսվում է ռուս-թուրքական պատերազմը:

Դրոյի գունդը, որը գործելու էր գեներալ Նիկոլայի գործախմբի կազմում, համաձայն վերին հրամանատարութեան վաղօրոք մշակված հրահանգի, պիտի անցներ Հայկական պար լեռնաշղթան և հաղթահարելով Թափառեսի բարձունքներում արդեն ամրացված հակառակորդի դիմադրութիւնը՝ հարձակումը զարգացնել վաղի ուղղութեամբ:

Մեծ ոգևորութիւնն էր տիրում կամավորների խմբերում, հայրենիքը թշնամու ճիրաններից վերջնականապես աղատագրելու տենչանքը խանդավառել էր ամենքին: Սակայն հետագա դեպքերն արագորեն ընթացան շապասված ուղղվածությամբ:

Դրոն արագորեն անցնելով Հայկական պարը՝ հաղթահարում է Թափառեսի բարձունքների արգելքները ու դեռ նոր էր հասցրել դիրքեր գրավել Կալբե-Շամե գյուղում և հանկարծ գեներալ Նիկոլակից ստանում է նահանջի անսպասելի հրամանը: Պարզվում է, որ գեներալ Աբացևի (Զափազանց թույլ ռազմագիտական կարողութիւններով օժտված այդ թրքամետ գեներալը ողջ պատերազմի ընթացքում աչքի է ընկել հատկապես իր հակահայ գործողութիւններով— Լ. Գ.) զորամասը շկարողանալով դիմադրել Ալաշկերտի, Ղարաքիլիսա գյուղաքաղաքի կողմից թուրքական զորքերի գրոհներին՝ նահանջում է և դրանով իսկ հակառակորդին լուրջ հնարավորութիւնն ընձեռում շրջապատելու գեներալ Նիկոլակի զորախմբին, որի առաջապահ մարտական միավորը Դրոյի խումբն էր: Եվ ինչպես հետագայում իրավացիորեն պիտի նշեր 2-րդ կամավորական գնդի 1-ի հեծյալ հրայուրակի հրամանատար Յապոնը.

«Պատերազմը հազիւ սկսած՝ մեզ համար պարզւում էր, որ ոուսը որոշած էր հայի գլխին խաղ խաղալ... Հրամանատարներն ու կամավորները, փոխանակ նահանջի, պահանջում էին կոտրել դիմադրութիւնը ու օր առաջ հասնել պայքարող վանին...»<sup>24</sup>:

Դեպքերի նման զարգացումը զարմանք է հարուցում հայ կամավորներին: Մի՞թե հայրենիքն ազատագրելու ձգտումներով ոգեկոչված և մարտադաշտում դեռ նոր-նոր ոտք դրած հայ զինվորը կարող էր մտածել նահանջելու մասին: Մյուս կողմից, կամավորական խումբը բավականին առաջ էր անցել հիմնական զորախմբերից և նահանջի պարագայում կարող էր դյուրությամբ զոհ դառնալ թշնամու մեծաքանակ ուժերի հարձակումներին: Դրոն վճռում է շկատարել գեներալ Նիկոլակի հրամանը և ճակատամարտ տալ: Նա նաև հույս է

<sup>24</sup> «Հայրենիք» ամս., 1941 թ., մայիս, էջ 174:

փայփայել, որ իրենց հաջող գործունեություններով նարող էին ոգևորել ուսական զորքերին և փոխել նրանց նահանջելու տրամադրությունները:

Հարյուրյակների հրամանատարների և ողջ մարտախմբերի տրամադրությունը մարտական էր: Դրոյի ընդամենը 500 զինվորներից բաղկացած խումբն անվարան ընդունում է քանակապես ավելի քան տասնապատիկ գերազանցող ուժեր ունեցող հակառակորդի մարտահրավերը: Բոլոր հարյուրակների հրամանատարներին խստագույն հրամայվում է ոչ մի քայլ չնահանջել:

«Դրոն, — գրում է 3-րդ հարյուրյակի հրամանատար Մարտիրոսը, — գրում է ինձ, թէ Մակեդոնին ու Արշակին յայտնիր որ դիրքերը ձեռքից շփտի տան:

Մակեդոնն ինձ պատասխանում է.

«Դրոյին ասացէք, եթէ մենակ էլ մնամ, թշնամին կարմիր սարը չի տեսնի»:

Իսկ Արշակը պատասխանում է.

«Իմ դիրքերը գրաւող թշնամին դեռ չի ծնւել:

Եւ իսկապէս, երկուսն էլ արդարացրին Դրոյի յոյսերը»<sup>25</sup>:

Թուրք-քրդական զինվորականները վստահ իրենց ուժերի գերակշռությանը, համարձակորեն գրոհում են գյուղի մատուցներում դիրքավորված կամավորական խմբի հարյուրյակների վրա: Հմտորեն ղեկավարելով մարտը՝ Դրոն հակառակորդի գնդակների հեղեղի տակ շարժվելով մի հարյուրակից մյուսը՝ քաջալերում և սխրանքների է կոչում հայ զինվորներին: Թշնամին ճանաչելով հայ մարտախմբի հրամանատարին՝ կրակը կենտրոնացնում է նրա վրա.

«Գետնի փոշին, — վերհիշում է Մարտիրոսը, — բարձրացած գնդակների կարկուտից և ձիու սմբակներից, իր մէջ առաւ նրան ձիու հետ միասին, ինձ թւաց, որ այլևս ամեն ինչ վերջացաւ, բայց մի քանի վայրկեանից յետոյ, ձիով ճեղքելով փոշին՝ կրկին երևաց Դրոն, գլուխը դրած ձիու ականջների արանքը քառատրոփ սլանալիս դէպի կարմիր սարը՝ Մակեդոնի դիրքերը:

Հինգ րոպէից աւելի շմնաց այնտեղ, կրկին շուռ տւեց ձին

<sup>25</sup> «Ալիք», 1956 թ., մայիս 4, էջ 73:

և նույն արագութեամբ, այս անգամ զնայ կանդ առնելու Արշակի տղաների մօտ:

— Դէ, քալաշներս (քաջեր — Հ. Գ.)...

Մի քանի բռալէից յետոյ վերադարձաւ նորից դէպի ինձ և ժպտալով ասաց.

— Տղաներս, քալաշներ են, շատ լաւ են դիմադրում: Մարտիրո՛ս, թշնամին շա՛տ է, շատ:

Լաւ տրամադրութեան մէջ էր և զո՛հ բոլորից»<sup>26</sup>:

Թշնամին շկարողանալով կոտրել Կարմիր սարի բարձունքներում դիրքավորված Մակեդոնի և Արշակի հարչուրչակների դիմադրութիւնը՝ հարձակումը զարգացնում է ԿավրեՇամե գյուղի ուղղութեամբ: Գյուղի վրա գրոհի նետվող քրդական հեծելախմբերին եթէ հաջողվեր հաղթահարել հայ զինվորների դիմադրութիւնը, ապա ծանր վիճակի մեջ կարող էր հայտնվել ողջ զորագունդը: Կովի վճռական պահն էր: Դրոն թշնամու թիկունքին հարվածելու նպատակով գրոհի է նետում իր քաջութեամբ ու հանդգնութեամբ հայտնի Դալի Ղազարի, ապա Կարբեցի Օնեի հարչուրչակները: Կամավորների հուժկու հարվածն անկասելի էր, թշնամու ջախջախված զորախմբերը հետ են շարվում գյուղի մատուցներից:

Նույն պատկերն էր տիրում ճակատամարտի մյուս հատվածում, ուր Մարտիրոսի հարչուրչակի, Զեմլյակի և Յապոնի հեծյալների հանդուգն գրոհներից թուրքերին ու քրդերին հաջողվում է ազատվել միայն փախուստով: Ճակատամարտի ողջ ընթացքում Դրոն անրնդհատ կռիվների կիզակետում էր. «Այդպիսի մի խառը ժամանակ, — շարունակում է Մարտիրոսը, — Դրոն կրկին եկավ մեզ մօտ: Էլ համբերել չկարողացայ ու դառնալով նրան ասացի.

— Դրօ ջան, խնդրում եմ, ցած արի ձիուց և եթէ Մակեդոնի մօտ ես ուզում գնալ, տուր ձիդ ես գնամ... — շթողեց խօսքս վերջացնեմ և ջղայնացած պատասխանեց:

— Ի՞նչ ես մտածում այդպէս խօսելով, Մարտիրոս, կարծում ես թէ դու ինձանից ավելին զոհաբերելու իրաւունք ունես, թէ՞ իմ արիւնը կարմիր է քան քոնը: Ի՞նչ տարբերութիւն, դու գնաս, թէ ես, գնդակը որ ինձ կպչի, քեզ կխնայի՞:

<sup>26</sup> Նույն տեղում:



Պատասխանի շտապեց, մտաւ ձիու ականջները, ձուլւեց նրա հետ և սլացաւ դէպի Կարմիր սարը տղերքի մօտ»<sup>27</sup>:

Ամբողջ օրը ուշադրութիւն շղարձելով թշնամու կողմից արձակվող գնդակների կարկուտին, Դրոն «Դե՛ քալաշներս...» վանկարկելով նետվում է մի հարյուրյակից մյուսը և հայ զինվորները հրամանատարի համարձակութիւնից ավելի ոգեկոչված՝ ուժեղացնում են հարվածների հզորութիւնը:

Կավրե-Շամեի կռիվն կարծես թե մոտենում էր ավարտին, երբ Դրոն իր հերթական արշավից վերադառնալով Արշակի դիրքերը՝ տեսնում է Արմեն Գարոյին, Խեչոյին և փորձում մոտենալ նրան: «Տեսայ պատրաստեց իջնելու ձիուց, սակայն նկատեցի, որ անբնական կերպով թեքեց թամբի վրայ և պիտի ցած ընկնէր, եթէ Արմէն Գարօն ու Խէչօն չհասնեին:

Դրօյին գրկած, ձիուց ցած բերին և իրարանցում ստեղծւեց այնտեղ:

Աշքիս առաջ ամէն ինչ սևացաւ: Տղաներին մի քանի խօսք ասելուց յետոյ վազէ-վազ հասայ գյուղ:

Արմէն Գարօն տեսնելով վիճակս, մի կողմ քաշեց ինձ ու ասաց.

— Զխօսեցնես Մարտիրոս... դրութիւնը ծանր է:

Դրօն ուշակորույս վիճակում պառկած էր»<sup>28</sup>:

Հենց նույն օրը Կովկասում ռազմաճակատի հրամանատարութիւնը ստանում է հետևյալ հեռագիրը. «Ամբողջ առաջին օրը միայն մեր ուժերը ունեցել են ծանր կռիվներ, վեց անգամ գերազանցող քրդերի ու թուրքական կանոնավոր զորամասերի դեմ: Ծանր վիրավորված է Դրօն»<sup>29</sup>:

Դրոյին ուշակորույս վիճակում տեղափոխում են Իգդիր, ապա Թիֆլիսի Արամյան հիվանդանոց: Կամավորական 2-րդ մարտախմբի հրամանատարութիւնը ընդունում է Արմեն Գարօն:

Արամյան հիվանդանոցում բուժվելու օրերին Թիֆլիս է ժամանում Ռուսիայի կայսր Նիկոլայ 2-րդը և այցելում զին-

27 Նույն տեղում, էջ 74:

28 Նույն տեղում:

29 ՀեՍՀ., ՊԳԿԱ., ֆ. 127, գ 25 թ. 17:

վորական հիվանդանոցներ: Թիֆլիսի քաղաքապետի Ալ. Խատիսյանի ուղեկցությամբ ցարը այցելում է նաև Դրոջին:

«... Ես, — գրում է Ալ. Խատիսյանը, — պատմեցի ցարին հայ կամաւորներու քաջագործութիւններու մասին, նոյնը հաստատեցին և ցարին շրջապատող ռուս զորավարները, եւ ցարը շնորհեց Դրոջին Գէորգեան զինուորական խաչը իր քաջութեան համար»<sup>30</sup>:

Մինչ Դրոն հիվանդանոցի մահճակալին գամված բուժում էր վերքը, Կովկասյան ռազմաճակատում կատարվեցին այնպիսի իրադարձութիւններ, որոնք մեծապես պայմանավորեցին Արևմտահայաստանի և հայության ողբերգական ճակատագիրը:

Էնվերի գլխավորած թուրքական զորքերը շարժվելով Սարիղամիշ՝ ծանր կացության մեջ են դնում ռուսական զորաբանակին և հետագա հաջողության դեպքում սպառնում ներխուժել Կարս, Ալեքսանդրապոլ ապա նաև Կովկաս:

Սարիղամիշի ճակատում թուրքական զորքերի ժամանակավոր հաջողութիւնների հետևանքով ռազմաճակատի մյուս հատվածներում տեղաբաշխված ռուսական զորքերը հարկադրաբար թողնում են գրաված դիրքերն ու բռնում նահանջի ուղին:

Հայ կամավորական խմբերը կազմալրվելու նպատակով տեղափոխվում են թիկունք:

Պատերազմի առաջին երկու ամիսները ցույց տվեցին, որ իզուր էին այն հույսերը, թե իբր ռուսական բանակը ընդունակ է և կարող մի քանի շաբաթների ընթացքում ջախջախել թուրքական զորքերին ու ազատագրել Արևմտահայաստանը:

Թուրքիայի զանազան շրջաններից մազապուրծ եղած հայ գաղթականները սարսափազդու լուրեր էին հաղորդում արևմտահայությանը սպառնացող անխուսափելի ջարդերի մասին:

Դեպքերի զարգացման ողբերգական ընթացքը ցույց տվեց, որ «ազատարար» ռուսական բանակը ոչինչ չձեռնարկեց, իսկ հայ կամավորական խմբերը շկարողացան խոչընդոտել ողջ

<sup>30</sup> «Հայրենիք» ամս., 1932 թ., հոկտեմբեր, էջ 159:

Արևմտահայաստանն ու Օսմանյան կայսրութեան մյուս հայաբնակ վայրերը ջարդերի սարսափելի տեսարանների վերածող թուրքերի հրեշավոր գործողութիւնները:

Անխուսափելի կոտորածներից փրկելու նպատակով հայութիւնը Արևմտահայաստանի մի քանի շրջաններում դիմել էր ինքնապաշտպանութեան: Հայոց Ազգային Բյուրոյի և կամավորական խմբերի առաջ ծառայած օրվա կարևորագույն խնդիրը արևմտահայութեանն օր առաջ օգնութեան հասնելն էր: Պիտի նշել, որ հայ կամավորական խմբերը գործում էին ռազմաճակատի տարբեր ուղղութիւններում և նրանցից յուրաքանչյուրը առանձին վերցրած շուներ ռազմական այնպիսի հզորութիւն, որպեսզի կարողանար միայնակ լուծել կարևորագույն նշանակութիւն ունեցող մարտական առաջադրանքներ: Իսկ ժամանակը շէր աշխատում ի նպաստ հայերի: Տվյալ ժամանակաշրջանում անհրաժեշտ էր միավորել հայկական բոլոր մարտական ուժերը և այն կենտրոնացնել առավել կարևորութիւն ներկայացնող ուղղութիւնում, որպիսին համարւում էին Վան-Մուշ, Վան-Բաղեշ ուղղութիւնները:

Հայ մարտական խմբերը ենթարկւում էին կովկասյան ռազմաճակատի հրամանատարութեանը, իսկ առանց նրա համաձայնութեան խոսք անգամ շէր կարող լինել նրանց միավորելու մասին: Առաջնորդվելով վերոհիշյալ նկատառումներով Հայոց Ազգային Բյուրոն դիմում է կովկասյան ռազմաճակատի հրամանատարութեանը: Կովկասի փոխարքա Վորոնցով Դաշկովի և Կովկասյան ռազմաճակատի հրամանատարութեան միջնորդութեամբ Գերագույն գլխավոր հրամանատարութիւնը հաստատում է հայկական կամավորական խմբերը միավորելու Ազգային Բյուրոյի կողմից առաջադրված դիմումը: Կամավորական յուրաքանչյուր խմբի թվակազմը հասցւում է 1000-ի և այժմ արդեն նրանք իրենց հանդերձանքը, զենքն ու զինամթերքը պիտի ստանային ի հաշիվ պետական միջոցների<sup>31</sup>:

Հայ Ազգային Բյուրոյի պահանջով կամավորական 2-րդը

<sup>31</sup> Տե՛ս, 2. 2. Կ. Ա., թղ. ծր. 503

3-րդ և 4-րդ խմբերը միավորվելով Վարդանի ընդհանուր հրամանատարութեամբ կազմում են «Արարատյան ջոկատ» զորագունդը և որպես գեներալ Նիկոլանի զորամասի առաջապահ միավորում պիտի գործերին Իգդիր-Բեկրի-Կալավան ուղղութեամբ: Անդրանիկի 1-ին կամավորական գունդը Սալմաստի շրջանից նույնպես շարժվելու էր Վան:

Մոտ երկու ամիս բուժվելուց հետո Դրոն 1915 թ. փետրվարի վերջերին վերադառնում է մարտաշարք և վերստին ստանձնում 2-րդ կամավորականի հրամանատարությունը: Քանաքեռում վերակազմավորվող հայկական գնդերը համալրվում են նոր կամավորներով: 2-րդ կամավորականի հրամանատար Դրոյի օգնական է նշանակվում Գարեգին Նժդեհը, իսկ նույն խմբի 2-րդ վաշտի հրամանատարությունը ստանձնում է Ղազար Քոչարյանը (Քաշալ Ղազո կամ Մեծ Ղազար — Հ. Գ.):

Ապրիլի 15-ին գունդը թողնում է Երևանն և անցնելով էջմիածին՝ ստանում է Հայոց Հայրապետի օրհնությունը, ապա շարժվում Իգդիր:

Ղազար Քոչարյանի վկայությամբ. «Իգդիր էինք, երբ ստացուեցաւ Վանի Արամի մէկ գրութիւնը, որով անմիջական օգնութիւնը կը խնդրէր մեզմէ»<sup>32</sup>:

Հապաղելու ժամանակ այլևս չկար: Արամի գրութիւնն ստանալու պես Արարատյան զորախումբը, որի կազմում էր Դրոյի 2-րդ կամավորականը, անմիջապես ճանապարհ է ընկնում դեպի Վան:

Սարսափելի տեսարաններ են բացվում կամավորների առաջ: Դրոյի խումբն անցնելով Աբաղայի դաշտավայրով՝ ողջ ճանապարհին հանդիպում է հայկական լքված, ավերակ գյուղերի և մորթոտված բազում դիակների: Մինչև Բեկրի-Կալա բնակավայրին հասնելը այդ ամբողջ ամայացած տարածքում հանդիպում էին թուրքական և քրդական միայն փոքրաքանակ զինված խմբեր, որոնք զոհ էին դառնում սարսափազդու տեսարաններից վրեժխնդրութեամբ համակված հայ զինվորներին:

Ապրիլի 26-ին Դրոյի զորախումբը մոտենում է թշնամու

<sup>32</sup> «Հայրենիք» ամս., 1934 թ., օգոստոս, էջ 135:

կողմից ամրացված Բերկրի-Կալա քաղաքին: Տեղացող առատ ձյունը խոշընդոտում է կամավորների արագ տեղաշարժերին, իսկ թուրքերը նահանջելիս քանդել էին մոտակայքով անցնող գետի միակ կամուրջը: Հարկավոր էր արագորեն հաղթահարել արգելքներն և ժամ առաջ գրավել թշնամու պաշտպանության որջը: Դրոն առաջնորդելով հեծելախումբն անվարան մտնում է սառցակալած գետն ու հաղթահարելով այն, առաջապահ զորավաշտով նետվում հակառակորդի դիրքերի վրա: Քիչ անց կովի դաշտ հասած իր մյուս զորավաշտերի համագործակցությամբ գրավում է Բերկրի-Կալա քաղաքը և շապասելով դեներալ Նիկոլայի զորագնդերին՝ արշավում Վան տանող ճանապարհի թշնամու հաջորդ արգելապատնեշի՝ Շեխկարե գյուղի վրա: Նրա զորախմբի հարևանությամբ դեպի Վան էին արշավում նաև Համազասպի և Քեռու գլխավորած զորախմբերը:

Անկասկած հայ կամավորները ավելի վաղ կարող էին մտնել Վան, եթե շիներ ուսական հրամանատարության շինծու արգելքները:

Բերկրի-Կալեում թուրքերի դիմադրությունն արագորեն խորտակելուց հետո, երբ Դրոն նույն ուժգնությամբ պատրաստվում էր առաջ շարժվել, ստանում է գեներալ Նիկոլայի հարձակումը դադարեցնելու մասին հրամանը:

Ավելի քան վարմանալի էր նման որոշումը: Իսկ Վանից այդ օրերին ստացվող տազնապալի լուրերը թելադրում էին, որ անհրաժեշտ էր կատարել ճիշտ հակառակը:

Հապաղելը կարող էր ճակատագրական նշանակություն ունենալ: Թուրք հրամանատարությունը կարող էր օգտվել ուսական զորքերի պասիվությունից ու դանդաղկոտությունից և մեծ ուժեր նետելով Վան՝ ընկճել քաղաքի հերոսամարտիկների դիմադրությունը: Անդրադառնալով այդ օրերի դեպքերին՝ 2-րդ կամավորական գնդի 1-ին վաշտի հրամանատար Բաշգառնեցի Մարիտրոսն իր հուշերում գրում է. «... Դրոն դիմեց զօրավարին եւ խնդրեց թոյլ տալ առաջ շարժուելու, որպէսզի Վանի ժողովուրդը ի զուր չկոտորուի: Զօրավարը մերժեց:

Դրոն ի մի հաւաքեց իր զօրամասի խմբապետներին եւ յայտնեց, թէ Զերնոզուրովի եւ Անդրանիկի բանակը չի կա-

րողանում առաջանալ Դիմանում տեղի ունեցող ուժեղ կռուի պատճառով, որով եւ մեզ էլ հրամայում է շառաջանալ, թէ մեր շառաջանալու դէպքում Վանի մեր ազգակիցները կարող են կոտորուել, թէ մեր այստեղ մնալը այսքան զինուած ուժով կը լինի դաւաճանութիւն ու կը ծանրանայ մեր խղճի վրայ: Առաջարկեց զօրամասը հանձնել Նժդեհին, իսկ ինքը որոշած է 150 փորձուած տղաներով գաղտնի ճանապարհով մտնել Վան, որով հնարաւորութիւն պիտի տրուէր Վանին մի առ ժամանակ էլ դիմանալ: Հակառակ պարագային, եթէ այդ իրեն շաջողուէր, գոնէ հանգիստ սրտով կը մեռնէինք մեր ժողովրդի հետ միասին:

Բոլորս տուինք մեր համաձայնութիւնը եւ պատրաստուեցինք զիշերը մեկնել...»<sup>33</sup>:

Բարեբախտաբար ուսական հրամանատարությունը առաջնորդվելով ինչ-ինչ նկատառումներով փոխում է իր նախկին որոշումը և զորքերը վերսկսում են հարձակումը:

Նույն օրը Դրոյի զորագունդը գրավում է Շեխկարե գյուղը, իսկ հաջորդ օրը Զանիկ գյուղը և արագորեն մոտենում Վանին:

Վանեցիների հերասական ինքնապաշտպանության ու հայ կամավորական զորախմբերի հարձակումների հարկադրանքով թուրքական հրամանատարությունը ճարահատյալ վերացնում է քաղաքի պաշարումը: Հերոսամարտի զինվորները ոգևորված թուրքական բանակի փախուստից՝ գրոհում են քաղաքի թուրքական թաղամասերի վրա և կրակ տալիս այն: Վանից ոչ հեռու գտնվող հայ կամավորները պարզորեն տեսնելով քաղաքից բարձրացող կրակներն ու ծուխը և կարծելով թե թուրքերն են այրել հայկական թաղամասերը՝ ավելի են արագացնում առաջխաղացումը: Այրվող քաղաքի տեսարանից խոցված Համազասպը (ծնունդով Վանեցի — Հ. Գ.) հեռագրում է Վանին ավելի մոտ գտնվող Դրոյին. «Հասի՛ր, հարազատ քաղաքս այրվում է...»: Իսկ իրականում այրվում էին թուրքական թաղամասերը:

Մայիսի 2-ի առավոտյան Դրոյի զորախմբի առաջապահ ջոկատը Դաշնակցական Խեչոյի և Դալի Ղազարի գլխավորու-

<sup>33</sup> Նույն տեղում, էջ 73:

թյամբ սրարշավ մտնում է քաղաք: Մի քանի ժամ շանցած քաղաք է մտնում 2-րդ կամավորական զորագնդի մյուս վաշտերը: Հայ կամավորական խմբերից Դրոյի զորամասը առաջինն է մտնում Վան և արժանանում քաղաքի բնակչության ջերմ ընդունելության:

Վանի հերոսամարտերի ղեկավարներից Հայկ Կոստյանը վերհիշելով իրենց համար այդ երջանիկ պահը՝ ջերմությամբ գրում է. «Քաղաքամիջի բոլոր զինուած ընկերներով առաջացանք մինչեւ Աւանուց գետը դիմաւորութեան, ուր հասաւ Դրոյի հետեւակ եւ ձիաւոր բանակը եւ շրջապատեց մեզ: Ողջոյնի եւ բարի դալուստի խօսք ուղղելով անոնց, ուռա գոռացինք:

Դրօն կարճ եւ ազդու ճառով մը պատասխանեց մեզ, հրամայելով ձիաւոր խմբին հրացանային հինգ համազարկերով ողջունել յաղթող Վանեցուն: Փոխադարձեցինք մատուցելուս կրակով: Այս պահուն բերդէն մէր թնդանօթածիզը սկսեց թնդանօթի յիսուն ողջոյներ համատարած դղրդիւնով մը.

Հրանօթներու որոտընդոստ ողջոյններու մէջ՝ երգի եւ փառքի գնացքով մտանք քաղաք»<sup>34</sup>:

Երկու օր անց քաղաք են մտնում Համազասպի և Քեռու 3-րդ, 4-րդ մարտագնդերը ու դեներալ Նիկալակի զորագրնդերը, իսկ ավելի ուշ Վան է հասնում նաև Անդրանիկի զորամասը:

Վանի ազատագրման կապակցությամբ կովկասյան ռազմաճակատի հրամանատարությունը Հայոց կաթողիկոսին հղում է հետևյալ շնորհավորական հեռագիրը. «Ամբողջ սրտէ շնորհակալութիւն կը յայտնեմ Ձեզի՝ էջմիածնի տաճարին մէջ Ամենաբարձրեալին ուղղուած Ձեր ջերմ աղոթքներուն համար այն անմոռանալի օրը, երբ իմ ղեկավարութեանը յանձնուած յաղթական դօրքերու եւ քաջարի հայ կամաւորներու կողմէ Վանը ազատուեցաւ քրիստոնէութեան պատմական թշնամիէն, եւ հայ ժողովուրդը՝ իր դարաւոր բռնակալէն»<sup>35</sup>:

<sup>34</sup> «Հայրենիք» ամս., 1929 թ., ապրիլ, էջ 119:

<sup>35</sup> Նույն տեղում, 1927 թ., սեպտեմբեր, էջ 76:

Քրիստոնեության անունից խոսող, կեղծ ջերմությամբ համեմված հեռագրի հեղինակը մի քանի օր անց առանց վարանելու և մոռացության մատնելով Քրիստոսին, անձամբ պիտի ստորագրի Վանի մահվան դատավճիռը՝ ուսական զորքերի կողմից քաղաքն ու Արևմտահայաստանի մյուս շրջանները թողնելու հրամանը:

Վանում գտնվելու հենց առաջին օրը Դրոն շտապում է տեսակցելու ու սփոփելու թուրքերի կողմից դավադրաբար սպանված Իշխանի ընտանիքին: Հին Բայազետում վաճառականությամբ զբաղվելու տարիներին նա սերտ բարեկամություն էր հաստատել Վանի գործիչների և հատկապես Լեոնապարի մարտական ուժերի կազմակերպիչ ու առաջնորդ Իշխանի հետ:

Դրոյի և Իշխանի կնոջ՝ Սիրանուշի հանդիպման ականատես Արամ Տապաղյանը վերհիշելով այդ հուզիչ տեսարանը՝ գրում է.

«1915 մայիս 3-ին Վանի հերոսամարտի յաղթանակի առաջին առաւօտն էր: Նահատակ Իշխանի սգաւոր այրիին՝ հօրեղբօրս աղջկա Սիրանուշին քովն էի, երբ յանկարծ սենեակին դռան վրա երեւցավ շերքէզի տարազով, թուխ դէմքով, հազիւ 30 տարեկան երիտասարդ մը: Ձեռները դէպի Սիրանուշը երկարելով՝ ըսաւ մորմոքած ձայնով.

— Ա՛խ, իմ անբախտ քոյրս:

Սիրանուշը լալագին, խօսքը եկտրին ուղղելով, հարցուց.

— Ո՞ւր է Սուրէն էֆենտի (Դրոյի ծածկանունը Հին Բայազետում ապրած տարիներին — Հ. Գ.), ո՞ւր է քո սիրելի ընկերդ, իմ աննման Իշխանը...

... Տխուր եւ ճնշիչ մթնոլորտը մեղմացնելու համար՝ Սուրէն էֆենտին սկսաւ պատմել, թէ ի՞նչպես իր զօրախումբը հասած էր Վան...»<sup>36</sup>:

Դրոյի անմիջական նախաձեռնությամբ հայ զինվորները Հիրճ գյուղում հայտնաբերում են Իշխանի և նրա զինակիցների մարմինները և տեղափոխելով Վան՝ ամփոփում քաղաքի գերեզմանատանը:

<sup>36</sup> «Հայրենիք» ամս., 1967 թ., մայիս, էջ 2:



Դրոյի կյանքի ու գործունեութեան մասին պահպանված փաստերի, հուշագրութիւնների և կարծիքների ուսումնասիրութիւնն անառարկելիորեն հավաստում են ոչ միայն նրա քաջութեան ու զորավարական տաղանդի իրողութիւնը: Հայ ազատամարտի նշանավոր գործիչների համաստեղութեան մեջ նա եզակիներից էր նաև իր անբասիր ընկերասիրութեամբ և հասարակ զինվորի նկատմամբ դրսևորած ուշադրութեամբ և հոգատարութեամբ: Ահա իր զոհված զինվորներից մեկի ընտանիքի նկատմամբ նրա ցուցաբերած վերաբերմունքի մի փոքրիկ վկայութիւն.

Նորին գերազանցութեան փոխ թեմակալին հայոց  
«Ներկայացնելով Ձերդ Գերազանցութեան էրդափենցի  
(Շարուր-Դարալագեազի գավառ — Հ. Գ.) Յարութիւն Սայադեանի խնդիրը, պատիվ ունիմ յայտնելու, որ անցեալ 1914 թ. Նոյեմբերի 1-ին Տաճկաստանի Կիարէ-Շաւէ գիւղի կուում սպանուեց նրա որդի՝ Ալեքսան Հարութիւնեան Սայադեանը: Նրա 6 հոգուց բաղկացած ընտանիքը և ծերունի հայրը մնացել են զուրկ նիւթական միջոցից:

Խնդրում եմ Ձեր գերազանցութիւնից, եթէ հնարաւոր կլինի, Ձեր միջնորդութեամբ այդ ընտանիքին ցոյց տրւէր նիւթական որևէ աջակցութիւն, որով հանդուցեալի որդիներին և ծերունի հորը գոնէ որոշ շափով մխիթարութեան պատճառ կլինէնք, ոգևորելով նրա ընտանիքին»<sup>37</sup>: 3 մարտի 1915 թ.

Իսկ Դրոյի միջնորդութիւններն ու դիմումներն, որպես կանոն, երբեք ապարդյուն չէին անցնում:

Նրան բնութագրող մի հատկանշական կողմ ևս: Դրոն, գործարարութեան և մարդկանց հետ լեզու գտնելու զարմանալի շնորհներով էր օժտված: Որպես օրենք նրա ղեկավարած զորամասերը իրենց զինվածութեամբ, նյութական ապահովվածութեամբ և կարգապահութեամբ միշտ լավագույնն են եղել: Նույնիսկ բարձրաստիճան զինվորականները սիրով էին համաձայնել ծառայելու նրա հրամանատարութեամբ գործող զորամասերում: Գուցե և նրա հաջողութիւնների գաղտնիքը պայմանավորված էր նաև վերոհիշյալ գործոններով:

<sup>37</sup> ՀԽՍՀ., ՊՊԿԱ. ֆ. 121, ց 2 գ 25 թ 17:

վասպուրականի ազատագրումը դեռևս միայն սկիզբն էր այն գործի, որին իրավամբ կոչված էին ծառայելու հայ կամավորները: Առջևում էին թուրք իշխանությունների յաթաղանի մյուս զոհերը՝ Շատախը, Մոկսը, Բաղեշը, Տարոնը, Սասունը և Արևմտահայաստանի մյուս շրջանները:

Վանի հաղթական մուտքից մի քանի օր անց Դրոյի խումբը դարձյալ կռիվների հորձանուտում էր: Այս անգամ խումբը զարգացնելով հարձակումը, պիտի օգնության հասներ Շատախի և Մոկսի նույնպես ինքնապաշտպանության դիմած հայությանը: Շատախցիների ինքնապաշտպանությունը 1915 թ. ինքնապաշտպանական մարտերի ամենահերոսական և ուսանելի, բայց դեռևս ըստ արժանվույն շուսումնասիրված էջերից մեկն է: Չնայած թուրք իշխանությունների նենգադավությանը զոհ էր գնացել ինքնապաշտպանության ոգին ու կազմակերպիչը՝ Լեոնապարի Իշխանը, սակայն ազատատենչ շատախցիները հավատարիմ մնալով իրենց հերոսական անցյալին և Իշխանի ներդրած մարտական ավանդին՝ ավելի քան մեկ ու կես ամիս անկոտրում համառությամբ պաշտպանեցին իրենց կյանքն ու ազգային արժանապատվությունը:

Շատախի պաշտպաններին օգնության հասնելը կապված էր լուրջ դժվարությունների հետ: Շատախ տանող ուղին անցնում էր քրդերով խիտ բնակեցված Գորան դաշտավայրով: Թուրքական հրամանատարությունը քրդական յուրաքանչյուր գյուղ վերածել էր ամուր պաշտպանական հանգույցների: Բացի դրանից, Հիրճ գյուղից դեպի Գորանի դաշտ տանող միակ ճանապարհը շրջափակված էր կիրճերով, որի թաքստոցներում դիրքավորվել էին թուրք զինվորներն ու քրդական զինյալ խմբերը:

Հարձակումը զարգացնելու կամավորների միակ հնարավորությունը թշնամու ամրությունները շրջանցելն էր: Պահեստում թողնելով Յապոնի, Զեմլյակի և Խոսրովի հեծյալ ջոկատները՝ Դրոն հրամայում է Ղազար Քոչարյանի վաշտին շրջանցել թշնամու ամրություններն ու հարվածել թիկունքին:

Ռազմախաղը ավարտվում է գերազանց վերջաբանով, թուրք-քուրդ խմբերը ընկնելով խաչաձև կրակի տակ՝ դիմում են փախուստի: Գորանի գաշտ տանող ուղին բաց էր: Դրոյի

զինվորները հողմի նման ներխուժելով դաշտ՝ մեկը մյուսի հետևից գրավում են քրդական գյուղերը և մոտենում դեպի Շատախ տանող ամենաուժեղ արգելապատնեշին՝ Աղվուտ գյուղին: Հաղթական կռիվներից հետո բարձր մարտական տրամադրությամբ համակված հայ զինվորները հաշված ժամերի ընթացքում ընկճում են հակառակորդի դիմադրությունն և մտնում հայկական Սեւիկին գյուղը: Թուրքական զորքերը, որոնք արդեն 45-րդ օրն էր, ինչ պաշարել էին Շատախը, հայ կամավորների լուրն առնելուն պես թողնում են մարտադաշտը:

Թուրքական զորքերի փախուստի և հայ կամավորների հայտնվելու լուրերը անմիջապես տարածվում են նրանց գալըստյանը սրտատրոփ սպասող ինքնապաշտպանության մարտիկների շարքերում:

Պատմում է Շատախի ինքնապաշտպանության հրամանատարներից՝ Տիգրան Բաղդասարյանը. «Լեւոնը (Լեոն Շաղոյանը նույնպես ինքնապաշտպանության հրամանատարներից է — Հ. Գ.) կը գրէ. «Դրօճ 1000 հոգով Սեւիկին է: Երեկոյեան աշխատիր ամէն զնով հոս լինել. խորհրդակցելու համար Մառնույի վրայ կատարուելիք վաղուան արշաւանքի մասին...

... Երկու ձի կը պատրաստեն անմիջապէս եւ Սեւիկինցի Յակոբի հետ կը շտապեմ հասնել Սեւիկին: Մութ էր արդէն, երբ կը հասնիմ գիւղը: Աչքի կը զարնեն մեր կամաւորների վրաններն իրենց պլպլուան ճրագներով:

Կը մտնեմ սէրտրոջ սենեակը, եւ ահա կը հանդիպիմ Դրօյին շրջապատուած իր վաշտապետներով՝ Նժդեհը, Մեսրոպը, Ծապոնը, Մարտիրոսը, եւ այլն: Կը համբուրինք, կը սկսինք զրոյց անել: Կը պատմեն ինձ իրենց կռիւների եւ ապագայի մասին: Ծս էլ իմ հերթին՝ մեր կռիւների մասին:

— Այդպէս, ուրեմն Մառնույի արշաւանքը թողնենք ուրիշ անգամուան, այնպէս չէ՞, էֆենտի, — հեզնելով կը վերջացնէ Դրօն:

— Այո, պ. հրամանատար, — կը պատասխանեմ, — բայց երեւի ուրիշ Մառնոցներ կ'ունենանք»<sup>38</sup>:

<sup>38</sup> «Հայրենիք» ամս., 1931 թ., հոկտեմբեր, էջ 138—139:

1915 թ. մայիսի 12-ին 2-րդ կամավորական մարտախմբի գլուխն անցած Դրոն հաղթականորեն մուտք է գործում Շատախ գավառի ինքնապաշտպանության կենտրոն՝ Թաղ գյուղը:

«Կ'անցնի,— շարունակում է Տիգրան Բաղդասարյանը,— հայկական բանակը եւ նրան կը հետեւի Շատախի պզտիկ բանակը իր յաղթանակի երգն երգելով... Կը մտնենք վերջապէս Թաղը: Պատուհաններից, կտուրներից, կանայք եւ աղջիկներ ծաղիկներ կը սփռեն կամաւորների անցած ճանապարհով: Ուրախ զուարթ կ'անցնի բանակը եւ կը հաստատուի «Ամբրի Իգին», Տիգրիսի եզերքին:

Այդ օրը շատախցին հանգիստ ու խաղաղ քնեց»<sup>39</sup>:

Վանից մինչև Շատախի գյուղերը ձգվող տարածքը ամբողջովին մաքրված էր թուրքերից ու քրդերից: Կռիվների ընթացքում կամավորները բռնագրավում են մեծ քանակութեամբ ռազմավար, հազարավոր ոչխարներ և բաժանում Շատախի և Սևտիկնի հայ բնակիչներին:

Գավառի ազատագրումը դեռևս տեղի բնակչութեան ապահովութեան վերջնական երաշխիքը չէր: Թուրք հրամանատարութեանը վերախմբավորելով հայ զինախմբերի հարվածներից ցաք ու ցրիվ եղած զինական ուժերը՝ սպառնում էր հարավային շրջաններից վերստին հարձակվել Շատախի վրա: Անհրաժեշտ էր կայուն հիմքերի վրա դնել գավառի ինքնապաշտպանութեանը: Շատախի շրջանների ներքին կյանքը կարգավորելու, ինքնապաշտպանութեանը կազմակերպելու նպատակով՝ Դրոյի նախաձեռնութեամբ ինքնապաշտպանական մարտերի հրամանատարներ Սամվել Պետրոսյանի և Տիգրան Բաղդասարյանի ղեկավարութեամբ կազմվում է գավառի կառավարութեան և ոստիկանութեան, որոնք անմիջականորեն պիտի ենթարկվեին Արամ Մանուկյանի գլխավորած Վանի նահանգապետութեանը:

Շատախի գրավումից մեկ շաբաթ անց Դրոն արշավում է Մոկաց աշխարհ, ուր տեղի հայութեանը կենտրոնանալով

<sup>39</sup> Նույն տեղում:

մի քանի բնակավայրերում՝ օրհասական կռիվ էր մղում թուրք-քուրդ հրոսակախմբերի դեմ:

Քանի որ Մոկսի հայ բնակչության ինքնապաշտպանական մարտերը ընթանում էին մի քանի հանգույցներում, ապա այդ պատճառով Դրոն մասնատելով իր զորախմբի ուժերը՝ հարձակումը զարգացնում է երեք հիմնական ուղղություններով: Համաձայն նրա հրամանի Դալի Ղազարի, Յապոնի, Տիգրանի հարյուրյակներն ու Մարտիրոսի վաշտը նժդեհի հրամանատարութեամբ արշավում են Մոկս, Մակվեցի Մեսրոպի վաշտը՝ Սոքան, իսկ ինքը զորամասերի մնացած ջոկատների գլուխն անցած շարժվում Սպակերտ: Հունիսի սկզբներին հաղթահարելով թշնամու դիմադրությունը, նժդեհը գրավում է Մոկսը, Մեսրոպը՝ դավարին կռիվներից հետո Սոքանը, իսկ Դրոն ջախջախելով Սպակերտը պաշարող թուրքական զորաջոկատներին՝ ազատագրում է գյուղը և այնտեղ համախմբված ավելի քան շորս հազար հայերի տեղափոխում Մոկս: Հաջողութեամբ էին զարգանում նաև կամավորական մյուս խմբերի հարձակումները: Քեռին և Համազասպը միացյալ ուժերով գրավում են Ոստանը:

Հայ կամավորական զինավաշտերն ազատագրելով Վանա լճի հարավային շրջանները, մոտենում են ընդհուպ Ռշտունյաց գավառի Սորբ և Դատվան փոքրիկ քաղաքին, որոնց գրավումով փաստորեն բացվելու էին Տարոն, Սասուն և Բաղեշ տանող ուղիները: Հայկական բոլոր շորս կամավորական խմբերը այսուհետև մտնելու էին գեներալ Տրուխինի գլխավորած ռազմական խմբավորման կազմում:

Դրոն Մոկսի պաշտպանությունը հանձնարարելով նժդեհին՝ իր զորամասի հիմնական ուժերով տեղափոխում է Ախթամար, ապա՝ Սուրբ Հակոբ:

Տարոն տանող ճանապարհի առաջին խոշընդոտը Սորբն էր: Թուրք հրամանատարությունը հասցրել էր զգալի ուժեր կենտրոնացնել Սորբում և այն վերածել պաշտպանության ամուր հենակետի: Սորբի մոտակայքում գտնվող բարձունքները հակառակորդի կողմից նույնպես ամրացվել էին:

Հունիսի վերջերին հայկական շորս մարտախմբերը միահամուռ ուժերով գրոհում են Սորբը:

Առաջին օրվա մարտերը շախազանց ծանր էին ընթանում: Բլրալանջերին ամրացված թուրք զինվորները թնդանոթներից և գնդացիներից տեղացող կրակով խափանում էին հայ զինվորների գրոհները: Երեկոյան մարտադաշտ հասցրած թնդանոթներով մշակելով հակառակորդի դիրքերը՝ հայ զինվորները նետվում են գրոհի: Դրոյի զորախումբն առաջին կամավորականի Արտաշես Սուլյանի զլխավորած վաշտի համագործակցությամբ ճեղքում է բարձունքներում ամրացած թշնամու դիմադրությունը և հասնում լճափ, որի ափերի երկայնքով հաջողությամբ հարձակվում էին Անդրանիկի զորախմբի մյուս վաշտերը:

Հակառակորդի դիմադրությունը խորտակում են նաև Համազասպի և Քեռու զինվորները: Արդեն հաջորդ օրը կոտրելով հակառակորդի համառ պաշտպանությունը՝ հայ կամավորները գրավում են Սորբը: Իսկ թշնամու ջախջախված զորքերի մնացորդները նահանջում են Դատվան:

Ռուսական շորրորդ զորախմբի հրամանատար գեներալ Տրուխինը հիացած հայ կամավորների մարտական դործողություններով՝ նշում է. «... Անդրանիկի և Դրոյի խումբերուն յաղթական յարձակումը հակառակորդի ձախ թեւին դէմ: Համազասպի խումբին յարձակողականը խիստ դժուարին պայմաններու մէջ, առանց հրետանիի աջակցութեան, ձիւնպատ լեռներով: Թշնամիի յամառ հետապնդումը այդ խումբին կողմէ...»<sup>40</sup>:

Հայ զինավաշտերին հրաշալի հնարավորություն է ընձեռվում կրնկակոխ հետապնդել նահանջող հակառակորդին և արագորեն դրավել նաև Դատվանը: Եթե մարտական գործողություններն արագ ընթացք ունենային, ապա Տարոն մըտնելու խնդիրը զգալիորեն կհեշտանար: Սորբի կռվում պաշտություն կրած թուրք համանատարությունը դժվար թե կարողանար հասցնել ամուր պաշտպանություն կազմակերպել: Սակայն ճակատի հրամանատար գեներալ Տրուխինը ոչ մի փաստարկներով չարդարացված պատճառաբանությամբ և կարծես կանխամտածված դիտավորությամբ խոչընդոտում է հայ զինվորների հարձակումը և դրանով իսկ թուրքերին

<sup>40</sup> «Հայրենիք» ամս., 1927 թ., սեմտեմբեր, էջ 77:

հնարավորութիւն շնորհում ամրապնդվելու Դատվանում: Եվ միայն հուլիսի 4-ին, Սորբի գրավումից երեք օր անց հայ կամավորները հրաման են ստանում դրոհելու Դատվանը: Ռուսական հրամանատարութեան բարեհաճութեամբ շահած ժամանակահատվածում թուրքերին հաջողվում է համալրել զորքերի մարտաշարքերը և Դատվանը վերածել անմատչելի ամրոցի: Այս անգամ արդեն հայ կամավորական մարտախմբերի հրամանատարներին էին ենթարկվում նաև առաջին մի քանի զորավաշտեր:

Դատվանի մատուցներում ընթացող մարտերի առաջին օրը, շնայած գործադրած մեծագույն ջանքերին, հայ զինվորներին չի հաջողվում թուրքերին դուրս շարտել իրենց անմատչելի դիրքերից: Հաջորդ օրն առավոտյան գեներալ Տրուխինը վերջապես մարտադաշտ է դուրս բերում հեծելազորային գունդն ու հրանոթների մարտկոցը: Մի քանի ժամ շարունակ ընթանում էր միայն հրանոթային մենամարտը, իսկ երեկոյան կողմ. «Ամբողջ ճակատը յարձակման էր դիմել:

Դրօն առաջանում էր կենտրոնով ու գրավում թշնամու կարեւոր դիրքերը, որոնք իշխում էին թշնամու Դատվանի դիրքերի վրայ: Իսկ Անդրանիկի զորամասը Դրօյի ձիաւորներով վերցրեց Դատվանի դիրքերը»<sup>41</sup>:

Թուրքերի հզոր կրակակետերը հաղթահարելով, հարձակումը հաջողութեամբ էին զարգացնում Համազասպն ու Քեռին: Անձնուրաց էին գործում Դրօյի վաշտերն ու հարյուրյակների հրամանատարներ Մարտիրոսը, Մեծ Ղազարը, Կարբեցի Օնեն, Զեմլյակը, Յապոնը, Դալի Ղազարն ու մյուսները: Այլևս անկարող լինելով դիմադրել տարբեր ուղղութիւններից տեղացող ուժգին հարվածներին՝ հակառակորդը ստիպված տեղի է տալիս և սկսում կանոնավոր մարտաշարքերով նահանջել: Թուրքերի կանոնավոր նահանջը փախուստի վերածելու նպատակով հայ հեծելախմբերը Դաշնակցական խեչոյի գլխավորութեամբ սրընթաց գրոհ են ձեռնարկում և քշում նրանց մինչև Գրգուռ: Սակայն թուրքերն այս անգամ մարտադաշտ են դուրս բերում Գրգուռի մոտակայքում թաքնված ուժերն ու գնդացրային կրակահերթերով դիմավորում հայ

<sup>41</sup> «Հայրենիք» ամս., 1937 թ., հունվար, էջ 76:

Քեծելագորայիններին: Թշնամու գնդացիների համազարկե-  
րից զոհվում է Հայոց Ազատամարտի արժանավոր զինվոր  
Փաշնակցական Խեչոն: Չերկնչելով կարկտի ուժգնությամբ  
տեղացող գնդակներից՝ Զեմլյակն իր ձիավոր հարյուրյակով  
անկասելի հարվածով հետ է շարտում թուրքերի հակազրոհը  
և մարտադաշտից դուրս բերում զոհված հերոսի դիակը:  
Մարտը շղադարող ուժգնությամբ շարունակվում է նաև գի-  
ջերը: Գիշերային խավարն անգամ անզոր էր արգելակելու  
հայ զինվորների ճակատամարտը հաղթական վախճանի  
հասցնելու բուռն ձգտումները: Դրոն ճեղքելով այդ կռիվնե-  
րում իրենց լավագույն կողմերով դրսևորած թուրքերի զո-  
րաշղթան՝ գրավում է քաղաքի նավահանգիստը, իսկ Անդ-  
րանիկի զինվորները ներխուժում են քաղաք:

Երկօրյա ճակատամարտը ավարտվում է թուրքական զոր-  
քերի դաժան պարտությամբ:

Գեներալ Տուխինը բարձր գնահատելով հայ կամավոր-  
ների մարտական գործողությունները՝ հեռագրում է հրամա-  
նատարությանը. «Երկօրյա ճակատամարտի ատեն իր ղեկա-  
վարութեանը յանձնուած ջոկատի զօրքերը դուրս քշեցին թըշ-  
նամիին իր դիրքերէն: Յաղթութիւնը գլխաւորաբար արդիւնքը  
պէտք է նկատել երկու երդով հայ կամաւորներէ բաղկացած  
մեր հետեւակազօրքի կրակին...»<sup>42</sup>:

Սորբիի և Դատվանի հաղթական մարտերից հետո փոխ-  
վում է նաև ռուսական զորքերի տրամադրությունը: Տրուխի-  
նին փոխարինած գեներալ Նազարբեկյանը մարտադաշտ  
դուրս բերելով իր հրամանատարությամբ գործող զորքերի  
հիմնական խմբավորումը՝ պարտության է մատնում իրեն  
դիմակայող թուրքական զորագնդերին և մտնում Տարոն աշ-  
խարհի Ախլաթ գավառը:

Դրոյի զորավաշտերը հասնում են մինև Գրգուռի ստորո-  
տում գտնվող Զրխոր գյուղը, իսկ ապա մեծանուն հայդու-  
կապետ Աղբյուր Սերոբի ծննդավայրը՝ Սողորդ: Միաժամանակ  
Գրգուռ և Նեմրուժ լեռների ուղղությամբ է առաջանում Անդ-  
րանիկի զորամասը, իսկ Բաղեշի՝ Քեռու ու Համազասպի  
մարտախմբերը:

<sup>42</sup> Նույն տեղում, 1927 թ., սեպտեմբեր, էջ 77:



Գավրե-Շամբի կովից մինչև Բերկրի, Վան և ապա Շատախի, Մոկսի, Սորբի ու Դատվանի ազատագրման մարտերում փայլուն քննություն բռնեց հայ կամավորական զնդերի ամենաերիտասարդ հրամանատարը՝ 30-ամյա Դրոն։ Անցած բոլոր մարտերում նրա ղեկավարած գունդը մշտապես կրակների կիզակետում էր և մեծամասամբ ամենաառաջավոր գծում։ Դրոն քաջությամբ և հիրավի իր ռազմագիտական տաղանդով իսկական ռազմիկի կենդանի օրինակ էր։

Բնութագրելով Դրոյի մարտական շնորհները՝ բժիշկ Եր. Աթանեսյանը գրում է. «Ականատես եմ եղել Սորբից մինչև Դատուան ու Դրգուռ կամավորական շորս գունդերի մղած ճակատամարտերին։ Ես տեսայ և խոր յուզումով տեսայ, թէ ի՞նչպէս Սորբի յաղթանակից յետոյ Անդրանիկը բաղեղի պէս փաթաթեց Դրոյին, համբուրեց նրան ու իր վաղեմի ջնկերոջ, աննման հայդուկին՝ Քեռիին ուղղելով խօսքը, ասաց.

— Ասլան է Տերօն, Ասլան։

Անդրանիկը Տերօ էր արտասանում Դրոյի անունը։ Բայց այդ հնչիւնի մէջ մէկտեղւած էին հիացում, խանդաղատանք, բերկրանք և հպարտանք»<sup>43</sup>։

Թվում էր, թե այլևս ոչ մի ուժ չէր կարող խոչընդոտել ռուսական զորագնդերի և հայ կամավորների հաղթական պոռթկումը։ Զենքերի համազարկերի արձագանքներն արդեն հասնում էին Տարոնի և Սասունի լեռների ամրություններին և իրենց բազուկների ուժին ապավինած տասնյակ հազարավոր հայերի, որոնք ամեն օր և ամեն ժամ սպասում էին «ազատարար» ռուսական զորքերի և հայ կամավորական խմբերի օգնությանը։ Դրոն ճակատի հրամանատարությունից և հայ կամավորական զնդերի հրամանատարներից վճռականորեն պահանջում էր առանց ժամանակ կորցնելու, թեկուզև միայն հայ զինագնդերի միացյալ ուժերով արշավել Տարոն ու Սասուն։ Ուր ժողովուրդը օգնության սպասումներով դեռևս համառորեն դիմադրում էր թշնամուն։

Սիմոն Վրացյանը, որն այդ օրերին նիկոլ Աղբալյանի ընկերակցությամբ որպես Ազգային Բյուրոյի ներկայացուցիչ

<sup>43</sup> «Ալիք» բաց., 1956 թ, մայիս 4, էջ 18։

դանվում էր ռազմաճակատում, անդրադառնալով Մուշ և Սասուն արշավելու Դրոյի ներկայացրած համարձակ և տվյալ պարագայում ամենաանհրաժեշտ առաջարկութեանը՝ գրում է. «Դրօն համոզված էր, որ կամաւորները յաջողութեամբ կը հասնեն Տարօն եւ կ'ազատեն այստեղի հայութիւնը: ... Մրագիրը յանդուգն էր: Անյաջողութեան դէպքում կարող էին զոհուել կամաւորները, բայց յաջողութեան պարագային կը փրկուէր Տարօնի հայութիւնը, որ դեռ կանգուն էր եւ յուսահատօրեն սլաշտպանւում էր թշնամու դէմ: Մեծ նպատակը կ'արդարացնէր ամէն զոհողութիւն»<sup>44</sup>:

Դրոյին առավելապես պաշտպանել է կամավորական 4-րդ զնդի հրամանատար Քեռին: Դժբախտաբար այս կարևորագույն խնդիրը վճռելիս Հայոց Ազգային Բյուրոյի ներկայացուցիչների (Ն. Աղբալյանը և Ս. Վրացյանը ռազմաճակատ էին եկել դեպի Մուշ և Սասուն արշավանքը արագացնելու առաքելութեամբ — Հ. Գ.) ու զնդերի հրամանատարների միջև սռաջացած տարաձայնությունների հետևանքով շկայացվեց միասնական որոշում և ռուսական զորքերի կանխամտածված նահանջի հետևանքով հայ կամավորները ընդմիջտ զրկվեցին Սասունի լեռներում ապաստանած հայութեանը օգնութեան հասնելու հնարավորութեանից: Ռուսական բարձրաստիճան հրամանատարութեանը զորքերի զանգվածային նահանջի անհրաժեշտութեանը հիմնավորում էր այն պարզունակ, մտացածին փաստարկումներով, թե իբր Մանազկերտի շրջանում հայտնվել են թուրքական մեծաքանակ զորամիավորումներ, որոնց դեմ առճակատելը հավասարազոր էր կործանման:

Մանազկերտի և Փրխուս գյուղի ուղղութեաններում թուրքական զորքերի կողմից ձեռք բերված ոչ այնքան նշանակալի հաջողութեանները ռուսական հրամանատարութեանը կարծես առիթ ընձեռեցին թողնել գրաված տարածքները և բռնել նահանջի ուղին: Իրենց նահանջը առավելապես արդարացնելու դիտավորութեամբ ռուս հրամանատարները նրբորեն տարածել էին հակառակորդի «մեծաքանակ» ուժերի ողորմածութեանը հանձնվելու լուրերը:

<sup>44</sup> Ս. Վրացեան, «Կեանքի ուղիներով», հ. գ. Պէյքուիթ, 1965 թ., էջ 172:

Զորքերի նահանջի ծրագիրը մշակելու նպատակով ճակատի համանատար գեներալ Նազարբեկյանը զորամասերի հրամանատարներին հրավիրում է խորհրդակցության և հրամայում թողնել գրաված տարածքները: Խորհրդակցությանը ներկա է գտնվել նաև Դրոն:

Պատմում է 2-րդ կամավորականի հեծելախմբի հրամանատար Յապոնը. «Երբ ժողովից վերադարձավ, կանչեց ինձ ու ասաց, որ դրութիւնը բավական լուրջ է, քանի որ տաճիկները գրաւել են Արճեշը ու կտրել նահանջի գիծը:

Ռուսները կարող էին անձնատուր լինել, բայց մենք անձնատուր լինելու մասին մտածել իսկ չէինք կարող: Հէնց այդտեղ էլ Դրոյի հետ որոշեցինք, որ ուսական բանակի անձնատուր լինելու դէպքում՝ նրանից բաժանուենք ու թշնամու շղթան ճեղքելով՝ Ալադաղով անցնենք Դիադին: Այդտեղի բոլոր ճար ու ճամբաներին լաւ ծանօթ էինք»<sup>45</sup>:

Դրոյի մտավախությունը իզուր էր, ուսական զորքերի նպատակը Հայաստանի հայերից դատարկելն էր և ոչ թե անձնատուր լինելը:

Հուլիսի կեսերին երկու ուղղություններով սկսվեց ուսական զորքերի նահանջը: Նահանջի առաջին թևը ձգվում էր Վանա լճի հարավային ափով դեպի Սորբ, Ոստան, Վան և ապա Արճակ-Սարայի գծով դեպի Իրան: Մյուս թևը նահանջելու էր Ախլաթ, Արճեշ, Բերկրի և Աբաղայի դաշտի միջով դեպի Կովկաս: Դրոյի գունդը Անդրանիկի զորամասի հետ պիտի նահանջեր երկրորդ ուղղությունով:

Հուլիսի 15-ին սկսվում է ուսական զորքերի զանգվածային նահանջը: Դրոյի գունդը նահանջելիս անցնում է քանդված ու ավերակների վերածված Ախլաթով և մոտենում Արճեշին, ուր հարյուրավոր զինված քրդեր պաշարել էին զենքի դիմած տեղի հայ բնակչությանը: Արագորեն ոչնչացնելով քուրդ հրոսակներին՝ Դրոն իր գնդի պաշտպանությամբ Արճեճի հայությանը հասցնում է Վան:

Նահանջի հրամանը Վանում սարսափելի իրավիճակ էր ստեղծել: Վարդգես Ահարոնյանը, որն այդ օրերին գտնվում էր Վանում, պատմում է հետևյալը.

<sup>45</sup> «Հայրենիք» ամս., 1941 թ., մայիս, էջ 175:

«Վանից քաշուելուն վճռական կերպով դեմ էր Արամը, որ իր տեսակետը պարզեց մօտաւորապէս հետեւեալ բառերով.

«Մենք մի ամբողջ ամիս դիմադրեցինք թուրք բանակին եւ թուրք ու քուրդ զինուած խուժանին, ունենալով միայն հազիվ հազար կտոր զէնք, որից 400-ը ատրճանակներ էին, մնացածի մի մասը որսորդական հրացաններ եւ միայն հինգ հարիւրի շափ կանոնաւոր կռուի հրացաններ, շատ սահմանափակ քանակութեամբ ռազմամթերք: Հիմա Վանի պաշտպանութեան համար մենք կարող ենք ունենալ մեր կամաւորական շորս գնդերը...

Վանի եւ Մոկսի ու Շատախի երիտասարդութիւնից կարելի է զինել մէկ կամ երկու հազար հոգի ևս:

... Մինչեւ ռուսների վերադարձը մենք կարող ենք պաշտպանել այս հայութիւնը, մինչ գաղթը կարող է այս ժողովրդի մէջքը կոտրել»<sup>46</sup>:

Արամի տեսակետը պաշտպանում էին առանց բացառության կամավորական գնդերի բոլոր հրամանատարներն և Ազգային Բյուրոյի ներկայացուցիչները:

«Ն. Աղբալեանը իր սովորական պատկերալից ու կտրուկ ոճով ձեւակերպեց իր ասելիքը. «Ռուսները գնո՞ւմ են՝ թող գնան, մենք էստեղ ենք. ռուսները կը գան, մենք էլի էստեղ ենք»<sup>47</sup>:

Այո՛, հայերը լի էին վճռականութեամբ մինչև վերջ պայքարելու, սակայն ռուսական հրամանատարութիւնը ուներ իր հաստատուն և ոչ մի ուժով չբեկանվող դատավճիռը:

Ընդամենը 70 օրվա կարճատև կենսագրութիւնն ունեցավ Վանի փոքրիկ հանրապետութիւնը: Արամի հմուտ ղեկավարութեամբ կառավարվող Վասպուրականի քաղաքական, տրնտեսական և մշակութային կյանքում արդեն ականառու էին ձեռք բերած առաջին լուրջ նվաճումները:

Վանի հանրապետութիւնը այն իրական վարչաքաղաքական կառույցն էր, որի հիմքի վրա Հայաստանի պատմական տարածքում կարող էր կյանքի կոչվել Հայկական անկախ

<sup>46</sup> Վ. Ահարոնեան, «Անդրանիկ», Բոսթըն, 1957 թ., էջ 31—32:

<sup>47</sup> Նույն տեղում:

պետականությունը: Սակայն Հայկական պետականության հաստատումը ցարիզմի ծրագրերից դուրս էր:

Այժմ արդեն ամբողջ Վասպուրականը տեղահան եղած բռնել էր գաղթի ուղին:

Նժդեհի և Մեսրոպի զինավաշտերի և իրենց մարտական ուժերի պաշտպանությամբ գաղթի ճամփան էին բռնել նաև Մոկսի և Շատախի հայությունը:

Եթե նախորդ կռիվների ընթացքում հայ կամավորները մշտապես գործում էին հարձակման սուր ծայրում, ապա նահանջի դեպքում վերջնամասում ապահովում էին մյուս զորամասերի և գաղթականության նահանջը:

Հայ գաղթականների հսկայական բազմությունը հուլիսի 23-ին հասնում է Բերկրի: Նույն օրը նահանջողներին անընդհատ հետապնդող թուրքական զորքերն ու քրդական հրոսակախմբերն նույնպես հասնում են Բերկրի և գազանային մոլուցքով նետվում գաղթական բազմության վրա: Ռուսական զորքերն ու Անդրանիկի զորագունդը բավականին առաջ էին անցել: Համազասպի և Քեռու զորագնդերն՝ «Արարատյան» զորախմբի հրամանատարության անփույթ ղեկավարման հետևանքով կտրվելով գաղթականության հիմնական զանգվածից, անցել էին Պարսկաստան:

Ճակատագրական պահ էր, Բերկրին կարող էր վերածվել բազմահազարանոց գաղթականության գերեզմանոցի, եթե ամենավճռորոշ պահին թշնամու հետ օրհասական գոտեմարտի բռնված Վասպուրականի, Մոկսի և Շատախի մարտիկներին օգնության շհասներ Դրոյի զորագունդը:

Բերկրի-Կալիեի պաշտպանության կռիվները Դրոյի մարտական կենսագրության ամենանշանակալի էջերից են:

Հուլիսի 23-ին ամենաճակատագրական վայրկյանին հասնելով մարտադաշտ՝ Դրոն, որի զորագնդին միացել էին նաև Նժդեհի և Մեսրոպի վաշտերը, գաղթականության նահանջը ապահովելու նպատակով՝ հրամայում է Մարտիրոսի, Մեծ Ղազարի, Յապոնի զորավաշտերին անհապաղ գրավել Բերկրի կիրճը և տեղանքին իշխող բարձունքները:

Հրամանը ճիշտ ժամանակին էր: Թուրքական զորաբանակն աշխատում էր գրավել դեպի Աբաղայի դաշտը կիր-

ճերով անցնող միակ ուղին և շրջափակելով մի քանի տասն-  
յակ հազարի հասանող գաղթականությունը՝ Բերկրին վերա-  
ծել արյան ծովի:

Երկու օր շարունակ Վասպուրականի, Մոկսի և Շատալսի  
ղինվորների համագործակցությամբ անպատմելի խիզախու-  
ներով տապալելով թուրքական կանոնավոր զորագնդերի և  
քրդական զինյալ խմբերի իրար հաջորդող դրոհները՝ Դրոն  
հնարավորություն է ընձեռում գաղթականության մեծ մասին  
անցնելու Բերկրի կիրճով և փրկվելու անխուսափելի կործա-  
նումից:

«Այդ նահանջի ընթացքում, — նշվում է ռազմաճակատից  
հաղորդվող ամփոփագրերում, — իր մարտական պաշտպանու-  
թեամբ խումբը (Դրոյի 2-րդ կամավորական գունդը — 2. Գ.)  
կարողացավ ապահովել Ալաշկերտի սարահարթում խմբված  
հսկայական քանակի հայ փախստականների տեղափոխու-  
թյունը»<sup>48</sup>:

Դժբախտաբար Բերկրի-Կալեի մոտակայքում թուրքերի և  
քրդերի հարձակումներին զոհ են գնում մեծ քանակությամբ  
գաղթականներ: Եթե մինչև Բերկրի կամավորական գնդերի  
փոխհամագործակցությունը խելացիորեն կազմակերպվեր,  
ապա հնարավոր էր ապահովել ողջ գաղթականության ան-  
կորուստ անցումը Երևանի նահանգ:

Մարտիրոսի և Յապոնի վկայությամբ Բերկրիում գաղ-  
թականների մի մասի անհիմաստ կորստի ցավից հավասա-  
րակշռությունը կորցրած Դրոն խստորեն հանդիմանում է  
«Արարատյան» զորախմբի հրամանատար Վարդանին, որն  
այդ օրերին շփոթվելով հրամանատարական պատշաճ բար-  
ձունքում՝ կորցրել էր հայ կամավորական զորագնդերի գոր-  
ծողությունները փոխհամաձայնեցնելու ղեկն ու պարտակա-  
նությունը<sup>49</sup>:

Հուլիսի վերջին Դրոն գաղթականության հետ միասին  
հասնում է Իգդիր: Արդեն պատմության գիրկն անցած բա-

<sup>48</sup> 2. 2. Կ. Ա. թղթ. ծր. 503

<sup>49</sup> «Հայրենիք» ամս., 1937 թ. հունվար, էջ 77 և 1941 թ. մայիս,  
էջ 175:

զում ճակատամարտերից ու դժվարին ապրումներէ: ց հետո՝ նա բնավ տրամադրութիւն չի ունեցել գոնե փոքր ինչ շունչ առնելու հայրենի միջավայրում: Դրոյի գլխավոր մտահոգութիւնը թշնամու ճիրաններում դեռևս մաքառող Տարոնն ու Սասունն էին: Եվ միայն շաբաթներ անց նրա համառ պահանջներից հետո բարձրաստիճան հրամանատարութիւնը վերջապես բարեհաճում է համաձայնվել, որ Դրոն հայ կամավորական զինավաշտերից կազմած ուժեղացված զորամասով արշավի Տարոն և Սասուն:

Ռուսական զորաբանակի հրամանատարութեան որոշումից ոգևորւած՝ Դրոն մեծ եռանդով պատաստվում է աշավանքի, բայց դժբախտաբար արդեն ուշ էր: Սասունից ռազմական հասած Ռուբեն Տեր Մինասյանն ու Վահան Փափազյանը (Կոմս) գուժում են Տարոնի ու Սասունի հայութեան բնաջնջման իրողութիւնը: Սասունի լեռներում պատսպարված ժողովրդի կողմից օգնութեան հայցող՝ օրեր առաջ Իգդիր հասած մշեցի Նազարեթ վարժապետը՝ ցնցող լուրի ներգործութիւնից շանթահար, ասում է. «Ա՛խ, ինչպէ՛ս ինձի մտիկ չըրին, — կըսէր այն սրտաշարժ հառաչանքով մը, — եթէ կամաւորական մէկ խումբ ղրկելու ըլլային, այդ շրջանի բոլոր ժողովուրդը կազատուէր, որովհետև, արդէն թիւրք իշխանութիւնը շատ աննշան թիւով զօրք ունէր այնտեղ, և անոնք ալ «հայ ֆիդայի» անունէն սարսափահար պիտի փախչէին:

Գլուխը կախեց կրծքին վրայ. քանի մը բոպէ լուռ մնալէ յետոյ ըսաւ. «Վահան Փափազեանը (Կոմս) իր վերջին նամակով Սասունէն կը գրէր: Ամէն առաւօտ, երբ արշալոյսը կը շառագունէր Սասունի լեռնակատարէն, աչքներիս այն կողմ յառած օգնութեան կսպասեմք: Ո՛ւր է Անդրանիկը, ո՛ւր է Արամը...»<sup>50</sup>:

Հայրենակիցների կործանման ցավով ու վրեժխնդրութեամբ բռնկված Դրոն Զեմլյակի, Յապոնի, Խոսրովի հեծելախմբերի և փոխգնդապետ Կորոլկովի զորամասին գլուխ անցած ներխուժում է Դոմպարք, Զիլանի և Ալադաղի շրջաններն և մոտ մեկ ամիս տևողութեամբ ընթացող կռիվներում, առանց խնայելու, կոտորում այդ շրջանների զինված թուրք-քուրդ խումբ-

<sup>50</sup> «Ասպարեզ», թիւ 468, էջ 5:

բերին, որոնք ամենավայրագ ձևով էին հաշվեհարդար տեսել հայերի հետ: Նրանցից բռնագրաված երեք տասնյակ հազարի հասնող ոչխարների հոտը քշում էին Երևանի նահանգ և հանձնում արդեն սովի ճանկերում տառապող գաղթականությանը:

Ռուսական զորքերի նահանջը ոչ միայն թուրք իշխանություններին հնարավորություն շնորհեց ջարդերի ակիբը սփռել Տարոնի, Սասունի և հայկական մյուս գավառներում, այլև հուսախաբության և դասալքության տրամադրություններ սերմանեց հայ մարտագնդերի շարքերում: Բազմաթիվ հայ զինվորներ իրենց հարազատներին որոնելու պատրվակով լքում էին մարտաշարքերն և մեկնում իրենց ծննդավայրերը:

\* \* \*

Հայ ժողովրդի գոյապայքարի բախտորոշ ժամանակահատվածում գերմարդկային ջանքեր էին գործադրում Հայոց Ազգային Բյուրոն, որի ինչպես նաև կամավորական գնդերի հրամանատարության նպատակասլաց աշխատանքի շնորհիվ ոչ միայն հնարավոր եղավ կայունացնել մարտախմբերում սկիզբ առած դասալքությունն ու անկարգապահությունը, այլև Երևանի մեջ կազմել երկու նոր մարտական գնդեր:

Դրոն Երևանում համալրելով նախորդ մարտերում զգալի կորուստներ կրած 2-րդ կամավորական գունդը՝ նույն տարվա նոյեմբերին իր զորավաշտերի գլուխն անցած ուղևորվում է Իզդիր:

Նոյեմբերի վերջերին ռուսական զորքերը վերսկսելով հարձակումը՝ հաստատվում են Արձեշ-Պոնտոս բնագծերում: Թուրքական հրամանատարությունը՝ մի շարք կռիվներում կորցնելով մեծ քանակությամբ մարտական ուժեր և տեխնիկա՝ ավելի է ակտիվացնում քրդական հրոսակախմբերի գործողությունները: Քուրդ հեծելախմբերի անակնկալ և պարբերաբար շարունակվող հարձակումները վտանգավոր կացություն են ստեղծում ռազմաճակատի թիկունքում: Դեկտեմբերի վերջերին քրդերի գործած ավերածությունների հետևանքով խափանվում են ռուսական տարբեր զորամիավորումների միջև հաղորդակցության ուղիները: Ռազմաճակատի թիկունքը մաքրելու և հաղորդակցության ուղիները վե-



րական գնելու նպատակով ռուսական բանակի հրամանատարութեան կարգադրութեամբ հայկական 1-ին և 2-րդ զորագնդերից կազմվում է երկու արշավախումբ:

Դրոյի զինագունդը, որի կազմում էին նաև կողակական մեկ հետևակ և հեծյալ վաշտեր, ջախջախելով Պոնտոսից մինչև Արճե ընկած շրջաններում գործող քրդական զինված խմբերին՝ հունվարի սկզբներին Աղի-Գյաղուկ լեռնանցքի մոտակայքում միանում է Անդրանիկի զորամասին: Ձմռան խստաշունչ պայմաններում հայկական 1-ին և 2-րդ զինագնդերը հրաշալիորեն կատարեցին մարտական առաջադրանքը: Շնորհիվ հայ կամավորների անբասիր մարտական գործողութունների, վերականգնվեցին հաղորդակցութեան ուղիները ռուսական զորամասերի միջև և բավարար հնարավորութուն ստեղծվեց հետագա ռազմական գործողութունների ծավալման համար:

1916 թ. սկզբներին Կովկասյան հրամանատարութեանը ձեռնարկում է վճռական և խոշոր մարտական գործողութուններ ռազմաճակատի մի շարք ուղղութուններում: Գլխավոր՝ Կարին, Մուշ և Բաղեշ ուղղութուններում կենտրոնանում են հայ կամավորական գնդերը:

Դրոյի զորագունդը, որը հանդիսանում էր գեներալ Աբացևի զորամասի առաջապահ ջոկատը, գործելու էր Խնուս-Մուշ ուղղութեամբ: 1916 թ. ձմռանը իրականացվող ռազմական գործողութունները Արևմտահայաստանի ազատագրման ձգտումներով ռազմադաշտ մեկնող կամավորական գնդերի 3-րդ արշավանքն էր:

Ինչպես նախորդ երկու արշավանքներում, այս անգամ էլ Դրոյի հետ էին զինագնդի 1-ին և 2-րդ հեծյալ զորավաշտերի հրամանատարներ Զեմլյակն ու Յապոնը, 1-ին, 2-րդ, 3-րդ հետևակային վաշտերի հրամանատարներ Դալի Ղազարը, Բաշգառնեցի Մարտիրոսն ու Մեծ Ղազարը (Ղազար Քոչարյան):

Հունվարի 6-ին 2-րդ գունդը Մանազկերտի մոտ գետանցում է Եփրատը և ուղղութուն վերցնում Խնուս: Մինչև Խնուս հասնելը, զորագունդը ռուսական զորամասերի համագործակցութեամբ Ղարաքեորփի գյուղի մոտակայքում հաղ-

Թահարում է թուրքերի դիմադրութիւնը և նույն ամսի 12-ին մտնում Խնուս:

1916 թ. փետրվարի սկզբներին ռուսական զորքերի կողմից իրականացվող հարձակողական գործողութիւնները պսակվում են հաջողութեամբ:

Արդեն նույն ամսի 5-ին գրավվում է Մուշը և ինչպես նախորդ բոլոր մարտերում՝ քաղաք մտնողներից առաջինը Դրոյի զլխավորած 2-րդ կամավորական գունդն էր: Երկու օր անց Դրոն բարձրանում է Սասուն, ապա շարժվում սուրբ Առաքելոց վանքը:

Վերջապես Դրոն Տարոնում էր ու Սասունում, այն ֆիդայիների հայրենիքում, որոնց մասին ժողովրդի մեջ տարածված առասպելանման պատմութիւններն ազատութեան պայքարին զինվորագրվելու ձգտումներ էին սերմանել նաև իր հոգում: Բայց պատանեկութեան տարիներին նրա երազած հայոց ըմբոստ լեոնաշխարհի հերոսներն այլևս չկային:

Սոսկալի պատկեր էր տիրում հայոց հինավուրց հողում, Տարոնի ողջ բնակավայրերը թուրքերն ու քրդերը հասցրել էին քանդել ու վերածել մոխրակույտերի: Այժմ նրա զորագնդի մարտիկներին մնում էր հավաքել լեոնների ծերպերում, թաքստոցներում պատսպարված և հրաշքով փրկված հայերին:

Փետրվարի 24-ին Բաղեշի շրջանից դեպի Մշո դաշտ է շարժվում Անդրանիկի 1-ին կամավորական գունդը: Հայկական նորշեն գյուղում Անդրանիկը հանդիպում է Դրոյի հրամանով Մուշից Բաղեշ տանող ճանապարհը պաշտպանող Դալի Ղազարի զինավաշտին: Վարդգես Ահարոնյանի, (այդ օրերին ծառայում էր Անդրանիկի մոտ — Հ. Գ.) վկայութեամբ Անդրանիկին հիացրել է Դրոյի զինվորների կարգապահութիւնն ու մարտական կեցվածքը: Դալի Ղազարի վաշտի զինվորների խրոխտ տեսքից զգացված Անդրանիկը. «... վերդովուած նետեց մեր գնդի զինուորների երեսին.

— Դո՛ւք ալ զինուոր էք, ասոնք ալ...»<sup>51</sup>:

Մուշի գրավումից հետո 2-րդ կամավորական զորագնդի հրամանատարութիւնը ընդունում է գնդապետ Եգոր Տեք

<sup>51</sup> Վ. Ահարոնեան, «Անդրանիկ», Բոսթըն, 1956 թ., էջ 115:

Ավետիքյանը, իսկ Դրոն հիվանդության պատճառով տեղափոխվում թիկունք:

Նրա բացակայության ժամանակ դունդը մասնակցում է Տարոնի և Սասունի շրջաններն թուրքերից և քրդերից մաքրելու կռիվներին, իսկ ապա տեղափոխվում Բաղեշի ճակատ:

Կլիմայական բարդ պայմաններում Բաղեշը գրավելու նպատակով ձեռնարկված մարտական գործողությունները ավարտվում են չափազանց բարեհաջող վերջաբանով: Մարտի 3-ին թուրքական զորքերը լքում են Բաղեշը: Այդ կռվում 2-րդ կամավորականը համագործակցելով գլխավոր տեղամասում հարձակվող Անդրանիկին՝ զգալի ավանդ է ներդնում Բաղեշի և նրա շրջակա բնակավայրերի ազատագրման գործում, իսկ Դալի Ղազարի գլխավորած 1-ին վաշտը քաղաք ներխուժող զինվորների առաջին շարքերում էր:

Բաղեշի գրավումից հետո Դրոյի գունդը դարձյալ վերադառնում է Մուշ:

Ապրիլի 3-ին զորամաս է վերադառնում արդեն ապաքինված Դրոն և վերստին ստանձնելով գնդի հրամանատարությունը՝ հաջորդ օրն իսկ իր զորավաշտերին առաջնորդում է մարտի: Նա արդեն գիտեր, որ Կովկասյան ռազմաճակատի գլխավոր հրամանատար մեծ իշխան Նիկոլայ Նիկոլաևիչը որոշել էր ցրել հայ զինագնդերը: 2-րդ կամավորականի վաշտապետերը Դրոյից տեղեկանալով այդ մասին՝ հրաժարվում են մասնակցել արդեն ընթացող ճակատամարտին, սակայն. «... Դրոն առաջարկեց այս անգամ էլ մասնակցել վերջին կռուին եւ պատուով մնաս բարեւ ասել»<sup>52</sup>:

- Եվ վերջին անգամ Արևմտահայաստանի հողում Դրոն իր կամավորներին առաջնորդում է գրոհի Կազմագեադուկ բնակավայրում կուտակված թուրքական ջոկատների վրա: Կամավորների առաջին հարվածն անկասելի էր, թուրքական զորախումբը մեծ կորուստներով սկսում է նահանջել: Սակայն, մարտադաշտ են հասնում թուրքական նոր գումարտակներ և նահանջող զինաջոկատների հետ հարձակվում հայ զինավաշտերի վրա: Թշնամու արձակած գնդակներից վիրավորվում է 2-րդ վաշտի հրամանատար Բաշգառնեցի Մարտիրոսը,

<sup>52</sup> «Հայրենիք» ամս. 1934 թ., հունվար, էջ 82:

սպանվում է հայ զորագնդի կազմում գործող ռուսական վաշտի հրամանատար Իվանովը: Ռուս զինվորները իրենց հրամանատարի սպանվելու տեսարանից հուսալքված՝ դիմում են փախուստի: Մարտիրոսի վիրավորվելու պատճառով հրամանատարութունը կորցրած, 2-րդ վաշտի հայ զինվորները տեղի տալով թուրքերի գրոհներին՝ հետևում են ռուսների օրինակին: Զարմանալի և նախադեպը չունեցող երևույթ էր: Դրոյի զինվորներն առանց հրամանի երբեք չէին նահանջել. «Դրօն վրայ էր հասել: Յետ նահանջող կամաւորները, տեսնելով իրենց սիրելի հրամանատարին, կանգ էին առել:

Դրօն խառնիճաղանջ զօրքին կարգի էր բերել, յարձակուել թշնամու վրայ, վերականգնել դրութիւնը, յետ վերցրել ռուսների թողած գնդացիները, կարգով նահանջել ու ամրացել էր նախկին դիրքերում՝ Զանգուկի բարձունքներում»<sup>53</sup>:

Ահա այս կովից հետո Դրօն իր զինագնդի հրամանատարութունը հանձնում է գնդապետ Սամարձեին և իր մի խումբ մարտական զինակիցների հետ ուղևորվում Երևան:

1916 թ. ռուսական զորքերի կողմից Արևմտահայաստանի գրեթե ողջ տարածքը գրավելուց հետո, կովկասի նոր փոխարքա Նիկոլայ Նիկոլաևիչի օրոք ցարիզմի քաղաքական բառապաշարից ընդմիջտ անհետացավ «Հայաստանի ինքնավարութուն» հասկացութունը: Ռուսական կայսրութունը հասել էր իր նպատակին. «Հայաստանն մնացել էր առանց հայերի» և դատարկված Հայաստանը, համաձայն նույն թվականին Անտանտայի տերութունների միջև կնքված գաղտնի համաձայնագրի, պիտի վերածվեր կոզակական բնակավայրերի: Հայկական ինքնավար նահանգների փոխարեն ստեղծվելու էին Եփրատյան ու Տիգրիսյան կոզակութուններ: Լուծարքվեցին մինչ այդ գլխավորապես ռուսական զենքի հաղթանակներին ծառայած հայ կամավորական զինագնդերը, որոնք այժմ ռուս իշխանութուններին այլևս պետք չէին:

Ցարիզմի քաղաքականութունից խորապես հիասթափված Դրօն թողնում է զինվորական ծառայութունը և տրվելով դառը վշտերին՝ թափառում Թիֆլիսում, Երևանում, Իգդիրում և այլ վայրերում: Նա երբեք չհամաձայնվեց կրելու

<sup>53</sup> Նույն տեղում:

իրեն բազմիցս առաջարկված ուսական սպայի ուսադիր-  
ներն և մտնել բանակային ծառայութեան մեջ:

Շուտով Դրոն հայտնվում է կապալառուի պաշտոնով և  
ստանձնում Կաղզվան-Կողբ զինվորական ճանապարհի շի-  
նարարութեան վարձակալման իրավունքը:

Դրո մարդը զարմանալի առեղծվածային երևույթ էր:  
Հազվագյուտ են դեպքերը, երբ նա որևէ գործ ձեռնարկեր և  
հաջողութեան շահասներ: Իր համար բոլորովին այս նոր դերում  
դարձյալ դրսևորվում է նրա խորը կազմակերպչական ընդու-  
նակութունները:

Փետրվարյան հեղափոխութունից հետո իրավիճակը Կով-  
կասի քաղաքական կյանքում և ռազմաճակատում կտրուկ  
կերպով փոխվում է: Դրոն շտապում է Թիֆլիս և հայտնվում  
ծավալվող դեպքերի կիզակետում:

Ցարիզմի տապալման և արևմտյան ճակատում Գերմա-  
նական ու ավստրոհունգարական բանակների կողմից ուս-  
ական զորքերի պարտութունների արձագանքները թափան-  
ցելով կովկասյան ռազմաճակատ՝ հայրենիք վերադառնալու  
ցանկութեամբ համակված ուս զինվորների շրջանում ավելի  
խորացրին արմատավորված դասալքումների տրամադրու-  
թունները: Ռուսական զորաբանակներում նախկին մարտու-  
նակութեան և ռազմական կարգապահութեան փոխարեն ար-  
դեն նկատվում էին բարոյալքութեան ու ռազմաճակատը  
կազմալուծելու բացահայտ նշաններ: Տվյալ ժամանակա-  
հատվածում դեպքերի նման կտրուկ շրջադարձը դժվարին  
կացութուն էր ստեղծել նաև ուսական հրամանատարութեան  
համար և ստեղծված ծանր մթնոլորտը անհրաժեշտաբար  
թելադրում էր դիմել վճռական միջոցների: Ռազմաճակատի  
մերկացումը փաստորեն իրական հնարավորութուն էր ըն-  
ձեռում թուրքերին համալրելով բանակի մարտական կազմը՝  
վերստին գավթելու ոչ միայն Արևմտահայաստանը, այլև  
Անդրկովկասը և օգտվելով ուսական զորքերի բացակայու-  
թունից, առանց մեծ ջանքերի, իրականացնելու պանթուր-  
քիզմի ծրագիրը, այն է՝ գրավել Բաքուն և դուրս գալ Հյու-  
սիսային Կովկաս, ապա մինչև Բաշկիրիա, Թաթարիա ու  
միջին Ասիա: Ռազմաճակատը կայունացնելու համար ան-  
հրաժեշտ էին միմիայն կարգապահ ռազմական միավորում-

ներ, իսկ այդպիսին կարող էին լինել հայկական մարտական ուժերը, որոնք շահագրգռված էին պաշտպանելու Արևմտահայաստանն ու Անդրկովկասը:

Կերենսկու ժամանակավոր կառավարութունը համոզված էր, որ ռուսական զորքերի նվաճած տարածքները թուրքական զորքերի հարձակումներից կարելի էր ապահովել միայն ազգային զորամասերի ուժերով: Ելնելով վերոհիշյալ նախադրյալներից՝ ժամանակավոր կառավարության թույլտվությամբ Կովկասյան ռազմաճակատի հրամանատարութանը արտոնվեց կազմավորել ազգային զորամիավորումներ, որոնց թվում նաև հայկական երկու զորամասեր: 1-ին՝ 6000 թվակազմով բանակային կորպուսը նախատեսված էր կազմավորել ի հաշիվ արևմտյան ռազմաճակատում մարտնչող ավելի քան 250000 հայ զինվորների և հայկական կամավորական խմբերի: 2-րդ զորամիավորումը՝ Անդրանիկի գլխավորությամբ բացառապես արևմտահայերից կազմված աշխարհազորային դիվիզիան էր 30000 թվակազմով:

Դժբախտաբար հոկտեմբերյան հեղաշրջումից հետո հայկական զորամիավորումների կազմավորման գործը կործանվեց: Համաձայն Հայոց Ազգային Խորհրդի և ժամանակավոր կառավարության միջև կայացած համաձայնության, Արևմտյան ռազմաճակատից Կովկաս ժամանող 50000 հայ զինվորները Ռուսաստանում բռնկված քաղաքացիական կռիվների, ճանապարհների շրջափակման պատճառներով չկարողացան տեղ հասնել:

Հայրենիք վերադարձող հայ զինվորների մեծ մասը քաղաքական կռիվների օրերին կարմիր բանակի հայազգի հրամանատարների կոչով համալրելով նրանց իսկ գլխավորած զորամասերը՝ Ռուսաստանի անժայրածիր տափաստաններում մարտնչում էին հանուն խորհրդային իշխանության հաղթանակի: Իսկ նույն ժամանակամիջոցում Արարատյան աշխարհում խմբված հայության հիմնական զանգվածը օրհասական պայքար էր մղում իր գոյութունը պահպանելու համար:

Կարմիր հոկտեմբերի շնորհիվ տապալվեց նաև հայկական ազգային զորամիավորումներ ստեղծելու իրական հնարավորութունները: Կովկասյան ռազմաճակատի հրամանա-

տար գեներալ Լեբեդինսկու համաձայնությամբ այդ ճգնաժամային օրերին հայ ժողովրդի գոյապայքարը առաջնորդումիակ փաստական ուժը՝ Հայոց Ազգային Խորհուրդը կարողացավ կազմել միայն մեկ 16000—18000-անոց բանակային կորպուսը:

Գեներալ Նազարբեկյանի գլխավորած ազգային զորամասի մեջ էին մտնում Աբելյանի 1-ին, Սիլիկյան 2-րդ և Անդրանիկի 3-րդ աշխարհազորային դիվիզիաներն ու գնդապետ Ղորղանյանի գլխավորած հեծյալ բրիգադը:

Հայկական նորաստեղծ զորամիավորման միջուկն էին կազմում հայ կամավորական զնդերի և ինքնապաշտպանական մարտերի փորձառու զինվորները: Հայոց Ազգային Խորհրդի և Կովկասյան ռազմաճակատի հրամանատարության փոխհամաձայնությամբ բանակային կորպուսի զինվորական կոմիսարի պաշտոնը վստահվեց Դրոյին: Ճարական նահանգապետի ահաբեկիչը, հայ-թուրքական ընդհարումներում Կոտայքի, Ագուլիսի, Նախիջևանի, Զանգեզուրի ինքնապաշտպանական մարտերի ամենաերիտասարդ խմբապետն և ապակամավորական շարժման ընթացքում զորահրամանատարական փայլուն կարողություններ դրսևորած ՅՅ-ամյա Դրոն գեներալ Նազարբեկյանից հետո փաստորեն երկրորդ դեմքն էր հայկական նորաստեղծ զորամիավորումում:

1917 թ. դեկտեմբերին Կովկասյան ռազմաճակատ իրականում արդեն գոյություն չունեի: Բոլշևիկների քարոզչությունը և խորհուրդների հռչակած հող և խաղաղություն կարգախոսները իրենց կախարդիչ զորությունամբ բարոյալքելով ուսանկան բանակը՝ հող նախապատրաստեցին ճակատի վերջնական քայքայման ու կազմալուծման համար:

«Տարերային ուժի,— գրում է Երևանի զինվորական խորհրդի գործադիր կոմիտեի անդամ Արշալույս Ազնավուրյանը,— հեղեղի պէս տեղի ունեցաւ այդ տեղատվութիւնը՝ ճակատից դէպի Ռուսաստան:

... Դէպի տուն շտապող ռուսական զօրամասերը իրենց ճամբին խորտակում էին ամեն ինչ: Խորթ շէր նրանց հոգուն նաեւ թալանն ու կրակը: Երեւանում խանութները կողոպտելու նպատակով հրդեհ առաջ բերին խանութների շրջանում,

որպէսզի քաղաքացիներին շփոթի մատնեն ու լաւապէս հասնին իրենց սև նպատակին»<sup>54</sup>։

Եւ այս ամենին ականատեսն էին ջարդերի սարսափները տեսած և ուղմաճակատի մերկացման հետևանքով դարձյալ մտալուտ կոտորածների սարսափով ապրող հայությունը։

Սև ծովից մինչև Պարսկաստան ձգվող հսկայածավալ ուղմաճակատը, ուր նախկինում կենտրոնացված էր ուսական 300000-անոց զորամիավորումներ, այժմ պաշտպանելու էին վանում, խնուսում, Ալաշկերտում, էրզրումում, Կարինում, Երզնկայում ու Բաբերդում տեղաբաշխված հայկական փոքրաքանակ զնդերը և թիկունքում դեռևս նոր-նոր ձևավորվող բանակային կորպուսը։

Թուրքերն օգտվելով հոկտեմբերի շնորհած պարզևից՝ մեծ եռանդով ձեռնամուխ եղան ոչ միայն իրենց զորամասերը վերախմբավորելու ու համալրելու, այլև օգտագործում էին բոլոր հնարավոր միջոցները խանգարելու ուղմաճակատը հայ մարտական ուժերով կայունացնելու Հայոց Ազգային Խորհրդի ձեռնարկումները։

«Ինչ որ մութ ձեռք, — նշում էր այդ օրերին Հորիզոնը, — պատերազմի ու խռովութեան սերմեր է փորձում ցանել հայ ձե թուրք ժողովուրդների մէջ...»<sup>55</sup>։

Իրականում ոչ մի մութ ձեռք գոյություն չուներ։ Ռուսական հեղափոխությունները թարմ լիցք էին հաղորդել Անդրրկովկասում և հատկապես Արևելահայաստանի տարածքում բնակվող մահմեդականության ավազակային ու թալանչիական գործողություններին։ Թուրքական զինվորական հրամանատարության կողմից Կովկաս գործուղված սպաների ու գործակալների հրահրմամբ համաթուրանական գաղափարներով վարակված կովկասյան թուրքերը ուղմաճակատի թիկունքը խարխլելու և հայկական զորամիավորումների կազմավորումը խոչընդոտելու դիտավորությամբ՝ պարբերաբար հարձակումներ էին գործում հայոց գյուղերի ու հաղորդակցության կարևորագույն հանգույցների, մինչև անգամ ճակատ մեկնող հայ զինչոկատների վրա, ստեղծելով կատարյալ

<sup>54</sup> «Արամը», 1969 թ., էջ 93։

<sup>55</sup> «Հորիզոն», 1918 թ., մայիսի 19։



քառասուն և անկառավարելի իրավիճակ: Ռազմաճակատի թիկունքում գործելու համար թուրք հրամանատարությունը ակտիվացնում է նաև քրդական հրոսակախմբերի գործողությանն էրը:

«Օգտվելով, — նշում է «Հորիզոնը, — ժամանակավոր կառավարութեան թուլութիւնից եւ պրովակացիոն մութ ուժերի գրգռմից, Սուրմալուից ու Հայոց Ձորից մինչև Սամախաթուն քրդական աւազակաբարոյ, մինչեւ ատամները զինւած հրոսակախմբերը յարձակում են խաղաղ բնակչութեան վրա, կողոպտում են, վիրաւորում ու սպանում: Չեն քաշում անդամ զինուորների ու պարենատար ղօրամասերի վրայ էլ յարձակւելուց»<sup>56</sup>:

Նախադեպը շունեցող օրհասական ժամանակաշրջանում ժողովրդի ֆիզիկական գոյությունը հնարավոր էր ապահովել միմիայն ազգի կենսունակ, առողջ ուժերի համախմբման և թշնամու ոտնձգություններին անխորտակ հարվածներով պատասխանելու միջոցով:

Անդրադառնալով այդ օրերի իրադարձությանը՝ Դրոն վերհիշում է. «Մի կողմից մեր դրան առջեւ կանգնած էր դարաւոր թշնամին՝ թուրքը իր բանակներով, միւս կողմից թաթարների հետ մեր ներքին կռիւները կլանում էին հայ ժողովրդի գրեթէ ամբողջ ուժը. սով էր մեր երկում և համաճարակի հիւանդութիւնները սպառնում էին զանազան շրջանների: Ռուս բանակը հեռանում էր խուճապահար եւ արտաքին օգնութեան ոչ մի յոյս էր մնում:

Ի՞նչ անել, ինչպէ՞ս փրկել ժողովրդի գոյութիւնը, ի՞նչ միջոցով դուրս գալ այս ծանր անելից:

Շուարումի, լքումի եւ յուսահատութեան այս խեղդող մթնոլորտի մէջ է որ հայ ժողովրդի մարտական մէծ կուսակցութիւնը՝ Լ. Յ. Դաշնակցութիւնը տուեց վճռական որոշումը եւ տէր կանգնեց հայութեան ճակատագրին: Նա կռուից դուրս ուրիշ միջոց չգտաւ մեր ժողովուրդը փրկելու»<sup>57</sup>:

Դրությունն առանձնապէս ծանր էր Երևանի նահանգում:

56 Նույն տեղում, հուլիսի 8:

57 «Հայաստանի հանրապետութեան 60-ամեակը, 1918—1978 թթ.», էջ 5:

Անհրաժեշտ էին կարող, ձեռներեց ու մեծ հեղինակությամբ  
օժտված մարդիկ՝ քառասային կացությունը շտկելու և թիկուն-  
քում ծավալվող աշխատանքները կարգավորելու համար:  
Հայոց Ազգային Խորհրդի որոշմամբ 1917 թ. դեկտեմբերին  
Երևան է գալիս Արամ Մանուկյանը և իրեն հատուկ մեծա-  
գույն եռանդով ձեռնամուխ լինում Արարատյան աշխարհի  
ծայրահեղ լարված ու խառնաշփոթ իրավիճակի կարգավոր-  
ման խնդիրների լուծմամբ: Արամը Երևանում ստեղծում է  
Ազգային Խորհրդի իրավունքով մի մարմին՝ Հատուկ Կոմի-  
տե, որի ձեռքում է կենտրոնանում ողջ նահանգի քաղաքա-  
կան, տնտեսական և ռազմական իշխանությունը:

Հայ ժողովրդի համար ճակատագրական նշանակություն  
ունեցող ժամանակում Երևան է գալիս նաև հայկական զոր-  
քերի զինվորական կոմիսար Դրոն:

Երևանի նահանգում կացությունը ծայրագույնի էր հաս-  
ցրել նաև այն հանգամանքը, որ մի քանի հարյուր հազարների  
հասնող գաղթականության զգալի մասը խմբվել էր Արարատ-  
յան նահանգում: Անհրաժեշտ էր թուրք-քուրդ ավազակա-  
խմբերի անընդմեջ հարձակումներից պաշտպանել և կերակրել  
արդեն սովամահության գիրկն ընկած գաղթականությանը:

Այդ օրերին գաղթականների հոծ բազմության հետ էջ-  
միածնի, Աշտարակի շրջաններն է հասնում Կարո Սասունին  
և ապա գալով Երևան՝ ներկայանում Հատուկ Կոմիտեի ան-  
դամներին:

«Հոն էր, — վերհիշում է Կարո Սասունին, — Արամը, իբրև  
լիազոր, հոն էր Դրոն, իբրև ղինական ուժերու հրամանա-  
տար: Կարճ էր իմ զեկուցումը:

— Տեղահան ժողովուրդը, բաց երկնքին տակ, զօրամա-  
սեր եւ ժողովրդական բանակ, առանց կայանի, ու ամէն օր  
կոխ՝ շրջապատի թաթարներուն հետ:

Կարկուտ տեղաց իմ գլխուն, զեկուցումը երբ վերջացրի:  
Սահակ Թորոսեան եւ քանի մը այլ ընկերներ, որոնք Ազ-  
գային Խորհրդի անդամ էին, իմ վրայ յարձակեացան բուռն  
քննադատութեամբ.

— Այս ի՞նչ կողոպուտ ու թալան, այս ի՞նչ մարդասպա-

նութիւն է, մենք ընկերավարականներ ենք, այս արարքներուն վերջ պիտի տրուի:

Զարմացած կը նայէի Ազգային Խորհուրդի անդամներուն զայրացած դէմքին:

— Բայց, ընկերներ, էջմիածնի եւ Աշտարակի շրջաններուն մէջ մեր զինուորներէն յիսունէ աւելի զոհեր խլած են թաթարները, իսկ Թալինի ապստամբները 19 սասունցիներ արիւնը թափած են անոր պարիսպներուն տակ:

Մտիկ ընողի դէմք շունչին իմ ունկնդիրները: Ես ալ զայրացած էի: Նայեցայ Արամին:

Արամ և Դրոն ոտքի ելան...

— Դուք հանդարտօրէն գացէք, եւ ձեր գործը շարունակեցէք: Կարելորութիւն մի տաք ըսածներուն: Կացութիւնը շեն ըմբռնել:

Արամի և Դրոյի հաւաստիքները զիս հանդարտեցուցին»<sup>58</sup>:

Արամն ու Դրոն կացութիւնը ճիշտ էին ըմբռնել: Հատկապէս Դրոն, որն այդ օրերին նաև Երևանի նահանգի զինական ուժերի հրամանատարն էր, գերազանց էր ըմբռնել, որ Հայաստանի տարածքում թուրքերի զանգվածային զինված ելույթներն արմատախիլ անելու և ռազմաճակատի թիկունքըն ամրասլնդելու միակ երաշխիքը զենքն է ու մարտունակ զորամասերի առկայութիւնը: Երևանում կանոնավոր զորամիավորումներ դեռևս գոյութիւն չունեին: Իսկ այդպիսի զորամիավորումների կազմավորման համար անհրաժեշտ էր վերին հրամանատարութեան թույլտվութիւնը:

1918 թ. հունվարի 26-ին Հայոց Ազգային Խորհուրդը Կովկասյան ռազմաճակատի զլխավոր շտաբին դիմում է հետևյալ խնդրանքով. «Բանակի կոմիսար Դրոյի զինվորական միավորումների կազմավորման համար խնդրում ենք հրամայել Ալեքսանդրապոլից պարտիզանական զորամաս տեղափոխել 10-րդ հեծեալ հարչուրեակը»<sup>59</sup>:

Կովկասյան ռազմաճակատի հրամանատարութիւնը մինչև իրեն յուրահատուկ դանդաղկոտութեամբ կհասցնէր պատրաս-

<sup>58</sup> «Արամը», 1969 թ., էջ 536—537:

<sup>59</sup> ՀԽՍՀ., ՊՊԿԱ. § 121, ց 2, գ 119, թ 15:

տել հրամանների նախագծերը, Դրոն կարճ ժամանակահատվածում հասցնում է կազմավորել առանձին հատուկ նշանակության բրիգադը: Նոր զորամիավորման միջուկն էր նրամարտական զինակիցներ Բաշգառնեցի Մարտիրոսի և Խոսրով Եղիազարյանի հրամանատարութեամբ գործող 2-րդ կամավորական զնդի նախկին զինվորներից բաղկացած երկու հարյուրյակները, ինչպես նաև զնդապետ Զալինյանի հեծյալ գունդը, պարուշիկ Փիրումյանի, զնդապետ Կորուկովի զինչուկատները և զնդապետ Պերեկրեոստովի գլխավորած պարտիզանական 3-րդ հետևակային գունդը:

Այդ ժամանակ Դրոյի գործունեութեան ոլորտը ընդգրկում էր ռազմաճակատում և թիկունքում ծավալվող մարտական գործողութեանների կարևորագույն ու հրատապ լուծում պահանջող խնդիրները: Նախ, որպես Երևանյան զորախմբի հրամանատար, Դրոն Երևանի նահանգում և Արևելահայաստանի մյուս շրջաններում պիտի իրականացներ թուրք զինված խմբերի զանգվածային ելույթների շտապ «խաղաղեցումը» և ապա որպես հայկական բանակային կորպուսի զինվորական կոմիսար նրա անմիջական պարտականութեանների մեջ էին մտնում նոր զորամիավորումների կազմավորման և հայկական ողջ զինված ուժերի մարտական խնդիրների մշակման, ինչպես նաև ղեկավարման հետ կապված աշխատանքները: Պարտականութեանների բերումով նա հարկադրված լինում էր ոչ միայն ռազմաճակատում և կռիվների թատերաբեմի վերածված շրջաններում, այլև Թիֆլիսում, ուր Հայոց Ազգային Խորհուրդն ու հայկական բանակային կորպուսի հրամանատարութեանն այդ օրերին քննարկում էին ողջ ռազմաճակատին վերաբերվող խնդիրները: Որպես օրենք, ռազմաճակատի հետ կապված ցանկացած հարցի քննարկման ժամանակ Դրոն իր դատողութեանները շարադրում էր առանց երկմտելու, ռազմական իրավիճակը խորութեամբ ըմբռնող իրատես ռազմագետի տրամաբանութեամբ ու համարձակութեամբ:

Ինչպես արդեն նշվել է, 1917 թ. դեկտեմբերին կովկասյան ռազմաճակատ փաստորեն գոյութեւն չունի: Հաջորդ տարվա փետրվարի 9-ին Կարինի զորախմբավորման հրամանատար գեներալ Օդոշելիձեն կովկասյան ռազմաճակատի

դիտարկող հրամանատարութեանը ուղղված հեռագրում նշում է. «Վեհիբ փաշան բուլղոսիին որոշակի յայտարարեց, որ պատերազմի իրաւունքով մեր գրաւած թուրքական վայրերում մուսուլման բնակչութիւնը պահպանելու նպատակով ինքը առաջ կը շարժուի մինչեւ ռուս զօրքերի հանդիպելը, որպիսի զօրքեր նա չի համարում հայկական զօրամասերը: Այս նկատմամբ խնդրում եմ շուտափույթ կարգադրէք անյապաղ էրդրում (Կարին) ուղարկել ռուսական կորպուսի գէթ մի քանի բատալիոններ, իբրեւ յառաջապահ զօրքեր, որը թերեւ թուրքերին հարկադրէ էրդրումի վրայ շարժուելու: Առանց այս միջոցի, այսինքն՝ եթէ էրդրումը գրաւուած մնաց բացառապէս հայկական զօրամասերով՝ թուրքերն անխուսափելիորեն կը գրաւեն էրդրումը»<sup>60</sup>:

Իզուր էր գեներալի պահանջը, կովկասյան ճակատում այլևս ռուսական ոչ մի ռազմական ուժ գոյութիւն չուներ և այդ իրողութեանը քաջատեղյակ, թուրք հրամանատարութեանը աշխատում էր դիվանագիտական փակուղիների առաջ կանգնեցնել կովկասյան հրամանատարութեանը՝ արդարացնելու թուրքական զօրքերի սպասվելիք հարձակումը: Եվ դժվար չէր հասկանալ, որ թուրքերը օգտվելով ռազմաճակատի մերկացումից, կխախտեին 1917 թ. դեկտեմբերին Երզնկայում ռուս հրամանատարութեան հետ կնքված զինադադարը և շատ շուտով կդիմեին ակտիվ մարտական գործողութիւնների:

Բաբերդից Երզնկա և մինչև Բաղեշ ու Վան ձգվող հսկայածավալ ռազմաճակատում հայ փոքրաթիվ նորաստեղծ զնդերին վիճակված էր դիմագրավելու թեև մի շարք ճակատամարտերում պարտված, բայց դեռևս զգալի հզորութեամբ օժտված և հայ զորագնդերից անհամեմատ բազմաքանակ թուրքական զորամիավորումներին: Հարց է ծագում, կարո՞ղ էին արդյոք հայոց փոքրաքանակ ուժերը պաշտպանել մի քանի հարյուր կիլոմետրերի հասնող ռազմաճակատը: Ահա այն կարևորագույն հարցը, որն այդ օրերին Ավ. Ահարոնյանի նախագահութեամբ քննարկվում էր Հայոց Ազգային Խորհրդում, որի աշխատանքներին մասնակցում էին հայկական զորամիավորումների բարձրաստիճան հրամանատարները:

<sup>60</sup> «Հորիզոն», 1918 թ., № 33:

Ելնելով ռազմաճակատում տիրող իրական կացութիւնից և մարտական ուժերի հնարավորութիւնից, Դրոն հավատարիմ համոզմունքները համարձակորեն արտահայտելու իր սկզբունքայնութիւնը, շատերի համար անսպասելի՝ առաջարկում է փոքրացնել, կրճատել ռազմաճակատը և եղած ուժերը կենտրոնացնելով ավելի փոքր հատվածում՝ ստեղծել պաշտպանութեան հզոր հանգույց: Չնայած սահմանամերձ մի քանի կետերում արդեն գործում էին հայ երկրապահ զորագնդերը, սակայն ապրիլյան եղեռնից հետո Արևմտահայաստանը մեծամասամբ ամայացել էր, և բացառութեամբ վանից, հայկական մյուս գավառներում մահմեդականութիւնը արդեն բնակչութեան մեծամասնութիւն էր կազմում: Թիկունքը ռազմաճակատից բաժանող տարածքում վիտում էին թուրքական հրամանատարութեան գործակալների կողմից առաջնորդվող քաղաքի վ թուրք-քուրդ և շերքեզ զինյալ խմբեր: Իսկ ռազմաճակատի պաշտպանունակութիւնը ամրապնայելու համար անհրաժեշտ էր թիկունքի հետ կայուն փոխկապակցվածութիւն, զինվորական համալրումների, զենքի, ռազմամթերքի ու պարենի մատակարարումների անխափան ապահովում: Տվյալ պարագայում այդ ամենի իրականացումն անսակի դժվարութիւնների առջև էր կանգնեցրել Հայոց Ազգային Խորհրդին և հայկական զորաբանակի հրամանատարութեանը:

Անգրադառնալով ռազմաճակատի խնդիրների քննարկմանը նվիրված Ազգային Խորհրդի կողմից գումարված խորհրդրդածոզովում Դրոյի պաշտպանած տեսակետի լուսաբանմանը՝ Ս. Վրացյանը գրում է. «Դրոն խօսք առաւ եւ այդ օրերի համար «սարսափելի» խօսքեր ասաց.

— Ձեր այդ առաջարկները բոլորն էլ փորձված են (մինչ Գրոյի խօսք ատնելը բոլոր ելույթ ունեցողները՝ Անգրանիկը, Ռուբենը, Խաչատուր Կարճիկյանը, Ստ. Մամիկոնյանը և այլք արտահայտվել էին նոր զորակոչ հայտարարելու ու բանակը օգնական ուժերի համալրելու միջոցով ռազմաճակատի առկա տարածքը պահպանելու օգտին — Հ. Գ.): Անօգուտ է դրանց վրայ յոյս դնել: Իրողութիւնը այն է, որ ուս զօրքերը հեռանում են ճակատից եւ մենք անզօր ենք նրանց պահելու: Փաստը այն է, որ մենք ի վիճակի չենք, բաւարար զօրք շունինք նրանց լքած բոլոր դիրքերը գրաւելու:

Որոշ ժամանակ էլ եթէ այդպէս շարունակուի, ուղմաճակա-  
տը պիտի մերկանայ, եւ թշնամին առանց դիմադրութեան  
առաջ պիտի շարժուի: Հետեւաբար, ի՞նչ պէտք է անել:

Եւ պատից կախուած դինուորական քարտէզի առաջ անց-  
նելով՝ շարունակեց.

— Տեսնո՞ւմ էք այս տարածութիւնը, ահա Վանը, այս  
Բիթլիսն է, այս Մուշը, այս Երզնկան... Այս ամբողջ տարա-  
ծութիւնը մե՛նք պէտք է պաշտպանենք, մե՛նք Հայերս մի  
բռն ուժերով: Հնարաւոր բան է:

— Հնարաւոր է, — լսուեց մի ձայն:

— Ո՛ր, հնարաւոր չէ:

— Ապա, ուրեմն, ի՞նչ անել, — շարունակեց Դրօն: —  
Պէտք է կարճացնել ուղմաճակատը: Վան-Երզնկա դիժը շենք  
կարող պաշտպանել, գուցէ կարողանանք...

Սենեակում լսուեցին վրդովուած բացականչութիւններ:  
Անդրանիկը բեղերն էր կրժոտում:

— Մի վրդովուէք, ձայնը բարձրացրեց Դրօն, հաշիւը  
պարզ է, եթէ շենք ուզում ամբողջը կորցնել, պահենք գոնէ  
մէկ մասը:

Ու սկսեց զօրամասերի անուններ յիշել, վայրերի տարա-  
ծութիւնները ներկայացնել, մեր ուժերը համրել:

— Հաշիւը պարզ է. միայն մեր ուժերով շենք կարող  
Վան-Երզնկա-Տրապիզոն գիժը պաշտպանել: Դա արսուրդ  
է: Պետք է քաշենք մեր ուժերը Բայազէդ-Բասէն գծի վրայ. .  
Պէտք է Վանի, Մուշի, Էրզրումի, Երզնկայի շրջանների բոլոր  
պահեստները ոչնչացնենք... Պէտք է մեր ուժերը, պաշտպա-  
նութեան բոլոր միջոցները կենտրոնացնենք կարճ սահմա-  
նագծի վրայ, այլապէս...

— Այլապէս ի՞նչ, — լսուեց մի խեղդուկ ձայն:

— Այլապէս, թրքահայաստանը կորցնելուց յետոյ. ու-  
սահայաստանն էլ կը կորցնենք...»<sup>61</sup>:

Տվյալ ժամանակում նրա տեսակետը դուռ հարկաւորա-  
կան, բարոյական առումով դժվար ընկալելի էր և գրեցե թե  
ճիշտ չէր հնչում: Իրոք, դժվար էր համակերպվել Արեւմտա-  
հայաստանը թողնելու մտքին, բայց իրական կացութեան

<sup>61</sup> Ս. Վրացեան, «Կենսաբի ուղիներով» հ. դ., էջ 179—180:

խորը իմացության ու գնահատման և սթափ ու առողջ բանականության տեսանկյունից՝ Դրոյի առաջարկը ճիշտ էր, ինչը և ապացուցեց ժամանակը:

Ազգային խորհուրդը որոշում է պահել առկա ռազմաճակատը և հայկական բանակային կորպուսի Յ-րդ դիվիզիայի հրամանատար Անդրանիկին, որն ի դեպ Երզնկայից մինչև Վան և Բիթլիս ձգվող ռազմաճակատը պահպանելու ամենաջերմեռանդ կողմնակիցն էր, նշանակում է Կարինի երկրապահ ճակատի հրամանատար, այն համոզմամբ, որ նշանավոր հայդուկապետը իր հեղինակությամբ և ռազմական կարողությամբ կկարողանա ոգեկոչելով զորքին ու ժողովրդին՝ պաշտպանել ռազմա-ստրատեգիական վճռական նշանակութուն ունեցող էրզրումի բերդաքաղաքը:

1918 թ. փետրվարին, թուրքերը՝ խախտելով Երզնկայի զինադադարը, անցնում են հարձակման: Կատարվում է այն, ինչ կանխատեսում էր Դրոն: Չնայած հերոսական դիմադրությանը՝ հայկական փոքրաքանակ ուժերը շկարողանալով կայուն դիմադրութուն ցույց տալ թուրքական զորքերին, թողնում են Բաբերտը, Երզնկան, Վանը, Բաղեշը և վերջապես Արևմտահայաստանի ամենակարևոր հենակետը՝ էրզրումի հզոր բերդաքաղաքը: Արևմտահայաստան տանող ուղիները արդեն բաց էին:

Վերոհիշյալ Ս. Վրացյանի վկայությամբ «Տարիներ անց Բէյրութից վերջին անգամ Ամերիկա մեկնելիս՝ Դրոն, կրկին ու կրկին անգամներ, մանրամասնօրեն յիշեց այդ միջադէպը: Նա համոզուած էր, որ եթէ այն ժամանակ իր առաջարկը ընդունւէր, շատ դժբախտություններ տեղի չէին ունենայ»<sup>62</sup>:

էրզրումի անկումից հետո թուրքական զորքերը՝ կրնկաճ կոխ հետապնդելով նահանջող հայկական զորազնդերին, մոտենում են Սարիղամիշին: Ահավոր սպառնալիք էր կախվել Հայաստանի մնացած փոքրիկ տարածքում հավաքված հայության վերջին բեկորների վրա:

Ռազմաճակատում վատթարագույն ուղղվածությամբ զարգացող մարտական գործողություններին զուգընթաց՝

<sup>62</sup> Նույն տեղում, էջ 181:



Թիկունքում շարունակաբար կրկնվող թուրք զինված խմբերի  
ելույթներն իրենց բնակավայրերին էին գամել զենքի ընդու-  
նակ հայերին, որոնք Արևելահայաստանի տարածքում ծայր  
առած զինված բախումների ճնշման տակ առավելապես  
մտահոգված էին իրենց գյուղերի և ընտանիքների ապահո-  
վության պահպանմամբ: Թուրք հրամանատարության նա-  
խաձեռնությամբ արյունակիցների միջոցով Հայաստանի  
շրջաններում ստեղծված քառասային կացությունն իր սև գործը  
կատարեց: Ռազմաճակատից իրենց ընտանիքների ճակա-  
տագրով տագնապած բազմաթիվ հայ զինվորներ լքում էին  
զորամասերը և վերադառնում հարազատ վայրերը: Հայ զի-  
րագնդերում ծնունդ առած զանգվածային դասալքումներն  
ու տիրապետող անկազմակերպ վիճակը կարող էին ամենա-  
ողբերգական հետևանքներն ունենալ:

Հեռավոր Ամերիկայում հրատարակվող Հ. Հ. Դաշնակցու-  
թյան «Ասպարեզ» օրաթերթը այդ օրերին դիմելով տեղի  
հայությանը գրում է. «Մօտ երկու միլիոն հայութիւնը, 300  
հազար հայերու բեկորները, որոնք իրենց յոյսը դրած էին  
ուրա յեղափոխական ժամանակաւոր կառավարութեան վրայ,  
այսօր վտանգի սպառնալիքի ներքև կը գտնուին:

Կովկասեան ռազմաճակատի անխնամ վիճակը թիւրքերու  
հակայարձակման հաւանականութիւնը, քիւրտերու մշտա-  
կան թալանն ու սպանութիւններն, տեղական թաթարներու  
հապճեպ զինուելն ու վրացիների երկդիմի քաղաքականու-  
թիւնը վտանգի նոր դուռ բաց կանեն հայութեան համար:

Մինակ ենք մեր անզօրութեան մէջ և մեր թշւառութեան  
հետ, շրջապատուած ենք մեզ շսիրող և մեզ հետ մրցակցող  
տարրերով, որոնք ամէն առիթ շեն փախցնի՝ հարուածելու  
մեզ»<sup>63</sup>:

Երևանի նահանգում Արամի համագործակցությամբ Դրոն  
անպատմելի ջանքեր էր գործադրում ռազմաճակատը կայու-  
նացնելու, զինական ջոկատներ կազմակերպելու և ժողովրդի  
ու հուսալքության տենդով բռնկված հայ զինվորների մար-  
տական ոգին բարձրացնելու ուղղությամբ: Հայկական զորա-  
բանակի զինվորական կոմիսարը երբեմն հարկադրված էր

<sup>63</sup> «Ասպարեզ», 1918 թ., թիվ 488, էջ 2:

լինելու ռազմաճակատի ամենաառաջավոր բնագծերում: Իր աշխատութիւններում Դրոյի կյանքին ու գործունեութեանը քաղմաթիւ էջեր նվիրած Ս. Վրացյանը, որը 1918 թ. գարնան սկզբներին որպէս Ազգային Խորհրդի ներկայացուցիչ գտնվում էր Սարիղամիշում, այդ ուղղութեան զորահրամանատար գեներալ Արեշեանի զինվորական շտաբում, պատմում է.

«... Մի օր էլ ըմբոստացաւ եւ մերժեց ճակատ երթալ Սարիղամիշում գտնուող 101-րդ ձիաւոր հարիւրեակը: Արեշեանի բոլոր ջանքերը կարգի բերելու՝ անցան անօգուտ...

Զօր. Արեշեանը սիրտը բռնած՝ շարշարւում էր ցաւից ու անկարողութիւնից՝ շարշարելով նաեւ մեզ: Նստած մռայլ՝ ելք էինք որոնում անել եւ անտանելի կացութիւնից: Եթէ այս դրութիւնը շարունակուէր, կարճ ժամանակամիջոցում ռազմաճակատը փուլ կը գար, եւ թշնամին անարգել կը յառաջանար դէպի Կարս եւ Ալեքսանդրապոլ:

Մէկ էլ հրա՛շք: ... Վազներեան հերոսի պէս՝ ներս մտաւ Դրօն: Ո՞րտեղից որտեղ եւ ի՞նչ օրհասական վայրկեանին: Կարծես լոյս բերեց հետը: Նոյն իսկ Արեշեանի դէմքը պայծառացաւ: Դրօն քանակի կոմիսարն էր:

... Դրօն յայտնեց, թէ եկել է Երեւանից զէնք ու ռազմամթերք հաթայթելու Արարատեան Դաշտի զօրամասերի համար: Կարսից ստացել եւ ուղարկել է որոշ քանակութեան փամփուշտ եւ հրացաններ ու գնդացիներ: Հիմա ուզում է Սարիղամիշի պահեստներից զէնք ու փամփուշտ ուղարկել Երեւան:

Բոլոր պահեստները, իբրեւ պարէտի, իմ տրամադրութեան տակ էին: Ես, ի հարկէ, առաջարկեցի ինչ որ հնարաւոր է փոխադրել: Արեշեանը անմիջապէս հավանութիւն տուեց.

— Տարէք ինչ որ ուզում եք եւ ինչքան որ ուզում եք: Միայն թէ, սիրելի պարոն Դրօ, մնացէք մի քանի օր օգնելու մէջ:

Դրօն շտապում էր վերադառնալ Երեւանի նահանգը, ուր արիւնահեղ քաղաքացիական կռիւններ էին տեղի ունենում եւ ուր ինքը շրջանի հրամանատար էր: Միայն ստիպողական հարկադրանքի տակ անձամբ եկել էր զէնք ու զինամթերք տանելու: Բայց զօր. Արեշեանի եւ մեր խնդրանքը այնքան

բունն էր, որ ստիպուած եղաւ տեղի տալ: Իր զինուորական  
բացառիկ բնազդով նա արագ կերպով ըմբռնել էր կացու-  
թեան ահաւոր լրջութիւնը եւ անմիջական դարմանումի ան-  
հրաժեշտութիւնը:

Առաջին հերթին անհրաժեշտ էր վերջ տալ 101-րդ հա-  
րիւրեակի ըմբոստութեան, որ բարոյալքում ու կազմալու-  
ծում էր բանակը: Մարդիկ զինուած՝ նստել էին զօրանոցում  
եւ մերժում էին ենթարկուել հրամանատարութեան՝ ցուցա-  
կան կերպով:

Իբրեւ բանակի կոմիսար, Դրօն արագ կերպով պատրաս-  
տեց զինուորական ոյժ եւ հրամայեց, որ ըմբոստները դուրս  
գան զօրանոցից: ... Դրօն մի կարճ ճառով դիմեց նրանց հայ-  
րենասիրութեան՝ յորդորելով, որ մեկնին ռազմաճակատ հայ-  
րենիքի պաշտպանութեան համար: Աջ ու ձախից լսուեցին  
տրտնջոցներ, մերժումի բացականչութիւններ: Դրօն մի պահ  
լուռ դիտեց եւ, յանկարծ, վազրի ոստիւնով ատրճանակը ուղ-  
ղեց հարիւրեակին ու գոչեց.

— Հանդա՛րտ:

Անակնկալի եկած զինուորները արագ կատարեցին հրա-  
մանը:

— Տասը քա՛յլ առա՛ջ, — պոռաց Դրօն:

Առանց վարանումի զինուորները առաջ անցան տասը  
քայլ:

— Հրացանները դնել գետին, — հրամայեց Դրօն:

Մի պահ տատանումից յետոյ, ամէնքը հրացանները վայր  
դրին:

— Սուրերը դնել գետին, նորից հրամայեց Դրօն:

Զինուորները սուրերն էլ դրին վար:

— Տասը քայլ յե՛տ, գոչեց Դրօն:

Հարիւրեակը մէկ մարդու պէս քաշուեց յետ, նախկին  
տեղը:

Դրօյի կարգադրութեամբ եկան, արագ կերպով հաւաքե-  
ցին ու տարին հրացաններն ու սուրերը: Ապա Դրօն պահան-  
ջեց, որ անմիջապէս յանձնեն ըմբոստութեան պարագլուխ-  
ներին: Առանց դժուարութեան յանձնեցին երեք հոգի:

Հարիւրեակը զղջում ու հնազանդութիւն յայտնեց: Լուրը

կայկածի արագութեամբ հասաւ ռազմաճակատի զօրամասերին եւ ցնցող տպաւորութիւն գործեց նրանց վրայ»<sup>64</sup>։

Դրոյի մասին Ս. Վրացյանի վերոհիշյալ պատմութիւնը հաստատում է նաև Վահան Փափազյանը.

«Նկատելի էր յուսալքում զինուորներու շարքերուն մէջ... : ... Ողիի և կորովի անկում նահանջող զօրամասերու մէջ : Արէշեանը անճրկած էր և յուսահատած : Ոչ մէկ հաւատք ունէր մեր զինուորներուն վրայ. կրաւորական դիրք բռնած էր և Սարրղամիշէն նահանջի կողմնակից : Դասալքութեան դէպքեր նկատուեցան : Նոյն իսկ ճակատ ղրկուելիք վաշտերէն մէկը մերժեց տեղէն շարժուիլ — ապստամբած էին : Ճիշտ այդ օրերուն Դրօն հոն եկաւ, որ իր սովորական վճռականութեամբ գործի ձեռնարկեց — յանցաւոր վաշտը զինաթափ ըրաւ : Տեղի վրայ գտնուող Ազգային Խորհրդի անդամներու, Դրօյի և Արէշովի հետ որոշեցին Վրացեանի նախագահութեամբ արտակարգ զինւորական դատարան կազմել և պատժել այդպիսիները»<sup>65</sup>։

Մի քանի օր անցկացնելով Սարիղամիշում՝ Դրոն մեկնում է ճակատի առաջավոր գիծը և վճռում անձամբ մարտի առաջնորդել հայ զինագնդերին : Սակայն, թիկունքում զինված բախումների հետևանքով առաջացած տագնապալի ու անկառավարելի իրավիճակի թելադրանքով, ստիպված վերադառնում է Երևան :

Երևանի ողջ նահանգը վերածվել էր թուրք զինված ջոկատների ռազմական գործողութիւնների թատերաբեմի : Խռովութիւնները մոտենում էին Երևանին : Մայրաքաղաքի մոտակայքում գտնվող Զանգիբասարի շրջանը (ներկայիս Մասիսի շրջան — Հ. Գ.) վերածվել էր թուրք զինախմբերի յուրօրինակ ռազմակայանի : Հունվարի 29-ին Երևանի Հատուկ Կոմիտեն ստանում է հետևյալ տագնապալի հեռագիրը.

«Ուլուխանլու-Նախիջևան երկաթուղային հատուածին վրայ կացութիւնը այն աստիճան սպառնական է, որ եթէ անմիջապէս զրահասպատ կառախումբ մը չի ղրկուի՝ հաղորդակցութիւնները երկար ատենուայ համար պիտի դադրին :

<sup>64</sup> «Ասպարեզ», 1956 թ., ապրիլ 3, էջ 3—4 :

<sup>65</sup> Վ. Փափազեան, «Իմ յուշերը» Պէյրուֆ, 1952 թ., էջ 468 :

Արաքսի եւ Գարապուրունի կայարաններուն միջեւ գտնուող Մասթարայի կայարանին վրայ քիւրտերը երկրորդ անգամ ըլլալով յարձակում գործած են: Յարձակումը ետ է մղուած: Պաշտօնեանները պահակազօրքի եւ զէնքի առաքումը կը խնդրեն»<sup>66</sup>:

Այս հեռագրից մի քանի օր անց թուրքերը գրավում են Ուլուխանլու կայարանը և անվարան կոտորում մոտեցող գնացքների վագոններում գտնվող հայերին: Կայարանի գրավումով փաստորեն կտրվում է Ալեքսանդրապոլ-Երևան երկաթուղային ուղին: Չնայած Արամի, Դրոյի և թուրք պատասխանատու գործիչների միջև կայացած վիճելի հարցերը խաղաղ ճանապարհով լուծելու համաձայնությանը, իրավիճակը մնում էր շատ բարդ: Նույն օրերին թուրքերը պաշարում են Կողբը և շրջափակում Իգդիր-Երևան ճանապարհը՝ դրանով իսկ ողջ Սուրմալուի գավառը կտրում Արարատյան դաշտից:

Նույնիսկ քրդական ավազակախմբերը՝ շուգենալով ձեռքից բաց թողնել հայ գյուղերը թալանելու ու կողոպտելու պատեհ հնարավորությունը, անցնում էին Արաքսը և հարձակվում հայկական գյուղերի վրա:

Այդ օրերին Անդրկովկասյան կոմիսարիատն ու Հայոց Ազգային Խորհուրդը պարբերաբար Հայաստանի տարբեր շրջաններից ստանում էին բազմաթիվ բողոք-հեռագրեր, որոնցում հայ բնակչությունը ցասումով հայտնում էր թուրք զինված խմբերի և զորքերի միջև տեղի ունեցած բախումների և հայկական բնակավայրերում ու հաղորդակցության հանգույցներում թուրքերի կողմից գործած վայրագությունների մասին<sup>67</sup>:

Ռազմաճակատի բախտը, հետևաբար և հայ ժողովրդի գոյության խնդիրը մեծապես կախված էր նաև թիկունքում՝ Արարատյան աշխարհում ծավալվող իրադարձությունների հետագա ընթացքից:

Հայաստանից Թիֆլիս առաքվող բազմաթիվ բողոք-հեռաձայն

<sup>66</sup> «Հայրենիք» օր., 1918 թ., հուլիսի 13:

<sup>67</sup> Տե՛ս Ս. Վրացեան, «Հայաստանի Հանրապետութիւն», Թէհրան, 1982 թ., էջ 124—131:

գրերի և հայ-թուրք բախումների արձագանքների հարկադրանքով Անդրկովկասյան Կոմիսարիատը տեղում ընդհարումների պատճառները ուսումնասիրելու նպատակով բարեհաճում է «հաշտարար դատավորների ու քննիչների» հանձնախումբ ուղարկել Երևան:

Ճակատագրի ինչպիսի դառը հեզնանք՝ պատմությունը կրկնվում է... Ճիշտ 13 տարի առաջ իր իսկ թելադրանքով կովկասյան թուրքերի կողմից արևելահայության նկատմամբ գործադրած բռնությունների ու սպանությունների հետևանքով Կովկասում բռնկված հայ-թուրքական ընդհարումները տեղերում «ուսումնասիրելու և խաղաղացնելու» նպատակով Անդրկովկասյան փոխարքայության իշխանությունները մեկը մյուսի հետևից Երևանի նահանգ էին գործուղում կեղծ, մտացածին հանձնախմբեր ու «հաշտարար դատավորներ»:

1918 թ. հայ-թուրքական ընդհարումների նկատմամբ իր դրսևորած վերաբերմունքով Անդրկովկասի կառավարությունը կարծես ժառանգելով Վորոնցով-Դաշկովի փոխարքայության «բարի» ավանդույթները՝ նույնպես «քննիչների» և «հաշտեցնողների» հանձնախմբեր է առաքում Երևանի նահանգ:

Ռազմաճակատում տիրող անմխիթար իրավիճակը հրամայաբար պահանջում էր անհապաղ բացել թուրք զինված խմբերի կողմից շրջափակված հաղորդակցության ուղիները և թիկունքում կազմավորվող զորամիավորումները հասցնել մարտադաշտ՝ համալրելու թուրքական բանակի հետ գոտեմարտի բռնված հայկական զորագնդերը: Կովկասյան կառավարության հրահանգով ստեղծված պատվիրակությունը արդեն Երևանում էր:

«Ահա այսպիսի հանգամանքներում, երբ ոչ միայն ազատ հաղորդակցութիւն չի կայ երկաթուղիներով, այլև փակված է ԼՅՐԵԻԵԿՐ գիւղերի միջեւ — ա՛յս դրութեան մէջ հայկական զօրքերի կոմիսար Դրօն յայտարարեց, որ բոլոր ռազմազիտական ճանապարհները փակված են հայկական զօրամասերի առջեւ: Նա վճռական ու յամառ կերպով պահանջում էր, որ իրեն ցոյց տրւի որեւէ ճանապարհ, թէկուզ շատ վատ ու անյարմար, թէկուզ ամենաանանցանելի մի ճանապարհ: Այդ պահանջին նրան պատասխանեց, որ ռազմազիտական

բոլոր ճանապարհները փակած են ռազմաճակատ գնացող հայ զօրամասերի առջև: Մահմեդականների ներկայացուցիչները շառարկեցին»<sup>68</sup>:

«Հաշտարարների» գործունեությունից պարզորեն ակնառու էր, որ նա կոչված չէ բացելու թուրք զինախմբերի կողմից երկաթուղային և մյուս հաղորդակցության ուղիների շրջափակումը: Թուրքական կողմի ղեկավարությունը նույնպես անզիջողական ու թշնամական կեցվածք էր որդեգրել:

Եվ մինչ «հաշտարարների» հանձնախումբը տեղերում զբաղվում էր ընդհարումների պատճառների ուսումնասիրությամբ՝ թուրք զինախմբերի ելույթներն ավելի ու ավելի էին ծավալվում Ղամարլուի (Արտաշատ), Դավալուի (Արարատ) և Նախիջևանի, Շարուր-Դարալագազի և այլ շրջաններում:

Այլևս հապաղելու և թուրքերի հետ անիմաստ բանակցություններ վարելու ժամանակ չկար: Ելքը միակն էր:

«Երեւանի զինուորական կոմիսար Դրոն պահանջեց գծի ապահովութիւնը կովկասեան Սէյմի հաշտարար ներկայացուցիչներից, եւ սպառնաց մերժման դէպքում զէնքով բաց անել այդ»<sup>69</sup>:

Կրկնակի անգամ թուրքերի հետ բանակցելու անհաջող փորձից հետո, փետրվարի 22-ին, Դրոն՝ Ուլուխանլուում կենտրոնացած թուրքական զորախմբերի դիրքերին թնդանոթային կարկուտ տեղալուց հետո, հակառակորդի ուժերի վրա գրոհի է նետում 3-րդ պարտիզանական և 4-րդ գնդերը: Տվյալ պարագայում զենքի ուժով Ուլուխանլու կայարանը գրավելը՝ միակ միջոցն էր վերականգնելու կարևորագույն նշանակություն ունեցող Երևան-Ալեքսանդրապոլ երկաթուղին:

Հարձակումից մի քանի ժամ շանցած թուրքերը ի նշան հնազանդության պարզում են սպիտակ դրոշը: Եվ նույն օրն ի նշան Ուլուխանլուի հաղթանակի, Դրոն Հայոց Ազգային Խորհրդին է հղում հետևյալ հեռագիրը. «Զօրամասը գնում է Ղամարլու, միանալու համար Ղամարլուի զօրամասին եւ բանալու Դաւալուում 4-րդ գնդի մէկ գումարտակի ճանապարհը: Մէկ օրվայ հրացանաձգութիւնից յետոյ Աղհամզա-

<sup>68</sup> Նույն տեղում, էջ 134:

<sup>69</sup> «Հայրենիք» օր., 1918 թ., հոկտեմբերի 15:

լում, ուղարկած հայ-թրքական պատվիրակութիւնը, որ թուրքերը յետ քաշեն ու շխանգարեն զօրքին առաջ անցնելու, արդիւնք չտւեց: Թուրքերը օգնութեան հասած քրդերի հետ դիմեցին յարձակման՝ կամենալով ջարդել մեր զօրամասը եւ գրաւել հրետանին: Թուրքերը ունէին ձեռքի ումքեր: Այն ժամանակ մենք որոշեցինք վերջ տալ այդ ամենին եւ օգնութիւն հասցրինք գնդ. Դուրուխանյանին՝ հրամայելով յարձակել ու գրավել Ուլուխանլուն, որ եւ կատարւեց: Ուլուխանլուն գրաւած է, շրջանը մաքրւած: Մեր զոհերն են՝ 9 սպանւած, 32 վիրաւոր, որոնցից երկուսը՝ սպայ:

Թուրք պատգամաւորները մեղադրում են իւրայիններին, որի համար կան փաստեր, եւ խնդրում են հաշտութիւն: Մեր դրած պայմաններն են. բանալ ճանապարհները, շկտրել հեռագրական թելերը եւ հրացանի շքոնել գնացքները»<sup>70</sup>:

Քանի որ թուրքերի զինված ելույթները միաժամանակ բռնկվում էին տարբեր վայրերում, ուստի Դրոն ստիպված էր գործելու մեծ արագությամբ ու վճռականությամբ: Նրա առաջնորդությամբ հայ զինվորները արշավում են Շարուր-Նախիջևան, ապա Սուրմալու, Ղամարլու, Դավալու և այլուր:

Ինչպես և նախորդ բոլոր մարտերում, հայ-թուրքական ընդհարումների ժամանակ հրամանատարական վարպետությամբ ու քաջությամբ իրենց բարձունքում էին հեծելախմբերի հրամանատարներ Բաշգառնեցի Մարտիրոսն ու Դավալուի կռվում զոհված Խոսրով Եղիազարյանը: Դրոյի հրամանատարությամբ գործող զորախմբի կազմում հրաշալի մարտական քննություն բռնեց Խոսրով Եղիազարյանին փոխարինած Կուռո թարխանյանը: Իսկ հայկական զորաբանակի զինվորական կոմիսարը և այդ օրերին նաև երևայան զորախմբի հրամանատարը մարտնչում էր պատնեկան ավյունով՝ մշտապես իր զինվորների կողքին ու կռիվների ամենադժվարին տեղամասերում: Մի փոքրիկ վկայություն հեծյալ հարյուրյակի հրամանատար Մարտիրոսի հուշերից: Փետրվարի կեսերին Դրոն իր զորախմբի գլուխն անցած մաքրում է Ղամարլուի, Դավալուի շրջաններն և հետապնդելով հայկական գյուղերն անընդմեջ ասպատակող Շարուրի, Վեդիբա-

Ս. Վրացեան, «Հայաստանի Հանրապետութիւն», էջ 127—128: /



սարի, Բաշքենդի թուրքերին՝ հասնում է Արաքսի ու Հրազդանի խառնարանը:

«Քիւրտերը, գիշերուան ժամը 8-ին հասնելով Արաքսի ափը, թիկունքից յարձակում են գումարտակի ու ժողովրդի վրայ, որ Արաքսը դեռ անցած չի լինում: Խուճապ է առաջ գալիս զօրքի ու ժողովրդի մէջ, որ քիչ է մնում իրեն գցի Արաքսը:

Դրօն, տեսնելով այդ դրուժիւնը, մաուզեր ատրճանակը հանած, առաջանում է դէպի քրտերը:

... Դրօյի քայլը ոգեւորում է շատերին. եւ ահա հակայարձակմամբ յետ են շարտվում քրտերը...»<sup>71</sup>:

Հայկական զորախմբերի վճռական գործողութիւնները շնորհիվ կտրուկ կերպով փոխվում է օրեր առաջ Հայոց Ազգային Խորհրդի, Արամի և Դրօյի խաղաղության կոչերն ու առաջարկութիւններն արհամարհող թուրքերի զինված ելույթների կազմակերպիչների դիրքորոշումը: Անդրկովկասյան Սեյմը (Անդրկովկասի բարձրագույն օրենսդիր մարմինը՝ պառլամենտ — Հ. Գ.) արդեն այս անգամ հեղեղվում է հայ զինվորների հարվածներից սարսափի մատնված թուրք առաջնորդների կողմից ուղարկված բողոք-հեռագրերով:

Սեյմի մի շարք անդամներ և հատկապես մահմեդական պատգամավորները մեղադրանքների շարան են տեղում հայերի հասցեին:

«Նրանք իրար յետեւից բարձրանում էին ամբիոն եւ արտասանում ցասումով լի, կրքոտ ճառեր՝ ուղղված հայերի ու դաշնակցութեան դէմ: Ամբողջ պատասխանատվութիւնը նրանց կարծիքով, ընկնում էր հայերի վրա, որոնք բռնի միջոցներով ձգտում էին ստեղծել «հայկական հողամաս»: Հայկական զօրամասերը շեն ենթարկվում կենտրոնական իշխանութեան (նկատի ունեն կովկասյան Սեյմը ու կոմիտասարիատը — Հ. Գ.) եւ փոխանակ ուղղափառ մեկնելու՝ կուում են խաղաղ ազգաբնակչութեան դէմ: Երեւանի դէպքերի հեղինակները Դրօն, զնդ. Փիրումեանն ու մի շարք ուրիշ հայ զինւորականներն ու գործիչներն են: Անհիմն է այն ամբաս-

<sup>71</sup> «Հայրենիք» ամս., 1934 թ., փետրվար, էջ 113:

տանութիւնը, թէ մահմեդականները փակում են ճանապարհը հայ զօրամասերի առջեւ եւ այլն եւ այլն»<sup>72</sup>։

Ահա կովկասյան իշխանությունների և նրա կողմից ընդհարումների պատճառներն ու ուղղվածությունը տեղերում ուսումնասիրելու նպատակով Հայաստան ուղարկված «հաշտարարների» հանձնաժողովի աշխատանքների արդյունքի մի պերճախոս վկայություն։

Երևանի Հատուկ Կոմիտեի անդամ Արշալույս Աստվածատրյանը՝ Արամին նվիրված հուշերում անդրադառնալով այդ օրերին Հայաստանում ծայր առած ընդհարումների վերլուծությանը՝ գրում է. «Թուրք հակապետական ու հակահայկական շարժումները ստացել էին տարերային բնույթ։ Յարձակում էին թուրքերն ու քրդերը, պաշտպանում հայ զօրամասերն ու ինքնապաշտպանութեան խմբերը։

Այս վերջինները կազմակերպուել էին Դրօյի նախաձեռնութեամբ՝ յատկապէս ժողովրդի ինքնապաշտպանութեան համար՝ հնարաւորութեան սահմաններում շեղոքացնելու նպատակով զօրքի միջամտութիւնը, զօրքի, որի միակ նպատակը ռազմաճակատ մեկնելն էր»<sup>73</sup>։

Թուրք զինված զանգվածների ելույթներին զուգընթաց երկրում աննախադեպ շափերի էր հասել գողության և ավազակությունների դեպքերը։ Հայաստանում տիրող դժվարին կացությունը լիցքավորել էր ազգային խնդիրների ըմբռնողությունից և հայրենասիրական տարրական զգացմունքներից զուրկ բարոյալքված որոշ հայ տարրերի, որոնք իրենց խառնակչութեամբ ու թալանչիական գործողություններով ապակայունացնում էին առանց այն էլ անմխիթար քաղաքական և տնտեսական իրավիճակը։ Անկարգությունների ալիքը տարածվել էր նաև Երևանում, և տեղի Հատուկ Կոմիտեից զգալի ջանքեր էր պահանջվում զբաղվելու նաև այդ կարգի դժվարությունների հաղթահարմամբ։

Դրոն երբեմն ստիպված էր լինում զբաղվել հասարակական կարգ ու կանոնի ապահովության խնդիրներով։

Վերոհիշյալ Արշալույս Աստվածատրյանը՝ անդրադառ-

72 Ս. Վրացեան, «Հայաստանի հանրապետութիւն», էջ 135։

73 «Արամը», Թէհրան, 1969 թ., էջ 101։

նալու վ նման օրինակ դեպքերին Դրոյի մասնակցութեանը, գրում է.

«Մի օր, երբ Ազգային Խորհրդի շենքում, Յատուկ Կոմիտեի նախագահութեան սենեակում Մ. Մոսինեանի հետ աշխատում էինք, դրսից, Աստաֆեան փողոցից լսուեցին աղմուկ-աղաղակներ, ձայները գնալով աւելի սաստկացան: Արամը բացակայ էր: Աշխատանքը բնդհատեցի եւ դուրս եկայ սլատշգամբ, հասկանալու համար աղմուկի պատճառը: Ինչ որ ջղայնացած իրարանցում կար փողոցում, ուր ահագին ամբոխ էր հավաքուել. ոմանք աշխատում էին խառնակիչներին-աղմուկարարներին ի կարգ հրաւիրել, բայց անյաջող: Նրանց ելույթներն աւելի սպառնական կերպարանք էին առնում, երբ՝ որտեղից-որտեղ երեւաց Դրօն եւ անմիջապէս մտաւ ամբոխի մէջ. կարծես երկնքից ուրուր իջաւ հաւերի մէջ. աղմկարարները ծակ ու ծուկ քաշուեցին, ամբոխը յրուեց, եւ փողոցն ստացաւ իր խաղաղ, բնական տեսքը:

Մի փոքրիկ, ըստ ինքնեան աննշան դէպք, որ սակայն բնորոշ վկայութիւն է Դրօյի նկարագրի մասին: Ամէն տեղ, ամէն ժամանակ վտանգի (մեծ թե փոքր) պահերին նա երեւան էր հանում զինվորական իր բացառիկ պատկութիւնները, — մի հայացքից ըմբռնել կացութիւնը եւ անմիջապէս անցնիլ գործի՝ միայն հերոսին յատուկ վստահութեամբ դէպի գործի յաջող վախճանը»<sup>74</sup>:

Խորագետ քաղաքական գործիչ, տաղանդավոր կազմակերպիչ Արամ Մանուկյանի և մարտական երկաթյա կարգապահութեամբ օժտված աննկուն հրամանատար Դրոյի համագործակցութեանը Արարատյան աշխարհում տվեց իր արգասաբեր պտուղները: Նրանց, ինչպես նաև Երևանի Հատուկ Կոմիտեի մյուս անդամների ջանքերով հնարավոր եղավ լուծել թերևս ամենահրատապ խնդիրը. մարել Հայաստանի տարածքում բռնկված թուրք զինախմբերի զանգվածային ելույթները և ապահովել թիկունքը ռազմաճակատին միացնող ուղիների անխափան աշխատանքը: Բացի վերոհիշյալից, Երևանի Հատուկ Կոմիտեն Հայաստանում տիրող ճրգնաժամային պայմաններում կարողացավ կազմավորել նոր

<sup>74</sup> «Հայրենիք», օր., 1956 թ., ապրիլի 27:

զորամիավորումներ, որոնք անգնահատելի ծառայութիւն ունեցան հայութեան գոյապայքարի մարտերում: Այս գործում նույնպես անժխտելի է Դրոյի ներդրած զգալի վաստակը:

Չնայած թիկունքում ձեռք բերած հաջողութիւններին՝ ռազմաճակատում ծավալվող գործողութիւնները գնալով ավելի ու ավելի սպառնալի կերպարանք էին ստանում:

Ապրիլի 12-ին Կովկասյան կառավարութեան նախագահ Ջիսենկելին և ռազմական նախարար գեներալ Օդոշելիձեն առանց Հայոց Ազգային Խորհրդին և կառավարութեան հայ նախարարների գիտութեան հրամայում են հայկական գործերի հրամանատար գեներալ Նազարբեկյանին (նա անմիջականորեն ենթարկվում էր Կովկասյան կառավարութեանը և ռազմական նախարարութեանը — Հ. Գ.) թուրքերին հանձնել Կարսի հզոր բերդաքաղաքը:

Կատարվում է ամենասարսափելին. «... Կարսի բերդը, — նշում է ռազմական նախարարութեանը հասցեագրված հեռագրում հայկական բանակային կորպուսի շտաբի պետ գեներալ Վիլիսկին, — անտարակույս, յետ կը մղէր թուրքերին. այսօր էլ դեռ բերդը շատ լաւ պաշտպանում էր. մինչեւ որ ստացւեց վարչապետ Ջիսենկելիի եւ զօր. Օդոշելիձէի կարգադրութիւնը, որ բանագնացներ ուղարկեն՝ ճշտելու համար բերդի դատարկման պայմանները: Այս բանը բերդապետին յայտնելուց յետոյ՝ կռիւր դադարեց: Զօրքերը՝ ենթարկելով հրամանի՝ հեռացան Աղաջ-Աղբաբա-Հարամ վարդան առաջաւոր դիրքերից:

Այսպիսով, Ջիսենկելիի կարգադրութիւնը կոտրեց հայկական բանակի դիմադրական թափը եւ պատճառ դարձաւ սարսափելի աղէտի»<sup>75</sup>:

Թուրքական հրամանատարութեան նպատակը միայն Կարսը չէր: Խախտելով Կովկասյան կառավարութեան հետ կնքված ապրիլյան զինադադարը՝ թուրքերը անսպասելիորեն վերսկսում են հարձակումը և մայիսի 15-ին գրավում Ալեքսանդրապոլը և շարժվում Ղարաքիլիսա, Սուրմալու, Սարդարապատ-Երևան, Բաշ-Ապարան-Երևան ուղղութիւններ:

<sup>75</sup> Ս. Վրացեան, «Հայաստանի Հանրապետութիւն», էջ 110:

րով: Ահա վոր սպառնալիք էր կախովել փոքրիկ հողակտորի վրա խմբված հայության վերջին բեկորների գոյության վրա:

Մինչև 1918 թ. մայիսյան կռիվները Դրոն հայկական զորքերի ռազմական կոմիսարն էր, իսկ երբ արդեն թուրքական զորագնդերը Կարսի և Ալեքսանդրապոլի դրավումից հետո արդեն սպառնում էին Երևանին, նա ռազմաճակատի ամենապատասխանատու ուղղությունում մարտնչելու վճռականությամբ՝ ներկայանում է Արարատյան դաշտավայրում գործող հայկական զորքերի հրամանատար գեներալ Սիլիկեանին, և. «Ես, — պատմում է Դրոն, — գնացի Սիլիկեանի մօտ եւ չայտարարեցի, որ այլեւս հայկական բանակի կօմիսար չեմ եւ ինձ դրի Սիլիկեանի տրամադրութեան տակ»<sup>76</sup>: Ստանալով Սիլիկեանի համաձայնությունը՝ Դրոն մեկնում է Սուրմալուի շրջան և Դանիել Բեկ-Փիրումյանից ստանձնում այդ ուղղությունում գործող հայկական զորախմբի հրամանատարությունը:

Ինչպես և նախորդ մարտերում, այս անգամ դարձյալ նրա հետ էին Մարտիրոսի, Մակեդոնի, Կուռո Թարխանյանի գլխավորած հեծելավաշտերը, ինչպես նաև Սակելյարի գումարտակն ու գնդապետ Չարփչյանի հրամանատարությամբ գործող Վանի գունդը:

Սուրմալուն անընդմեջ ենթարկվում էր թուրքական զորքերի կատաղի հարձակումներին: Թուրքերը ձգտում էին արագորեն հաղթահարել Սուրմալուի պաշտպանների դիմադրությունը և գետանցելով Արաքսը՝ հարձակումը զարգացնել դեպի Երևան:

Դրոն՝ անխորտակ պաշտպանությամբ, իսկ երբեմն էլ ակտիվ հակահարձակումներով ջախջախելով հակառակորդի գրոհները, ձախողում է Արարատյան դաշտը թափանցելու թուրք հրամանատարության ձեռնարկումները:

«Դրօյի հետ, Իգդիր ճակատում կուում էինք տաճիկների դէմ: Մի օր, Արաքս գետի ձախ ափում, նստած ճաշում էինք մի քանի բարձրաստիճան զինուորականների հետ, մէկ էլ տեսնենք Արաքսի միւս ափից, մեր զինուորները փախչում են:

<sup>76</sup> «Հայրենիք» օր., 1956 թ., ապրիլի 28:

Դրօն անմիջապէս տեղից վեր ցատկեց, մեզ մօտ արածում էր մի ձի, իրեն գցեց ձիու վրայ եւ քշեց գետի մէջ, անցաւ միւս ափը, կանչելով. «Տղեք ջան, ես ձեզ մատաղ հլնեմ, ո՞ւր էք փախչում, յէտ դարձէք, պարոն Դրօն է»։ Զօրքը շունչ ու հոգի առած, յէտ դարձաւ մի լաւ ջարդ տալով տաճիկներին, բաւականի տեղ յէտ գրաւեց։ Եթէ մենք լինէինք, քարտէզին պիտի դիմէինք։ Հետախուզութիւն կատարէինք, մինչ այն, մեր բանակը կանցնէր Արաքս գետը։ Դրօյի մեծութիւնը դրանում էր եւ հաջողութիւնն էլ նման երեւույթների մէջ էր»<sup>77</sup>։

Մինչև Ալեքսանդրապոլի անկումը՝ Դրօյի գլխավորած հայ զինագնդերը հուսալիորեն պաշտպանում էին Սուրմալուի ճակատը թուրքերի շղագարող հարձակումներից։

Կարսի ողբերգությունից շանցած մեկ ամիս՝ թուրք հրամանատարությունը խախտելով կովկասյան կառավարության հետ կնքած զինադադարը՝ վերսկսում է հարձակումը և մայիսի 15-ին գրավում Ալեքսանդրապոլը, ապա շարժվում Ղարաքիլիսա, Սարդարապատ-Երևան, Բաշ-Ապարան-Երևան ուղղություններով։ Զարդերի ահավոր սպառնալիք էր ծառայել Արարատյան աշխարհի փոքրիկ հողակտորի վրա կուտակված հայության վերջին բեկորների վրա։

Գեներալ Նազարբեկյանի շտաբը՝ կովկասյան բանակի հրամանատարությանը և Հայոց Ազգային Խորհրդին ուղղված զեկուցագրում նշում է.

«Գեներալ Սիլիկովը հաղորդում է. մայիսի 21-ին, մոտավորապես ժամը 17-ին մարտն սկսվեց երևանյան երկաթուղու մոտակայքում գտնվող Սարդարապատի մատույցներում։ Սարդարապատի ջոկատը նահանջում է Ղարս-Կոյունլու, Կերպալու և հայկական Զեյվայի ուղղութեամբ։

Կենտրոնացնելով հեծելազորը Մարգարայի մոտակայքում, հայկական զորամասերը Իգդիրի ուղղութեամբ փակել են Արաքսի գետանցումներն (խոսքը վերաբերվում է Իգդիրի ուղղութեամբ մարտնչող Դրօյի զորախմբին — Հ. Գ.)։ Հաջորդ օրն առավոտյան ժամը 9-ին ստացվել է հեռագիր Ղարաքիլիսայից, ըստ որի, Ղարաքիլիսան գրառւած է թուր-

77 Նույն տեղում, ապրիլի 24։

քական զորքերի կողմից: Ստեղծվել է կոպուլար Թիֆլիսից ամբողջովին կտրվելու իրավիճակ:

Գեներալ Նազարբեկովը մեկ անգամ ևս համառորեն պընդում է, որպեսզի կառավարութիւնը շտապի կնքելու հաշտութիւն»<sup>78</sup>:

Ռազմաճակատում ստեղծված շափաղանց աննպաստ իրադրութեան պատճառով վտանգավոր կացութեան մեջ է հայտնվում նաև Սուրմալուի ուղղութիւնում մարտնչող Դրոյի զորախումբը: Թուրքական բանակի հետագա առաջխաղացման դեպքում Սուրմալուի ճակատը և տեղի հայ բնակչութիւնը կարող էին կտրվել Սարգարապատի շրջանում գործող հիմնական ուժերից և հայտնվել շրջապատման մեջ: Առաջնորդվելով տիրող ռազմական իրավիճակի թելադրանքով՝ Դրոն զորքերի պաշտպանութեամբ կազմակերպում է գավառի հայ բնակչութեան տեղափոխութիւնը և այրելով Մարգարայի կամուրջը, դետանցում է Արաքսն ու կանոնավոր զորաշարքերով, անկորուստ նահանջում Արարատյան դաշտ, ուր Արամ Մանուկյանի գլխավորած Հատուկ Կոմիտեն գեներալ Սիլիկյանի ռազմական շտաբի համագործակցութեամբ անպատմելի ջանքեր էր գործադրում՝ ողջ Երևանի նահանգը վերածելու անխորտակ մարտական ամրոցի:

«Դրոն, — վերհիշում է Վահան Աֆրիկյանը, — նկարագրելով այդ վիճակը (նկատի ունի Կարսի և Ալեքսանդրապոլի անկումից հետո երկրում ստեղծված վիճակը — Հ. Գ.) ասում էր.

«Մանր կոշմարի տակ գլուխներս կորցրած, Արամի գրասենյակից դուրս գալով, Արամը, ես եւ Երևանի յայտնի վաճառական, հասարակական գործիչ Յովհաննէս Մելիքեանը, մտանք զբօսավայր, շարունակելով մեր խորհրդակցութիւնը: Ես առաջարկեցի հրահանգել սպայակուցտին անմիջապէս բանակը ուժեղացնել եւ բաժանել երկու մասի՝ Սարգարապատի եւ Բաշ-Ապարանի: Այնուհետեւ կտրուկ միջոցների դիմել, թոյլ շտալ Երևանի ազգաբնակչութիւնը տեղից շարժուելու, անգամ շարժուողին դնդակահարելու որոշումով,

<sup>78</sup> Հ. Հ. Կ. Ա. № 503, պահեստ 14, դարակ 6, էջ 19:

որպէսզի կռուող զինուորը զգայ, որ Երեւանը կանգուն է եւ իրեն նահանջելու տեղ չկայ»<sup>79</sup>։

Նա ճիշտ էր ըմբռնել պահի լրջությունը։ Երեւանի հանձնումը կարող էր կործանարար ազդեցութիւն գործել զինվորների մարտական, բարոյա-հոգեբանական տրամադրութիւնների և դեպքերի հետագա զարգացման վրա։ Խորագետ զորապետի լրջախոհութեամբ գնահատելով Հայաստանում ստեղծված ռազմական իրավիճակը՝ Դրոն պնդում է, որ անհրաժեշտ է առանց Երեւանը հանձնելու վճռական ճակատամարտ տալ Արարատյան դաշտավայրը ներխուժած թուրքական զորաբանակին։ Նույն տեսակետը պաշտպանում է նաև Արամ Մանուկյանը։

Երեւան-Սարդարապատ ուղղութիւնում գործող հայկական զորքերի հրամանատարութիւնը (հրամանատար գեներալ Սիլիկյան) որոշ տատանումներից հետո վճռում է պահել Երեւանն ու ճակատամարտ սկսել Սարդարապատում։

Այդ որոշումը իրականացնելու վճռականութեամբ Դրոն Սիլիկյանի հետ էջմիածնից մեկնում է Երեւան՝ հանդիպելու Արամին.

«— Մենք որոշել ենք, կռիւ պիտի տանք Երեւանի փողոցների մէջ եւ մէր դիակները պիտի թափենք Երեւանի մէջ, յայտնում է Դրոն։

— Ես էլ ձեզ խօսք եմ տալիս, որ էջմիածնում կը մեռնեմ, միւս կողմից աւելացնում է զօարավար Սիլիկեանը»<sup>80</sup>։

Վիճակն արդեն գցված էր, Արամը վաղօրոք լի էր վճռահաստատակամութեամբ ի օգուտ ճակատամարտի։ Սակայն, Երեւանին սպառնում էր ոչ միայն Սարդարապատի ուղղութեամբ հարձակվող թուրքական բանակը։ Հայկական բանակային կորպուսի 1-ին դիվիզիայի (հրամանատար գեներալ Արեշյան) Ալեքսանդրապոլից Ղարաքիլիսա նահանջելը թուրքական զորքերի հրամանատարութեանը հնարավորութիւն էր նձեռում 3-րդ դիվիզիայի ուժերով գրավել Համամլու (Սպիտակ) կայարանը և ապա հարձակումը զարգացնել Ապարան-Եղվարդ կամ Ապարան-Աշտարակ ուղղութեամբ։

<sup>79</sup> «Հայրենիք» օր., 1956 թ., ապրիլի 28։

<sup>80</sup> «Հայրենիք» օր., 1956 թ., մայիսի 27։



Մայիսի 23-ին հայկական բանակային կորպուսի հրամանատար գեներալ Նազարբեկյանը ռազմաճակատից հեռագրում է Հայոց Ազգային Խորհրդին.

«... Ստացվել է հաղորդագրություն Բաշ-Ապարանի և Ղարաքիլիսայի ուղղությամբ թուրքական զորքերի մասին:

Գեներալ Սիլիկյանը հաղորդում է Սարդարապատ ուղղությամբ իր հարձակման մասին, որն առայժմ ընթանում է հաջողությամբ»<sup>81</sup>:

Բաշ-Ապարանի ճակատում թուրքերի հայտնվելը կրկնակի սպառնալիք է ստեղծում Երևանի համար: Մայրաքաղաք տանող հյուսիսային դարպասները բաց էին. Հայկական զորքերի հրամանատարությունը կարողանում է ճիշտ ժամանակին նկատել ու գնահատել Ապարանի ուղղությամբ Երևանին սպառնացող մահացու վտանգի իրողությունը: Ռազմաճակատի Ապարանյան հատվածի հայ զորագնդերի հրամանատարությունը վստահվում է Դրոյին:

Բաշ-Ապարանի ճակատամարտը բացառիկ տեղ է գրավում Դրոյի մինչ այդ միայն հաղթանակներով հագեցված մարտական հարուստ կենսագրությունում:

Դրոն ոչ այնքան մեծ խանդավառությամբ է ընդունել Բաշ-Ապարանի ճակատը ղեկավարելու որոշումը: Նա այդ օրերին հայկական զորահրամանատարությանն է ներկայացնում հակառակորդին վերջնականապես ջախջախելու շափազանց համարձակ և բավականին հետաքրքիր մի տարբերակ:

Ելնելով այն նախադրյալից, որ Սարդարապատի ուղղություներում հայկական զորքերը քանակապես և որակով համարյա շէին գիջում հակառակորդին՝ առաջարկում է շմառնատել ճակատում գտնվող զորագնդերը և հզոր, կենտրոնացված հարվածով ջախջախել թուրքական սարդարապատյան խմբավորումը, ապա հիմնական ուժերը տեղափոխել Բաշ-Ապարանի ճակատ և շրջապատել ու պարտության մատնել նաև թուրքական այդ զորախմբերին: Նրա կարծիքով՝ մինչև Սարդարապատի հատվածում թուրքական զորքերին ջախջախելը, հայ աշխարհազորայինները և փոքրաթիվ կանոնավոր

<sup>81</sup> Ա. Ա. Կ. Ա. № 503, պ. 14, դ. 6, էջ 19—20:

դորաջոկատները ի զորու կլինեին պաշտպանելու Բաշ-Ապարանի ճակատը: Նրա պնդումը հիմնված էր նաև ռազմաճակատից ստացված այն ոչ ճիշտ տեղեկությունից, ըստ որի Բաշ-Ապարանի ճակատում հարձակվում էին թուրքական միայն երկու գումարտակներ:

Իր մտահղացումը իրականացնելու նպատակով Դրոն առաջարկում է իրեն թողնել Սարդարապատի ուղղութիւնում: Սակայն գեներալ Սիլիկյանն արդեն ուներ իր որոշումը:

«... էստեղ, — պատմում է Դրոն, — մի վէճ ունեցանք Սիլիկեանի հետ: Ինձ ասում ա, քեզ նշանակում եմ Բաշ-Ապարանի հրամանատար: Մոխեյ Պավլովիչ (գեներալ Սիլիկյանի անունն ու հայրանունն է — Ն. Գ.) ուր ուզես կերթամ, մի՛ բաժանիր բանակը: Թող ամբողջ ուժով յարձակուենք Սարդարապատից գալող բանակի վրայ, լավ ջարդենք: Ի՞նչ տեղեկութիւն ունենք, մեզ տեղեկացնում են, թէ ընդամէնը երկու թաբուրա (գումարտակ — Ն. Գ.): Նրանք հի՞ է Աշտարակ էլ իջնեն՝ կը ջարդենք»<sup>82</sup>:

Տվյալ պարագայում պատերազմը շարունակելու Դրոյի մտահղացման կենսագործումը մեծագույն համարձակութիւն և պատասխանատվութիւն էր պահանջում: Իրոք, շափազանց վտանգավոր էր Երևանի հյուսիսային դարպասի պաշտպանութիւնը թողնել միայն տեղի աշխարհագորի և փոքրաթիվ կանոնավոր ղինաջոկատների հույսին: Թուրքական զորքերը օգտվելով իրենց ուժերի գերակշռութիւնից՝ կարող էին ընկճել Բաշ-Ապարանի պաշտպանների դիմադրութիւնը և արագորեն մոտենալով Երևանին՝ շրջապատման օղակի մեջ վերցնել Սարդարապատի ճակատում գործող հայկական զորադնդերը:

Համաձայն գեներալ Ղոթղանյանի գնահատման.

«... Զօր. Սիլիկեանը, սպառնալով Ալեքսանդրապոլի ուղղութեամբ թուրքերու կոնակին, իր կարգին կարօղ էր կտրուել Երեւանէն, եթէ Դրօթ ջոկատը չհասցնէր կանգնեցնել Քշնամի առաջախաղացումը»<sup>83</sup>:

<sup>82</sup> Նույն տեղում, մայիսի 27:

<sup>83</sup> «Հայրենիք» ամս., 1928 թ., մարտ, էջ 125:

Հաշվի առնելով դեպքերի զարգացման նման հնարավորությունը՝ Սիլիկյանը շի ընդունում Դրոյի առաջարկած տարբերակը և նրան ուղարկում է Բաշ-Ապարանի ճակատը:

Դրոն Բաշ-Ապարան է մեկնում համեմատաբար փոքրաթիվ ուժերով: Նրա գլխավորած զորամասի ամենահզոր մարտական ուժը՝ պարտիզանական գունդը Սիլիկյանը պահում է Սարդարապատի տեղամասում: Նրա հրամանատարության տակ մնում են Մարիտորսի, Կուռո Թարխանյանի գլխավորած վաշտերը, Զեմլյակի, գնդապետ Կոչուկովի, Զալինյանի հեծելազորայինների, ինչպես նաև Սակելյարի գումարտակի մի մասը: Վերոհիշյալ զորաջոկատների մնացած մասը Բաշ-Ապարանի ճակատ պիտի ժամանեին մի փոքր ավելի ուշ:

Բաշ-Ապարանի ուղղությունում մարտական վճռական գործողություններ ծավալելու համար ուժերը դեռևս անբավարար էին: Մինչև Դրոյի գալը շրջանի զենքի ընդունակ բնակչության զգալի մասը հանդես բերելով մարտական կամք և վճռականություն՝ արդեն դիմել էր ինքնապաշտպանության: Արամի հրահանգով շրջանի ինքնապաշտպանությունը կազմակերպելու առաքելությամբ էջմիածնից Բաշ-Ապարանի ճակատը վաղօրոք տեղափոխված Սեդրակ Զալալյանը Արսեն Տեր-Պողոսյանի համագործակցությամբ գործող մարտախմբի ուժերից կազմել էր մի քանի մարտական ջոկատներ և շսպասելով կանոնավոր զորագնդերի ժամանելուն՝ պարզել ինքնապաշտպանության դրոշը:

Մի փոքրիկ, բայց էական պարզաբանում:

Անդրադառնալով Բաշ-Ապարանի ուղղությունում ինքնապաշտպանության կազմակերպման «իրողության» վերլուծությանը Հ. Թուրշյանը իր «Սարդարապատի հերոսամարտը» աշխատությունում գրում է.

«Բաշ-Ապարանի ճակատում, որտեղ ոչ մի կադրային հայ զորք չկար, դիմադրությունն, ինչպես արդեն ասել ենք, սկսել էին Քյուլուջա (ներկայիս Վարդենիս — Հ. Գ.) գյուղը հավաքված աշխարհազորայինները՝ տեղացիներ կոմունիստ Դավիթ Մելիքսեթյանի և Մաթևոս Հովհաննիսյանի ղեկավարությամբ: Մայիսի 23-ին իրենց խմբերով նրանց օգնության

1. «Մասնում Արսեն աղան (Տեր-Պողոսյան) և Սեթոն (Սեդրակ Զալալյան)»<sup>84</sup>։

Մանրթանալով Թուրշյանի կողմից Բաշ-Ապարանի ինքնապաշտպանության կազմակերպմանը տրված գնահատականին, բնականորեն ծագում են հետևյալ հարցումները, որոնց պատասխանը բացակայում է հիշյալ աշխատությունում։

1. Բացի հեղինակի կամքով կոմունիստ հորջորջված Դավիթ Մելիքսեթյանից և Մաթևոս Հովհաննիսյանից, ովքե՞ր էին իր իսկ կողմից թվարկած Բաշ-Ապարանի ինքնապաշտպանության մյուս կազմակերպիչները։

2. Ի՞նչ միջոցներով և ինչպե՞ս նրանց հաջողվեց մեկ-երկու օրվա ընթացքում զինել և կազմակերպել տեղի աշխարհազորային զինաջոկատներին, որոնք կարողացան մինչև հայկական կանոնավոր զորամասերի ճակատ հասնելը դիմագրավել և կասեցնել թուրքական մի ամբողջական կանոնավոր դիվիզիայի հարձակումները։

Ամենևին չնպատակադրվելով թերազնահատելու Բաշ-Ապարանի ինքնապաշտպանության կազմակերպման գործում ապարանցի աշխարհազորայինների հիրավի հերոսական գործողությունները, այնուամենայնիվ, հարկ է նշել, որ Թուրշյանի վերոհիշյալ պնդումներում ակնհայտ է դեպքերի ու փաստերի միտումնավոր անիրազեկություն և խեղաթյուրում։

Բոլշևիկ-պատմաբանը Բաշ-Ապարանի հերոսամարտի կազմակերպմանը վերագրելով բացառապես ժողովրդական բնույթ, ընթերցողից թաքցնում է, որ իր թվարկածներից Սեթոն (Սեդրակ Զալալյան) և Արսեն աղան (Սամսոն Տեր-Պողոսյան. Խենթի որդին — Հ. Գ.) Հ. Հ. Դաշնակցության անդամներ էին, որոնք իրենց մարտական խբերով այդ ուղղությունում էին գտնվում Երևանի Հատուկ Կոմիտեի, Արարատյան ռազմաճակատի հրամանատարության և անձամբ Արամ Մանուկյանի գիտությունամբ ու հրահանգով։

Վկայակոչենք Հ. Թուրշյանի հիշատակածներից մեկի՝

<sup>84</sup> Հ. Թուրշյան, «Սարգարապատի հերոսամարտը», 1965 թ., էջ 163 — 164։

Սեթոյի (Սեդրակ Զալալյանի) հուշագրությունից մի հատված.

«Երբ տաճիկները սկսեցին առաջանալ Ղարսի վրայ և ներսից թուրք ազգաբնակչութիւնը սպառնական դիրք բռնեց դէպի նորակազմ հայկական կառավարութիւնը — էջմիածնում, Ազգային Խորհուրդը հրաւիրեց ինքնապաշտպանութեան խորհուրդ Սիլիկեանի նախագահութեամբ: Այդ խորհուրդը ինձ առաջարկեց կազմակերպել կամաւորական մի զօրամաս: Որոշեց լիազորութեանս սահմանները և հրահանգեց էջմիածնի գաւառի քաղաքացիական հիմնարկութիւններին ենթարկուել իմ կարգադրութիւններին ինքնապաշտպանութեան վերաբերյալ բոլոր հարցերում: Սիլիկեանի տւած հրահանգների մի մասն էի միայն կատարել, երբ տաճիկները գրաւեցին Ղարսը եւ սպառնում էին Ալեքսանադրապոլին: Արամը հեռագրեց ինձ, դադարեցնել գործողութիւնները, որպեսզի տաճիկներին առիթ չը տանք մեր ներքին գործերին խառնուելու: Միաժամանակ հրահանգեց ուժեղացնել իմ զօրամասը թէ մարդկանցով և թէ ռազմամթերքով: Ալեքսանադրապոլից ինձ ուղարկեցին 4 գնդացիք և այլ ռազմամթերք եւ հրահանգեցին միշտ պատրաստ սպասել Նազարբէգեանի հրամանին: Այն ինչ Ալեք-պօլը անսպասելի կերպով պարտվեց և մեզ ոչ մի հրահանգ չը տրուեց: Այդ ժամանակ ինքնագլուխ մենք դիմադրեցինք Ալեք-պօլից առաջացող տաճիկներին, նոյնիսկ հակառակ Սիլիկեանի կամքին, մինչև որ Արամը որոշեց զօրք ուղարկել Ապարանի սահմանները դիմադրելու համար»<sup>85</sup>:

Քանի որ մինչև Բաշ-Ապարանի տարածքում թուրքական 3-րդ դիվիզիայի հայտնվելը մարտական գործողությունները զլխավորապես ընթանում էին Արարատյան դաշտավայրում՝ գեներալ Սիլիկյանի զլխավորած ռազմական շտաբը և Արամ Մանուկյանը հեռատեսորեն գնահատելով Բաշ-Ապարանի կողմից մայրաքաղաքին սպառնացող իրական վտանգը, այդ ուղղություն են ուղարկում վերոհիշյալ գործիչներին: Եվ նրանք իրենց մարտական խմբերի աջակցությամբ կարողանում են ի հաշիվ Ապարանի բնակչության, կազմակերպել ինքնապաշտպանական ջոկատներ, որոնք անգնահատելի ծա-

<sup>85</sup> Զ. Զ. Կ. Ա., 41—5, էջ 3:

ուայություն մատուցեցին Բաշ-Ապարանի ճակատամարտի  
ողջ ընթացքում:

Սեդրակ Զալալյանի վկայությամբ՝ Դրոն հասնելով ուղ-  
մադաշտ, ի հաշիվ իր զորախմբի համալրում է սակավաթիվ  
զորավաշտերը և անմիջապես դիմում մարտական գործողու-  
թյունների<sup>86</sup>: Անհրաժեշտ էր ժամանակ շահել, մինչև մյուս  
զորախմբերը տեղ կհասնեին: Ահա այդ նպատակով՝ Դրոն  
եղած ուժերով հարձակվում է հակառակորդի վրա և հետ  
շարտելով թուրքերին, դրավում է Ապարանը:

Մայիսի 25-ին հայկական բանակային կորպուսի ուղ-  
մակայանից Հայոց Ազգային Խորհուրդը ստանում է հետևյալ  
հեռագիրը.

«Դրոն հարձակվեց և Բաշ-Ապարանի հյուսիսային կող-  
մում ջախջախեց թուրքերին:

Ղոնդախսազ գյուղի մոտակայքում հեծելազորի գրոհի  
հետևանքով թրատված են 30 ասկյար և մեկ սպա»<sup>87</sup>:

Մայիսի 25-ի հայկական զորախմբերի ձեռնարկած հար-  
ձակման հաջողությունը շափազանց կարճատև էր: Թուրք  
հրամանատարությունը՝ արագորեն մարտադաշտ նետելով  
թարմ ուժեր, հուժկու հակազրոհ է ձեռնարկում հայկական  
զորախմբերի դեմ:

«Առաջին անգամ, — խոստովանում է Դրոն, — մի յար-  
ձակում գործեցինք, յաջող, բայց յաջող էլ յետ շարտեցին  
մեզ...»

Էնպես յետ շարտեցին, որ Բաշ-Ապարանն էլ ձեռքիցս  
առան»<sup>88</sup>:

Առաջին անհաջողությունը լավ դաս էր: Պարզվում է, որ  
Բաշ-Ապարանի ուղղությամբ գործում են ոչ թե երկու գու-  
մարտականեր, այլ թուրքական 3-րդ դիվիզիայի ողջ ուժերը:

Մայիսի 25-ին թուրքերը զարգացնելով ձեռք բերած հաջո-  
ղությունը՝ հասնում են մինև Ալիքուչակ և Զամուլու (Քասախ)  
գյուղերի մատույցները, ուր նրանց կազմ և պատրաստ սպա-  
սում էին Կուռո թարխանյանի և բաշգառնեցի Մարտիրոսի

<sup>86</sup> Տե՛ս, 2. 2. 4. Ա. 65—5, էջ 3:

<sup>87</sup> 2. 2. 4. Ա. № 503, պ. 14, դ. 6, էջ 20:

<sup>88</sup> «Հայրենիք» օր., մայիսի 27:

ղորավաշտերը: Թուրքական զորքերի առաջխաղացման բու-  
լոր փորձերը ձախողվում են: Դրոյի զորավաշտերն ապա-  
րանցիների աշխարհազորայիներին համագործակցությամբ՝  
աննկուն պաշտպանությամբ խափանում են թուրքական  
զորքերի գրոհները:

Հայ զորախմբերի առաջին հարձակումները թեև ձախողվե-  
ցին, բայց ձեռք բերվեց ամենակարևորը՝ Դրոն կարողացավ  
մի փոքր ժամանակ շահել:

Մայիսի 26-ին Բաշ-Ապարանի ճակատն են հասնում  
գեդապետ Դուլուխանյանի 3-րդ գունդը և Սակելյարի գումար-  
տակի մնացած մասը: Արդեն Դրոյի տրամադրության տակ  
էին Սարդարապատի ուղղությամբ գործող նրա զորամասի  
համարյա ողջ ուժերը: Վերախմբավորելով տեղ հասած զո-  
րաջոկատները՝ Դրոն նույն օրը ուժգին հակահարձակումով  
թուրքերին հետ է շարտում Ալիքուլակի մոտերքից և ընդ-  
հուպ մոտենում Ապարանին:

1918 թ. մայիսյան կռիվներին ըստ էության հայության  
մղած գոյամարտի երեք հիմնական (Սարդարապատ, Ղա-  
րաքիլիսա, Բաշ-Ապարան) և փոխկապված ուղղություններն  
էին: Յուրաքանչյուր ուղղության անհաջողությունը կարող էր  
ողբերգական ազդեցություն գործել հայ ժողովրդի գոյապայ-  
քարի վերջնական արդյունքի վրա: Այս առումով տվյալ ժա-  
մանակահատվածում Բաշ-Ապարանի ճակատամարտը իր  
պատմական դերով ձեռք է բերում արտակարգ կարևորա-  
գույն նշանակություն:

Դրոն հրաշալի էր ըմբռնել իրեն վստահված ճակատի  
կարևորությունը: Մայիսի 27-ի հակահարվածը ավելի է ոգե-  
վորում հայ զինվորներին և տեղի բնակչությանը:

Պատմում է Բաշ-Ապարանի ճակատամարտի մասնակից  
Միսաք Թորլաքյանը.

«... Անկանոն խումբեր, ոմանք զինեալ, ոմանք կացին ու  
սուր ձեռքերին, ոմանք ծեր, ոմանք երիտասարդ, իրարու  
ետեւէ կը մօտենային ու...»

— Բարեւ, Դրօ ջան, ահա եկանք, հրամայէ:

Եվ Դրօն անհրաժեշտ կարգադրութիւնները կընէր, բոլո-  
րին ծառայութիւնը ի սպաս դնելու հայրենիքի փրկութեան  
գործին: Պատմական, ճակատագրական օրեր էին. հին Աւա-

րայրը վերակենդանացած էր: Դարաւոր հայութիւնը յարու-  
թիւն էր առած իր մարտական կեցվածքով»<sup>89</sup>:

Թուրքական 3-րդ դիվիզիայի հրամանատարութիւնը  
վաղօրոք տիրելով ռազմական առումով կարևոր նշանակու-  
թիւն ունեցող Արագածի մոտակա բարձունքները՝ ծրագրում  
է օդուազորժել տեղանքի բարենպաստ հնարավորութիւնները  
և բարձունքներից տեղացող կրակի պաշտպանութիւնը թե-  
վանցել ու աքցանի մեջ վերցնելով՝ ջախջախել հայ զինա-  
պնդերին: Ճակատամարտի հաղթական վախճանը պայմանա-  
վորված էր ոչ միայն զինվորների խիզախութիւնից ու  
մարտնչելու հմտութիւնից, այլև հրամանատարութեան մար-  
տավարական կարողութիւններից ու վճռականութիւնից:

Մի՞թե թուրք հրամանատարութեանը կհաջողվեր գերա-  
զանցել արդեն բազում մարտերի մասնակցած և միայն հաղ-  
թանակի դափնիներ վաստակած Դրոյին: Բազմակողմանիո-  
րեն քննարկելով հակառակորդի հրամանատարութեան կողմից  
գործադրվելիք հնարավոր քայլերը, նա մշակում է ճակա-  
տամարտը շարունակելու իր տարբերակը: Քանի որ Արա-  
գածի բարձունքները թշնամու կողմից գրաված լինելու  
պատճառով հայկական զորագնդերը զրկվել էին Արագածի  
ուղղութիւնը հարձակվելու, թևերում տեղաշարժվելու հնա-  
րավորութիւնից, ուստի Դրոն որոշում է հիմնական ուժերը  
կենտրոնացնել ճակատի կենտրոնում և անսպասելի, սրըն-  
թաց գրոհով ճեղքել թուրքական զորքերի պաշտպանութիւնը՝  
զրկելով նրանց թևերում ձեռք բերած առավելութիւններից:

«Ալագեօզում, — պատմում է Դրոն, — ունէի մի բատա-  
լիոն (գումարտակ), թողեցի երկու վաշտ: էն երկու վաշտն  
էլ իջացրի: Բեզերվնի (պահեստային) բատալիոնից էլ երկու  
վաշտ ուղարկեցի կենտրոն: Ուրեմն կենտրոնում ունեմ վեց  
վաշտ»<sup>90</sup>:

Դրոն համարձակորեն մերկացնելով թևերը և նույնիսկ  
թուլացնելով Արագածի լանջերից հարձակվող թուրքերին  
դիմադրող միակ գումարտակը՝ յուրաքանչյուր շորս վաշ-  
տերից երկուսը տեղափոխում է կենտրոն: Սակելյարի, Կո-

<sup>89</sup> Մ. Թուրլախան, «Օրերուս հետ» Պէյրուիթ, 1963 թ., էջ 408—409:

<sup>90</sup> «Հայրենիք» օր., 1956 թ., մայիսի 29:



րուկովի ու Ջհանգիր աղայի հեծելազորը առաջավոր գծից դուրս է բերում թիկունք: Ճակատամարտի նախօրյակին տեղում է հորդ անձրև ու կարկուտ: Եվ մինչ թուրքերն ծվարած տանջվում էին տեղացող կարկուտի հարվածներից, Դրոն օգտվելով բնության պարզևած դաժան, բայց տվյալ պահին օգտակար շնորհից՝ հետախուզության միջոցով վերջնականապես պարզում է հակառակորդի դիրքերի մանրամասները:

Բացվում է մայիսի 28-ի առավոտը, մի պատմական օր, որն ընդմիջտ պիտի մնա Հայոց պատմության դյուցազնագրքում:

Լուսաբացին Դրոն տալիս է հարձակման հրամանը: Ճակատամարտի կենտրոնում թուրքերը շդիմանալով հայ զինվորների փոթորկալի կրակին և հուժկու գրոհներին՝ թողնում են դիրքերն ու նահանջում Ապարան: Թուրք հրամանատարությունը ի պատասխան կենտրոնում հայերի ձեռնարկած հարձակումներին՝ օգտվելով բարձունքներում ունեցած դիրքային առավելություններից, փորձում է հարվածել մեր զորքերի թևերին, ապա թիկունքին: Սակայն աներեր էր պորուշիկ Սահակյանի հրամանատարությամբ գործող ընդամենը երկու վաշտերի և ապարանցի աշխարհազորայիներն զիմադրությունը: Բազմաթիվ գրոհներից հետո՝ շկարողանալով ընկճել ռազմաճակատի թևերում մարտնչող հայ զինվորների զիմադրությունը՝ թուրք հրամանատարությունը դիվիզիայի գլխավոր ուժերը նետում է կենտրոն և փորձում հարձակումը զարգացնել այդ ուղղությամբ: Դրոյի մտահղացումը իրականանում է: Թուրքերն իրենց ուժերն անառիկ բարձունքներից տեղափոխում են ճակատի կենտրոն, ուր Դրոն նրանցից գաղտնի կենտրոնացրել էր իր զորաջոկատների մեծ մասը:

Ամենավճռական պահն էր: Անհրաժեշտ էր մի խիզախ թռիչք, անկասելի հարված: Հրանոթների հզոր կրակի ուղղությամբ Դրոն հարձակման է նետում թիկունքում կենտրոնացված ողջ ուժերը:

Վերհիշելով այդ պատմական պահը՝ Դրոն նշում է.

«Էստեղ էր, որ Կորուկովն (հեծյալ զինավաշտերի հրամանատար — Լ. Գ.) իր պատմական դերն արեց: Ասի՛ կավալերիան (հեծելազոր) մեռցնելու եմ ուղարկում:

Եզդիներին էլ ուղարկեցի, Ջհանգիր աղան:

Ամբողջը ատակի (հարձակման) շարտեցի:

Բայց կավալերիայի պատմության մէջ քիչ ա պատահել, գիտես վարդգես (Ա. Ահարոնյանի որդին՝ վարդգես Ահարոնյանը, որը Դրոյից գաղտնի ձայնագրել է Ապարանի և Սուրմալուի կռիւներին նվիրած նրա այս պատմածը — Լ. Գ.) 700 հոգի կավալերիայից 160-ը թափեցին:

Բայց՝ ճղեց:

Զեմլյակն էլ սպանուեց, ահագին տղաներ սպանուեցին:

Ճղեց, պատուեց ու անցաւ դրանց թիկունքը:

Սակելին (Սակելյարի գումարտակը — Լ. Գ.) էլ շարտեցինք:

Բայց այդպէս արագ փախուստ ես չէի սպասում թուրքերի կողմից»<sup>91</sup>:

Լեռնալանջերին դիրքավորված թուրքական ջոկատները տեսնելով յուրայինների փախուստը, իրենք ևս լքում են ամբողջուններն ու նահանջում: Դրոյի զորքերն արդեն հարձակման են անցնում ճակատի ողջ երկայնքով: Թուրքական հրամանատարութիւնը իր զորքերի վերջնական ջախջախումը կանխելու համար մարտադաշտ է նետում պահեստային զորաջոկատներն ու դիրքեր գրավում Տանագիրմազի (Նիգ գյուղը — Լ. Գ.) մոտերքում: Հարկավոր էր արագորեն զարգացնել հարձակումը և թուրքերին զրկել վերախմբավորվելու ու նոր դիրքերում ամրապնդվելու հնարավորութիւնից:

«էստեղ էր, — շարունակում է վերհիշել Դրոն, — որ ասի. «տղերք ջան, յոզնած էք, ջարդուած էք, թշնամու պաշիցը շպիտի կտրուել»<sup>92</sup>:

Զթողնելով ուշքի գալու թուրքերին՝ Դրոն մայիսի 28-ի գիշերը Տանագիրմազի մոտերքում հաղթահարելով հակառակորդի դիմադրութիւնը գրավում է գյուղը և հաջորդ օրը հասնում մինչև եզդիների Միրաք գյուղը: Ճակատամարտում վճռական բեկում արդեն կայացվել էր: Դրոյի գլխավորած զորագնդերի հաղթական գրոհները փլուզեցին թուրքական հրամանատարութիւնի Ապարան-Նղվարդ կամ Ապարան-Աշ-

<sup>91</sup> Նույն տեղում:

<sup>92</sup> Նույն տեղում:

տարակ ուղղությամբ Երևանն ու Արարատյան զորախումբը շրջապատման մեջ վերցնելու ռազմական ծրագիրը:

Բաշ-Ապարանի ճակատում հայոց զորքերի հաղթանակի լուրը նույն օրը հասնում է Երևան և ջերմ խանդավառություն առաջ բերում մայրաքաղաքում կուտակված բազմահազար հայության շրջանում: Ոգեկոչված Բաշ-Ապարանի հաղթությունը ավետող լուրից՝ ժողովուրդը հոծ բազմությամբ շրջափակում է Երևանի Ազգային Խորհրդի շենքն ու սրտատրոփ սպասում Սարդարապատի ճակատից սպասվող տեղեկություններին:

«Դրօն,— գրում է Հայոց Ազգային Խորհրդի նախագահ Ավետիս Ահարանոյանը,— սեղմել է թշնամուն և հալածում է անխնայօրեն, Սարդարապատ՝ դր, Սարդարապատ՝ դր... Ազգային Խորհրդի պաշտամբի առջև հազարաւոր ամբոխը հելում էր անհանդատութիւնից ու անհամբերութիւնից: Ցաղթութեան ձայներ էին շնչում իրար: Հաւատա՛ւ... յոյսի ու երջանկութեան դողոցք ամէն կողմ: Ահա Արամը երևաց պատշգամբում շրջապատւած գործակիցներով. հայացքները դարձան նրան: Հեռագիր կայ ձեռքին, յուզմունքից գունատ է, բայց ժպիտ կայ երեսին: Այդ մռայլ մարդը ուրախ է իր ձեռքի խորհրդաւոր թերթիկով, որպէս մանուկն իր բռնած թռչնիկով: Քար լռութիւն: Բազմութիւնն ասես շնչելուց իսկ դադարել էր, ամբողջ այդ գորշ, եռուն զանգւածը դարձել էր մի հատ աշք և լսողութիւն: Մովսէսը Սինա լեռից աւելի մեծ պատգամ չէր բերել Իսրաէլին...»

«Ժողովո՛ւրդ հայոց, լսեցէք մեր քաջարի հրամանատար զօր. Սիլիկեանի հեռագիրը».—

«Հինգ օրերից ի վեր տևող ճակատամարտը վերջացաւ թշնամու կատարեալ պարտութեամբ»<sup>93</sup>:

Ցավոք, խորդահայ պատմագիտությունը տասնամյակների ընթացքում ըստ արժանվույն շգնահատելով մայիսյան հերոսամարտերի մասնավորապես Բաշ-Ապարանի ճակատամարտի պատմական նշանակությունն ու իրական արժեքը՝ ժողովրդին անջրպետել էր իր հերոսական ոչ վաղ անցյալի անգնահատելի արժեքների ճշմարիտ իմացությունից: Որպես

<sup>93</sup> «Ալիք» բաց., «Դրօյի յիշատակին», 1956 թ., էջ 43:

խոսուեն փաստարկ վկայակոչենք խորդահայ հանրադիտա-  
րանում Բաշ-Ապարանի հերոսամարտին նվիրված հետևյալ  
փոքրիկ հատվածը.

«1918-ին Ապարանի բնակիչները Բաշ-Ապարանի ճա-  
կատամարտում զգալի հարված հասցրին թուրք զավթիչնե-  
րին՝ կասեցնելով Ալեքսանդրապոլից դէպի Երևան շարժվող  
թուրքական զորքերի առաջընթացը»<sup>94</sup>: Պատմական իրողու-  
թյունը կիսաճշմարտանման հայեցակետով արժեքավորելը  
ոչ մի քննադատության շղիմացող պարզագույն խաբկանք  
է: Իրոք, ճակատամարտին մասնակցած աշխարհազորային-  
ների ներդրումը արժանի է ամենամեծ գնահատականի և  
գովեստի: Սակայն, տվյալ պարագայում հարկավոր չէ ունե-  
նալ բանական մեծ կարողություն և պատմական դեպքերի  
իմացության խորը գիտելիքներ, որպեսզի ըմբռնել հետևյալ  
պարզ ճշմարտությունը. տեղի բնակիչների ուժերից կազմված  
մի քանի ջոկատները ինչքան էլ հերոսականություն և հա-  
մարձակություն ցուցաբերեին, այնուամենայնիվ, առանց  
կանոնավոր զորախմբերի աջակցության ի զորու չէին խոշ-  
ընդոտել ու ջախջախել թնդանոթներով, գնդացիրներով զին-  
ված մի ամբողջ դիվիզիայի հարձակումները: Ավելին, ձրգ-  
տելով նսեմացնել Բաշ-Ապարանի ճակատամարտի պատ-  
մական դերը և նրա հրամանատար Դրոյի հիրավի անգնա-  
հատելի ծառայությունը՝ ժողովրդի մեջ տարածում էին այն  
ստահող լուրերը. իբր թե Դրոն չի զարգացրել հայոց հաղթա-  
կան զորքերի ու աշխարհազորի հարձակումները և դրանով  
իսկ հնարավորություն ընձեռել թուրքերին՝ անվտանգ նա-  
հանջել Ղարաքիլիսա և անսպասելիորեն հայտնվելով մար-  
տադաշտում՝ վճռել ճակատամարտի ելքը:

Որպես ապացույց վկայակոչենք Հ. Թուրշյանի «Սարդա-  
րապատի հերոսամարտը» և Մ. Աղայանի «Հոկտեմբերը և  
հայ ժողովրդի ազատագրական պայքարը» աշխատություն-  
ներում տեղ գտած հետևյալ պնդումները.

«... Մայիսի 29-ին թուրքերն արդեն գլխովին ջախջախված  
էին և խուճապահար փախչում էին դեպի Համամլու և Ալեք-

<sup>94</sup> Հայկ. Սով. Հանրագիտարան, հ. 1., Երևան, 1974 թ., էջ 503:

սանդրապու: Հայ զորքը հաղթական առաջ է գնում և գրավում Դանազիրմազի իշխող բարձունքները»<sup>95</sup>:

Անկեղծ զգացմունքով նշելով Բաշ-Ապարանի ճակատամարտի հաղթանակը՝ հարգարժան պատմաբանը, այնուամենայնիվ հաջորդ տողերում առանց վարանելու առիթը բաց չի թողնում սեպհնելու ու զրպարտելու հաղթական ճակատամարտի դաշնակ հրամանատարին:

«Գրավում է (խոսքը հայոց զորքի մասին է — Հ. Գ.), — շարունակում է Թուրշյանը, — ու կանգ առնում, որովհետև խուճապահար փախչող թուրքերը սպիտակ դրոշ պարզած պարլամենտյոր են ուղարկում Դրոշի մոտ և հայտնում, որ Բաթումում իբր թե զինադադար է կնքվել: Դրոն ընդունում է տաճիկների առաջարկությունը, դադարեցնում է նրանց հետապնդելը, հնարավորություն ընձեռելով, որ իր դեմ կրո՛վող էսադ փաշայի զորքերն օգնության գնան Զավիդ փաշային և շարունակեն Ղարաքիլիսայում պարտված հայ բեկորների ջախջախումը իրավա ձորում»<sup>96</sup>:

Զբավարարվելով իր իսկ կողմից հորինված Բաշ-Ապարանի հաղթական ճակատամարտում Դրոշի դերն ու վաստակը նսեմացնող վարկածներով, Թուրշյանը ավելի է խորացնում մտացածին կեղծիքն ու զրպարտությունը.

«... Դրոն Բաշ-Ապարանի ռազմաճակատում, որ հայ ժողովրդի ինքնապաշտպանության կենտրոնն էր դարձել պատերազմական նոր իրադրության մեջ, շուգենալով զրկված լինել միստիկ Զավրինի և մյուս վարժապետների դափնիններից, զինադադարի ընդունման գործով ասում է, թե երբ թշնամին ընկճված է ու շշմած, իսկ մենք հաղթական ենք, ապա պետք է մարդասիրաբար դադարեցնենք մեր զարկը, որ հակառակորդը հնարավորություն ստանա ուշքի գալու: Նման ռազմավարության հետևանքով ոչ միայն վերջնական ջախջախման ենթարկվեց Ղարաքիլիսայի հայ զորքը, այլև ապարդյուն անցան Բաշ-Ապարանի և Սարդարապատի այնքան փայլուն հաղթանակները»<sup>97</sup>:

<sup>95</sup> Հ. Թուրշյան, «Սարդարապատի հերոսամարտը», Երևան, 1956 թ., էջ 165:

<sup>96</sup> Նույն տեղում, էջ 165—166:

<sup>97</sup> Նույն տեղում, էջ 166—167:

Նույն սցենարով և նույն դիտավորութեամբ է առաջնորդ-  
վել նաև Մ. Աղայանը, որը հոկտեմբերի լույսի ներքո ներ-  
կայացնելով հայ ժողովրդի ազատագրական պայքարը՝ Բաշ-  
Ապարանի հերոսամարտի հրամանատարին բացառապես  
ներկայացնում Թուրքյանի կողմից ավելի վաղ վերագրված  
մեղադրանքները.

«Եռուճապի մատնված թուրքերը, սալիտակ դրոշ բարձ-  
րացնելով, Բաշ-Ապարանի զորախմբի հրամանատար Դրոյին  
հայտնում են, որ Բաթումում արդեն զինադադար է կնքվել  
և առաջարկում են հարձակումը դադարեցնել: Քաղաքակա-  
նապես ոչ հեռատես Դրոն իր ղինակից դաշնակցականների  
նման համաձայնում է և դադարեցնում հարձակումը: Օգտվե-  
լով դրանից, էսադ փաշան հնարավորութունն ստացավ իր  
զորքերը շարժել դեպի Ղարաքիլիսա և օգնել Զավիդ փա-  
շային, որը շարունակում էր հայկական պարտված զորքերի  
մնացորդների և բնակչության ջարդը»<sup>98</sup>:

Այսպիսի տեսակետները շունեն իրական և ոչ մի հիմք  
ու բովանդակություն: Նախ, Ղարաքիլիսայի եռօրյա մարտերն  
ավարտվել են մայիսի 28-ին և հայկական զորքերն նույն  
օրն ևեթ թողնելով Ղարաքիլիսան՝ մայիսի 29-ին արդեն  
գտնվում էին Դիլիջանում: Դրոյի զորախումբը մայիսի 28-ի  
գիշերը դեռևս գտնվում էր Ապարանի մոտակայքի Դանագիր-  
մազ (Նիզ) գյուղի մոտերքում: Եթե նույնիսկ նրա ճանա-  
պարհին կանգնած շիններ անգամ թուրքական գեթ մեկ զին-  
վոր, ապա հայկական զորքը չէր կարող միևնույն ժամանա-  
կահատվածում գտնվել Բաշ-Ապարանի ուղղությունում և  
ճիշտ ժամանակին այնտեղից հասնել ավելի քան 50 կմ հե-  
ռավորության վրա գտնվող Ղարաքիլիսա և անմիջապես մտնել  
մարտազաշտ:

Երկրորդ. ծանոթանալով վերոհիշյալ տեսակետներին  
դարձյալ բնականոնորեն մի պարզագույն հարց է ծագում,  
որտեղից, ի՞նչ փաստաթղթից կամ սկզբնաղբյուրից են Թուր-  
շանյանն ու Մ. Աղայանը պարզել, որ «քաղաքականապես  
ոչ հեռատես Դրոն իր ղինակից դաշնակցականների նման

<sup>98</sup> Մ. Աղայան, «Հոկտեմբերը և հայ ժողովրդի ազատագրական պայ-  
քարը» Երևան, 1982 թ., էջ 149:

համաձայնում է և դադարեցնում հարձակումը», որի հետևանքով էսադ փաշային հնարավորություն է ընձեռում «գերձայնային արագությամբ» Բաշ-Ապարանից, նույն օրը՝ մայիսի 29-ին հասնել Ղարաքիլիսա, որտեղ ի դեպ, այլևս հայկական զորքեր չկային, և օգնել Ջավիդ փաշային վերջնականապես ջախջախելու «հայկական պարտված զորքերի մնացորդներին»: Ավելին, Հ. Թուրշյանը նույնիսկ բառացիորեն մեջբերում է, իբր թե Դրոյի կողմից ասված խոսքերը: Այդ դեպքում բարեխիղճ պատմաբանը պարտավոր է նշել, ցույց տալ այն փաստաթուղթը, կամ սկզբնաղբյուրը, որտեղից օգտվել է: Պատասխանը միանշանակ է. այդպիսի փաստաթուղթ և սկզբնաղբյուր գոյություն չունի և երկու հեղինակներն էլ շխորչելով մտացածին պատկերներ հորինելուց՝ առաջնորդվել են միայն մեկ նպատակով. խեղաթյուրել ու վարկաբեկել այն ամենը, ինչ ձեռք էր բերվել Հ. Հ. Դաշնակցության և նրա ականավոր գործիչների ջանքերով:

Երրորդ. դիմենք արխիվային փաստաթղթերի օգնությանը: Գեներալ Նազարբեկյանի ռազմական շտաբի կողմից կովկասյան բանակին և Հայոց Ազգային Խորհրդին հասցեագրված զեկուցագրերից վկայակոչենք հետևյալ փաստաթուղթը.

Մայիսի 29-ին Բաշ-Ապարանի ջոկատը մոտեցավ Բաշ-Ապարանի բարձունքներին: Հրանոթային հզոր մենամարտից հետո թուրքերը հետ շարտվելով Չինգիլ և Փոլիջա սարերի կողմը՝ ձեռնարկում են ևս մեկ հակահարձակում, բայց նորից հետ են շարտվում ու նահանջում:

Եվս մեկ կարևոր փաստարկ: Վկայակոչենք այդ օրերին Բաշ-Ապարանի ուղղությունից ստացված ռազմական երկու ամփոփագրերը:

«Մայիսի 30-ին Բաշ-Ապարանի ուղղությունում հետ շարտված թուրքերը կանգ են առնում և ամրապնդվում»<sup>99</sup>:  
Եվս մեկը.

«Հունիսի 2-ին Բաշ-Ապարանի ուղղությունից ստացվել է

<sup>99</sup> Հ. Հ. Կ. Ա., 503, պ. 14, դ. 6, էջ 22:

հեռագիր, ըստ որի թուրքերը ակտիվութիւն են ցուցաբերել, բայց մեր հրետանու կրակի շնորհիվ հետ են շարտվել»<sup>100</sup>:

Բաշ-Ապարանի ճակատից հաղորդված վերոհիշյալ ամփոփագրերից դժվար չէ հասկանալ, որ թուրքական զորքերը ոչ թե «Դրոյի թողտվությամբ» աներևակայելի արագությամբ կարողացել են մայիսի 28-ին հայտնվել Ղարաքիլիսայի ճակատում, այլ համաձայն նաև գեներալ Ղորղանյանի հավաստման՝ դիրքեր գրավելով. «... Դիւզքեանդ, Գիւղալդարէ, Աղքուլա եւ Մունջուխլի»<sup>101</sup> գյուղերի ուղղութիւնում, նույնիսկ փորձել են դիմել հարձակողական գործողութիւնների:

Իրականում Սարդարապատի և Բաշ-Ապարանի ուղղութիւններում մայիսի 28-ից հետո տեղի ունեցած իրադարձութիւնների ճշմարիտ գնահատականը դժվար է փնտրել միայն հայ-թուրք փոխհարաբերութիւնների շրջանակներում:

Մայիսի 26-ին լուծարքի է ենթարկվում Անդրկովկասյան Սեյմը և նույն օրը Վրաստանի Ազգային Խորհուրդը ապավինելով Թուրքիայի դաշնակից Գերմանիայի հովանավորութեանը՝ Ն. Ժորդանիայի գլխավորութեամբ հռչակում է Վրաստանի անկախութիւնը: Հաջորդ օրը նույն բովանդակութեան հռչակագիր է ընդունում նաև ազերի Ազգային Խորհուրդը:

Զկար այլևս հայերին, վրացիներին ու ազերիներին գոնե ձևականորեն միավորող Կովկասյան հանրապետութիւնը: Հայոց Ազգային Խորհրդի առջև ծառայել էր լուծելու հետևյալ խնդիրը. կամ ընդհատել Բաթումիի բանակցութիւնները, հրաժարվել թուրքերի հետ բանակցելուց և շարունակել պատերազմը, կամ ծանր զիջողութիւնների գնով հռչակել Հայաստանի անկախութիւնը:

Անժխտելի փաստ է, որ հաղթական մարտերից ոգեշնչված հայկական զորքերը թե ուղմական, և թե բարոյա-հոգեբանական առումով պատրաստ էին զարգացնել ձեռք բերած հաջողութիւնը:

Իսկ Արարատյան զորախմբի հրամանատար գեներալ Սիւլիկյանն ելնելով ուղմաճակատում տիրող նպաստավոր կացութիւնից և հայ զինական ուժերի մարտական տրա-

<sup>100</sup> Նույն տեղում, էջ 28:

<sup>101</sup> «Հայրենիք» ամս., 1928 թ., մարտ, էջ 125—126:



մադրությունից՝ նպատակադրվում է գրավել Կաթուն ու Ալեքսանդրապոլը: Սակայն նույն օրերին Բաթումիում ընթացող բանակցություններում հայ-թուրք պատվիրակութայունների միջև հենց մայիսի 28-ին կայացվում է ղինադադարի ժամանակավոր համաձայնություն, որի մասին ռազմաճակատի տարբեր հատվածներում մարտնչող հրամանատարներն արդեն հաջորդ իսկ օրը ստանում են գեներալ Նազարբեկյանի հրամանը:

Դրոն հայ և թուրք հրամանատարութայան միջև կնքված ժամանակավոր ղինադադարի մասին տեղեկանում է մայիսի 29-ին: Ինչպես նա, այնպես էլ Արարատյան ուղղութայան զորահրամանատարները գեն. Սիլիկյանն ու Սարդարապատի հայկական զորագնդի հրամանատար Դանիել Բեկ-Փիրումյանը, որպես զինվորականներ, պարտավոր էին կատարել զլիսավոր հրամանատարութայան հրամանը:

Պիտի նկատել, որ ղինադադարի հրամանն ստանալուց հետո երկուստեք ակտիվ մարտական գործողութայուններ չեն ծավալվել ոչ միայն Բաշ-Ապարանի, այլև Սարդարապատի ուղղութայունում, շնայած մասնակի բախումներ շարունակվել են ընդհուպ մինչև հունիսի կեսերը:

Անժխտելի է նաև այն իրողութայունը, որ թուրքական հրամանատարութայունը երբեք չէր նպատակադրվի գնալ ղինադադարի, եթե չլիներ Սարդարապատի, Բաշ-Ապարանի և Ղարաքիլիսայի ուղղութայուններում հայոց զորքերի կողմից ստացած ջախջախիչ հարվածները:

Նազարբեկյանի հրամանը խորը հիասթափութայուն և վրդովմունք է առաջ բերում մայիսյան հաղթանակներից գոտեպնդված հայ զինվորների ու բնակչութայան շրջաններում:

Վերլուծելով այդ օրերին Երևանում տիրող դրամատիկ իրավիճակը՝ Ս. Վրացյանը գրում է.

«... Յուսահատութիւնը անսահման էր. Ազգային Խորհուրդը անընդհատ նիստեր էր գումարում, բայց որոշ եզրակացութեան չէր կարող յանգել. մեծամասնութիւն չէր կազմում: Արամը գրեթե չէր մասնակցում այդ նիստերին. նա ամփոփվել էր իր մէջ եւ սպասում էր զօր. Նազարբեկյանին: Ազգային Խորհուրդն ալեկոծւում էր առանց նրան — ոմանք առաջարկում էին հաշտւել կացութեան հետ եւ ընդունել Բաթումի

դաշնագրի պայմանները, ուրիշները — գլխավորապես, դաշնակցականները — պահանջում էին շեղել համարել զօր. նազարբէկեանի հեռագիրը հաշտութեան մասին, զօրքերի ընդհանուր հրամանատար նշանակել զօր. Սիլիկեանին և շարունակել պայքարը:

... Ցուցարարները. կանայք ու օրիորդներ — դրօշակները ձեռներին՝ կանգնում էին Ազգային Խորհրդի շէնքի առջև եւ ներկայացուցիչների բերանով յայտարարում, թէ իրենց շրջանը ամբողջ ունեցվածքն ու կուտղ ուները տրամադրում է Ազգային Խորհրդին, միայն թէ թշնամու պայմանները շրջաններ:

Վճիռ տալը անշափ դժուար էր. վտանգը շատ էր մեծ: Հայկական զօրքերի ընդհանուր քանակը այդ օրերին հասնում էր 30 ոչ լրիւ գումարտակների, մինչդեռ Թուրքիան շարժման մէջ էր դրել 5 դիվիզիա (3-րդ, 5-րդ, 9-րդ, 11-րդ, 36-րդ), այսինքն 50 գումարտակ եւ ի վիճակի էր նորանոր ուժեր հասցնելու: Հայ զինուորների թիւը 12000-ը չէր անցնում: Թիւրքերն առաջ էին քաշել 35000 կուտղ:

Ազգ. Խորհուրդը շկարողացաւ միակամութիւն երեւան բերել, եւ զօր. Սիլիկեանին մնաց ենթարկել զօր. նազարբէկեանի հրամանին: Պատերազմը վերջացաւ<sup>102</sup>:

Իրոք, ռազմաճակատում և հատկապես Անդրկովկասյան հանրապետութեան բարձրագույն մարմիններում սակզօժված շափազանց բարդ և քառասային իրավիճակը դժվարին երկրնտրանքի առջև էր կանգնեցրել Հայոց Ազգային Խորհրդին: Մայիսի 26-ին վրաց և մայիսի 27-ին ազեր կողմից Անդրկովկասյան կառավարութեան կազմից դուրս գալու և անկախութեան հռչակագրերի ընդունման քայլերը նոր կացութեան առջև կանգնեցրեց Հայոց Ազգային Խորհրդին:

Մայիսի 29-ին Թիֆլիսում գումարվում է Հ. Հ. Դաշնակցութեան Արևմտյան և Արևելյան բյուրոների, Ազգային Խորհրդի դաշնակցական ներկայացուցիչների, ինչպես նաև Սեյմի հայ պատվիրակների միացյալ Խորհրդաժողովը, ուր

<sup>102</sup> Ս. Վրացեան, «Հայաստանի Հանրապետութիւն» Պէյրուս, 1956 թ. 2 էջ 144—145:

մեկ անգամ ևս քննարկելով Անդրկովկասում և ռազմաճակատում տիրող քաղաքական ու ռազմական իրավիճակը՝ որոշվում է Հայաստանը հռչակել անկախ հանրապետություն: Եվ խորհրդաժողովի վճռից հետո միայն Հայոց Ազգային Խորհուրդը որոշում է ընդունել հետևյալ հռչակագիրը.

«Անդրկովկասի յայտարարութիւնն քաղաքական ամբողջութեան լուծումով և Վրաստանի ու Ազրբէջանի անկախութեան հռչակումով ստեղծւած նոր դրութեան հանդէպ Հայոց Ազգային Խորհուրդը իրեն յայտարարում է հայկական գաւառների գերագոյն և միակ իշխանութիւն: Որոշ ծանրակշիռ պատճառներով թողնելով մօտիկ օրերում կազմել Հայոց Ազգային կառավարութիւն, Ազգային Խորհուրդը ժամանակաւորապէս ստանձնում է կառավարութեան բոլոր ֆունկցիաները հայկական գաւառների քաղաքական և վարչական զեկը վարելու համար»: 1918 թ. մայիս 30, Թիֆլիս, Հայոց Ազգային Խորհուրդ<sup>103</sup>:

Մայիսյան հերոսամարտերը հայ ժողովրդի ազգային ազատագրական պայքարի միասնականութեան և անպարտ ոգու դրսևորման հիասքանչ օրինակ են, որոնց ծնունդն ու արդյունքն էր Հայաստանի Հանրապետութեանը: Հարյուրամյակներ շարունակ ազգային պետականութեանը կորցրած հայութեանը անպատմելի արհավիրքների ու հերոսական մաքառումների գնով ձեռք բերեց իր հայրենի փոքրիկ հողակտորում գոյատևելու, ազատ ու անկախ ապրելու իրավունք:

Ահա պատմական այդ իրողութեան Դրոյի գնահատականը:

«Կատարուեց հրաշքը: Դաշնակցութիւնը կարողացաւ ի մի հաւաքել եւ գոյապայքարի ճակատ նետել հայութեան բոլոր կենդանի ուժերը: Հայաստանն ամբողջ, մեծով-պզտիկով, ոտքի կանգնեց եւ պատուով մեռնելու կամ ազատ ապրելու վճիռով կուրծք տուեց թշնամուն: Որքա՞ն յուզիլ դրուագներ եւ հերոսական դէպքեր կարելի է նկարագրել այն կռիւներից, որոնց արդիւնքը եղավ մայիսի 28 պատմական թուականը: Սարդարապատի, Ղարիքիլիսէի եւ Բաշ-Ապարաւնի ճակատամարտերուն մէջ իր տարած անօրինական յաղ-

<sup>103</sup> Զ. Զ. Կ. Ա., թիւ 1/1, տիպ. Ծ:

Թանակներով՝ հայ ժողովուրդը տիրացաւ աշատ եւ անկախ ապրելու անփոխարինելի բարիքին: Այդ ճակատամարտերն եղան պատճառ, որ տաճիկները հարկադրեցին դաշինք կնքել հայերի հետ եւ ճանաչել Հայաստանի անկախութիւնը:

Յարգա՛նք հայ ժողովրդին, նրա յեղափոխական մարտիկներին եւ ղեկավարներին, փա՛ռք հայ բանակին եւ նրա անձնուէր զինուորներին ու սպաններին, որոնք գիտցան արհամարհել ամէն դժուարութիւն եւ կամքով խոյացան մահուան դէմ՝ մինչեւ արեան վերջին կաթիլը կռուելու վճռականութեամբ:

Այդ հերոսների կերտած թուականն է մայիսի 28-ը»<sup>104</sup>:

Դրոյի մարտական գործունեության այդ ժամանակահատվածին փոքր ինչ իրազեկ մարդը կարող է անվարան հաստատել Սիմոն Վրացյանի հետևյալ կարծիքը.

«Յիշենք միշտ, որ եթէ այսօր Հայաստանը Հայաստան է իր ազգային կազմով և ազգային պետական կառոյցով, հայութիւնն այդ բանի համար երախտագետ պէտք է լինի առավելապէս Արամին ու Դրոյին և իհարկե, Արարատեան աշխարհի հայ ժողովրդին ու գործիչներին»<sup>105</sup>:

Հունիսի 4-ին հայ և թուրք պատվիրակությունների միջև ստորագրվում է նաև պատերազմը դադարեցնելու մասին համաձայնագիրը:

Հայոց զորքերի հրամանատարությանը այլևս ոչինչ չէր մնում անելու, բացի վերոհիշյալ համաձայնագրի կենսագործումից:

Զինադադարի հրամանն ստանալուց հետո նույնպես անորոշ վիճակում հայտնված Դրոն վերադառնում է Երևան: Հայկական զորքերի հրամանատարական կազմի շրջանում դարձյալ տիրել է իրարամերժ տեսակետներ պատեազմի հետագա ընթացքի վերաբերյալ:

Գեներալ Սիլիկյանի տեսակետն արդեն հայտնի է: Սակայն կային նաև այնպիսի ռազմական գործիչներ, որոնք համաձայն էին անգամ Երևանն հանձնելու գնով ձեռք բերել կռիվներ դադարեցնելու համաձայնությունը: Բաշ-Ապարանի

<sup>104</sup> «Հայաստանի Հանրապետութեան 60-ամեակը., 1918—1978», էջ 5:

<sup>105</sup> Ս. Վրացեան, «Կեանքի ուղիներով» հ. դ., էջ 182:

փառապանծ հաղթանակի գլխավոր հերոսն այլ ընտրանք չէր կարող ունենալ: Դրոյին խիստ զայրացրել էր մեծ գոհողությունների ու զիջողությունների գնով թուրքերի հետ հաշտություն կայացնելու քարոզիչների տեսակետը: Այս կապակցութեամբ արդեն բազմիցս հիշատակված Մարտիրոսը պատմում է մի ուշագրավ դրվագ.

«Երեւանում տեղի ունեցած խորհրդակցութեան մասին լսեցինք, թէ զօրավար Բէդժանբէգովը եւ Դրօն ընդհարուել են: Զօրավարը յայտնել է, որ եթէ տաճիկները ցանկանան վերցնել Երեւանը, մենք պէտք է տեղի տանք, քանի որ դիմադրել չենք կարող: Իսկ Դրօն առարկել է ասելով.

«Դու նախ քո կինն ու աղջիկները տար յանձնիր տաճիկներին, ապա քեզ իրաւունք համարիր տաճիկներին յանձնելու հայ գիւղացու կինն ու աղջիկները առանց կռուի»:

Ընդհարումը այն աստիճանի է հասել, որ Դրօն ցանկացել է ատրճանակով խփել զօրավար Բէդժանբէգովին, բայց արգիլել են նրան»<sup>106</sup>:

Զնայած հունիսի 4-ին կնքված զինադադարին՝ դրությունը ռազմաճակատի տարբեր հատվածներում դեռևս շարունակվում էր մնալ լարված ու անորոշ: Թուրքերն՝ այս անգամ էլ հավատարիմ գտնվելով զինադադարը խախտելու իրենց հարադատ սկզբունքին, մերթ ընդ մերթ մինչև հունիսի վերջերք վերսկսում էին հարձակումները և Սարդարապատի և թե Բաշ-Ապարանի ուղղություններում: Հիշյալ ճակատներից այդ օրերին ստացված տեղեկագրերն ակնհայտորեն ապացուցում են, որ թուրքերի համար ծայրաստիճան դժվար էր եղել հաշտվել անգամ ընդամենը 11000 քառակուսի կիլոմետր տարածք ունեցող նորաստեղծ հանրապետութեան գոյութեան հետ<sup>107</sup>:

Համաձայն զինադադարի՝ սահմանված գոտիներում տեղաբաշխված հայկական զորամասերը մշտապես գտնվել են լարված, կազմ ու պատրաստ վիճակում:

Ավելին, օգտվելով թուրքական զորքերի մերձութունից և զինական ու բարոյական աջակցությունից, դարձյալ գլուխ

<sup>106</sup> Նույն տեղում, էջ 107—108:  
<sup>107</sup> Տե՛ս, շ. շ. Կ. Ա., թիւ 1/1, տիպ 6:

են բարձրացնում Հայաստանի տարածքում բնակվող թուրք ղինված զանգվածները: Զանգիրասարի և Վեդիրասարի շրջանների ողջ տարածքը վերածվում է թուրք հրոսակախմբերի ղինված ելույթների ուղղմամբ: Ինչպես և ամիսներ առաջ՝ թուրք զանգվածների «խաղաղացնելու» գործը դարձյալ ստանձնում է Զանգիրասարի ուղղմամբ զորահրամանատարությունը ընդունած Դրոն:

Հուլիսի 10-ին Հայաստանի Հանրապետության կառավարության անդամները վարչապետ Հովհաննես Քաջազնունու ղլխավորությամբ ժամանում են Երևան: Աննախանձելի առաքելություն էր վիճակվել իրականացնելու հանրապետության նորընտիր ղեկավարությանը: Եթե իրը ծայրահեղորեն քայքայված, տասնյակ հազարավոր անապաստան գաղթականներ, սով ու համաճարակ, իսկ մյուս կողմից մայրաքաղաքից ընդամենը մի քանի կիլոմետր հեռավորության վրա կենտրոնացած թուրքական զորքեր և այդ ամենից զատ թուրք հրոսակախմբերի ղինված ելույթներ:

Դարձյալ առաջնահերթ խնդիրն է դառնում երկրի քաղաքական իրավիճակի կարգավորման հարցերի լուծումը, առանց որի անհնարին էր որոշակի քայլեր ձեռնարկել նորաստեղծ հանրապետության տնտեսական և սոցիալ-քաղաքական կյանքի կարգավորման ուղղությամբ: Անհրաժեշտ էր վճռական քայլեր ձեռնարկել արմատախիլ անելու ղինված ելույթներն և հանրապետության կառավարությանը հնարավորություն ընձեռել լրջորեն զբաղվելու հայոց պետականության հիմքերի կառուցման ու ամրապնդման խնդիրներով:

Այն օրերին, երբ Երևանում Սարդարապատի և Բաշ-Ապարանի ճակատամարտերի մասնակիցները հանդիսավորությամբ դիմավորում էին Քաջազնունու կառավարության անդամներին, հայոց զորագնդերը Դրոյի ղլխավորությամբ գրոհում են Զանգիրասարի և Վեդիրասարի շրջաններում գործող թուրքերի ուղղմամբ հենակետերի վրա:

Դրոյի զորագնդերի հարվածներն ինչպես միշտ անվրեպ էին: Զախջախված թուրք ղինախմբերը՝ վերջնական կործանումից փրկվելու համար, ստիպված հանձնվում են հաղթողի ողորմածությանը: Դրոն այս անգամ էլ փայլուն

կերպով է իրականացնում թուրքերին «խաղաղեցնելու» գործողութիւնները:

Հանրապետութեան տարածքում թուրք զանգվածների վառած հրդեհը մարելուց հետո Դրոն ստանձնում է հայոց զորքերի Երևանյան զորախմբի հրամանատարութիւնը: Այդ նշանակումը պատահական չէր: Ռազմական առումով Երևանյան զորախմբի հրամանատարի ուսերին տվյալ ժամանակահատվածում դրված էր թերևս ամենածանր և պատասխանատու պարտականութիւնը: Ինչպես արդեն նշվել է, թուրքական զորաբանակը գտնվում էր Երևանից ընդամենը մի քանի կիլոմետր հեռավորութեան վրա և բացառված չէր, որ թուրք հրամանատարութիւնը ցանկացած պահին խախտեր զինադադարի համաձայնագիրը և զորքերը շարժեր մայրաքաղաքի վրա: Զինվորների զգոնութիւնն ու մարտական կուռ պատրաստութիւնը պատշաճ բարձրութեան վրա մշտապես պահելու և ավելորդ բախումներից խուսափելու համար, հրամանատարից սահանջվում էր լարված, հաստատակամ աշխատանք ու ծայրաստիճան զգուշութիւն:

Դրոն պատվով է հանձնում այս քննութիւնը ևս: Իզուր չէր, որ նորաստեղծ հանրապետութեան զինված ուժերի հրամանատարութիւնը հենց նրան է վստահում այդչափ պատասխանատու գործը:

Շատ ուտով նրան սպասում էր մի նոր փորձութիւն, ուր նա կրկին անգամ պիտի հաստատեր իր անհաղթ զորահրամանատար լինելը:

**1918 թ. գեկտեմբերին բռնկվում է հայ-վրացական ընդհարումները:**

Մանր օրեր էր ապրում նորաստեղծ հանրապետութիւնը, մի կողմից երկրում տիրող ծանր կացութիւնը, բազմահազար գաղթականութեան սովյալ ու թշվառ վիճակը, մյուս կողմից մուսաֆաթիստական Ադրբեջանի դավերն ու Ղարաբաղի, Զանգեզուրի, Նախիջևանի նկատմամբ ունեցած զավթողական հավակնութիւնները և հանկարծ հողային տարածքների առընչութեամբ վրաստանի հետ բռնկված ընդհարումները:

Անդրկովկասում վարչա-տարածքային հարցը վաղուց էր հասունացել և այն իր լուծումը պիտի գտներ դեռևս մինչ փետրվարյան հեղափոխութիւնը:

Անդրկովկասյան ժողովուրդների՝ հայերի, վրացիների և ազերիների միջև գոյութուն ունեցող հողային, սահմանային վեճերը հիմնականում կապված էին Հայաստանի պատմական գավառների՝ Արցախի, Զանգեզուրի, Ախալքալակի և Բորչալույի, իսկ հայ-վրացական ընդհարումների նախօրերին նաև Լոռի-Փամբակի տարածքների պատկանելության վիճարկման հետ:

Ինչպես հայտնի է, Արցախի և Զանգեզուրի գավառները ցարական կառավարության կողմից մտցվել էին առավելապես մահմեդական հավատքին դավանող բնակչություն ունեցող Ելիզավետպոլի, իսկ Ախալքալակի ու Բորչալուի գավառները Թիֆլիսի նահանգի կազմում:

Հիշյալ գավառներում բնակվում էին 26000 հայեր, 7000 վրացիներ և 3000 այլազգիներ<sup>108</sup>:

Հայ-վրացական խնդիրների առնչությամբ արխիվային փաստաթղթերի ուսումնասիրությունը հստակորեն մատնանշում է, որ վրաց քաղաքական կուսակցությունները մինչև Անդրկովկասում անկախ հանրապետությունների հաստատումը այդ հարցերի լուծման վերաբերյալ պաշտպանել են հետևյալ դիրքորոշումը. «... Սոցիալ-դեմոկրատները (մենշևիկները) հայտարարել են. «Ինքնակառավարման տերիտորյալ սահմանները պետք է որոշվեն ըստ այդ շրջաններում մեկ կամ այլ ազգերի բնակչության տոկոսային հարաբերության՝ միաժամանակ հաշվի առնելով նաև այդ ազգերի տրեստեսական ու մշակութային պայմանները: Իսկ երբ սահմանները որոշվեն, ապա այն պետք է հաստատվի այդ շրջաններում բնակվող ժողովուրդների հանրաքվեի միջոցով:

Վրացական ֆեդերալ-սոցիալիստական հեղափոխական կուսակցության կոնֆերանսը վրացական սահմանների առընչությամբ որոշեց. Վրաստանի տարածքը պետք է կազմված լինի հետևյալ շրջաններից, Թիֆլիս, Գորի, Դուշեթ, Թելավ, Սիզնախ, Թիոնեթի, Բորչալու, Ախալցխիս, Ախալքալակ, Քութաիս, Բաթում, Սուխում, եթե այդ շրջաններում անց-

<sup>108</sup> Յե՛ս, 2. Յ. Դ. Կ. Ա., (Հայ. Հեղափոխական Դաշնակցության Կենտրոնական արխիվ) ԱՄՆ, Բոստոն, 65/1:



կացված հանարաքվեները պետք է համաձայնություն տան նմանօրինակ որոշմանը»<sup>109</sup>;

Վիճելի տարածքային հարցերը նման ժողովրդավարական սկզբունքով լուծելու հարցում հայ և վրացական քաղաքական հոսանքների միջև այդ ժամանակաշրջանում տիրում էր կատարյալ համաձայնություն և փոխըմբռնում: Սակայն 1918 թ. մայիսի 26-ի անկախության հռչակագիր ընդունելուց հետո Վրաստանի իշխանության ղեկն ստանձնած նախկինում ժողովրդավարական սկզբունքով առաջնորդվող սոցիալ-դեմոկրատները (մենշևիկներ) կտրուկ կերպով փոխում են տարածքային հարցերին վերաբերվող իրենց իսկ դիրքորոշումը:

1918 թ. հունիսին Վրաստանի հանրապետության ղեկավարներ Ռամաշվիլին ու ժորդանիան այցելում են Հայոց Ազգային Խորհրդի ներկայացուցչուն և Ավ. Ահարոնյանին, Հովհ. Քաջազնունուն և Ալ. Խատիսյանին իրենց կառավարության անունից հրավիրում մասնակցելու Ախալքալակի, Բորչալուի շրջաններն ըստ ազգային պատկանելիությամբ բաժանելու նպատակով գումարվող խորհրդակցությունը: Հայոց Ազգային Խորհրդի հանձնարարությամբ հայ պատգամավորներ Խաչատուր Կարճիկյանը, Ալ. Խատիսյանն ու Ղորղանյանը ներկայանում են Վրաստանի կառավարությանը:

Այստեղ նրանց սպասում էր կատարյալ անակնկալ.

«Իրակլի Մերեթելին հայտարարում է, որ Վրաստանը պետք է վերցնի Ախալքալակը, Ղազախը, Բորչալուն և Փամբակը»<sup>110</sup>;

Մինչ այդ բոլորովին այլ տեսակետ պաշտպանող Իրակլի Մերեթելու անսպասելի հայտարարությունը զարմանք ու ցասում է առաջացնում հայ պատգամավորների շրջանում:

«Այս առիթով Խաչատուր Կարճիկյանը հայտարարում է, որ Մերեթելու հայտարարության մեջ ինքը տեսնում է Հայաստանը Վրաստանի, Ադրբեջանի և Թուրքիայի մեջ բաժանելու հին նախագծի իրագործման գործընթացը:

<sup>109</sup> Նույն տեղում:

<sup>110</sup> Նույն տեղում:

Բողոքը լսելուց հետո Մերեթելին ժամանակ է խնդրում հայկական ներկայացուցչությունից մտածելու՝ նորից հանդիպելու խոստումով: Բայց դրա փոխարեն, մի քանի օր անց առանց հայկական կողմի տեղեկության գծվում է Վրասական սահմանները, որի մեջ ներառվում է բոլոր վիճելի շրջանները»<sup>111</sup>:

Վրաստանի կառավարության վերաբերմունքը բավականին հետաքրքիր էր: Հստ նրա և Ադրբեջանի կառավարության նպատակադրության Անդրկովկասի ողջ բնակչության ավելի քան 30 % -ը կազմող հայությունը պետք է ամփոփվեր միայն Սևանա լճի ավազանում և Արարտյան դաշտի մի մասում, այսինքն բավարարվեր ընդամենը 11000 կմ<sup>2</sup> տարածքով, որը կազմում էր Անդրկովկասի միայն 5 % -ը: Իսկ հայերից մի փոքր պակաս բնակչություն ունեցող Վրաստանը հավակնում էր տիրելու Անդրկովկասի ամբողջ տարածքի 42 % -ին, այսինքն մոտ 8 անգամ ավելի, քան պետք է ունենային հայերը»<sup>112</sup>:

Անդրկովկասի տարածքի մնացած 53 % -ին հավակնում էր տիրել Ադրբեջանը: Տվյալ ժամանակաշրջանում ի հաշիվ Հայաստանի պատմական գավառների, Անդրկովկասում երկու հզոր՝ Վրացական և Ադրբեջանական տերություններ ստեղծելու հարցում մեր հարևան երկու ժողովուրդների կառավարությունների միջև գոյություն ունեին քաղաքական ու տրնտեսական շահերի կատարյալ փոխհամաձայնություն և ներդաշնակություն:

Հայ-ադրբեջանական հակամարտությունը նորույթ չէ: Հայաստանի Հանրապետության կառավարության համար անակնկալ չէր ադրբեջանական իշխանությունների զավթողական վերաբերմունքը Արցախի և Զանգեզուրի նկատմամբ: Սակայն բոլորովին այլ էր Վրաստանի պարագան:

Անշուշտ Վրաստանի կառավարության նման ձգտումների և մտադրությունների համար կային որոշակի նախադրյալներ:

111 Նույն տեղում:

112 Նույն տեղում:

Նախ, իշխանության ղեկն ստանձնած մինչ այդ ժողովրդալուսրական քաղաքականությամբ առաջնորդվող վրաց սոցիալ-դեմոկրատներին քաջ հույտնի էր ոչ միայն Հայաստանի, Թուրքիայի և Ադրբեջանի ավանդական հակամարտությունը, այլև մեր երկրի քաղաքական ու տնտեսական կյանքի ծայրահեղորեն խարխլված, անմխիթար իրավիճակը:

2. Վրացական իշխանությունների ինքնավստահ, զավթողական տրամադրությունները մեծապես լիցքավորել էին Թուրքիայի մեծ դաշնակցի՝ Գերմանիայի Թիֆլիսում գտնվող ներկայացուցչությանը, որը վրաց կառավարությանը խոստացել էր տնտեսական և անգամ ռազմական օգնություն հայ-վրացական հնարավոր ընդհարումների ժամանակ:

Վկայակոչենք Թիֆլիսում Հայաստանի Հանրապետության ներկայացուցիչ Ա. Զամալյանի և Գերմանիայի ներկայացուցիչ Ֆոն Քրեսի միջև կայացած պաշտոնական զրույցից մի ուշագրավ հատված.

«Անդրկովկասում Գերմանական միսիայի ներկայացուցիչ Ֆոն Քրեսը Թիֆլիսում հայտնում է Զամալյանին, որ հայերն ազատեն «վրացական» տարածքներն առանց արյունահեղության:

Զամալյանի այն հարցապնդմանը, թե ինչո՞ւ է գերմանական միսիայի ներկայացուցիչը խառնվում վրաց-հայկական գործերին և սատար կանգնում վաղուց ի վեր հայերին պատկանող հողերին հավակնող Վրաստանին, Ֆոն Քրեսը պատասխանել է, որ Գերմանիան գտնվում է Վրաստանի հետ նույն միության մեջ և պարտավորություն է վերցրել պաշտպանել այդ հանրապետության տարածքային շահերը և դա է իրենց միսիայի նպատակը Անդրկովկասում»<sup>113</sup>:

Գերմանիայի զորակցության խոստումներից թևավորված վրաց իշխանությունները քաղաքական և տնտեսական բնագավառում դեռ նոր-նոր ինքնուրույն քայլեր ձեռնարկող Հայաստանի Հանրապետությանը լուրջ մրցակից չէին համարում և այդ պատճառով ձգտում էին ամեն գնով կենսագործել հզոր վրացական տերություն ստեղծելու պատեհ առիթն ու հնարավորությունները:

<sup>113</sup> Նույն տեղում:

Ավելին, ըստ վրաց կառավարութեան սահմանային հարցերն ի օգուտ Վրաստանի լուծումը անհրաժեշտ է, որովհետեւ. «... հայերի շահն էլ պահանջում է այդ շրջանների Վրաստանի սահմաններում լինելը, որովհետեւ այդպիսով յանձին Վրաստանի, Կովկասում կը ստեղծւի կենսունակ ու հզոր քրիստոնեայ պետութիւն, որը գերմանացիների աջակցութեամբ կը պաշտպանէ եւ հայերին»<sup>114</sup>:

Վիճակն արդեն գցված էր, սահմանային հարցերի վերաբերյալ Վրաց կառավարութեան այդօրինակ դիրքորոշումը բնականաբար պիտի վերածվեր առճակատման:

Հայ-վրացական հակամարտութիւնը ավելի է շիկանում, երբ հայկական զորքերը Դրոյի գլխավորութեամբ հոկտեմբերի 18-ին մուտք են գործում Լոռը, որը մինչ այդ գրավված էր թուրքական զորքերի կողմից:

Թուրքական զորքերի կողմից բռնագրավված էր նաև Ախլքալակի գավառը, իսկ Բորչալուի շրջանում տնօրինութիւն էին անում վրացական զորամասերը:

Հարկ է նշել, որ Բորչալուում վրացական զորամասերի հայտնվելը կատարվել է Հայոց և Վրաց Ազգային Խորհուրդների փոխհամաձայնութեամբ: 1918 թ. երբ թուրքական զորքերը Ալեքսանդրապոլի գրավումից հետո սպառնում էին հարձակումը զարգացնել դեպի հյուսիս, Հայոց Ազգային Խորհուրդը հաշվի առնելով Վրաստանի սահմանների ապահովանութեան հարցը և ընդառաջելով Ռամիշվիլու և Ժորդանիայի դիմումներին՝ համաձայնվեց, որպեսզի վրացական զորամասերը մուտք գործեն Բորչալուի շրջանը: Ընդամին այդ ժամանակ Վրաց Ազգային Խորհուրդի ներկայացուցիչները հավատացնում էին, որ վրացական զորքերը անմիջապէս կպարպեն Բորչալուն, եթե թուրքերը հեռանան Վրաստանի սահմանամերձ շրջաններից: Սակայն ժամանակը ցույց տվեց, որ վրաց կողմը ոչ միայն չկատարեց իր խոստումը, այլև հիշյալ տարածքների նկատմամբ դրսևորած իր համակնութեամբ պատճառ հանդիսացավ հայ-վրացական ցավալի ընդհարումներին:

<sup>114</sup> Ս. Վրացեան, «Հայաստանի Հանրապետութիւն», Թէհրան, 1982 թ., էջ 206:

Հայկական զորագնդի մուտքը Լոռի տեղի ունեցավ ավելի շուտ, քան Գերմանիայի գլխավորած տերությունների միության վերջնական անձնատուր լինելը:

Լոռու տարածքը թուրքական զորքերի կողմից պարպելու իրողությունը Հայաստանի կառավարությանը հայտնի դարձավ դեռևս օգոստոսի 31-ին: Այդ օրը Օսմանյան արևելյան բանակի հրամանատար Խալիլ փաշան պաշտոնական այցով ժամանել էր Երևան: Անդրադառնալով Խալիլ փաշայի և Հայաստանի Հանրապետության ղեկավարների հանդիպման մանրամասներին՝ Վրաստանում Հայաստանի Հանրապետության դիվանագիտական հավատարմատարը գրում է.

«Օգոստոսի 31-ին առաւօտեան Խալիլ փաշան Ֆոն-Կրէսսի (Թիֆլիսում Գերմանիայի ներկայացուցիչը — Հ. Գ.), բարոն Ֆրանկենշտայնի (Ավստրիայի դիվանագիտական ներկայացուցիչը — Հ. Գ.) և իմ ուղեկցութեամբ մտավ Երևան: Ընդունելութիւնը բաւական սրտազին էր: Կայարան էր եկել ներքին գործերի մինիստր պ. Արամը, որ Խալիլ փաշայի վաղեմի ընկերն է. Խալիլ փաշան վազելով ընդառաջեց և գրկախառնուեց պ. Արամի հետ: Դրանից յետոյ Խալիլ փաշան ընդունեց պատւաւոր պահակախմբի պարադը և ապա պատւաւոր հեծելազօրի ուղեկցութեամբ պ. Արամի հետ միասին գնաց քաղաք: Միւս հիւրերը հետևեցին նրան»<sup>115</sup>:

Երևանում Խալիլ փաշան հանդիպումներ է ունենում հանրապետության վարչապետ Հովհ. Քաջազնունու, խորհրդարանի նախագահ Ավ. Սահակյանի և այլ պաշտոնատար անձանց հետ: Բանակցությունների ժամանակ քննարկվող բազմաթիվ խնդիրների շարքում եղել են նաև Ախալքալակի և Լոռի-Փամբակի շրջանները թուրքական զորքերից պարպելու հարցերը: Նույն օրն ի պատիվ Խալիլ փաշայի հանրապետության կառավարության կողմից տրվում է պաշտոնական ճաշկերույթ.

«Ճաշը իր վախճանին էր մոտենում, երբ Խալիլ փաշան, որ փոքր ինչ գինով էր, խնդրեց բերել Անդրկովկասի քարտեզը և երկար նայելուց ու իր շտաբի գլխաւորի հետ խորհրդակցելուց յետոյ վերկացաւ ու յայտարարեց, թէ այլևս

<sup>115</sup> Հ. Հ. Կ. Ա., պ. 12, դ. 5, թղթածրար 65/1, էջ 1:

խօսքերը բաւական են, դորժ է հարկաւոր եւ ինքը, իբրեւ կատարումն իր հայանպատ խօսքերի խօստանում է երեք օրուայ ընթացքում իր պատասխանատուութեամբ համաձայնութեան գալով հայոց կառավարութեան հետ, դատարկել Հայաստանի գրաւած մասերը (Փամբակ և Լոռի) ամբողջովին կամ մասամբ:

Այս յայտարարութիւնը գերմանացիներին և աստրիացիներին սկզբում շփոթութեան մէջ գցեց, սակայն վերջը նրանք էլ ուրախ էին (մի տեսակ շարախնդութեան շեշտ կար այդ ուրախութեան մէջ) և մեզ դրդում էին մինչև անգամ խօսք առնել Խալիլ փաշայից, որ Ալեքսանդրապօլը դատարկի...

Ճաշից յետոյ տեղի ունեցաւ պ. Արամի բնակարանում մեր պաշտօնական խորհրդակցութիւնը:

Առաջին հերթին պ. Քաջազնունին դրեց խորհրդակցութեան առաջ Փամբակն ու Լոռին դատարկելու հարցը: Երկար թեր ու դէմ խօսակցութիւն տեղի ունեցաւ սրա շուրջը, եւ հարցը փոխւեց նրանով, որ Խալիլն երեք օրուայ ընթացքում պէտք է իր կառավարութեանը այդ գավառները դատարկելու առաջարկն անի և համապատասխան հրաման ստանալուց յետոյ դատարկի»<sup>116</sup>:

Հոկտեմբերի 5-ին Խալիլ փաշան դարձյալ ժամանում է Երևան և հայտնում, որ այս անգամ արդեն ինքը հրաման է ստացել դատարկել Լոռի-Փամբակի շրջանները: Այս հաղորդումից հետո հայ-թուրք զինվորական շտաբի ներկայացուցիչներն անմիջապէս մշակում են հիշյալ շրջաններում թուրքական զորքերին հայ զորամասերով փոխարինելու ծրագիրը, որն էլ իրականացվում է նույն տարվա հոկտեմբերի 18-ին:

Դրոյի գլխավորած զորքերի մուտքը Լոռի՝ Վրացական կառավարութեան համար հարմար պատրվակ է ծառայում, որպէսզի ողջ Անդրկովկասում և տարբեր մակարդակի հանդիպումներում աղաղակի հայերի ռազմական ներխուժման մասին, շնայած ինքը Բորչալուի գավառի և հայկական այլ շրջանների գրավումով արդեն տվել էր նախահարձակ լինելու օրինակը:

Հայաստանի կառավարութեան կողմից Լոռվա գավառ

<sup>116</sup> Նույն տեղում, էջ 8:

զորքեր մտցնելու իրողութիւնը գնահատելով որպէս Վրաստանի շահերի դեմ ուղղված քայլ, վրաց արտաքին գործոց նախարարը հոկտեմբերի 19-ին Հայաստանի դիվանագիտական ներկայացուցիչ Արշակ Զամալյանին հանձնում է հետևյալ բողոքագիրը.

«Վրաստանի Հանրապետութեան կառավարութիւնը տեղեկացաւ, որ Թիֆլիսի նահանգի մէկ մասը՝ Քոբէր կայարանից սկսած մինչեւ սահմանակից կամուրջը, այլե՛ւ Սանահինի մօտի շրջանները, սոյն հոկտեմբերի 18-ին գրաւուել են հայկական կանոնավոր զօրքերի առաջին և շորրորդ հրացանաձիգ զնդերի կողմից: Վրաց կառավարութիւնը, որ միշտ պատրաստ է խաղաղ, փոխադարձ համաձայնութեան միջոցով կարգաւորել սահմանների հարցը բարեկամ Հայաստանի Հանրապետութեան հետ, իր պարտականութիւնն է համարում յայտնելու, որ քանի այդպիսի համաձայնութիւն չի կայացել, հայկական զօրամասի մուտքը Թիֆլիսի նահանգի սահմաններից ներս՝ վրաց կառավարութեան կողմից կը դիտուի որպէս Հայաստանի կողմից արուած ակներեւ մի թշնամական քայլ Վրաստանի նկատմամբ»<sup>117</sup>:

Հայկական զօրամասի մուտքը զուտ հայկական ու հայարնակ լոռի զայրույթ ու ցասում է առաջ բերում Հայաստանի հանրապետութեան հետ սահմանների հարցը «միշտ պատրաստ, խաղաղ, փոխադարձ համաձայնութեան միջոցով կարգավորող» վրաց կառավարութեան շրջանում:

Վրաց արտաքին գործոց նախարարի վերահիշյալ հեռագիրը կրկին անգամ հավաստում է, որ գերմանացիների զինուաջակցութեամբ խանդավառված Վրաստանի իշխանութիւնները լի էին հաստատակամութեամբ զավթելու լոռին, որը վահան Փափազյանի (Կոմս) բնորոշմամբ. «... Հայաստանի թոքն է. առանց այդ գեղեցիկ և ուզմական կարեւորութիւն ունեցող շրջանի և երկաթուղագծին, անկարելի էր շնչել»<sup>118</sup>:

Հոկտեմբերի 20-ի վրաց զինվորական նախարարի հրամանով Սանահինում գտնվող վրացական զրահագնացքի պետ կապիտան Գոգոաձեն լոռվա հայկական զորախմբի սահ-

<sup>117</sup> «Հայրենիք» ամս., 1957 թ., թիւ 2, փետրվար, էջ 2—3:

<sup>118</sup> Վ. Փափազեան, «Իմ յուշերը» Պէյրուիթ, 1952 թ., հ. 2, էջ 496:

մանապահ վաշտի հրամանատարությանն է ներկայացնում հետևյալ վերջնագիրը.

«Հիմնուելով Վրաստանի հանրապետութեան զինուորական նախարարի թիւ 672 հեռագրի վրայ, յանձնարարում եմ ձեզ 24 ժամուայ ընթացքում տեղեկացնել ձեր կառավարութեանը, որ դուք պէտք է հեռանաք ձեր այժմ գրաւած տեղից Շահալի կայարանից այն կողմը: Սպասում եմ ձեր պատասխանին մինչեւ 22 հոկտ.»<sup>119</sup>:

Հոկտեմբերի 21-ին կապիտան Գոգուաձեն զինվորական նախարարությունից ստանում է մեկ այլ հեռագիր.

«Վաղը, ամսի 22-ին, ժամը 12-ին, երկաթուղով ձեզ մօտ են գալիս նահանգային գումարտակի 250 զինուորներ, դէպի Վորոնցովկա է շարժւում զօր Ցիցիանովի զօրամասը՝ բաղկացած մարտկոցներից եւ հետեւականներից: Զօր. Ցիցիանովի գալուց յետոյ. նա կընդունի բոլոր զօրքերի հրամանատարութիւնը: Ամբողջ Բորչալուի գաւառի մաքրագործման եւ մինչեւ Թիֆլիսի (նկատի ունի Թիֆլիսի նահանգը, որի սահմանների մեջ ցարական իշխանությունների կամքով մտցվել էր նաև հայկական լոռվա գավառը — Հ. Գ.) սահմանները հեռանալու պահանջը անպայման է»<sup>120</sup>:

Վրաց զինվորական նախարարության կողմից ձեռնարկվող քայլերը արդեն ոչ այլ ինչ էին, եթե ոչ պատերազմական գործողություններ ծավալելու բացահայտ մարտահրավեր:

Վրաց կառավարության վերջնագիր ներկայացնող հեռագրերը փոթորկահույզ իրավիճակ են ստանում Հայաստանի խորհրդարանում ու կառավարությունում: Հոկտեմբերի 22-ի Հայաստանի խորհրդարանի նիստում վարչապետ Հովհ. Քաջազնունին հայտարարում է.

«Մեր հողի մի մասը, Լոռի-Փամբակի շրջանում, գրաւուած էր թուրքական զօրքերով: Մեր կառավարութիւնը մի քանի անգամ բողոքներ ներկայացրեց թուրքաց կառավարութեան, ինչպէս նաեւ գերմանական եւ ակտրիական միտրներին եւ միշտ պատասխան ստացաւ, որ գրաւումը ժամանակաւոր է: Հոկտ. 5-ին Խալիլ փաշան Երեւանում

<sup>119</sup> «Հայրենիք» ամս., 1957, թիւ 2, փետրվար, էջ 8:

<sup>120</sup> Նույն տեղում:



յայտնեց մեզ, որ հրաման է ստացուել դատարկել վերոհիշեալ երկրամասերը: Անմիջապէս մեր եւ թրքական շտաբները գծեցին այդ գործողութեան ծրագիրը, որը սկսուեց հոկտ. 18-ին եւ, առանց որեւէ միջադէպի, շարունակուեց մինչեւ հոկտ. 18-ը, երբ գիշերուայ ժամը 12-ին հեռագիր ստացուեց Դրոյից այն մասին, որ «վրացիները վերջնագիր են ներկայացրել՝ դատարկելու համար մեր ստացած շրջանը մինչեւ Շահալի՝ ու շարժուել Կորէրի վրայով»: Նա խնդրում է կարգադրութիւն անել: Մեր կառավարութիւնը որոշեց շրջանել վերջնագիրը, շյանձնել Շահալի կայարանը եւ գինուած ուժի դիմելու պարագային՝ ցոյց տալ դիմադրութիւն»<sup>121</sup>:

Չնայած հանրապետութեան ծանր կացութեանը, այնուհանդերձ, Հայաստանի խորհրդարանն ու կառավարութեանը շէին կարող ընդունել վրաց կառավարութեան վերջնագիրը, որը միանշանակորեն կհանգեցնէր ոչ միայն Զավախք աշխարհի, այլև Լոռի-Փամբակ գավառների կորստեանը:

Հայոց խորհրդարանի որոշման համաձայն վարչապետ Հովհ. Քաջազնունին ի պատասխան վերջնագրի Ա. Զամալյանի միջոցով վրաց կառավարութեանն է հղում հետևյալ հեռագիրը.

«Հայաստանի խորհուրդը լսելով վրացական հա. 4303 դիմումի և Շահալին պարպելու վերջնագիր-պահանջագրի մասին իմ հաղորդումը, որոշել է. հավանութեան տալ կառավարութեան գործողութեանն և առաջարկեց հետագայում էլ հետևել ընդունված ուղղութեանը:

2. Պարտավորեցնել կառավարութեանը ամեն ջանք գործադրել կոնֆլիկտը խաղաղ ճանապարհով լուծելու համար՝ հուսալով, որ վրաստանը ձեռնպահ կմնա հարձակողական գործողութեաններից և շի անցնի իր զբաղեցրած դիժը:

Խնդրում եմ այդ մասին հաղորդել վրաստանի կառավարութեանը:

Հա. 519 մինչև տր նախագահ Քաջազնունի»<sup>122</sup>:

Սակայն ապարդշուն էր սահմանային խնդիրները խաղաղ ճանապարհով լուծելու Հայաստանի կառավարութեան գոր-

<sup>121</sup> Նույն տեղում, էջ 3—4:

<sup>122</sup> Հ. Հ. Կ. Ա., պ. 12, դ. 5, թղթ. 65/1, թիւ 6:

ծաղրած ջանքերը: Վրաստանի կառավարության պահանջը մեկն էր. դուրս բերել հայկական զորագնդերը Լոռվա գավառից և Հայաստանի կառավարությանը հարկադրել ընդունել վիճելի բոլոր տարածքների նկատմամբ Վրաստանի իրավասությունն ու գերիշխանությունը: Ավելին, վրաց կառավարության որոշումով շրջափակվեց Հայաստանի համար կենսական նշանակություն ունեցող Բաթումի-Ալեքսանդրապոլ երկաթուղին՝ կտրելով մեր երկիրը ԱՄՆ-ից և Անգլիայից ստացվող տնտեսական օգնությունից: Օգտը վելով այն հանգամանքից, որ Թուրքիայի պարտության հետևանքով Թուրքական զորքերը հարկադրաբար պարպել էին Ախալքալակի շրջանները՝ վրացական զորամասերը դեկտեմբերի 5-ին գրավում են նաև այդ գավառը: Գրաված տարածքներում վրաց իշխանությունները զենքի ուժով անլուր տառապանքների ու հարստահարումների էին ենթարկում հայ բնակչությանը: Իսկ Լոռվա մի շարք գյուղերը վրաց զինվորականության զրահագնացքների հրանոթներից ու գընդացիներից տեղացող կրակով ուժեղացան ու քանդվելով դարձել էր պարբերաբար կրկնվող սովորական երևույթ:

Ախալքալակի, Բորչալուի և Լոռի-Փամբակի շրջաններում վրաց զինվորները մահվան սպառնալիքով հարկադրում էին հայ բնակչությանը կեղծ վկայություններ տալ՝ իբր թե իրենք հոժարակամ համաձայն են միանալ Վրաստանին և ոչ թե Հայաստանին:

Այդ օրերին Հայաստանի Հանրապետության կառավարության անունով բազմաթիվ հեռագրեր էին ստացվում հիշյալ շրջանների հայ բնակիչներից, որոնցում նրանք իրենց զայրույթն ու բողոքն էին արտահայտում վրաց զինվորների գործադրած վայրագությունների կապակցությամբ:

Վկայակոչենք Ուզունլար գյուղից ուղարկված հետազիբը.

Հայաստանի զինվորական նախարարին

«Հաղորդում ենք, որ դեկտեմբերի 8-ին վրացական զորքերը փորձել են զենքի ուժով գրավել Ուզունլար գյուղը:

Երկու օր Ուզունլարը գտնվել է հրանոթային կրակի տակ: Վրացիները սպառնում են ոչնչացնել ուզունլարցիների 1000

տները: Խնդրում են օգնության հասնել դո՛կտոր հարազատ ժողովրդին»<sup>123</sup>,

Դեկտեմբերի 12-ին Հայաստանի կառավարության վարչապետ Հովհ. Քաջազնունին վերջին անգամն է դիմում Վրաստանի կառավարությանը.

«Վրաստանի կողմից բռնությամբ զավթած Բորչալուի գավառում վրացական զորքի գործողությունները այդ շրջանում ստեղծել են այնպիսի իրավիճակ, որն այլևս հնարավոր չէ հանդուրժել: Միայն այդ շրջանից վրացական զորքի դուրս բերումը կարող է կանխել հետագա արյունահեղությունը և հաստատել ամուր բարեկամական հարաբերություններ Հայաստանի և Վրաստանի միջև: Այդ նպատակով Հայաստանի կառավարությունը պատիվ ունի Վրաստանի կառավարությանը առաջարկելու անհապաղ դուրս բերել վրացական զորքերը Բորչալու գավառի հայկական մասից: Հրաժարվելու կամ հապաղելու դեպքում Հայաստանի կառավարությունը իր քաղաքացիների ապահովությունը վրացական զորքերի բռնություններից պաշտպանելու նպատակով հարկադրված կլինի ձեռնարկել անհրաժեշտ միջոցներ»<sup>124</sup>:

Ե՛վ Հայաստանի, և՛ Վրաստանի կառավարությունները վիճելի տարածքների նկատմամբ ունեին իրենց հաստատուն ու միանգամայն հակադիր դիրքորոշումը, որը դիվանագիտական փակուղիներ էր ստեղծում հարցը խաղաղ միջոցներով լուծելու ճանապարհին:

**Մնում էր միայն մեկ միջոց՝ դիմել զենքի:**

Այժմ արգեն վճռորոշ խոսքը պատկանում էր հայ զորաբանակին և նրա հրամանատար Դրոյին:

Դեկտեմբերի 13-ին Դրոն ստանում է Լոռի-Փամբակը վրացական զորքերից մաքրելու հանրապետության կառավարության հրամանը: Հայկական զորամասի հարձակումը նախատեսվում էր զարգացնել Վորոնցովկա-Պրիվոլն-Օփրեթ-Այրում ուղղությամբ: Դրոյի երեք զորաշարքերով գործող զորամասերի հրամանատարներն էին՝ աջ թևում Բաշ-Սպարանի ճակատամարտի հերոսներից զնդապետ Կորոլկովի

<sup>123</sup> Հ. Հ. Կ. Ա., 65/1, թիվ 13:

<sup>124</sup> Նույն տեղում, թիվ 14:

գլխավորած 6-րդ գունդը, կենտրոնում՝ փոխգնդապետ Նեստերովսկու 4-րդ գունդը, ձախ թևում՝ գնդապետ Տեր Նիկողոսյանի 5-րդ գունդը և գնդապետ Միրմանյանի ղեկավարությամբ գործող պահեստային վաշտերը: Հայկական զորամասի կազմում էին ընդամենը 28 հետևակ վաշտեր, 26 գնդացի, 7 լեռնային թնդանոթներ, և 4 ձիավոր հարյուրյակներ<sup>125</sup>:

Պետք է նկատել, որ Դիլիջան-Լոռի զորամասի մարտական հնարավորությունները բավականին համեստ էին: Նույն ճակատում գործող վրացական զորաբանակը մարտակազմով, զինվածությամբ և մանավանդ հանդերձանքով, ռազմամթերքի ու սնդամթերքի ապահովվածությամբ զգալիորեն գերազանցում էր կիսասովյալ և վատ հանդերձավորված հայկական զորամասերին: Վրացական զորքերի կազմում գործում էին նաև թնդանոթներով ու գնդացիներով հագեցված 3 զրահագնացքներ, որոնք պատերազմի տվյալ ժամանակաշրջանում ռազմական հզոր ուժ էին հանդիսանում:

Հայկական զորաբանակի զինվորական կազմը առանց բացառության ուներ ոչ միայն կռիվների հարուստ փորձ, այլև մարտական ոգի և հրաշալի ֆիզիկական կոփվածք: Իսկ Վահան Փափազյանի (Կոմս) բնորոշմամբ. «Դրոյի զօրագունդը պատերազմներու մէջ թրծուած ուժ մըն էր, իսկ հրամանատարը՝ կորովի, վճռական և յանդուգնի մէկը»<sup>126</sup>:

Դեկտեմբերի 13-ին Դրոն իր զորաբանակին տալիս է հարձակումն սկսելու առաջին հրամանը:

Կռիվների առաջին օրվա արդյունքները հրաշալի էին: Փոխգնդապետ Նեստերովսկու հրամանատարությամբ գործող զօրագունդը հաջողությամբ գրավում է Սանահին, իսկ գնդապետ Տեր-Նիկողոսյանը Վորոնցովկա և Պրիվոլնե բնակավայրերը: Հայկական զորագնդերը միայն առաջին օրվա մարտերում գերեվարում են տասնյակ զինվորների և զգալի քանակության զենք ու զինամթերք:

Այրումի ուղղությամբ, ուր մարտնչում էր գնդապետ Կորովկովի զորամասը, հայ զինվորները հաղթահարելով 3

<sup>125</sup> «Հայրենիք» ամս., 1957 թ., թիւ 2, փետրվար, էջ 10:

<sup>126</sup> Վ. Փափազեան, «Իմ յուշերը», հ. 2, Պէյրուֆ, 1952 թ., էջ 496:

զրահագնացքների ու վրացական զինավաճառների համառ դիմադրությունը՝ գիշերային գրոհով գրավում են Լալվարը և հասնում մինչև Ախտովկա և Հաղպատ: Զարգացնելով հարձակումը՝ Կորոլկովի զորամասը հայ կամավորների համագործակցությամբ պայթեցնում են զրահագնացքներից մեկը և հաջորդ օրը գրավում Այրում կայարանը: Ռազմաճակատի մյուս հատվածներում նույնպիսի հաջողությամբ էին ընթանում նաև հայկական մյուս զորագնդերի հարձակումները:

Դեկտեմբերի 15-ին հայկական զորամասերին հաջողվում է գրավել Ալլահվերդին և դուրս գալ Բոլնիս-Խաչեն: Վրացական զորքերի հրամանատար գեներալ Մուլուկիձեն Դրոյի զորաբանակի սրընթաց հաղթարշավը կանգնեցնելու նպատակով մարտադաշտ է նետում Թիֆլիսից ժամանած նոր մարտական ուժեր:

Սակայն, դեկտեմբերի 17-ին հայկական զորագնդերը լոռեցի կամավորների ակտիվ աջակցությամբ անկասելի հարվածով խորտակում են վրացական զորքերի կատաղի դիմադրությունը և Ախլաթի կայարանում բռնագրավում հակառակորդի մնացած 2 զրահագնացքներն ու մեծ քանակությամբ ռազմամթերք:

«Մերոնց» խիզախ գրոհով ջարդուփշուր եղան 5-րդ և 6-րդ վրացական գնդերը եւ գվարդիայի սահմանապահ գումարտակները»<sup>127</sup>:

Վրացական ճակատի հրամանատար գեներալ Մուլուկիձեն հետևելով իր ջախջախված զորքերին՝ փախչում է Սադախլու և Դրոյին որպես ռազմավար թողնում իր սալոն-վագոնը: Վրացական զորքերը պարտություն կրելով ռազմաճակատի բոլոր 3 ուղղություններում՝ նահանջում և կենտրոնանում են Սադախլու կայարանի շրջանում: Դրոն փայլուն կերպով է իրագործում Լոռի-Փամբակը վրացական զորքերից մաքրելու հանրապետության կառավարության առաջադրանքը: Նյութական թույլ ապահովածության մեջ գտնվող հայկական զորագնդերը նրա հրամանատարությամբ հաղթահարելով ձմռան բուքն ու ձյունը և հակառակորդի համառ դիմադրությունը մաքրում են Լոռի-Փամբակի ողջ տարածքը վրացական զոր-

<sup>127</sup> Նույն տեղում, էջ 9:

քերից և հասնում մինչև Սադախլու կայարանը: Իսկ հայկա-  
կան զորագնդերից մեկին դեկտեմբերի 17-ին հաջողվում է  
գրավել նաև Բոլնիս-Խաչենը:

Հայկական զորաբանակի սրընթաց առաջխաղացումը  
տազնապալի իրավիճակ է ստեղծում ողջ Վրաստանում և նրա  
մայրաքաղաք Թիֆլիսում: Վրաց կառավարութունը տենդա-  
գին միջոցներ է ձեռնարկում կայունացնելու Դրոյի հարված-  
ներից խարխլված ռազմաճակատն ու կասեցնելու հայկական  
զորաբանակի առաջխաղացումը: Վրաստանի զինվորական  
նախարարութունը ռազմաճակատը ուժեղացնելու նպատակով  
զորահավաքի է կոչում վրաց ողջ մարտական ուժերը:

Դեկտեմբերի 18-ին հրանոթային մարտկոցներով և 1000  
զինվորների գլուխն անցած վերջին՝ 4-րդ զրահագնացքի  
ուղեկցությամբ Սադախլու է ժամանում Վրաստանի զինվո-  
րական նախարարը: Վրացական ճակատի հրամանատար գե-  
ներալ Մուլուկիձեն կենտրոնացնելով ողջ ուժերը՝ պատրաստ-  
վում է վճռական ճակատամարտի:

Հարկ է նշել, որ նախորդ մարտերում հայկական զորա-  
գնդերը նույնպես զգալի կորուստներ էին կրել: Ի տարբերու-  
թյուն վրաց զորաբանակի, որոնք անընդհատ համալրվում  
էին ի հաշիվ Թիկունքային զորամասերի, հայկական զորա-  
գնդերն այդ օրերին չէին ստանում և ոչ մի համալրում:

Ձյան պատճառով ճանապարհների փակվածությունը շա-  
փազանց դժվարացնում էր զորքին պարեն և ռազմամթերք  
մատակարարելու գործը: Ձմռան խստաշունչ պայման-  
ներում կոիվների հնոցում անընդհատ մարտնչող թերսնված  
հայ զինվորների մոտ արդեն նկատելի էր հոգնածությունն  
ու գերլարվածությունը: Չնայած անասելի դժվարություննե-  
րին, այնուհանդերձ, հայ զինվորների մարտական կորովն ու  
հաղթելու ձգտումը դեռևս բավականին բարձր էր: Դրոն լի  
էր պատերազմը հաղթական վախճանի հասցնելու վճռակա-  
նությամբ: Նրա կամքին ու վճռականությանը անգամ չէր  
կարող խոչընդոտել նաև այն իրողությունը, որ վրաց հրա-  
մանատարութունը կարողացել էր ռազմական խոշոր միա-  
վորումներ կենտրոնացնել Սադախլուի շրջանը և ի օգուտ  
իրենց փոխել ուժերի հարաբերակցությունը: Չերկնչելով  
վրացական ռազմական ուժերի բացահայտ գերակշռություն-

նեց՝ Իրոն, այնուամենայնիվ, վճռում է իր հրամանատարու-  
թյան ներքո գտնվող զինագնդերով հարձակվել ու ջախջախել  
գեներալ Մուլուկիձեյի զորքը:

«Գնդ. Տէր-Նիկողոսեանին նա հրամայեց Բոլնիս-Խաչէնից  
մի գումարտակ առաջ քաշել դէպի արեւելք՝ երկաթուղու  
կողմը եւ ցուցական շարժումներով օժանդակել Կորուկովի  
զօրասիւնին, իսկ Կորուկովին հրամայեց երկու թնդանօթ եւ  
3 վաշտ թողնել Հայրումում եւ մնացած ուժերով, Բարդաձորի  
եւ Գիւլբէգիի վրայով, անցնելով Դամիա գիւղը, վրացիների  
թիկունքը՝ ջարդել նրանց՝ լուրջ ուշադրութիւն դարձնել Շու-  
լաւերից Օփրէթ տանող ճանապարհի վրա: Դեկտ. 19-ին  
փոխգնդ. Կորուկովին միացաւ եւ միլիցիոն գունդը 350 զին-  
ւորներով ու 2 գնդացիներով, որին հրամայեց գրաւել Շու-  
լաւերը»<sup>128</sup>:

Եվ մինչ հայկական զորաբանակի հիմնական խմբավո-  
րումները՝ համաձայն Իրոյի հրահանգի ձեռնարկում էին հա-  
կառակորդին շրջապատելու ռազմական գործողությունները,  
4-րդ գնդի մի քանի հարյուրյակներ փոխտեղակալ Ֆեյեր-  
կովսկու և տեղակալ Տեր-Մարտիրոսյանի գլխավորութեամբ  
առանց հրամանատարութեան գիտութեան գրոհում և գրա-  
վում են Սադախլու կայարանը: Սակայն հետագա դեպքերն  
ընթանում են վատթարագույն ուղղվածությամբ: Սադախլու  
կայարան է հասնում զրահագնացքը և թնդանոթներից ու  
գնդացիներից կրակ տեղալով, վրացական զինավաշտերի  
համագործակցությամբ ջախջախում է Ֆեյերկովսկու և Տեր-  
Մարտիրոսյանի ջոկատը և գերի վերցնում հրամանատարնե-  
րին: Հայկական զինաջոկատի հրամանատարների ինքնա-  
գործունեութիւնը կարող էր բացասաբար անդրադառնալ  
ճակատամարտի հետագա ընթացքի վրա: Վրաց հրամանա-  
տարութիւնը ոչ մեծ ջանքերի գնով Սադախլուում կենտ-  
րոնացնելով մեծ քանակութեամբ մարտական ուժեր՝ զրահա-  
գնացքի աջակցությամբ կարող էր արմատական բեկում  
մտնել արդեն ընթացող ճակատամարտում: Անհրաժեշտ էր  
մասնատել Սադախլուում կենտրոնացած վրացական զորքե-

<sup>128</sup> Ս. Վրացեան, «Հայաստանի Հանրապետութիւն», 1982 թ., էջ 222:

րի խմբավորումը և գրկել նրան կենտրոնաձիգ հարված հասցնելու հնարավորությունից:

Չնայած Սադախլուում հայ զինազոկատների կրած անհաջողության՝ այնուհանդերձ, անհրաժեշտ էր ձեռքից բաց չթողնել վրացական զորքերին շրջապատելու և ջախջախելու հնարավորությունը, մանավանդ, որ նույն օրը, քաջարի Կուռո թարխանյանը արդեն հասցրել էր հանդուգն գրոհով գրավել Շուլավերը: Տվյալ պահին հարկավոր էր գործել արագ, աներկյուղ ու մտածված:

«Շուլաւեր-Սադախլու շրջանում գործող վրաց ուժերի մի մասը մի կողմ քաշելու նպատակով՝ Դրօն հրամայեց գնդ. Տէր-Նիկողոսեանին, դեկտ. 21-ին 1 գումարտակ ու 2 թնդանօթ թողնել Մեծ-Դումանիսում, իսկ մնացած ուժերով շարժել Արախլուի վրա: Սկսեց տաք կռիւ: Մերոնք յարձակւում էին անվերջ, վրացիները յուսահատական դիմադրութիւն էին ցոյց տալիս: Գլխ. Մնացականեանի Շուլաւերի զօրամասը կռի բռնեց թիֆլիսից նոր հասած վրացական թարմ ուժերի հետ: Մերոնք քանդեցին Սադախլու-Մամայ երկաթուղագիծը՝ կտրելով վրաց զրահապատի նահանջի ճանապարհը: Կուռօ թարխանեանը յանդուգն յարձակումներ գործելով Աշաղա-Սարայլի ուղղութեամբ՝ գրաւեց մի թնդանօթ եւ մի գնդացիր»<sup>129</sup>:

Դեկտեմբերի 22-ին Դրոն գրոհի է նետում Ճոճկանի զորախումբը, որը փոխտեղակալ Պետրոսյանի գլխավորութեամբ ճեղքում է վրաց զինվորների մարտաշարքերը և ներխուժում Սադախլու: Փոխտեղակալ Պետրոսյանի զորախմբի հաջողությունը շափազանց կարևոր էր: Փաստորեն Սադախլուում դիրքավորված վրացական ուժերը մասնատվելով՝ կորցնում են նախկին ուժն ու հզոր հարված հասցնելու հնարավորությունը: Ճակատամարտը գնալով ավելի է շիկանում: Գնդապետ Կորուկովի զինավաշտերը քանդում են երկաթգիծը և զրահագնացքին զրկելով տեղաշարժվելու հնարավորությունից՝ հարձակվում են Սադախլուի մոտակայքում կենտրոնացած վրաց զորախմբի վրա: Վրաց հրամանատարությունը ստիպված նոր ուժեր կենտրոնացնելով Բոլնիս-Խաչենի մոտակայքում՝ սկսում է անընդմեջ գրոհներ ձեռնարկել Սա:

<sup>129</sup> Նույն տեղում, էջ 223:



քախլուի շրջանում իրենց զորախմբին շրջափակած հայկական զինավաշտերի վրա:

Դեկտեմբերի 23-ին վերախմբավորելով ուժերը՝ Դրոն վճռական գրոհ է ձեռնարկում վրացական զորամասերի վրա:

Չորս օր տևողությամբ ընթացող կատաղի ճակատամարտն ավարտվում է վրացական զորքերի պարտությամբ:

Դեներալ Մուլուկիձեն դարձյալ դիմում է փախուստի և շնորհիվ շրջակա թուրք բնակիչների օգնության՝ կարողանում է ազատվել անխուսափելի կործանումից: Իսկ ռազմաճակատի մյուս հատվածներում կռիվները դեռևս շարունակվում էին: Դեկտեմբերի 24-ին Վրաստանի զինվորական նախարարության հրամանով 1500 զինվորներից կազմված զորագնդի գլուխն անցած ճակատամարտի դաշտն է հասնում ռազմաճակատի նոր հրամանատար, Մուլուկիձեին փոխարինած գեներալ Մազնիկը:

Չնայած կռիվներում ձեռք բերած անժխտելի հաղթանակներին, դեռևս ոչ մի օգնական ուժեր համալրում չստացած հայկական զորաբանակի դրուժյունը գնալով ավելի ու ավելի էր ծանրանում: Շրջակայքի թուրք զինյալ խմբերը ակտիվորեն օժանդակելով վրաց զորքերին՝ շարունակաբար հարձակումներ էին գործում հայկական զինաջոկատների վրա: Թիֆլիսը ռազմաճակատից բաժանող տարածքի փոքրացումը ավելի մեծ հնարավորություն է ընձեռում վրաց հրամանատարությանը՝ ժամանակին և պարբերաբար համարելու իր բանակի մարտաշարքերը:

Ջարմանքի ու հիացմունքի էին արժանի հայ զինագնդերն ու նրանց հրամանատարը: Դեռևս ոչ մի համալրում չստացած ընդամենը 5000 կիսասովյալ զորաբանակը փաստորեն միայնակ մարտնչում էր Վրաստանի հանրապետության ողջ ռազմական ուժերի դեմ և որպես օրենք համարյա բոլոր մարտերն ավարտվում էին հաղթանակով:

Դեկտեմբերի վերջերին վրացական զորքերի նոր հրամանատար գեներալ Մազնիկը համալրելով ու կարգի բերելով նախորդ մարտերում ջախջախված զորագնդերը՝ դիմում է ակտիվ մարտական գործողությունների:

«Զօր. Մազնիկը յետագա յայտարարությունների համա-

ձայն, վրացիները ամբողջ հայկական ճակատի վրա ունէին 8000 կռուողներ»<sup>130</sup>։

Ռազմաճակատի բոլոր հատվածներում հայ զինվորները մարտնչում էին անպատմելի համառությամբ ու խիզախումով։ Գեներալ Սանիկը օգտվելով իր զորքերի քանակական գերակշռությունից փորձում է շղաղարող գրոհներով գերակշռություն ձեռք բերել ռազմաճակատի մերթ այս, մերթ այն հատվածներում, սակայն ամենուրեք հայ զինվորների խիզախ հակահարվածները ձախողում են վրաց զորահրամանատարի ձեռնարկումները։

Դրոն իր մարտական հարուստ կենսագրությունում արդեն բազմիցս ապացուցել էր, որ ճակատամարտերում հաղթելու միակ անհրաժեշտ պայմանը բոլորովին էլ զորքի թվական գերակշռությունը չէ, իսկ մարտերի ընթացքում սոսկ պաշտպանվելը, թեկուզև հաջողությամբ, երբեք նրա դավանանքը չի եղել։ Պատերազմելու նրա տարերքը սրընթաց հարձակումն էր և անսպասելի հարվածելը։

Դեկտեմբերի վերջերին ծավալված կռիվներում հաջողությամբ հետ մղելով վրաց զորքերի հարձակումները՝ նա դարձյալ մտածում էր նոր հարձակում ձեռնարկելու մասին։ Դեկտեմբերի 30-ին նրա համառ պահանջներից հետո վերջապես մարտադաշտ է հասնում երկար սպասված համալրումը՝ ընդամենը 600 զինվոր։ Իհարկե՛, համալրումը այնքան էլ մեծ չէր, բայց տվյալ պարագայում պատերազմելու հարուստ փորձ ունեցող, 600 մարտունակ զինվորների օգնությունը, անտարակույս, կարող էր իր դրական ներգործությունն ունենալ մարտական հետագա իրադարձությունների հաջող զարգացման վրա։ Անհրաժեշտ էր ևս մեկ խիզախ թռիչք, մեկ վճռական հաղթանակ և վրաստանի մայրաքաղաք տանող մայրուղին բաց կլիներ։

Համալրելով և վերախմբավորելով իր զորագնդերի մարտաշարքերը՝ Դրոն ծրագրում է շրջապատել և աշնչացնել գեներալ Մազնիևի բանակը։ Մեր զորագնդերի բարոյական ոգին, մարտական կորովն ու հաղթելու ձգտումը դեռևս բավականին բարձր էին։ Հայկական զորքերին իրենց հրանոթների

<sup>130</sup> Նույն տեղում, էջ 228։

ու գնդացիներին հզոր կրակով գրավեցին նաև վրացիներից բռնագրաված գրահագնացքը: Դեկտեմբերի 30-ին հայ-վրացական զորքերի միջև սկսվում է վերջին ճակատամարտը:

Դրոյի մտահղացման համաձայն, կենտրոնի հանդիպակաց և թևերից տեղացող շրջանցիկ հարվածներով հայկական զորագնդերը պետք է արագ տեղաշարժերով օղակեին ու ջախջախեին Սադախլուի վրաց զորախմբավորումը, որից հետո արգեն բացվելու էին Թիֆլիս տանող ուղիները:

Սակայն, ինչպես հայտնի է, Սադախլուի մոտակայքում մղվող այդ ճակատամարտը մնում է անավարտ: Անգլիայի և Ֆրանսիայի դիվանագիտական ներկայացուցիչների միջնորդութչամբ Հայաստանի և Վրաստանի կառավարութչունները համաձայնվում են դադարեցնել պատերազմը և պարտավորվում սահմանային հարցերը լուծել դիվանագիտական ճանապարհով:

Նկատի ունենալով Դրոյի երկաթյա կամքը, ռազմագետի անբասիր կարողութչուններն ու նպատակասլացութչունը, ինչպես նաև նրա զորաբանակի մարտական փայլուն պատրաստվածութչունը, կարգապահութչունն ու պատերազմը մինչև հաղթանակը շարունակելու ձգտումները՝ կարելի է անվարան պնդել, որ նա անպայմանորեն կջախջախեր գեներալ Մադնիևի բանակն ու կգրավեր Վրաստանի մայրաքաղաքը, եթե չլինեին անգլիացիների ու ֆրանսիացիների միջնորդութչունները: Հարց է ծագում, ինչպիսի՞ ճակատագրի կարժանանար Լոռին, եթե Դրոյի զորաբանակին շահողվեր գավառը մաքրել վրացական զորքերից: Մեր պատմութչունը արդեն տվել է և տալիս է այդ հարցի միանշանակ պատասխանը: Եթե հայկական զորաբանակին շահողվեր Լոռին մաքրել վրաց զորքերից, ապա այն անխուսափելիորեն կարժանանար Արցախի ճակատագրին և նրա նմանողութչամբ մինչև օրս կռվածադիկ կդառնար Հայաստանի և Վրաստանի միջև:

Անտարակուսելիորեն կարելի է պնդել, որ եթե հայկական Լոռին այսօր գտնվում է Հայաստանի կազմում, ապա այդ գործում շափազանց մեծ է Դրոյի և նրա գլխավորած հայ զինվորների, հիրավի, անգնահատելի ծառայութչունները:

Ավարտվում է հայ-վրացական պատերազմը: Բացվում է Բաթում-Սրևան երկաթուղու շրջափակումը, իսկ Լոռվա գա-

վառը հայտարարվում է շեզոք գոտի: Այս ճանապարհով լուծվում է քրիստոնյա հարևանի հետ ունեցած վիճելի հարցերը:

Վրացական դեպքերից մի փոքր անց Հայաստանի իշխանությունները ձեռնամուխ են լինում լուծելու հանրապետության համար նոր, կենսական նշանակություն ունեցող խընդիրներ, որոնց կենսագործմանը դարձյալ իր գործուն մասնակցությունն է բերում ռազմադաշտից նոր-նոր դուրս եկած և դեռևս կռիվների ծանրությունը շթոթափած Դրոն:

Առաջին աշխարհամարտի ավարտական փուլում հոկտեմբերի 30-ին կնքված Մուուզրուսի զինադադարի համաձայն, պարտված Թուրքիան պարտավոր էր իր զորքերը դուրս բերել նաև Կարսի, Սարիղամիշի, Օլթի, Կաղզվանի և այլ շրջաններից:

Հայաստանի Հանրապետության առաջնահերթ և կարևորագույն խնդիրն իր սահմանների ընդարձակման հարցն էր, առանց որի իրագործման անհնարին էր փոքրիկ լեռնաշխարհում ապաստվել, առավել ևս զարգացնել, տեղի բնակչության և հարյուր հազարավոր գաղթականության ֆիզիկական գոյությունն ու կենսամակարդակը: Հայաստանի կառավարության բազմաթիվ և համառ պահանջներից հետո Անդրկովկասի անգլիական գլխավոր հրամանատարությունը 1919 թ. ապրիլին վերջապես համաձայնվում է թուրքական զորքերի կողմից պարպած հայկական տարածքները հանձնել հանրապետության տնօրինությանը: Նույն ամսին հայկական զորքերը անգլիացիների համագործակցությամբ գրավում են Կարսը, Արդահանը, Մերդենեկը, Սարիղամիշը, Օլթին ու Կաղզվանը: Սակայն դրանով դեռևս չի սահմանափակվում հանրապետության տարածքների ընդարձակման գործընթացը: Տվյալ ժամանակահատվածում առավել դժվարին խնդիրը թերևս Շարուր-Նախիջևանի հնազանդեցման ու վերամիավորման հարցն էր: Հիշյալ շրջանների թուրք բնակչությունը հրաժարվում է ենթարկվել հանրապետության իշխանությանը և բազմիցս իր անհնազանդությունն արտահայտել էր զինված ելույթներով:

Ծիշտ գնահատելով Շարուր-Նախիջևանը Հայաստանին վերամիավորելու անհրաժեշտությունն և տեղի շատ լավ զին-

ված թուրք բնակչության թշնամական տրամադրությունները՝ հանրապետության կառավարությունը այդ շրջաններն «խաղաղացնելու» մարտական գործողությունների ղեկավարումը վստահում է Դրոյին: Նրան մինչ այդ «բախտ վիճակվել էր» 1905—06 թթ. և 1918 թ. հայ-թուրքական ընդհարումներում սուր խաշաձևելու այդ շրջանների թուրք առաջնորդների և նրանց գլխավորած հրոսակախմբերի հետ:

Մայիսի սկզբներին Շարուր-Նախիջևանի զորախմբի հրամանատար Դրոն մեծ եռանդով անցնում է գործի և արդեն նույն ամսի 12-ին այդ գավառների թուրք բնակչությանը հնազանդության երդում է տալիս Հայաստանի կառավարությանը:

Ապրիլ-մայիս ամիսներին մեր զորքերին հաջողվում է հանրապետությանը վերամիավորել թուրքական զորքերի կողմից պարպած գրեթե ողջ հայկական տարածքները, ուր կառավարության որոշումով բնակչություն են հաստատում տասնյակ հազարավոր արևմտահայ գաղթականներ:

Դրոն Հայաստանի կառավարության որոշումով նշանակվում է ռազմական նախարար գեներալ Արարատյանի օգնականը և միաժամանակ ստանձնում Երևանի զորախմբերի զորահրամանատարի պաշտոնը: Այս նշանակումները պատահական չէին: Նախ, բացառված չէր, որ Երևանի սահմանամերձ Զանգիբասարի (Մասիսի շրջ.), Ղամարլու (Արտաշատ), Դավալուի (Արարատ), Շարուր-Նախիջևանի շրջանների թուրք բնակչությունը կարող էր որևէ հարմար պահի դարձյալ դիմել զինված ելույթների:

Երկրորդ, երկրի ծայրահեղորեն քայքայված, անկայուն կացությունը պարարտ հող էր նախապատրաստել զանազան մարդկանց ու խմբերի ի հայտ գալուն, որոնք իրենց հակապետական ու քայքայիչ գործողություններով ապակայունացնում էին հանրապետության առանց այն էլ անմխիթար քաղաքական ու տնտեսական իրավիճակը: Անհրաժեշտ էր ուժեղ ձեռք, որպեսզի սանձեր թուրք բնակչության հնարավոր ելույթները և կարողանար կայուն քաղաքական իրավիճակ հաստատել մայրաքաղաքում ու նրա մերձակա շրջաններում:

Դրոն իր զոդովրդականությամբ, կազմակերպչական տաղանդով և նվիրվածությամբ տվյալ ժամանակահատվածի

հայ նշանավոր այն եզակի գործիչներից էր, որոնք կարող էին մեծադույն պատասխանատվությամբ կենսագործել այդ դժվարին գործը:

Արամ Մանուկյանի կառավարման ապա նաև հանրա-  
սլետության ստեղծման առաջին տարիներին, Հայաստանի  
տարածքում հայտնվել էին ինքնակոչ «խմբապետ-մաուզե-  
րիստներ», որոնք խմբերի գլուխն անցած, զենքի սպառնա-  
լիքով թալանում ու կեղեքում էին հայ գյուղացիներին և քա-  
ղաքի ունևորներին:

Խորհրդահայ պատմագիտությունը շխորչելով մեր ժողո-  
վրրդի անցյալի հերոսական էջերը կեղծելու բարոյազուրկ ու  
շարամիտ սկզբունքներից՝ հայության ազգային-ազատագրա-  
կան պայքարի, ինչպես նաև Հայաստանի Հանրապետության  
կյանքում տեղ գտած բոլոր բացասական երևույթները ան-  
պայմանորեն վերագրում էր Հ. Հ. Դաշնակցությանը և այդ  
հողի վրա վարկաբեկում ու խեղաթյուրում բազում հայրե-  
նանվեր գործիչների պայծառ անունները: Անդրադառնալով  
վերոհիշյալ «խմբապետ-մաուզերիստների» հիրավի անվա-  
յելուչ, ազգադավ արարքների լուսաբանմանը՝ խորհրդահայ  
մասնագետները հայության շրջանում տարիներ շարունակ  
տարածում էին այդ ամենի մեղքն ու պատասխանատվու-  
թյունը դաշնակցական գործիչների և հատկապես Դրոյի վրա  
բարդելու մտացածին հորինվածքները: Իսկ իրականում  
պատմական տվյալ ժամանակաշրջանի ուսումնասիրությունը  
ասպացուցում է ճիշտ հակառակը: Հենց Դրոյի և նրա հրա-  
մանատարությամբ գործող մարտական ջոկատների ջանքե-  
րով հնարավոր դարձավ Հայաստանի Հանրապետությունում  
արմատախիլ անել բոլոր տեսակի «հայրենասեր» խմբապետ-  
ների և մաուզերիստների խմբերին: Գլխավորապես հենց  
Դրոյի հաստատակամության և անկաշառ վարվեցողության  
շնորհիվ է Հայաստանի կառավարությանը հաջողվում կայու-  
նացնելու հանրապետության քաղաքական իրավիճակը, որով  
հնարավորություն է ընձեռվում կառավարությանը զբաղվելու  
տնտեսական ու սոցիալ-քաղաքական առավել կարևորագույն  
նշանակություն ունեցող խնդիրների լուծմամբ:

Դրոյի՝ «մաուզերիզմի» հիմնադրի մասին ուշագրավ դա-

տողություններ է ամփոփված գնդապետ Եզոր Տեր-Ավետիք-  
յանի հուշապրությունում:

«... Դրոյին «մեղադրում» են, որ նա եղաւ «Մաուզերիզ-  
մի» հիմնադիրը...»:

«... Ես էլ եմ Դրոյի ընկերն ու երկրպագուն, յատարարում  
ու հաստատում եմ, որ Դրօն էր, որ կավկասահայութեան,  
խոր մրափի մէջ ընկած շրջանում, «Մաուզերիզմ»-ը հիմ-  
նադրեց: Ահա թէ ինչպէս եղաւ այդ, ինչո՞ւ Դրօն «Մաուզե-  
րիստ» դարձաւ:

Ձեզ բուրրիզ էլ՝ զէնք շսիրող, զէնքի արժէքը ժխտողնե-  
րիդ յայտնի է, որ մեր դժբախտութիւնը, մեր կորուստնէրը,  
մեր ամենաարժէքաւոր մասսայի — հայ գիւղացիութեան  
վախկոտութեան կամ այլ պատճառների շպիտի վերագրել,  
այլ գերազանցօրէն ներքին այն պատճառներին, որոնք են՝  
զէնք շսիրելը, զէնքի արժէքը ժխտելը...»:

«... Գոյութեան կռիւր հիմնւած է միայն զէնքի վրայ, այլ  
ոչ թէ մորալի, շիտակութեան, մարդասիրութեան, արդարու-  
թեան սկզբունքների վրայ...»:

«... Տոյց տւէք, որ Արարչի մի որևէ ստեղծագործութիւն  
դրկւած լինի ինքնապաշտպանութեան զէնքից կամ հնարաւո-  
րութիւնից եւ այն ժամանակ միայն դատապարտեցէք մեզ,  
մեր արտայայտած կարծիքի համար, որ գերազանցօրէն Դրօ-  
յինն է միևնոյն ժամանակ...»:

... Եւ երբ Հայաստանն ու Դրօն համաձայնեցին իրենց  
համար էլ մի զէնք գտնել գոյութեան կռիւ համար և մաու-  
զեր ատրճանակն ընդունեցին առաջին հերթին, անիրաւ,  
զէնք շսիրող, զէնքի արժէքը ժխտող հայն ուրիշ բան չգտաւ  
և մխիթարեց իրեն մեզ համար նոր տիտղոս գտնելով՝  
«Մաուզերիստներ...»<sup>131</sup>:

Ինչպէս արդեն նշվել է, Դրոյի գլխավորած զորախմբերն  
իրենց զինվածությամբ գրեթե միշտ լավագույնն են եղել:  
Պովում նրա առավել սիրած զենքերից էր նաև մաուզերը,  
որով նա աշխատել է զինել և իր մարտական ընկերներին:  
Այս հարցում նրա գործունեությանը քաջատեղյակ Եզոր Տեր

<sup>131</sup> «Ալիք» բաց. Դրոյի յիշատակին», 1956 թ., էջ 85:

Ավետիքյանի դատողութիւնները ճշմարիտ են ու բավականին խոսուն: Սակայն նրա զինվորների զենքերն, որոնց թվում նաև մաուզերները, գործածվել են միմիայն ի պաշտպանութիւն հայ ժողովրդի: Իսկ «մաուզերի» սպառնալիքով ժողովրդի ունեցվածքը հափշտակողների նկատմամբ նա գործադրել է ամենախիստ պատժամիջոցները:

Դումանի երկաթյա խստապահանջության և կարգապահ հության դպրոցի բովով անցած Դրոն հայ ռազմագետ գործիչների մեջ եղակիներից էր նաև հասարակ զինվորի նկատմամբ դրսևորած իր մարդասիրական ու հոգատար վարաբերմունքով:

Պատահական չէ, որ նրա գործունեության մասին պահպանված հիմնական տեղեկութիւնները առավելապես հանդիպում է իր զինակիցների ու զինվորների հուշագրութիւններում: Վկայակոչենք մի օրինակ:

Հայաստանի կառավարութիւնը հանրապետության տարբեր շրջանների միջև հաղորդակցության ուղիները ապահովելու նպատակով աշխատում էր ընդարձակել ոչ միայն երկաթուղային գծերը, ավտոմոբիլային ճանապարհներն ու խճուղիները, այլ նաև 1919 թ. կեսերին օգտագործում է Հայաստանի միակ նավարկելի՝ Սևանա լճի հնարավորութիւնները: Սևանա լճում առաջին անգամ շոգենավերի գործարկման հանդիսավորության օրը մի քանի պաշտոնատար անձանց ուղեկցութեամբ ներկա է լինում հանրապետության վարչապետ Ալ. Խատիսյանը: Նույն օրը մի խումբ զինվորականների հետ արարողութիւններին ներկա է լինում նաև Դրոն:

Պատմում է այդ հանդիսութիւններին Նոր-Բայազետի ներկայացուցիչ Վահան Աֆրիկյանը.

«... Կառավարութեան կողմից ներկայ եղողները հիւրասիրուեցին ճաշկերույթով, որ ղեկավարում էր Խատիսյանը: Երբ ջերմ խօսքերով առաջարկեց խմել Դրօյի կենացը, նկատեց, որ Դրօն ներկայ չէր, «Ո՛ւր է Դրօն» կանչերի մէջ, տեսանք, որ լճի ափին, մի խումբ զինուորների մէջ կանգնած Դրօն, խմեցնում է զինուորներին եւ կանչել տալիս՝ «Կեցցէ՛ մեր հանրապետութիւնը, մեր կառավարութիւնը»: Այդ ժա-



մանակ, զօրավար Սիլիկեանը ոտքի կանգնեց ասելով, «Կեց-  
ցէ՛ Դրօն, ահա՛ նրա մեծութիւնը»<sup>132</sup>։

Երիտասարդ հանրապետությունը գերմարդկային ջանքեր էր գործադրում երկրի պաշտպանության ամրապնդման ու զարգացման ուղղությամբ։ Արդեն նկատվել էին լուրջ նվաճումներ հանրապետության կյանքի բոլոր բնագավառներում։ Սակայն հարևան տերությունների և հատկապես Ադրբեջանի հետ ջարունակվող մշտական բախումներն ու հանրապետության տարածքում բնակվող թուրք բնակչության պարբերաբար կրկնվող ելույթները դժվարին խոչընդոտների առաջ էին կանգնեցնում հանրապետության կառավարութայնը։ Դժվարագույնն ու անլուծելին Ղարաբաղն ու Զանգեզուրն էին, որոնց նկատմամբ Ադրբեջանի իշխանություններն ավելի ուժգնությամբ էին շարունակում դրսևորել իրենց զավթողական ձտգումները։ Այդ հողի վրա Հայաստանի և Ադրբեջանի հակամարտությունը գնալով ավելի էր խորանում ու շիկանում։

Զանգեզուրի լեռնականները կովկասյան թուրքերի և նրանց սատարող արյունակիցների դեմ պայքարելու հրաշալի մարտական դպրոց էին անցել։ 1905—06 թթ. մեր փառապանծ Ֆիդայիների գլխավորությամբ, որոնց շարքերում էր նաև Դրօն, զանգեզուրցիները անմոռանալի ջարդ տվեցին թուրքական հրոսակախմբերին։ 1918—19 թթ. Անդրանիկի, ապա գնդապետ Արսեն Շահմազյանի գլխավորությամբ զանգեզուրցիները դարձյալ հերոսական ինքնապաշտպանությամբ ապահովեցին իրենց ազատությունը։

Նոյեմբերի վերջերին Հայաստանի կառավարութայն հրահանգով Զանգեզուրում ստեղծվում է «Վարիշների խորհուրդ» մարմինը, որի ձեռքում է կենտրոնանում գավառի ողջ իշխանությունը։ Զանգեզուրի զինվորական ուժերի հրամանատարներ են նշանակվում՝ Կապագողթինը՝ Գ. Նժդեհը, իսկ Սիսիանին՝ Պողոս Տեր-Դավթյանը։

Նույն տարվա դեկտեմբերի վերջերին 600 զինվորներով

<sup>132</sup> «Հայրենիք» օր., ապրիլի 24։

Գորիս է հասնում Զանգեզուր-Ղարաբաղի մարտական ուժե-  
րի ընդհանուր հրամանատար Դրոն:

Հայաստանի տարածքում թուրքական զորքերի առկայու-  
թյունն, ապա հարևան Վրաստանի հետ զինված բախումները,  
մի փոքր անց հանրապետության սահմանների ընդարձակ-  
ման խնդիրները և երկրի ծայր աստիճան քայքայված տըն-  
տեսության վերականգնման դժվարությունները խոչընդոտում  
էին հանրապետության կառավարությանը առավելագույնս  
զբաղվելու Ղարաբաղի և Զանգեզուրի հարցերով: 1919 թ.  
վերջերին Հայաստանի կառավարությունը փոքր-ինչ հնարա-  
վորություն է ստանում ուշադրությունը կենտրոնացնելու նաև  
Ղարաբաղի և Զանգեզուրի վրա: Ղարաբաղի և Զանգեզուրի  
խնդիրը վերջնականապես լուծելու նպատակով հանրապետու-  
թյան կառավարությունը Զանգեզուր է ուղարկում Դրոյին,  
որի հրամանատարության տակ պիտի գործեին այդ շրջան-  
ների ողջ զինված ուժերը:

«Դեկտեմբերի 20-ին 1919 թ. Դրոն Երեւանից ժամանում  
է Գորիս էկսպեդիցիոն զորամասով, որի համաձայն Դրոյի  
յայտարարութեան գլխավոր նպատակն էր զէնքի ուժով  
վճռելու վերջնականապէս Ղարաբաղի հարցը»<sup>133</sup>:

Դժվար չէր հասկանալ, որ եթե հանրապետության զոր-  
քերը մուտք գործեին Ղարաբաղ, ապա բացառված չէր պա-  
տերազմական գործողությունների բռնկում, այս անգամ ար-  
դեն մյուս հարևան Ադրբեջանի հետ, որի զավթողական մտա-  
դրությունները Ղարաբաղի նկատմամբ հայտնի էր: Իսկ  
Հայաստանի իրական կացությունը դեռևս հանրապետության  
կառավարությանը չէր թելադրում այդօրինակ քաղաքակա-  
նություն կենսագործելու:

Որպեսզի զենքի ուժով հնարավոր լիներ վերջնականա-  
պես լուծելու Ղարաբաղի հարցը, նախ պետք էր ինչպես  
հարկն է կազմակերպել Զանգեզուրի մարտական ուժերը:  
Երկրորդ. մեկընդմիջտ լուծել Զանգեզուրի թուրք բնակչու-  
թյան հարցը: Արդեն բազմիցս ապացուցվել էր Զանգեզուրի  
հայությունը ոչնչացնելու գործում, որ տեղի թրքությունը

<sup>133</sup> Հ. Հ. Կ. Ա., Ս. Վ. 8—13:

Թուրքիայի, իսկ այժմ արդեն Ադրբեջանի հուսալի պատվարն է ու դաշնակիցը:

Երրորդ. հարկավոր էր Զանգեզուրում կենտրոնացնել դենքի ու զինամթերքի, հանդերձանքի ու պարենի բավարար պաշարներ, շորրորդ. հաստատել հուսալի կապ, հաղորդակցության միջոցներ Զանգեզուրի և Ղարաբաղի միջև, որպեսզի Ադրբեջանի հետ ընդհարումներ սկսվելու դեպքում հնարավոր լիներ այդ ամենը անխափան տեղափոխել Ղարաբաղ:

Մինչ այդ ամենի իրագործումը անհրաժեշտ էր որոշակի քայլեր ձեռնարկել նաև Ղարաբաղի ինքնապաշտպանությունը կազմակերպելու համար:

«Դրոն ուղարկում է Ղարաբաղ՝ Կ. Աթայեանին, Սասունցի Մուշեղին և ըստմիստր Տեր-Մարտիրոսյանին, կազմակերպելու ժողովրդի ինքնապաշտպանութեան գործը տեղական ընկերների հետ միասին, մինչև որ կստեղծվեն քաղաքական նպաստավոր պայմաններ, որից յետոյ վերջնականապես զենքի ուժով Ղարաբաղը կմիացվի Հայաստանին»<sup>134</sup>:

Ծանոթանալով Զանգեզուրում տիրող իրավիճակին և խորհրդակցելով «Վարիշների խորհուրդ» մարմնի անդամների ու տեղի ռազմական ուժերի հրամանատարների հետ՝ Դրոն վճռում է առաջին հերթին մաքրել էյզվլար, Շուռնուխ, Մազրա շրջանները թուրք զինված խմբերից, որոնք մշտապես կապի մեջ գտնվելով Ադրբեջանի իշխանությունների հետ՝ պատրաստ էին նրանց առաջին իսկ հրահանգի դեպքում հարձակվել հայկական գյուղերի վրա:

Ղարաբաղում ռազմական գործողություններ ծավալելուց առաջ անհրաժեշտ էր վաղօրոք ապահովել թիկունքի անվտանգությունը:

Վերոհիշյալ շրջանները սեպաձև խրվելով Ղափանի և Գորիսի շրջանների արանքում՝ Զանգեզուրի տարածքը բաժանել էին երկու մասերի: Հարկավոր էր վերացնել Զանգեզուրի հյուսիսային և հարավային շրջանների կապն ու հաղորդակցության ուղիները արգելակող պատնեշը:

Մինչ հիմնական գործողություններ սկսելը՝ Դրոն անցնում է Ղափան, ճշտում Գ. Նժդեհի հրամանատարություններ

<sup>134</sup> Նույն տեղում:

գործող զորախմբերի մարտական առաջադրանքը և ապա վերադառնում Գորիս:

«Գորիսում, — գրում է Յապոնը, — որոշուեց ռազմական գործողութիւն սկսել յունուարի 6-ին՝ նախապէս թուրք գյուղերին հպատակութեան եւ զինաթափութեան հրաւեր ուղարկելով:

Թուրք գյուղերին ուղղուած հրաւերը ուղարկուեց էյվազլարի գիւղի կոմիսարի միջոցով, որին Յ օրից յետոյ պատասխանեցին մերժումով:

— Ոչ միայն շենք ընդունում Գորիսի իշխանութիւնը, — ասել էին նրանք, — այլ եւ պատրաստւում ենք գրաւելու Ադրբեջանին պատկանող ամբողջ հայկական Զանգեզուրը...»<sup>135</sup>,

Այսպիսի պատասխան ստանալուց հետո մնում էր ապավինել միայն զենքի ուժին:

Դրոն հրամայում է սկսել ռազմական գործողությունները: Համաձայն վաղօրոք մշակված ծրագրի, Շուռնուխը, էյվազլարը ու Մազրան իրենց շրջակա գյուղերով հանդերձ թուրք բնակչությունից պիտի մաքրվեին մինչև հունվարի 6-ը:

Դրոն իր զորամասով անցնում է Բարդուլարի ձորերով և շարժվում դեպի էյվազլար: Որպեսզի թուրքերին զրկի լեռների ամրություններում պաշտպանվելու հնարավորությունից, հրամայում է թնդանոթներից կրակ տեղալ թուրքաբնակ գյուղերի վրա:

«Տեղատարափ կրակոցներէն, — պատմում է այդ կռիվների մասնակից Արտեմ Խանզատյանը (զանգեզուրցի), — թուրք ժողովուրդը անակնկալի է գալիս: Այնքան անակնկալ է լինում յարձակումը, որ թուրքերը ժամանակ շունենալով որեւէ ապրանք վերցնելու, թողնում են տուն եւ տեղը եւ փախչում պատսպարուելու, գիւղերի շրջաններումը ընկած Ուզուն Մեշու (երկար Անտառ) անտառները»<sup>136</sup>:

Զարգացնելով հարձակումը Դրոյի զինվորները մեկը մյուսի հետեից մաքրում են թուրքական գյուղերը:

<sup>135</sup> «Հայրենիք» ամս, 1941 թ., հունիս, էջ 97:

<sup>136</sup> Աւօ, «Նժդեհ», Պէյրուիթ, 1968 թ., էջ 482:

Նույն հաջողությամբ էին ընթանում նաև մյուս ուղղու-  
թյուններում հարձակվող հայկական մարտախմբերի գործո-  
ղությունները:

Յապոնի և Տաթևացի Վարդանի գլխավորած ջոկատները  
Տանձավեր գյուղը քարուքանդ անելուց հետո հարձակվում են  
Շուռնուխի վրա և համառ կռիվներից հետո գրավելով այն՝  
շարժվում են Նավլու և միանում նույն ոգևորությամբ մարտ-  
ընդող Յապոնացու և Արտեմ Խանզատյանի գլխավորած  
մարտախմբերին:

Միաժամանակ Ղափանի շրջանից թուրքական հրոսա-  
կախմբերին ջարդ ու փշուր անելով դեպի Գորիս է շարժ-  
վում Գ. Նժդեհը և Վիժանիս գյուղում հանդիպում Դրոյին:  
Հանդիպելով Նժդեհին՝ Դրոն ընդունում է նրա զինվորական  
զեկույցը և ի նշան շնորհավորանքի համբուրում և տալիս  
իր հրաման-պատգամը.

«Այսուհետև վառիր, աւերիր, քանդիր, դու ամէն տեսակի  
իրաւունք ունիս»<sup>137</sup>:

Դրոն Ջանգեզուրում Գ. Նժդեհի, Յապոնի և մյուս հրա-  
մանատարների և քաջակորով զանգեզուրցիների համագոր-  
ծակցությամբ ընդամենը երկու օրվա ընթացքում հրաշալիո-  
րեն է լուծում Ջանգեզուրը թուրքերից մաքրելու անգնահա-  
տելի գործը: Ջանգեզուրում ծավալված վերջին դեպքերը մեծ  
իրարանցում են առաջ բերում հարևան հանրապետությու-  
նում:

Ադրբեջանական իշխանությունների համար մեծ հարված  
էր այն հազարավոր թուրքերի կորուստը, որոնց զինական  
աջակցությամբ հույս ուներ լուծելու Ջանգեզուրը Ադրբեջա-  
նին բռնակցելու խնդիրը: Ադրբեջանի կառավարությունը  
տենդագին պատրաստություն է տեսնում Ջանգեզուրում  
կորցրած արյունակից դաշնակիցների փոխվրեժը լուծել զա-  
րաբաղցիներից:

Ղարաբաղում Հայաստանի հանրապետության ներկայա-  
ցուցիչ Արսեն Միքայելյանը Դրոյին հետևյալն է գրում.

«Ջանգեզուրի ռազմական գործողութիւնները սոսկալի  
յուզմունք են առաջ բերում Ադրբեջանի թրքութեան մէջ: Ան-

137 Նույն տեղում, էջ 484:

միջապէս զօրքեր են տեղափոխում: Քրքութիւնը դիւնում, կամաւորական խմբեր են կազմում և նախապատրաստական աշխատանքի են դիմում՝ յարձակուելու Ջանգեզուրի եւ Ղարաբաղի հարցը ընդմիջտ լուծելու համար: Ի նկատի ունենալով Շուռնուխի գործողութիւնների հետեւանքով Ղարաբաղում ստեղծուած դրութեան բարդութիւնը, Ղարաբաղի ներկայացուցիչները խնդրում են Դրօշին, միջտ պատրաստ լինել Ադրբեջանի յարձակման դէպքում օգնութեան հասնելու: Մինչ այդ, պահանջում են ուղարկել փամփուշտներ և դրամ»<sup>138</sup>:

Դեպքերը զարգանում և իրար են հաջորգում շափազանց արագ: Եթե իրոք ադրբեջանական զորքերը ներխուժեին Ղարաբաղ, ինչով և ինչպես կարող էր Դրոն օգնել ղարաբաղցիներին: Ի պատասխան ղարաբաղցիների դիմումի Դրոն հայտնում է հետեւյալը.

«... Ինչքան հնարավոր է իր ուժերի սահմաններում կօգնի ձեզ: Դրօն Ղարաբաղի գործիչներին տալիս է իր ապագայ գործողությունների ծրագիրը — Ղարաբաղին օգնութիւն հասնելու դէպքում, և առաջարկում է՝ Ադրբեջանի յարձակման դէպքում Ղարաբաղի ինքնապաշտպանութեան գործողութիւնների տեղական նախագիծը ուղարկել իրեն: Դրօն յայտնում է, որ իր տրամադրութեան տակ եղած դրամի ու ռազմամթերքի պաշար շատ քիչ կա. ուստի Գորիսից մեկնում եմ կարճ ժամանակով Քեշիշքենդ (Վայոց-Ձոր), որտեղից ուղիղ գծով կապվելու եմ Հայաստանի կառավարութեան հետ՝ արագացնելու փամփուշտի և դրամի առաքումը Ղարաբաղի համար, և վերջնականապէս ստանալու կառավարութեան հաւանութիւնը Ղարաբաղի գործողութիւնների սկսման վերաբերեալ և ծանոթանալու ընդհանուր քաղաքականութեան հետ»<sup>139</sup>:

Ղարաբաղի ներկայացուցիչներին տված խոստման համաձայն՝ Դրոն մեկնում է Վայոց-Ձոր և այնտեղից փորձում կապվել Երևանի հետ: Սակայն այդ ուղղությամբ նրա ձեռ-

138 Զ. Յ. Դ. Կ. Ա., Ս. Վ. 8—13:

139 Նույն տեղում:

նարկած բոլոր փորձերն անցնում են ապարդյուն: Կապր Երև-  
վանի և Վայոց-Ձորի միջև խափանվել էր: Մնում էր միակ  
քայլը: Նա ստիպված մեկնում է մայրաքաղաք կառավարու-  
թյան հետ վերջնականապես մշակելու ու համաձայնեցնելու  
Ղարաբաղում ձեռնարկվելիք գործողությունների մանրա-  
մասները: Գնալու նախօրեին Դրոն Ղարաբաղում Հայաս-  
տանի լիազոր-ներկայացուցիչ Ա. Միքայելյանին հրահան-  
գում է շարունակել ինքնապաշտպանությունը կազմակերպման  
գործը, նախահարձակ չլինել և Ադրբեջանական ռազմական  
ուժերի հարձակման դեպքում ժողովրդին դաշտավայրերից  
տեղափոխել լեռնային մասը ու սպասել մինչև ինքը Ղարա-  
բաղ կհասցնի հանրապետության կառավարությունից ստա-  
ցած հարկավոր զենքն ու զինամթերքը<sup>140</sup>:

Փետրվարի 14-ին Դրոն Վայոց-Ձորից մեկնում է Երևան:  
Այլ Աշխատունին, որը Դրոյի հետ եղել էր Զանգեզուրում, իսկ  
Երևան մեկնելիս նրա ուղեկիցների թվում էր, գրում է.

«Փետրուարի 19-ին, 5-օրեայ ճամբորդութիւնից յետոյ  
հասան Երևան: Այստեղ ես լաւապէս ճանաչեցի Դրոյին,  
այդ երկաթէ մարդուն:

Փետրուարի 22-ին Նախարարների Խորհրդին ներկայա-  
ցրինք մեր զեկույցը Զանգեզուրի և Ղարաբաղի քաղաքական  
ու ռազմական կացութեան մասին և շեշտեցինք, որ անխու-  
սափելիօրէն գարնանը խոշոր զէպքեր տեղի կունենան Ղա-  
րաբաղում: Դրոյի կողմից պահանջ գրուեց՝ զէնքեր և փամ-  
ձուշտ առաքել Զանգեզուրի և Ղարաբաղի համար:

Դրոն լայտարարեց, որ ինքը գիտի գաղտնի մի պահեառ  
Քանաքեռում՝ ուր «սև օրւայ համար» պահում է կէս միլիոն  
մոսինի փամփուշտ: Դրոյին թոյլատրւեց բացել այդ պա-  
հեստը և փամփուշտները փոխադրել Զանգեզուրի և Ղարա-  
բաղի պէտքերի համար: Դրոն անմիջապէս դորժի անցաւ,  
հայթայթեց փոխադրական միջոցներ և առաջին հերթին  
200000 փամփուշտ փոխադրւեց Նոր-Բայազէդ, որտեղից հնա-  
բաւար շէր փոխադրութիւնը շարունակել սայլերով, որովհետեւ  
ձիւնի խոր շերտը, որ հասնում էր 1 մետրի և՛ Սէլիմ-Գևա-

<sup>140</sup> Տե՛ս, «Ալիք» բաց. «Դրոյի յիշատակին», 1956 թ., էջ 87:

դուկի փակված լինելը, փոխադրութիւնը դէպի Դարալագեազ, դարձնում էին անհնարին»<sup>141</sup>։

Զմուռն անանցելի պայմաններում 200000 փամփուշտները Նոր-Բայազետի շրջանի բնակիչները շալակով հասցնում են Դարալագեազ, ապա տեղացիների օգնութեամբ Գորիսի ռազմական պահեստները։

Նոր-Բայազետի իշխանութեան ներկայացուցիչների հետ զենք ու զինամթերքի տեղափոխման անշափ կարևոր ու դրժվարին աշխատանքները կազմակերպելուց հետո Դրոն շտապ մեկնում է Իգդիր։

Դարձյալ ասպարեզում հայտնվել էին Սուրմալուի և նրա հարակից շրջանների քրդական հրոսակախմբերը, որոնք միավորվելով՝ ասպատակութուններ էին սփռել այդ գավառի հայկական գյուղերում։ Մանր բախումներ էին ծավալվում քրդական զինյալ խմբերի և Սուրմալուի հայ ինքնապաշտպանական ջոկատների միջև։ Դրոն ոչ մեծ զորամասով հասնում է Սուրմալու և տեղի հայ զինված ջոկատների աջակցութեամբ ջախջախում քրդական հրոսակախմբերին, ապա արագորեն ուղևորվում Զանգեզուր։

Իսկ այդ ընթացքում Արցախում դեպքերը զարգանում էին սպասվածից ավելի արագ։

Իր սկզբնավորման առաջին իսկ օրերից սկսած Ադրբեջանի կառավարութունը՝ օգտվելով Հայաստանի Հանրապետութեան դեռևս ոչ այնքան կայուն վիճակից և թուրքերի աջակցութունից, հաստատակամորեն նպատակադրվել էր բռնութեամբ զավթել Արցախը և դրանով մեկընդմիջտ արմատախիլ անել Հայաստանին վերամիավորելու արցախահայութեան ձգտումները։ Արցախցիները՝ շահագուրթելով մուսաֆաթականների զավթողական պահանջները, բազմիցս գումարված համաժողովներում արտահայտելով ողջ արցախահայութեան կամքն ու ցանկութունները՝ մշտապես Հայաստանի Հանրապետութեանը վերամիավորելու որոշումներ էին կայացնում։ Հայոց հինավուրց Արցախ աշխարհում բազում անընդմեջ արյունալի բախումներ էին տեղի ունեցել հայերի ու կովկասյան թուրքերի միջև։

<sup>141</sup> Նույն տեղում։



1919 թ. նոյեմբերին Զանգեզուրում կրած խայտառակ պարտությունից և հաջորդ տարվա հունվարյան դեպքերից հետո, ադրբեջանական իշխանությունները եռանդով նախապատրաստություններ են տեսնում զենքի ուժով լուծելու Արցախի խնդիրը: Իր հերթին Արցախը նույնպես պատրաստվում է հերթական անգամ փլուզելու Ադրբեջանի զավթողական ծրագրերը:

Փետրվարի 19-ին Ադրբեջանի կառավարության կողմից Արցախում զեներալ-նահանգապետ նշանակված Սուլթանովը՝ վերջնագիր է ներկայացնում Արցախի Ազգային Խորհրդին, որով պահանջում է ընդունել Ադրբեջանի գերիշխանությունը: Ի պատասխան Սուլթանովի վերջնագրի փետրվարի 22-ին Շուշիում գումարվում է Արցախի 8-րդ համաժողովը, որը միանշանակորեն որոշում է մերժել զեներալ-նահանգապետի պահանջը: Արցախահայության նման վճռից զազազած՝ Սուլթանովը որոշում է զենքի ուժով ընկճել Արցախի դիմադրությունը: Նույն տարվա մարտի 26-ին Ադրբեջանական բազմահազարանոց բանակը տարբեր ուղղություններից ներխուժում է Արցախ:

Գերմարդկային ջանքերի գնով արցախցիները դիմադրում և հաղթանակներ էին տանում ազերի կանոնավոր զորագնդերի դեմ:

Առանձնապես դժվարին կացություն է ստեղծվում Ասկերանի ճակատում: Ապրիլի 4-ին զոհվում է Դրոյի մարտական զինակից, Արցախի ինքնապաշտպանական կռիվներում իրեն հերոսաբար դրսևորած՝ Ասկերանի ճակատի հրամանատար Դալի Ղազարը:

Նույն ճակատի հրամանատարությունն ստանձնած դրնդապետ Զ. Մեսյանը՝ ստեղծված ծանր կացությունը շտկելու նպատակով, հաջորդ օրը դիմում է հանդուգն ու վճռական քայլի:

«Ես (Զ. Մեսյանը — Հ. Գ.), — գրում է դեպքերի ականատես, «Ղարաբաղի վարիչների խորհրդի» անդամ Արսեն Միքայելյանը, — իմ մաուզէր ատրճանակիս մէջ ունիմ միայն 8 փամփուշտ: Կա՞ն ձեր մէջ տղաներ մի քանի փամփուշտներով, որոնք կամհնում են մեռնել ինձ հետ:

— Մենք բոլորս պատրաստ ենք, — պատասխանում են:

— Հետեւեցէք ինձ, ուրեմն:

Եվ նրանք այդ կտրիճները, գիշերուայ մթութեան մէջ առաջ են շարժւում եւ հասնում Սզնէքի բարձունքներին վրայ պակած դինուորների դիրքերին: Գաղտադողի կերպով նրանք մօտենում են թշնամուն, թւով մի քանի հարիւր, եւ «ուռաներով», «Դրօն եկել է», «հայկական զօրքը հասել է» աղաղակներով յարձակւում են նրանց վրայ, ջարդում նրանց եւ խլում բաւականաչափ փաշտուշտներ եւ մէկ գնդացի:

Գիշերային եւ յուսահատական այդ յարձակումը անակրնկալի է բերում թշնամուն, որ նահանջում է դէպի խճուղին եւ դէպի Շուշի»<sup>142</sup>:

Ապրիլի 15-ին Դրոն իր զորամասով հասնում է Արցախ և դուրս վճռելով արցախցիների կողմից ջարդված աղբիւրբեջանական զորամասերին՝ իր ձեռքն է վերցնում գավառի սղջ իշխանությունը: Նրա զորամասի կազմում էին իր վաղեմի զենքի ընկերներ Գարեգին Նժդեհը՝ Ղափանի զորախմբով և Բաշգառնեցի Մարտիրոսն ու Կուռտ Թարխանյանը: Զանգեզուր-Արցախ կապն ու հաղորդակցութեան ուղիների սլահապանությունը հանձնարարվում է Յապոնին:

Տվյալ ժամանակահատվածում Դրոյի զորամասի մուտքը Արցախ, խիստ անհրաժեշտ էր: Դժվար շէր գուշակել, թե ինչպիսի հրեշավոր վայրագություններ կարող էին գործել աղբիւրբեջանական զորքերը, եթե արցախահայութեանը սպանոցող վտանգի պահին, թեկուզ և ուշացումով, օգնութեան շահանեին հանրապետութեան զորքերը:

Որպեսզի զենքի ուժով վերջնականապես լուծվեր Արցախը Հայաստանին վերամիավորելու հարցը, վերոհիշյալ Արսեն Միքայելյանի վկայութեամբ, Դրոն պիտի կենսագործեր երեք առաջնահերթ նշանակութեան ունեցող խնդիրներ.

1. Վերակազմել և ուժեղացնել Արցախի դիմադրական ուժը:

2. Գրավել ամբողջ Արցախը:

3. Արցախը միացնել Հայաստանի Հանրապետութեանը և քաղաքի (նկատի ունի Թուրքերի կողմից կործանված Շու-

<sup>142</sup> «Հայրենիք» ամս., 1923 թ հոկտեմբեր, էջ 123:

շին — 2. Գ.) և գյուղերի ավերվածությունների, կոստորածների փոխվրեժը լուծել թուրքերից»<sup>143</sup>

Նրա անմիջական նախաձեռնությամբ ստեղծվում է Արցախը ղեկավարող «Վարիչների խորհուրդ», որը հաջորդ օրը հայտարարում է զորահավաք: Կարճ ժամանակահատվածում Դրոյի հրամանատարությամբ կազմակերպվում է ավելի քան 3000 թվակազմով զորագունդ: Արցախի տարբեր շրջանների, ինչպես նաև Զանգեզուրի միջև ստեղծվում է հեռախոսային հուսալի կապ:

Դրոն հայտարարվում է Արցախ-Զանգեզուրի գլխավոր նահանգապետ-հրամանատարը: Նրա մասնակցությամբ արցախահայության ընտրյալ ներկայացուցիչները ապրիլի 28-ին գումարում են 9-րդ համաժողովը և մեկ անգամ ևս վճռականորեն հայտարարում Հայաստանին վերամիավորվելու որոշումը:

Կարծես թե դժվարություններն արդեն հետևում էին մնացել, բայց իրականում ամենասարսափելին դեռևս առջևվում էր:

Նույն տարվա ապրիլի 28-ին կարմիր զրահագնացքը՝ առանց որևէ արդելքի մուտք է գործում Բաքու և մուսաֆաթական Ադրբեջանի հանրապետությունը հռչակում խորհրդային Ադրբեջան: Չանցած մեկ օր՝ խորհրդային Ադրբեջանի կառավարությունը վերջնագիր է ներկայացնում Հայաստանի կառավարությանը, պահանջելով հայ ղինական ուժերը դուրս բերել Արցախից և Զանգեզուրից, հակառակ դեպքում սպառնում պատերազմով: «Միջազգային իմպերիալիզմի» դեմ պայքարող «համաշխարհային հեղափոխություն» իրականացնող խորհրդային Ռուսաստանը և Թուրքիայի Ադրբեջանի մեծ ժողովի նախագահ Մուսաֆաթ Քեմալը հանուն իրենց քաղաքական շահերի՝ խորհրդայնացնելով զոհաբերեցին Ադրբեջանական անկախ հանրապետությունը: «Համաշխարհային հեղափոխության» դրոշակակիր խորհրդային Ռուսաստանը՝ առաջնորդվելով արևելքի ժողովրդին «իմպերիալիզմի լծից ազատագրելու» և նրանց խորհրդայնացնելու շինծու լողունգներով, ձգտում էր իր գերիշխանությունը հաստատել

<sup>143</sup> Տե՛ս, նույն տեղում, էջ 123:

արևելքի ժողովուրդների վրա: Խորհրդային իշխանության «մարդասիրական» նպատակների կենսագործման գլխավոր խոչընդոտը «միջազգային իմպերիալիզմն» էր: Մերձավոր և միջին արևելքում իր գերիշխանությունը հաստատելու համար Խորհրդային Ռուսաստանին անհրաժեշտ էր դաշնակից ու հենարան: **ՀԱՆՁԻՆ** իրեն «կարմիր հեղափոխական» հորջորջող Մուստաֆա Քեմալի, որի պայքարի սլաքը նույնպես ուղղված էր «միջազգային իմպերիալիզմի» դեմ, Ռուսաստանը գտավ հուսալի ու «գաղափարակից» դաշնակցին: Երկուսի շահերն էլ փոխադարձաբար ներդաշնակում էին: Խորհրդային Ռուսաստանին «խորհրդայնացման նպատակով» անհրաժեշտ էր անմիջական հաղորդակցության ուղիներ, կապեր ստեղծել արևելքի երկրների և մասնավորապես իր նոր դաշնակցի՝ Թուրքիայի հետ: Կովկասյան անկախ հանրապետությունները անջրպետում էին Ռուսաստանից Թուրքիային և մյուս երկրներին, իսկ նրանց քաղաքական շահերը պահանջում էին վերացնել այդ անջրպետները: Ադրբեջանի հարցը լուծվեց խորհրդայնացման ճանապարհով: Սակայն Հայաստանը և հատկապես Արցախը, Զանգեզուրն ու Նախիջևանը սեպաձև խրվելով արդեն Խորհրդային Ադրբեջանի և Թուրքիայի միջև, փաստորեն գլխավոր խոչընդոտներն էին «համաշխարհային հեղափոխության» իրականացման ճանապարհին: Անհրաժեշտ էր կտրել այդ սեպը և անմիջական կապ ստեղծելով Խ. Ադրբեջանի և Թուրքիայի միջև՝ ճանապարհ բացել դեպի արևելք: Խորհրդայնացման ճանապարհով Արցախը, Զանգեզուրը ու Նախիջևանը և իհրակե նաև «իմպերիալիստական Հայաստանը» (այդպես են որակել Հայաստանի Հանրապետությանը Քեմալ փաշան և նույն տարվա սկզբներին Բաքվում կայացած արևելքի ժողովուրդների համագումարը) նվաճելը տվյալ պարագայում դեպի արևելք ճանապարհ հարթելու ամենահարմար մայրուղին էր: Առաջնորդվելով վերոհիշյալ նկատառումներով մայիսի 1-ին Ադրբեջանի տարածքում գտնվող 11-րդ կարմիր բանակի հրամանատարությունը Օրջոնիկիձեի, Կիրովի ստորագրությամբ Խորհրդային իշխանության անունից՝ պատերազմ հայտարարելու սպառնալիքով նոր վերջնագիր է ներկայացնում Հայաստանի կառավարությանը և առանց պատասխանին

սպասելու կարմիր բանակի ղորագնդերը շարժում Արցախ: Պահանջում են Դրոյից հայ զինական ուժերը դուրս բերել Արցախի տարածքից: Եթե շընդունվեր կարմիր բանակի պահանջները, ապա հանրապետութունը ստիպված կլիներ պատերազմել ոչ միայն «խորհրդային» մուսաֆաթի, այլ հենց Խորհրդային Ռուսաստանի դեմ: Բացի դրանից Խորհրդային իշխանության հետ բանակցությունները վարելու առաքելությամբ Մոսկվա ուղևորվող Լևոն Շանթի պատվիրակությունն արդեն ճանապարհին էր և Հայաստանի կառավարությունը հույս ուներ բանակցություններ վարել մեծ տերության հետ:

Մայիսի 5-ին Դրոյի հետ բանակցելու համար Արցախ են ժամանում Ս. Օրջոնիկիձեի ներկայացուցիչներ Սահակ Տեր Գաբրիելյանն ու Լևանդովսկին և խորհրդային իշխանության անունից պահանջում հայկական զորքերը դուրս բերել Ղարաբաղի տարածքից և անցնել Զանգեզուր:

«Դրոն, — շարունակում է Արսեն Միքայելյանը, — պատասխանում է, որ ինքը զինուորական է, ներս է մտել Ղարաբաղ իր կառավարութեան հրահանգով եւ այն ժամանակ միայն, երբ Ադրբեջանն սկսել է կոտորել Շուշի քաղաքի անդէն բնակչութիւնը եւ աւերել հայկական գիւղերը, կը հեռանայ միայն այն ատեն, երբ համապատասխան հրաման ստանայ Հայաստանի Հանրապետութիւնից»<sup>144</sup>:

Խորհրդային իշխանության ներկայացուցիչները Դրոյին համոզելու նպատակով դիմում են կեղծիքի ու խաբեության.

«Բայց Հայաստանի նախկին կառավարութիւնն այլեւս գոյութիւն չունի, եւ մայիսի 2-ին Հայաստանի մէջ հաստատված է Խորհրդային իշխանութիւն (Հայաստանի կառավարության հետ կապի բացակայության պատճառով Դրոն դեռևս տեղեկություն չուներ հանրապետությունում բոլշևիկների մայիսյան խռովությունների մասին — Ղ. Գ.), — յայտարարում են նրանք:

— Ես զինուորական եմ, ես կը սպասեմ իմ կառավարութեան հրահանգին, այդ կըլլայ հին թէ նոր, — լինում է Դրոյի պատասխանը:

<sup>144</sup> Նույն տեղում, էջ 125:

Այն ժամանակ Օրջոնիկիձէի ներկայացուցիչներն առաջարկում են Վարիչների Խորհրդի իշխանութիւնը տարածել միայն Վարանդայի եւ Դիզակի վրայ:

Դրօն միեւնոյն պատասխան է տալիս»<sup>145</sup>:

Խորհրդային զորքերը առանց Արցախի օրինական իշխանության՝ «Վարիչներ Խորհրդի» և Դրոյի համաձայնության արդեն մինչև մայիսի 20-ը մուտք են գործում Արցախի միջաբազմեր և ամենուրեք հաստատում Խորհրդային կարգեր: Արցախը գրավելու ամենահարմար և «անարյուն», «մարդասիրական» միջոցը տեղի բնակչությանը շլացուցիչ խոստումներով ու կեղծ գաղափարներով խաբելն էր: Իսկ «խաղաղութուն», «հավասարութուն», «եղբայրութուն» սին կարգախոսներով առաջնորդվող բոլշևիկներին դժվար չէր մոլորեցնել ադրբեջանական զորքերի մշտական սպառնալիքի տակ ապրող և իրենց բազմամյա պայքարով դեռևս բաղձալի նպատակին չհասած արցախցիներին:

Խորհրդային կոմիսարները ճիշտ էին հասկացել ժամանակի նրբությունները: Արցախի նվաճման լավագույն երաշխիքը նրա բոլշևիկացումն էր ու Խորհրդայնացումը: Բոլշևիկյան ժանտախտը արագորեն տարածվում է Արցախի բնակչության շրջանում: Հայ բոլշևիկներին ջանքերով բազմաթիվ գյուղեր հոժարակամ ընդունում են Խորհրդային իշխանությունը:

«Մայիսի 18-ին, — նշում է Արսեն Միքայելյանը, — Դրօյի հրահանգով մի քանի սպաներ անցնում են Վանք՝ Զ. Մեսեանին օգնելու եւ այդ շրջանը ուժեղացնելու, բայց դեռ ետաչէն չհասած վերադառնում են, լուր ստանալով, որ ետաչէնի շրջանը բոլշևիկացել է:

Մայիսի 21-ին Զիվանշիրի հայ բոլշևիկները՝ միացած ոտակարմիր բանակի մի հարիւրեակ ձիաւորների հետ, յարձակւում են Վանք գիւղի վրայ՝ Զ. Մեսեանին ձերբակալելու, բայց չեն կարողանում:

Այդ ժամանակամիջոցում ուսական սրոշ զօրամասեր են տեղափոխւում դէպի Շուշի եւ Զանգեզուր:

<sup>145</sup> Նույն տեղում, էջ 126:

Եւ այսպիսով, հակառակ Դրօշին Վարիչներու Խորհրդի թափած աշխատանքներուն եւ կազմակերպած բանակին, Ղարաբաղը դրում է նոր անակնկալի առջեւ»<sup>146</sup>։

Հանրապետութեան կառավարութեան հետ կապի բացակայութիւնը ավելի է ծանրացնում առանց այդ էլ անորոշ և անելանելի իրավիճակը։ Իսկ առանց կառավարութեան համաձայնութեան անձնական նախաձեռնութեամբ ու պատասխանատվութեամբ Խորհրդային զորքերի դեմ պատերազմելը կարող էր ծանրագույն ազդեցութիւն գործել ոչ միայն Արցախի, այլև ողջ հանրապետութեան վրա։

Մայիսի 24-ին Արցախում տիրող կացութեան վերլուծութեան և հետագա անելիքները ճշտելու նպատակով Դրոն Չանախչի գյուղում հրավիրում է Խորհրդակցութիւն։

Պատմում է Խորհրդակցութեան մասնակից վերոհիշյալ Ա. Միքայելյանը.

«Չանախչի գիւղի մէջ, տեղի է ունենում Հայաստանից եկած պաշտօնեաներու՝ Դրօի, Նժդեհի, գնդապետ Միրիմանեանի և Ա. Միքայելեանի (այս տողերի հեղինակը—Հ. Գ.) Խորհրդակցութիւնը, որի մէջ պարզւում է.

Ա) Որ Ղարաբաղի ժողովրդի տրամադրութիւնները զգալիապէս փոփոխութեան ենթարկուած եւ աստիճանաբար կարող են վերածուել թշնամութեան.

Բ) Որ մայիսի 12-ից սկսեալ Հայաստանի կառավարութեանէն հակառակ բազմիցս եղած դիմումների, ոչ մի տեղեկութիւն չի ստացուել, ապա ուրեմն Հայաստանի Հանրապետութիւնը գտնվում օրհասական վտանգի մէջ (հետագայում պարզվում է, որ Արցախում գտնվելու օրերին՝ կապի բացակայութեան պատճառով, Դրոն որևէ տեղեկութիւն չի ունեցել նույնիսկ բոլշևիկների կազմակերպած մայիսյան խռովութիւնների ելույթներից — Հ. Գ.)։

Գ) Որ Նժդեհի Ղափանի զօրամասը չի կարող երկար մնալ Ղարաբաղում, որովհետեւ բոլորն էլ գիւղացիներ են եւ կամաւոր ու կը կամենան վերադառնալ հայրենիք դաշտային աշխատանքներու լծուելու։

Դ) Որ ռուսական բանակի որոշ զօրամասեր, խճուղու

վրայով, գրաւում են կարեւոր դիրքեր, որով կտրում են Ղարաբաղի հայկական զօրամասի նահանջի ճամբան»<sup>147</sup>,

Այս բոլոր հանգամանքները նկատի առնելով՝ խորհրդակցութեան մասնակիցները որոշում են իշխանութիւնը հանձնել հայ բոլշևիկներին և մայիսի 26-ին անցնում Զանգեզուր:

Արցախից Զանգեզուր ձգվող ճանապարհին հայկական զորագնդին հարկ է լինում հաղթահարել մի շապասված խոշրնդոտ:

Իսը՝ բանտարկում են գավառի «Վարիշների խորհրդի» մի խնձորեսկ գյուղում կեղծ խոստումներով ու ստերով մոլորեցնելով տեղի բնակիչներին, կազմում են մի քանի խմբեր և դիրքեր գրավելով գյուղի շրջակա բլուրների հետևում՝ նպատակադրվում են անակնկալ հարձակումով զինաթափել ու ձերբակալել Դրոյին, Նժդեհին ու մյուս հրամանատարներին:

Խնձորեսկին մոտենալու պահին հայկական զորագնդի վրա է թափվում հայ բոլշևիկների զինախմբերի մրրկային կրակը: Դրոն և Նժդեհը՝ ակնթարթորեն կողմնորոշվելով, շրջանցում են բլուրները ու կարճատև հարվածներից հետո փախուստի մատնում Ղարաբոզյանի խմբերին:

«Դրոն և Նժդեհը, — գրում է Արտեմ Խանզատյանը, — իրենց ուժերով պաշարում են խնձորեսկ գիւղը եւ պահանջում ապստամբների ղեկավարներին, սպառնալով գիւղը աւերակի վերածել:

Միւս առաւօտեան, խնձորեսկցիները բերում են Մկրտիչ Ղարաբոզեանին, և երկու ուրիշներին, որոնք գնդակահարւեցան»<sup>148</sup>:

Դրոն իր զորամասով անցնում է Դարալագյազ, իսկ Նժդեհը՝ Ղափան:

Արցախը խորհրդայնացման ճանապարհով գրավելուց հետո կարմիր բանակի մի քանի զորագնդեր հայ բոլշևիկների առաջնորդութեամբ մտնում են Զանգեզուր և գրավելով Գորիսը՝ բանտարկում են գավառի «Վարիշների խորհրդի» մի շարք անդամների: Շնհերի մի քանի գյուղացիների հաջող-

<sup>147</sup> Նույն տեղում, էջ 126—127:

<sup>148</sup> Աւօ, «Նժդեհ», Պէյրուք, 1968 թ., էջ 485:



վում է Սիսիանի վրայով հասնել Դարալագեազ և Դրոյին հաղորդել խորհրդային զորքերի կողմից Գորիսի գրավման լուրը:

Օգոստոսի 1-ին Դրոն իր զորամասով արշավում է «դիմավորելու» խորհրդային զորքերին և միաժամանակ հրահանգ է ուղարկում Ղափան՝ Նժդեհին և Սիսիան՝ Պողոս Տեր-Դավթյանին նույնպես շարժվելու Գորիս:

Նույն օրը Դրոյի հրամանով Կուռո Թարխանյանի զորաջոկատը գրոհում է Բազարչայ գյուղում հանգրվանած խորհրդային զորախմբի վրա և խորտակելով կարմիրների դիմադրությունը՝ շարժվում Գորիս:

Սիսիանի շրջանում՝ տեղացիների ուժերի գլուխն անցած Պողոս Տեր-Դավթյանը ջախջախում է այդ վայրերում հայտնված բոլշևիկյան զորամասը և զարգացնելով հարձակումը Գորիսի մոտակայքում, միանում է Դրոյին:

Միաժամանակ Գորիս է հասնում Նժդեհի Ղափանի զորագունդը: Բոլշևիկյան զորամասերը ամրանում են Գորիսում: Առանց ժամանակ վատնելու՝ Դրոն հարձակվում է Գորիսում կենտրոնացած խորհրդային զորքերի վրա և տարբեր ուղղություններից գրոհող հայկական զորագնդերի համագործակցությամբ ջախջախում հակառակորդի ուժերը և հետապնդելով՝ դուրս վճռում Ջանգեզուրի տարածքից: Խուճապահար փախչելով, բոլշևիկները հասցնում են իրագործել իրենց սև գործը: Գնդակահարում են ձերբակալված բազմաթիվ անվանի զանգեզուրցի գործիչների, որոնց թվում նաև վահան Խորենուն և Արշակ Զամալյանին:

Տվյալ ժամանակահատվածում խորհրդային զորքերի մուտքը Ջանգեզուր դեռևս ծավալվող գործողությունների սոսկ նախերգանքն էր:

Մի քանի օր անց ջախջախված բոլշևիկներին Ջանգեզուրում փոխարինելու են գալիս նոր զորամասեր: Մարտական գործողությունների հետագա շարունակումը նշանակում էր անխուսափելի պատերազմ Հայաստանի Հանրապետության և խորհրդային Ռուսաստանի միջև:

Իսկ Մոսկվայում գտնվող Լևոն Ծանթի գլխավորած Հայաստանի պատվիրակության և խորհրդային Ռուսաստանի արտաքին գործոց ժողկոմ Ջիչերինի միջև ընթացող բանակ-

ցություններն առանց արդյունքի ընդհատվել էին: Կողմերը համաձայնվում են, որպեսզի բանակցությունները շարունակվեն Անդրկովկասում և Երևանում:

«Յուլ. 20-ին, — գրում է Ս. Վրացյանը, — Խալիլ փաշայի ընկերակցությամբ, Լեզրանը հասաւ Բագու եւ Ազրբէջանի կոմունիստների հետ խորհրդակցելուց յետոյ անցաւ Թիֆլիս, ուր, օգոստոսի սկզբին Զանգեզուրում, Նախիջեւանում եւ Ղազախում տեղի ունեցող հայ-բուլղարական կոիւները դադարեցնելու նպատակով գումարեց խորհրդաժողով Հայաստանի ներկայացուցիչներ՝ Ա. Զամալեանի ու Ա. Բաբալեանի եւ Լեզրանի միջեւ եւ օգոս. 10-ին ստորագրեց հաշտութեան համաձայնագիր, որով օգոստոսի 10-ին ժամը 12-ից սկսած վերջ էին գտնում պատերազմական գործողութիւնները Խորհրդային Ռուսաստանի եւ Հայաստանի միջեւ: Հայաստանի զօրքերը գրաւելու էին Շահթախթ-Խոկ-Ազնաբերդ-Սուլթանբէկ եւ ապա Քիւրկիից հիւսիս և Բազարչայից արեւելք անցնող գիծը, իսկ Ղազախի շրջանում՝ այն գիծը, որ բռնում էին յուլիս 30-ին: Խորհրդային Ռուսաստանի զօրքերը պիտի գրաւէին Ղարաբաղ, Զանգեզուր, Նախիջեւան շրջանները: Այս գրառումով շէր նախորոշում այդ գաւառների վերջնական պատկանելիութիւնը. այդ հարցը պիտի որոշէր Խորհրդային Ռուսաստանի եւ Հայաստանի միջեւ կնքելիք դաշնագրով»<sup>149</sup>:

Օգոստոսի 10-ին Հայաստանի Հանրապետության և Խորհրդային Ռուսաստանի ներկայացուցիչների միջև կնքվում է պատերազմական գործողությունները դադարեցնելու համաձայնագիր:

Դրոն Գորիսից տեղափոխվում է Դարալագյազ, ապա Հայաստանի կառավարության հրահանգով շտապ անցնում Երևան և շատ շուտով դարձյալ հայտնվում կոիվների ռազմաբեմում:

Քեմալական թուրքիան՝ Խորհրդային Ռուսաստանի հետ օգոստոսի 24-ին կնքված պայմանագրով ստանալով խորհրդային իշխանության համաձայնությունը, պատերազմ է սկսում Հայաստանի Հանրապետության դեմ:

<sup>149</sup> Ս. Վրացեան, «Հայաստանի Հանրապետութիւն», էջ 457:

Կարմիր բանակի կողմից Արցախի գրավումով ու Ալեքե-  
զուրի վրա ձեռնարկած հարձակումներով իրականում արդեն  
դրվել էր Խորհրդային իշխանության կողմից «համաշխար-  
հային հեղափոխության» արգելափակող Հայաստանի Հան-  
րապետության նվաճման հիմնաքարը: Թուրքական ղորքերի  
հարձակումով հանրապետությունը հայտնվում է Հայաստանի  
անկախությունը կործանելու և այն բռնազավթելու դիտավա-  
րությունից հյուսիսից ու հարավից տեղացող հարվածների  
ակցանում: Բոլշևիկյան Ռուսաստանի և Բեմալական Թուր-  
քիայի փոխհամաձայնությամբ իրականացվող գործողությունը  
ճանապարհ էին հարթելու Հայաստանում բույն դրած հայ  
բոլշևիկները, որոնք հայկական զորաբանակի և բնակչության  
շրջանում ծավալած իրենց քայքայիչ ու կործանարար գոր-  
ծունեությամբ հող նախապատրաստեցին հայոց անկախու-  
թյան կործանմանը:

1920 թ. սեպտեմբերի առաջին օրից սկսած պարբերաբար  
բախումներ էին տեղի ունենում հայկական սահմանապահ  
զորքերի և հանրապետության սահմանների տարածքային  
անձեռնամխելիությունը հաճախակի խախտող Թուրքական  
զորամասերի միջև: Իսկ սեպտեմբերի 23-ին Թուրքական զո-  
րաբանակը Քեազիմ Կարաբեքիր փաշայի գլխավորությամբ  
ներխուժում է Հայաստան: Պատերազմը սկսվում է:

Հայաստանի կառավարությունը ժողովրդին ոգեշնչելու ու  
նրա պայքարին վճռականություն ու կազմակերպվածություն  
հազարգելու նպատակով ամենուրեք տարածում է հետևյալ  
մարտակոչը.

### Հայաստանի ֆաղափացիներին,

«Քաղաքացիներ, Հայաստանը նոր փորձությունների  
առաջ է կանգնած: Տաճիկ փաշաները շեն ուզում հանգիստ  
թողնել մեզ. նրանք ձգտում են քար ու քանդ անել մեր եր-  
կիրը, բնաջնջել հայ ժողովուրդը:

«Սեպտեմբերի կէսերին կենտրոնանալով Մերդենեկի և  
Բարդուախի շրջաններում՝ տաճիկ զորքերը յարձակման դիմե-  
ցին: Դաշտային աշխատանքների պատճառով մեր զինուոր-  
ների մի մասը իրենց տները ցրած լինելով՝ մեր ղորամա-  
սերը, յամառ կուից յետոյ, ստիպւած եղան նահանջել եւ

գրաւել ռազմագիտական նոր գիծ, որով ածխահանքների շըր-  
ջանը անցաւ թշնամու ձեռքը...»:

«... Քաղաքացիներ, տեղեկացնելով ձեզ այս մասին՝  
Հանրապետութեան կառավարութիւնը յայտնում է, որ ինքը  
ձեռք է առնում ամէն միջոց՝ պետութեան անվտանգութիւնն  
ապահովելու համար եւ վստահ է, որ նենգ թշնամին շուտով  
դուրս կը շարտւի մեր երկրից: Այն ժողովուրդը, որ կարո-  
ղացաւ ձեռք բերել իր ազատութիւնը, որ դեռ նոր ճնշեց բոլ-  
շևիկեան խռովութիւնները՝ թոյլ չի տայ, որ տաճկական  
փաշաներին յաջողւի իրագործել իրենց դիւային ծրագրները:  
Հայաստանի կառավարութիւնը, իր հետ ունենալով յեղա-  
փոխական ժողովրդի կամքն ու վստահութիւնը, կանէ այն,  
ինչ որ իրենից պահանջում է պատմական վայրկեանը: Սա-  
կայն, ժողովուրդն եւս պէտք է լարէ իր բոլոր ուժերը: Տաճիկ  
զօրքերի առաջ մէկ անելիք է մնում միայն մեզ — յաղթել  
կամ մեռնել: Մենք պէտք է յաղթենք:

«Քաղաքացիներ, որքան եւ աննպաստ լինեն պայման-  
ները, թողէ՛ք ձեր անձնական գործերը: Ամէն ոք եւ ամեն ինչ  
պէ՛տք է յատկացւի Ֆրոնտին: Ո՛չ մի դասալիք շպիտի մնայ  
Հայաստանում: Ո՛չ մի երիտասարդ շպիտի նստի տանը:  
Ամէ՛ն ինչ զօրքի համար: Գիւղացի, բանւոր, մտաւորական,  
պաշտօնեայ, արհեստաւոր, ուսանող, կանայք — բոլորդ  
պէտք է նպաստէք մեր բանակին, որովհետեւ միա՛յն ամեն-  
քիս միահամուռ ջանքերով կը խորտակւի փաշաների գար-  
շելի բռնակալութիւնը, եւ Հայաստանը բոլորովին ազատ կը  
լինի տաճիկ շովինիստների մղձաւանջից:

«Ուտքի՛, ժողովուրդ:

«Կեցցէ՛ Միացեալ եւ Անկախ Հայաստանը»<sup>150</sup>:

### Հայաստանի Հանրապետութեան Կառավարութիւն

Հայ-թուրքական տասնյակ կիլոմետր ձգվող ռազմաճա-  
կատում մարտերը ծավալվում են հիմնականում երկու ուղ-  
ղությամբ՝ Օլթի-Կարս և Սուրմալու: Հայկական զորաբանա-  
կի հրամանատարությունը՝ ելնելով ռազմաճակատում տի-  
րող իրական կացությունից, ռազմական ուժերը գլխա-

<sup>150</sup> Նույն տեղում, էջ 468—469:

վորապես կենտրոնացնում է հենց այդ ուղղութիւններում, ընդամին առավելագույն ուշադրութիւնը կենտրոնացնում Կարսի ճակատի վրա:

«Այս պայմաններուն մէջ, — նշվում է «Ճակատամարտ» թերթում զետեղված ռազմական ամփոփագրերում, — սպայակոյտը որոշեց Իգդիրի ուղղութեամբ թրքական յարձակողականը նկատել կեղծ, ուժերը կենդրոնացնել Կարսի ուղղութեան վրայ, նահանջել միշեւ Պէկլի Ահմէտ, զօրացնել Կարսի աջ թեւը, իբրեւ հոծ թրքաբնակ վայրեր և թրքական ծանր ճնշումի իբրեւ հաւանական գիծ, կռիւ մղել Նովօ Սէլիմի դաշտին վրայ, ի հարկին կանխելով թրքական ընդհանուր յարձակողականը և ժամանակ շահել ուժերը համախմբելու համար»<sup>151</sup>:

Չնայած այն հանգամանքին, որ հայկական բանակը գլխավոր հրամանատարութեան Կարսի ճակատն էր ընդունում որպէս գլխավոր ուղղութիւն, այնուամենայնիվ, Սուրմալուն իր ռազմա-ստրատեգիական դիրքով պակաս կարևոր նշանակութիւն չուներ: Նախ, Սուրմալուի ռազմաճակատը ավելի մոտ է գտնվում հանրապետութեան մայրաքաղաքին և Հայաստանի ամենախիտ բնակեցված շրջաններին՝ Արարատյան դաշտավայրին: Եթե թուրքական զորքերին հաջողվեր խորտակել Սուրմալուի ռազմաճակատի հայկական զորամասերի դիմադրութիւնը, ապա նրանք կարող էին հաջողութեամբ գետանցել Արաքսը և հաշված ժամերի ընթացքում հայտնվել Արարատյան դաշտավայրում ու Երևանում: Իսկ դեպքերի այդօրինակ զարգացումը անխուսափելիորեն հարցականի տակ կդնէր ոչ միայն հանրապետութեան, այլև ողջ Հայաստանի գոյութիւնը:

Երկրորդ, Սուրմալուն ի տարբերութիւն մյուս ուղղութեան հագեցված չէր այնպիսի ռազմական պաշտպանողականութեամբ, որպիսին հանձինս հզոր բերդաքաղաքի, ունէր Կարսի ռազմաճակատը: Կարսի ռազմաճակատի պաշտպանները կարող էին ապավինել բերդաքաղաքի հարյուրավոր հրանոթների, գնդացիների հզոր կրակի և մեծաքանակ ռազմամթերքի աջակցութեանը:

<sup>151</sup> «Ճակատամարտ», 1921 թ., փետրվարի 1:

Դրոն՝ գերաշանցորեն գիտակցելով Սուրմալուի ուղմա-  
ճակատի դժվարություններն ու նրա դերը հանրապետության  
պաշտպանության ու գոյատևման գործում, հայկական բա-  
նակի հրամանատարությունից պահանջում է իրեն վստահել  
այդ ուղղությունում գործող զորքերի հրամանատարությունը:  
Նա իր հարուստ մարտական կենսափորձով խորապես ըմբռ-  
նել էր ուղմավարության մեջ գերիշխող այն ճշմարտությու-  
նը, որ որևէ ճակատամարտում հաղթելու անհրաժեշտ նա-  
խադրյալը պայմանավորված է ոչ թե տեղանքի ու զինվա-  
ծության առավելությամբ, այլ մարտունակ, կարգապահ ու  
բանիմաց հրամանատարների ու զինվորների անբասիր գոր-  
ծունեությամբ:

Սուրմալուի ուղմաճակատի հրամանատարությունը  
ստանձնելիս նա զլխավորապես հաշվի է առնում այդ հան-  
գամանքը և ինչպես վկայում է Կարո Սասունին.

«... կարողացած էր իր շուրջ հաւաքել լավագոյն հայ  
սպաներ, որոնց կազմած զօրամասերը հայկական բանակի  
ընտրանին էին: Զօրքերը եւ ժողովուրդը շատ կը սիրէին  
Դրոն, որուն շուրջը համախմբուած էին»<sup>152</sup>:

Սուրմալուի ուղղությունում թուրքական կանոնավոր և  
քրդական ավելի քան 10000-անոց զորագնդերի դեմ կանգնած  
էին ընդամենը 2000 զինվորներ և 1000 աշխարհազորային-  
ներ: 3000 մարտունակ և իրենց անկախությանն ու հայրենի-  
քին նվիրված զինվորներն ու նրանց անպարտելի հրամանա-  
տարն ավելի քան բավական էին թշնամուն ջախջախելու  
համար:

Հետաքրքիր է ծանոթանալ Դրոյի զօրամասերի հրամա-  
նատարների բնութագրերին՝ Վարդգես Ահարոնյանի (Նա պա-  
տերազմի օրերին եղել է Սուրմալուի ճակատում — Լ. Գ.)  
մեկնաբանությամբ.

«... Իրօք այստեղ բոլոր աչքի ընկնող և պատասխանատու  
զիրքեր գրաւող սպաները երիտասարդներ են: Ահա ժանրա-  
խոհ, քրդական հաւասարակշուած գնդապետ Խուդաբաշեանը,  
որ հազիւ 30 տարեկան է: Ահա նրան հասակակից անվրդով  
և արիւնասիրտ փոխգնդապետ Հալաբեանը: Մուսլէ, սակա-

<sup>152</sup> «Հայրենիք» ամս., 1926 թ., ապրիլ, էջ 96:

վախօս թարխանեանը, որի արտաքինն իսկ ասես մի սղճած բռունցք լինի միշտ պատրաստ թշնամու գլխին իջեցնելու, ընդամենը 26—27 տարեկան, հաստատակամ և վճռական թարիվերդեանը, 26 տարեկան, շրջահանաց, զգոյշ, հոտառու Շահբազեանը, 26 տարեկան և վերջապէս կրակ ու բոց Մամաջանեանը միայն 24 տարեկան»<sup>153</sup>։

Զնայած երիտասարդ տարիքին՝ վերոհիշյալ սպաները բազում կռիւների բոցերում կռփված և զինվորների շրջանում անառարկելի հեղինակութուն վայելող հրամանատարներ էին։

«Այդպէս են,— շարունակում է Վ. Ահարոնեանը,— այն զորաբանակի սպաները, որոնցից ամէն մէկի թիկունքում իբրեւ անբաժան ստեր կանգնած ինքը՝ զորաբանակի ընդհանուր հրամանատարը՝ Դրօն։

Ինչպէս իր ձագուկներին թռչել սովորեցնող արծիւ՝ տարածել է նա իր թևերը բոլորի վրայ, ամեն մէկի համար ունի խրախուսանքի մի խօսք, քաջալերանք ու յորդոր։

Եւ որևէ այն թէկուզ վախկոտ զինուորը կամ սպան, որ Դրօնի խոսքով բաց աչքերով, առանց տատանելու դէպի մահը չի քայլի։ Որը նրան ենթակայ ռազմիկներից կյանդգնի խնայել իր կեանքը այն ժամանակ, երբ ինքը ընդհանուր հրամանատարը չի խնայում իր կեանքը հասարակ զինվորի պէս»<sup>154</sup>։

Մինչ հոկտեմբեր ամսի վճռական գոտեմարտերը՝ Դրոյին հարկ եղավ այդ շրջաններում հաղթահարելու ռազմական առումով կարևոր նշանակութուն ունեցող մի քանի արգելքներ։

Թուրքական հրամանատարութիւնը՝ հիմնական մարտական գործողութիւններ ծավալելու նախօրերին, որպէս ապագա արշավանքի հաջողութիւն գրավական, ձգտում է Սուրմալուի թուրքա-քրդաբնակ շրջանները և հատկապէս Կողքի աղահանքերը վերածել ռազմական ամուր հենակետերի։

Սակայն հրաժեշտ էր հակառորդին զրկել ամրապնդվելու և

<sup>153</sup> «Յառաջ», 1920 թ., նոյեմբերի 17։

<sup>154</sup> Նույն տեղում։

ռազմական կայուն հենակետեր ստեղծելու հնարավորու-  
թյունից:

Սեպտեմբերի սկզբներին հայկական զորագնդերը անա-  
կրնկալ հարվածով ջախջախում են Կողբում տեղաբաշխված  
թուրքական զորախմբերին և դուրս շարտում նրանց Հայաս-  
տանի Հանրապետության սահմաններից: Չանցած մի քանի  
օր, թուրք հրամանատարությունը՝ վերախմբավորելով ու հա-  
մալրելով մարտական ուժերը, դարձյալ հարձակվում է այս  
անգամ արդեն հայ զինվորների կողմից պաշտպանվող Կողբի  
վրա: Մի քանի օր ընթացող կռիվներում հայ զինվորները՝  
Դրոյի առաջնորդությամբ պարտության են մատնում թուր-  
քերին և հարկադրում նրանց նահանջել նախկին դիրքերը:

Շնորհիվ այդ հաղթանակների, փլուզվում են թուրք  
հրամանատարության պատերազմական գլխավոր գործողու-  
թյունները ծավալելու, ռազմական ամուր հենակետեր  
ստեղծելու նպատակները: Իսկ Սուրմալու ուղղությունում  
հաստատվում է կայուն իրավիճակ, որն էլ հանրապետության  
զինվորական հրամանատարությանը հնարավորություն է  
ընձեռում ի հաշիվ Սուրմալուի ճակատի թուլացման՝ գնդա-  
պետ Բաղդասարյանի 8-րդ գունդը տեղափոխել Կարս:

Այդ դեպքերից ճիշտ մեկ տարի առաջ, երբ Դրոն մի  
փոքրաթիվ ջոկատով գտնվում էր Իգդիրում, թուրք-քրդական  
3000-անոց հրոսակախումբը՝ իջնելով Բարդոզյան լեռներից,  
ներխուժում է Իգդիր և հանկարածիի բերում քաղաքի հայ  
պահակազորին:

Իգդիրում Դրոյի մղած այդ կռիվը կարծես հրաշքի է  
նմանվում: Նա՝ բնավ չերկնչելով թշնամու բազմապատիկ  
գերակշռող ուժերից, Կուռո Թարխանյանի ընկերակցությամբ  
(ընդամենը 180 զինվորներով) այնպիսի հուժկու հարված է  
հասցնում թուրք-քուրդերին, որ նրանք գլխիկոր լքում են  
մարտադաշտը՝ թողնելով հարյուրավոր սպանվածներ ու  
վիրավորներ<sup>155</sup>:

Հոկտեմբերին առավել ուժգնությամբ է սկսվում ռազմա-  
կան գլխավոր գործողությունները Կարսի և Սուրմալուի ուղ-  
ղություններում: Մինչև հոկտեմբերի կեսերը Կարսի ճակա-

<sup>155</sup> Նույն տեղում:



տում ռազմական դրուժյունը կարծես թե նպաստավոր էր հայկական զորքերի համար: Գեներալ Սիլիկյանի գլխավորությամբ գործող հայկական զորքերը պատրաստվում են հարձակման, որը պիտի սկսվեր հոկտեմբերի 14-ին: Այդ ուղղությունում ռազմական գործողությունները ղեկավարում էին փորձառու զորապետներ Դանիել Բեկ-Փիրումյանը, Վեֆիլյանը, Հովսեփյանը, Մազմանյանը և այլք: Նույն ճակատում էին նաև Սեպուհի և Սմբատի գլխավորությամբ գործող զորամիավորումները:

Խորհրդային զորքերը՝ հաստատվելով Զանգեզուրում, զրկել էին Գ. Նժդեհի գլխավորած տեղի հայկական ուժերին հայ-թուրքական ռազմաճակատ տեղափոխվելու հնարավորությունից: Համանման պատկեր է տիրում Լոռի, Շամշադին-Ղազախ շրջանում, ուր դարձյալ հայկական զորամասերին խոչընդոտում էին այդ կողմերում հայտնված բոլշևիկյան ուժերը: Հայաստանը բռնազավթելու ռազմական գործողությունները վաղօրոք խնամքով մշակված ու հաշվարկված էին:

«Սուրմալուի կռիվների ռազմաճակատը կազմում էր մի եռանկյունի, որի կատարը գտնւում էր Իգդիրում, երկու կողմերը կազմում էին Իգդիր-Մարգարա և Իգդիր-Կարակալա գծերը, իսկ հիմքը՝ Արաքսը, Կարակալայի և Մարգարայի կամուրջները»<sup>156</sup>,

Զնայած այն հանգամանքին, որ Սուրմալուի ուղղությամբ սեպտեմբեր ամսին արդեն գործում էին թուրքական մեծաքանակ ուժեր, սակայն թուրք հրամանատարությունը՝ նպատակադրվելով ավելի արագացնել այդ տեղամասում մարտընչող հայ մարտական ջոկատների ջախջախումը, հոկտեմբերի սկզբներին մարտադաշտ է (Իգդիրի հատվածում) նետում նաև Բայազետի զորախումբը, և նույն ամսի 4-ին առաջապահ ջոկատներով գրավում Արհաջ գյուղը: Եթե թուրքերը կարողանային այդ հատվածում կենտրոնացնել նախատեսված ռազմական ուժերը, ապա զորքերի քանակական և դիրքային հաշվեկշիռը կարող էին արմատապես փոխել ի օգուտ իրենց: Հարկավոր էր հակառակորդին թույլ շտալ իր զորքերը կենտրոնացնելու և նախաձեռնությունն իր ձեռքը

<sup>156</sup> Նույն տեղում, նոյեմբերի 20:

վերցնելու հնարավորություն: Դրոն՝ խորամտորեն գնահատելով տիրող կացությունը, առանց վարանելու հրամայում է գրավել Արհաջ գյուղը: Հայ զինվորների գրոհն անկասելի էր: Թուրքական պարտված զորքերը հետ են շարտվում մինչև Մասիսի ստորոտը:

Նույն օրը մեր զորքերը գրավում են Պիրշ և Խոզալ բնակավայրերը և միայն հակառակորդի մարտադաշտ հասած զորախմբերի դիմադրությունը ու գիշերային խավարը խոչընդոտում են զարգացնելու ձեռք բերած հաջողությունը: Այդ օրվա մարտերի վերաբերյալ հայկական զորաբանակի շտաբը ստանում է հետևյալ հեռագիրը.

«Հոկտեմբերի 4-ի կեսօրվան հակառակորդին հաջողվում է գրավել Պիրլ գյուղը և Խուլպ բնակավայրը: Մեր զորամասերը հետ են քաշվել մինչև Կարակոլայի կամուրջը: Մոտավորապես ժամը 15-ին Իգդիրի կողմից հասցված հակահարվածով մեզ հաջողվում է գրավել Պիրլ գյուղը, բայց կամիշլու գյուղի մոտակայքում թուրքերի և քրդերի զգալի ուժերի (մոտ 1000 մարդ երկու գործող հրանոթներով) կուտակման և մութն ընկնելու հետևանքով մեր հարձակումը կանգ է առել:

Իգդիրի շրջանում հոկտեմբերի 4-ի երեկոյան Խալֆալ և Խոշխարար գյուղերը գրաված քրդերի հետ ունեցել ենք փոխհրաձգություն: Հոկտեմբերի 5-ի առավոտյան մեր հետախույզները գրավել են նշված գյուղերը և Արհաջ գյուղը»<sup>157</sup>:

Ի տարբերություն Սուրմալուի, Կարսի ռազմաճակատում ռազմական գործողությունները ընթանում էին բավականին անհաջող: Հոկտեմբերի 14-ին հայկական զորքերի ձեռնարկած հարձակումը շտվեց սպասվելիք արդյունքը: Թուրքական զորքերը ոչ միայն կարողացան հետ մղել հայ զորապետների կողմից բազմաթիվ սխալներով ու անփութորեն կազմակերպած հարձակումը, այլև մարտադաշտ նեւելով պահուստային ուժեր՝ հոկտեմբերի 20-ին դիմելով հակահարձակման, հետ են մղում մեր զորամասերը և հասնում մինչև Անիի մատույցները:

Պատերազմում հաղթանակի հասնելու համար թուրք

<sup>157</sup> Զ. Զ. Կ. Ա. թղթ. 17/17:

հրամանատարութիւնը անհրաժեշտաբար պիտի վճռական քայլեր ձեռնարկեր նաև Սուրմալուի ճակատում, ուր դեռևս միայն պարտութիւններ է ճաշակում:

Հոկտեմբերի կեսերին զգալի ուժեր կենտրոնացնելով Դաշ-Բուրանի և Դալի-Դաշի ուղղութեամբ՝ թուրք հրամանատարութիւնը ծրագրում է կենտրոնացված, խոյահարիչ հարվածով ճեղքել հայկական զորամասերի պաշտպանութիւնը և զարգացնելով հարձակումը՝ գրավել Մարգարայի կամուրջը և դուրս գալ Երևան-Իգդիր խճուղին: Մարտական գործողութիւնների հաջող զարգացման դեպքում թուրքերը հույսեր էին փայփայում կտրել Երևան-Ալեքսանդրապոլ (այնտեղ էր գտնվում ռազմաճակատի հրամանատար գեն. Սիլիկյանի ռազմակայանը — Հ. Գ.) հաղորդակցութեան ուղիները և աքցանի մեջ վերցնել Կարսի ռազմաճակատն ու բերդաքաղաքը: Վերոհիշյալ հանգամանքների առկայութեան շնորհիվ Սուրմալուի ռազմաճակատը ձեռք է բերում արտակարգ կարևոր նշանակութիւն:

Հանրապետութեան ղեկավարութիւնը, բանակի հրամանատարութիւնն ու ժողովուրդը սրտատրոփ և մեծագույն հավատով սպասում էր Իգդիրից սպասվելիք հայկական զորքերի հաղթանակի ավետիսին: Իսկ ժողովուրդը իր համոզմունքի և վստահութեան մեջ շէր սխալվում, այնտեղ իր քաջակորով մարտիկներով մարտնչում էր Դրոն:

Արարատյան դաշտի, մայրաքաղաքի բնակչութիւնը սիրահոժարակամ օգնում և ոգևորում էր իր զավակներին, որոնք արդեն նախորդ մարտերում դրսևորած հերոսականութեամբ իրավամբ վաստակել էին հայութեան սերն ու վրստահութիւնը: Սուրմալուի ռազմաճակատի թիկունքը գործում էր անխափան: Այդ օրերին կարծես մայիսյան հերոսամարտերի ոգին էր վերստին արթնացել ռազմաճակատին սատարող Արարատյան դաշտի հայութեան շրջանում:

Հոկտեմբերի 24-ին թուրքական զորքերի գլխավոր խմբավորումներն ու քրդական հրոսակախմբերը վերսկսում են մարտական գործողութիւնները և մեծ ուժերով հարձակվում Մարգարայի և Կարակալայի մոտերքում դիրքավորված հայկական զորագնդերի վրա: Արաքսի երկու կամուրջներն էլ կարևորագույն ռազմական նշանակութիւն ունեցող հան-

գույցներ էին: Փաստորեն Մարգարայի և Կարակալայի կամուրջներն այն հիմնական հաղորդակցության միջոցներ էին, որոնք Սուրմալուի ողջ գավառը կապում էր Արարատյան երկրի հետ: Ահա թե ինչու թուրքերը հայկական ողջ գորաբանակը օղակի մեջ վերցնելու նպատակով ձգտում էին նախ և առաջ գրավել հենց այդ կամուրջները և ամենակատաղի հարվածները տեղում էին ռազմաճակատի այդ հատվածներում պաշտպանվող զորագնդերի վրա:

«Երբ սկսել են կռիւները այդ կամուրջի շուրջը, շտաբում ակամայից շատերին հտաքրքրել է այն հարցը, թէ ո՞վ է պաշտպանում այդ կարեւոր կէտը.

— Գնդապետ Լալաբանը (45 տարեկան):

— Եթէ նա է, կարելի է ապահով լինել: Եթէ թուրքերն անգամ նրա միսը քրքրեն ատամներով, նա տեղից չի շարժւի»<sup>158</sup>:

Դրոն իր տարերքի մեջ էր: Անխափան գործում էր կապը ճակատի բոլոր զորամիավորումների և զորահրամանատարի միջև: Զորագնդերի հրամանատարներին Դրոյի կողմից հաղորդվող հրամանը միակն էր. մեռնել, բայց պաշտպանել Արաքսի գետանցումները և ոչ մի պարագայում թույլ շտալ թշնամուն անցնելու գետը:

Ամբողջ օրը թուրքական զորքերի մեկ գրոհը հաջորդում էր մյուսին: Ռազմաճակատում կենտրոնացված Լալայանի, Խուդաբաշյանի, Հալաբյանի, Թարխանյանի և այլոց գլխավորած հայկական քառապատիկ փոքրաթիվ ուժերի պաշտպանությունը ժայռի նման անսասան էր:

Հոկտեմբերի 24-ին ձեռնարկած հարձակումները թուրքական հրամանատարությանը որևէ շոշափելի արդյունք չտվեց: Հաջորդ օրը ճակատամարտը սկսվում է առառվել մեծ ուժգնությամբ: Հոկտեմբերի 25-ին ճակատամարտը զգալիորեն տարբերվում էր նախորդներից: Այդ օրը թուրքերի կողմից հարձակողական գործողություններին մասնակցում էր զորքերի մեծագույն մասը, մեծ քանակությամբ հրետանի և գնդացիներ: Իր զորքերի թվական գերակշռությամբ ոգեվորված թուրք հրամանատարությունը հայկական զորքերի

<sup>158</sup> «Յառաջ», 1920 թ., նոյեմբերի 17:

պաշտպանությունը արագորեն խորտակելու դիտավորությամբ հոգեբանական գրոհ է ձեռնարկում հայ զինվորների վրա:

Նվագախմբի և թմբուկների զարկերի ուղեկցությամբ թուրքական զինաջոկատները մարտաշարքերով և խրոխտ քայլերով մոտենում են հայ զինագնդերի դիրքերին: Սակայն, իզուր էր թուրքական հրամանատարության փորձը հոգեբանական գրոհների սարսափազդու տեսարաններով ահաբեկել Սուրմալուի պաշտպաններին: Դրոյին և նրա զինվորներին անհնարին էր վախեցնել այդօրինակ գործողություններով:

Հոգեբանական գրոհին հաջորդում է թնդանոթային մարտկոցների փոթորկալի կրակը, որի պաշտպանությամբ թուրք զորամասերը նետվում են Սուրմալուի պաշտպանների վրա:

Նախորդ օրվա հաղթական կռիվները թևավորել ու ոգեշնչել էին հայ զինվորներին ու հրամանատարներին: Ինչպես միշտ կատարելապես զորահրամանատարության բարձունքում էր Դրոն:

«Կուի ընթացքում Դրոն ամէն տեղ է: Չի մնում ոչ մի դիրք, որ նա չայցելի, չի մնում ոչ մի զօրամաս, որի թիկունքում նա գէթ մի քանի ընկած չերեւայ: Մէկին խրախուսել, միւսին քաջալերել, երկրորդի սխալն ուղղել կամ նոր հրահանգներ տալ ստեղծած կացութեան հանդէպ, ահա թէ ինչ է անում նա կուի ընթացքում: Նրան ենթակայ զօրամասերը միշտ զգում են նրա անմիջական ներկայութիւնը: Մի հանգամանք, որ չի կարող շանդրադառնալ նրա զօրաբանակի բարձր ռազմական տրամադրութեան վրայ»<sup>159</sup>:

Հոկտեմբերի 25-ի ճակատամարտի օրը սարսափելի իրավիճակ է տիրել ռազմաճակատի ամբողջ տարածքում: Թուրք հրամանատարությունը՝ հաշվի չառնելով կորուստները, անընդհատ պահեստային ուժեր նետելով մարտադաշտ, ձգտում է ամեն գնով ընկճել հայ զինվորների դիմադրությունը և դուրս գալ Արաքս: Մի շարք գյուղեր մի քանի անգամ ձեռքից ձեռք են անցնում:

«Այս,— գրում է Վ. Ահարոնյանը,— վերջին կռիւների ընթացքում եղել են վայրկեաններ, երբ շորս կողմից անդադար յարձակումների ենթարկւած մեր զօրամասերից ոմանք

159 Նույն տեղում է

րնկած են եղել շափաղանց ծանր դրութեան մէջ: Կորցրած նահանջի ճամբան, որը գրաւուած է եղել թշնամու կողմից, ճակատից կատաղի յարձակումների ենթարկւած մեր զօրամասերից մէկի պետը հեռախօսով դիմում է Դրոյին (բարեբախտաբար ամբողջ կռիւների ընթացքում ճակատի հեռագրային և հեռախոսային կապը ոչ մի վայրկեան չի ընդհատվել) խնդրելով հրահանգներ ստեղծված ծանր կացութեան վերաբերմամբ:

— Ինչպէս էք հրամայում վարել, — հարցնում է զօրամասի պետը:

— Հրամայում եմ բոլորիդ մեռնել, ոչ մի քայլ չետ, — հրահանգում է Դրօն:

— Լսում եմ, պ. հրամանատար, — լինում է զօրամասի պետի պատասխանը<sup>160</sup>:

Դրոյի հրամանը անառարկելիորեն պիտի կատարվեր: Նրա հատու պատասխանից կրկնակի անգամ զգաստացած զորամասի հրամանատարը վարպետորեն է կազմակերպում մարտը և օգտվելով տեղի հասած ուժերից՝ հուժկու հակահարվածով ջախջախում է թուրքերի օղակող զորաշարքերն ու վերականգնում դրությունը:

Թուրք հրամանատարութեան կողմից հոկտեմբերի 25-ին ձեռնարկած բազում գրոհները դարձյալ ապարդյուն են անցնում: Դրոյի զինվորները հրաշալի քննություն են բռնում: Երկու օր ընթացող լարված ու դժվարին կռիվներում նրանք ոչ մի անգամ տեղի չեն տալիս թշնամու շղաղարող գրոհներին:

«Ճակատամարտ» լրագրի թղթակիցը այդ կռիվների վերաբերյալ մայրաքաղաղաքից խմբագրություն է ուղարկում հետևյալ հաղորդակցությունը.

«Թուրքերը յարձակում կը գործեն Իգդիրի վրայ որ Երեւանէն 45 քիլոմէթր հեռու է: Այդ կռիւն թնդանօթի ձայններն որ կը լսուին հիմա: 80 ժամ է ի վեր կատաղի և անընդհատ կռիւ կը մղուի այդ ճակատին վրայ գիշեր ու ցերեկ: Երկու կողմերն ալ կը կռուին կատաղօրէն: Գաղափար մը տալու համար ըսեմ թէ այդ շրջաններուն մէջ գիւղեր եղան որոնք ինն ան-

<sup>160</sup> Նույն տեղում:

գամ թնամիին և մեր ձեռքն անցան յաջորդաբար: Մօտ 4 հազար թրքական կանոնաւոր զօրք և 10 հազար քիւրտ և թուրք խուժան կը մասնակցեին յարձակումին, իրենց դէմ ունենալով հայկական հերոս բանակը, որուն թիւը կը հասնի 4 հազարի...

Թրքական կորուստները շատ մեծ են և կը հասնին հազարի, մինչ մեր զօհերը կլլան 50 հօգի...

Իգդիրի ճակատը կը պաշտպանէ Դրօն»<sup>161</sup>:

Մարտերի արդյունքը բացարձակապես շէք կարող բավարարել շուտափույթ հաղթանակի ակնկալիքով ապրող թուրք հրամանատարութեանը: Այդ պատճառով հաջորդ օրը, վերախմբավորելով ուժերը, դարձյալ դիմում է հարձակողական գործողութիւններին:

Հոկտեմբերի 26-ը ճակատամարտի վճռական օրն էր:

Նախորդ կռիվներում իրենց ծրագրերի փլուզումից հետո, թուրք հրամանատարութիւնը որոշում է ձեռնարկել ընդգրկուածներով մարտական գործողութիւններ, որոնց նպատակն էր հաջորդաբար գրավել Իգդիրը շրջափակող գյուղերը և շղթայի մեջ վերցնել հայկական զորաբանակի հիմնական խմբավորումը, որը գտնվում էր Իգդիրում: Այդ նպատակով թուրք կանոնավոր զորագնդերը քրդական հեծելախմբերի համագործակցութեամբ անցնելով Չնդլի լեռնանցքը, կենտրոնանում են Օրգով և Արհաճ գյուղերի մերձակայքում և ուժդին հարձակումով գրավում Դաշբուռուն գյուղը, այնուհետև հարձակումը զարգացնում դեպի Իգդիր-Մարգարա խճուղին: Հազթահարելով այգ հատվածում մարտնչող հայկական փոքրաթիվ ուժերի դիմադրութիւնը, թուրքերը նույն օրը գրավում են Ղաջար-Թոխանլու, Կարակոյինլու գյուղերը և հասնում մինչև Դալիկ-Դաշտ: Դալիկ-Դաշտի գրավումը մեծ հնարավորութիւն կընձեռներ թուրքերին հարձակումը զարգացնելու Մարգարայի կամրջի և Իգդիրի ուղղութեամբ և հաջողութեան դեպքում կտրելու տեղի բնակչութեան ու զորքի նահանջի ուղիները: Ամբողջ օրը հակառակորդի ուժերի դէմ հերոսաբար մարտնչող զորախմբերը՝ այլևս անկարող լինելով դիմադրելու թշնամու մեծաքանակ ուժերի գրոհներին,

<sup>161</sup> «Ճակատամարտ», 1920 թ., դեկտեմբերի 2:

քայլ առ քայլ նահանջում են: Կոիվների ամենավճռական պահն էր: Դրոն հայկական նահանջող զորքերին օգնության է ուղարկում Կուռո Քարխանյանի գլխավորած զորախումբը:

«Կուի երկրորդ օրը, Դրօի հրամանով, Քանաքեռից, բեռնատար ինքնաշարժերով, օգնութեան է շտապում Կուռո Քարխանեանը: Մարզարայում պարզում է, որ խճուղին բռնած է թշնամու կողմից, առաջ գնալու հնարաւորութիւն չկայ: Առանց երկար մտածելու, Կուռօն դասաւորում է զինւորներին ինքնաշարժերի վրայ, ինքը նստում է առաջին ինքնաշարժի վարիչի մօտ եւ շորս ինքնաշարժերը իրարից յիսուն քայլ հեռու, արագութեամբ քշել է տալիս խճուղիով, միաժամանակ, գնդացիներին սաստիկ կրակ բանալով ճանապարհի երկու կողմով: Թշնամին յանկարծակիի է գալիս եւ սարսափահար պահւում առունբում: Տալով զինւոր վիրաւոր եւ գնդացրային մասի պետ հերոս Մալիդկիին սպանւած՝ Կուռօն ճեղքում է թշնամու շղթան եւ հասնում օրհասական դիմադրութիւն ցոյց տւող Դալիգդաշին օգնութեան»<sup>162</sup>:

Կուռո Քարխանյանի զորախմբի օգնությունը ճիշտ ժամանակին էր: Համախմբելով նահանջող զորաջոկատների մարտաշարքերը՝ Կուռո Քարխանյանը անկոտրում պաշտպանությամբ խորտակում է թուրքերի գրոհները և խափանում այդ ուղղությամբ Իգդիրն ու Մարզարայի կամուրջը գրավելու թուրք հրամանատարության ծրագիրը:

Ճակատամարտի մեկ այլ հատվածում թուրքերը գրավում են Իգդիրից ընդամենը 3—4 կմ հեռավորության վրա գտնվող Սուլթանաբադ գյուղը: Սուլթանաբադի և Ալիզամար գյուղերի ուղղությամբ մարտնչող 10-րդ գունդը Մամաջանյանի գլխավորությամբ համառ պաշտպանությամբ կանգնեցնում են թուրք զորամասի առաջխաղացումը: Ռազմաճակատի ամբողջ տարածքում հայկական զորագնդերն անպատմելի խիզախումներով կանգնեցնում են թշնամու հարձակումները: Թուրքական զորաբանակը հարձակողական նախկին ուժն ու հզորությունը արդեն սպառում է, հանդի-

<sup>162</sup> Ս. Վրացեան, «Հայաստանի Հանրապետութիւն» Թեհրան, 1982 թ.: էջ 478—479:



պելով հայ զինվորների ջախջախիչ պաշտպանությանը: Սակայն, սոսկ պաշտպանությունը չէր Դրոյի տարերքը, իսկ ռազմաճակատում ստեղծված իրավիճակը թելադրում էր գործել ավելի արագ և վճռական, մանավանդ որ Սուլթանաբադի հակառակ ուղղությամբ թուրքերին հաջողվում է գրավել Ալիզամար գյուղը և ապա ներխուժել Իգդիրի գերեզմանոցը:

Դրոյի հրամանով փոխգնդապետ Մամաջանյանը իր գնդի 1-ին գումարտակի գլուխն անցած սրընթաց գրոհով դուրս է շարտում թուրքերին Սուլթանաբադի և շթուլացող արագությամբ հարձակումը զարգացնելով հակառակ ուղղությամբ՝ ջախջախում է հակառակորդի զորաջոկատներն ու գրավում Ալիզամար, Յաղջի գյուղերը: Ճակատամարտում ընդհանուր հարձակումը ձեռնարկելու առաջին կայծն է բռնկվում: Դրոն վճռական հարձակում է գործում թուրքական զորաբանակի գլխավոր խմբավորման վրա: Խորտակելով հակառակորդի դիմադրությունը, հայ զինագնդերը անձնուրաց գրոհներով ջախջախում են թուրք զորաբանակի մարտաշարքերը, և «... թշնամին անհամար դիակներ թողնելով, դիմեց փախուստի, մինչև Բարթողեան լեռների միւս կողմ»<sup>163</sup>:

Հաղթությունը կատարյալ էր, ճակատամարտի հաղթական վախճանին սրտատրոփ սպասող մայրաքաղաքի և Արարատյան դաշտի ժողովուրդը ցնծության մեջ էր:

Մայրաքաղաքի ու դաշտի գլխին ծառացած մահասարսուռ ուժերը խորտակվում են բախվելով հայ զինվորների և նրանց աննկուն զորահրամանատարի անկոտրում կամքին ու խիզախությանը: Միանգամայն իրավացի է կարո Սասունին, նշելով.

«Երեւանեան բանակը յաղթական էր: Ան ոչ միայն մայրաքաղաքն իր շրջաններով վտանգէ ազատած էր, այլ իր փայլուն հաջողութիւններով՝ այդ ճակատի վրայ յաղթական էր»<sup>164</sup>:

Դրոն մեկ անգամ էս ապացուցեց, որ ինքն իզուր չէ, որ վաստակել է անպարտելի զորավարի անունը:

<sup>163</sup> «Հայրենիք» ամս., 1956 թ., հոկտեմբեր, էջ 23:

<sup>164</sup> «Հայրենիք» ամս., 1926 թ., ապրիլ, էջ 97:

Չնայած նրա անզուգական հրամանատարութեամբ Սուրմալուի ռազմաճակատում ձեռք բերած փայլուն հաղթանակին, դժբախտաբար Հայաստանի Հանրապետութիւնը արդեն պարտւել էր: Կարսի ռազմաճակատն ի տարբերութիւն Սուրմալուի՝ ունենալով պաշտպանվելու հզոր միջոցներ, չկարողացավ ինչպես հարկն է դիմագրավել թուրքական զորքերի հարձակումներին:

Կարսի զինվորները հայ բոլշևիկների քարոզչութիւնից մթազնած իրենց «եղբայր կարմիրներին» արժանիորեն ու եղբայրաբար դիմավորելու համար հոկտեմբերի 30-ին հզոր բերդաքաղաքը հանձնեցին թուրքերին: Հերոս գնդապետ Մազմանյանը հայ զինվորների բարոյալքված ու խարված վիճակից շանթահար՝ ինքնասպանութիւն է գործում:

Ազգային գաղափարներից ու արժանապատվութիւնից սնանկ հայ բոլշևիկները կատարեցին իրենց սև գործը: Չանցած մի քանի օր Կարսի բախտին է արժանանում նաև Ալեքսանդրապոլը: Հայկական զորքերը նահանջում են Ալեքսանդրապոլից հյուսիս-արևելք՝ Զաջուռ և հարավ-արևելք՝ Ակնի կայարանի ուղղութեամբ:

Նոյեմբերի 6-ին թուրքական հրամանատարութիւնը Հայաստանի կառավարութեանը առաջարկում է զինադադարի հետևյալ պայմանները.

«Հայաստանին կը պարտադրուէր յանձնել հազարներով ջորիներ, փամփուշտներ, թնդանօթի ռումբեր, հրացաններ, որոշ թվով թնդանօթներ, գնդացիներ և ռազմական նոր կետերու գրաւումներ»<sup>185</sup>:

Թուրքերի առաջադրած պահանջները շափազանց ծանր էին ու անընդունելի: Հայաստանի կառավարութիւնը մերժում է ընդունել թուրքերի կողմից առաջադրված զինադադարի պայմանները: Կառավարութեան հրահանգով ռազմաճակատի հրամանատարութեան կազմում կատարվում է փոփոխութիւններ: Հետ է կանչվում ռազմաճակատի հրամանատար գներալ Սիլիկյանը: Զաջուռի ճակատի հրամանատարութիւնը հանձնվում է Սեպուհին, իսկ Դրոն շտապում է

<sup>185</sup> «Ճակատամարտ», 1921 թ., փետրվարի օ.

Ակն-Ալագյազի ճակատն՝ ընդունելու այդ ուղղության զորա-  
խմբի հրամանատարությունը:

Նոյեմբերի 14-ին թուրքերը երկու ուղղություններով  
վերսկսում են հարձակումները: Դրոն վերջին անգամ իրեն  
յուրահատուկ եռանդով համախմբելով ճակատի ուժերը,  
հետ է մղում հակառակորդի հարձակումները: Սակայն այդ  
մասնակի հաջողությունը արդեն ոչնչով չէր կարող փոխել  
ընդհանուր կացությունը:

Ջաջուռում կռիվները շարունակվում են եւ մի քանի օր  
և շնայած Սեպուհի և մի քանի զորավաշտերի հերոսական  
գիմադրությանը, հայ զինվորների մեծ մասը լքում է ճակա-  
տը և թուրքերին հնարավորություն ընձեռում անցնելու հայ  
զորաբանակի թիկունքը: Սեպուհը հազիվ է կարողանում դի-  
մադրել: Կառավարությունը ստիպված ընդունում է թուրքերի  
առաջարկած զինադադարի պայմանները:

Ալեքսանդրապոլի անկումից հետո թուրքերի առաջխա-  
ղացումը կանգնեցնելու համար Հանրապետության կառա-  
վարությունը հարկադրված սկսում է զինադադարի բանակ-  
ցությունները կարաբեքիր փաշայի հետ:

Նոյեմբերի 23-ին հրաժարական է տալիս Հանրապետու-  
թյան վարչապետ Համո Օհանջանյանը և կառավարության  
նոր վարչապետ է ընտրվում Սիմոն Վրացյանը:

Դրոն նորընտիր կառավարության կազմում ստանձնում  
է զինվորական նախարարի պաշտոնը:

Հայաստանի կառավարության հանձնարարությամբ թուր-  
քական զորաբանակի հետ բանակցություններ վարելու հա-  
մար Ալեքսանդրապոլ է մեկնում Ալ. Խատիսյանի գլխավորած  
պատվիրակությունը:

Իսկ դեկտեմբերի 1-ին Խորհրդային Ռուսաստանի լիա-  
զոր-ներկայացուցիչ Լեգրանը Հայաստանի վերջին վարչապետ  
Սիմոն Վրացյանին ներկայացրեց Խորհրդային իշխանության  
վերջնագիրը. այն է՝ Հանրապետության իշխանությունը հանձ-  
նել բոլշևիկներին: Բանակն արդեն գոյություն չուներ, իսկ  
Հանրապետության զգալի մասը նվաճված էր. կառավարու-  
թյանը ուրիշ ոչինչ չէր մնում անելու, բացի իշխանությունը  
բոլշևիկներին հանձնելուց:

Ալեքսանդրապոլի հայ-թուրք և Երևանի հայ-ռուս բանակցությունների Հայաստանի Հանրապետության խորհրդադայնացման մանրամասները հանգամանորեն շարադրված են Ալ. Խատիսյանի «Հայաստանի Հանրապետության ծագումն ու զարգացումը» և Ս. Վրացյանի «Հայաստանի Հանրապետութիւն» գրքերում:

Այսպիսով կենսագործվեց Հայաստանի Հանրապետությունը խորհրդայնացման ճանապարհով նվաճելու վաղօրոք ծրագրած ու մշակված քաղաքականությունը:

Կարճատև, ընդամենը երկուսուկես տարվա կենսագրություն ունեցավ հայ ժողովրդի արյունով, տառապանքով և բազմամյա պայքարով նվաճած Հայաստանի Հանրապետությունը: Քեմալական Թուրքիայի զինու զորությամբ և «համաշխարհային հեղափոխության» ու ինտերնացիոնալիզմի սայլին լծված ազգուրաց հայ բոլշևիկների համագործակցությամբ Խորհրդային Ռուսաստանը բռնազավթեց Հայաստանի Հանրապետությունը և նրա տարածքը մի քանի ամիս անց՝ 1921 թ. մարտին «եղբայրաբար» և հավասարության սկզբունքով բաժանեց իր ու Թուրքիայի միջև:

Լեզրանի համաձայնությամբ ստեղծվեց ժամանակավոր խորհրդարանական կառավարություն Դրոյի և Սիլիհի (բոլշևիկ) գլխավորությամբ: Չանցած մի քանի օր, բոլշևիկների խոստացած դեմոկրատիան և դաշնակցական գործիչների անձեռնմխելիությունը պահպանելու խոստումները մոռացվեցին: Բանտերը լցվեցին հազարավոր դաշնակցական գործիչներով ու մտավորականներով: Աքսորի դաժան ճանապարհը բռնեցին 1200 զինվորական գործիչներ: 1921 թ. հունվարի 10-ին կարմիր բանակի հրամանատար Գեկկերի «հրավերով» Դրոն պիտի մեկներ Բաքու: Շատերն էին հասկանում այդ հրավերի իսկական էությունը և փորձում էին նրան համոզել հրաժարվել Բաքու մեկնելուց: Սուրմալուի ճակատում մարտնչող Դրոյի գվարդիայի հիմնական միջուկը դեռևս պահպանվել էր և նա ցանկացած պահի կարող էր խույս տալ կարմիրների ճանկերից: Սակայն ավելորդ բարդությունների տեղիք չտալու նկատառումներով որոշում է ընդունել Գեկկերի «հրավերը»: Հունվարի 11-ին Երևանում սոսկալի փոթորիկ էր, մայրաքաղաքի ողջ ժողովուրդը հավաքվել էր

ճանապարհելու անհայտ ուղղությամբ գնացող իր պաշտելի զորավարին: Բաքվից նրան «պատվավոր» աքսորի են ուղարկում Մոսկվա, ուր երկու տարի մնալուց հետո անցնում է արտասահման և հաստատվում Ռումինիայում: Շատ է խոսվել այն մասին, թե Դրոն 2-րդ համաշխարհային պատերազմի տարիներին համագործակցել է Գերմանիայի հետ: Այո, դա իրողությունն է: Գերմանիայի կողմից Եվրոպայի նվաճումով շուրջ կես միլիոն հայեր մնացել էին նվաճված տարածքներում և ոչ ոք չէր կարող երաշխավորել, թե նրանք ինչպիսի վերաբերմունքի կարժանանային: Գերմանիայի հաղթանակի դեպքում հայության գլխին նորից կախված կլիներ ջարդարար սուրը, մանավանդ, որ 3-րդ ռայխի և մի շարք ազդեցիկ գործիչներ Ռոզենբերգի գլխավորությամբ աշխատում էին հայերին դասել ոչ հնդեվրոպական ժողովուրդների շարքը: Նրա գլխավոր մտահոգությունն էր. ինչպե՞ս վարվել, որ Եվրոպայի հայոց սիյուռքն ու հայրենիքը շնորհովեն պատերազմի հետևանքով: Հանուն իր ժողովրդի գոյության ապահովման՝ Դրոն աշխատում է շահել Գերմանիայի վստահությունն ու համակրանքը: Այստեղից էլ նրա համագործակցությունը: Նրա ջանքերով փրկվեցին հազարավոր հայեր, որոնք տառապում էին համակենտրոնացման ճամբարներում: Իսկ Ղրիմի և Հյուսիսային Կովկասի հայերը դարձյալ Դրոյի շնորհիվ զերծ մնացին բռնություններից:

Անդրադառնալով Գերմանիայի հետ Դրոյի ունեցած կապերին՝ Ավ. Իսահակյանը գրում է.

«Ծս Դրոյին վաղուց եմ ճանաչել: Մենք մօտ ընկերներ ենք եղած անցեալում: Նա մեծ հայրենասէր է, խիզախ յեղափոխական, հերոսական գործեր էր կատարել: Բայց նրա մեծագոյն ծառայութիւնը Հայաստանին ու հայ ժողովուրդին եղաւ հէնց պատերազմի ընթացքին, երբ նա երեւութապէս գործակցում էր Գերմանացոց: Կռահելով Նացիստների պարտութիւնը՝ նա գնացել էր Հյուսիսային Կովկաս գերմանական բանակի հետ, եւ զգուշացրել Հայաստանի ժողովուրդը որեւէ ապստամբական ջարժում չանել բոլշեւիկեան տիրապետութեան դէմ, որը պիտի լինէր Հայաստանի մահը, ինչպէս որ եղաւ Ղրիմի, Քալմուքների (Կալմիկների) և Չեչենների ինք-

նավար շրջանների, որոնց ժողովուրդները սիրով դիմաւորել էին գերմանական զօրքերը: Նացիստների նահանջից յետոյ, բոլշեւիկները ո՛չ միայն վերջ տուին այդ երեք ինքնավար շրջաններին, այլ եւ նրանց ժողովուրդներին գլխովին աքսորեցին Սիբիրի խորքերը, իսկ նրանց երկրները լցրին Ռուսներով: Նոյն դաժան ճակատագիրը վերապահուած էր Հայաստանին, եթէ չլիներ Դրօյի նախազգուշացումը»<sup>166</sup>,

Պատերազմից հետո Դրոն իր տիկնոջ՝ Գայանեի և երկու զականների՝ տղայի և դստեր հետ հաստատւում է ԱՄՆ-ի Բոստոն քաղաքում:

Օտար ափերում ապրած տարիներին նա մինչև կյանքի վերջն իր անսպառ եռանդն ու կարողութիւնը նվիրաբերում է հարազատ կուսակցութեանը՝ Հ. Հ. Դաշնակցութեանը, որի ծառայութիւնը սփյուռքի հայապահպանութեան գործում անդնահատելի է:

... 1956 թ. մարտի 8-ին ԱՄՆ-ի Բոստոն քաղաքում սարսափելի փոթորիկ էր: Այդ օրն «Ա՛խ, մեկ էլ Երկիրն տեսնեի...» բառերը շուրթերին իր մահկանացուն է կնքում «... քաջերուն մէջ շքեղօրէն քաջը և հերոսներուն մէջ կախարդօրէն հերոսը», «Հայկական Ազատամարտի ամէնէն գիւցազնատիպ էջերը զարդարած...»<sup>167</sup> Դրոն՝ սերունդներին կտակելով հետևյալ պատգամը.

«... քանի բռնութեան տակ է մեր հայրենիքը՝ Հայաստանը, քանի մեր հողերը բռնագրաւուած են, Հայ Յեղափոխական Դաշնակցութիւնը ունի իր պայքարը եւ Դաշնակցութեան զաւակները, իբրեւ հայ ժողովուրդի հարազատ զաւակներ, պիտի շարունակեն այդ պայքարը. արիւնով կ'ըլինի, գրիչով կ'ըլինի, պայքարով կ'ըլինի, մինչեւ Հայը հաւաքուի իր բոյնին մէջ. Հայը հային կառավարի, ո՛չ Անգլիացին, ո՛չ Ամերիկացին, ո՛չ Ռուսը, ո՛չ Թուրքը. Հայը լինի իր երկրին տէրը. Հայը լինի իր ազատութեան տէրը...»<sup>168</sup>,

<sup>166</sup> «Հայրենիք» ամս., 1960 թ., էջ 94:

<sup>167</sup> «Դրօն եւ իր գործը», Հալէպ, 1948 թ., էջ 8—9:

<sup>168</sup> «Դրօ», Պէյրութ, 1956 թ., էջ:

## I

### ԶԱՐԿ, ԵՐԵՒԱՆ ԶԱՆ՝

1905 թ. մայիսին ահաբեկեց Բագուի եւ շրջանի քաղաքապետ Նակաշիձէն: Բագուի Կենտրոնական Կոմիտէի վճռով, ես հեռացայ Թիֆլիսից. Բագոււմ մնալս համարոււմ էր վտանգաւոր:

Ինձ հետ էր եւ ընկերս՝ Կոսն: Կենտր. Կոմիտէն սաստիկ դժգոհ էր նրանից, որովհետեւ նա, ահաբեկման վճռական վայրկեանին, նշանակեալ տեղում շէր երեւացել: Նոյնիսկ նրան ուզում էին արտաքսել մեր զինւորական շարքերից, բայց իմ միջնորդութեամբ եւ խնդրանքով՝ զիջող եղան եւ թոյլ տւին, որ ինձ հետ միասին մեկնի Թիֆլիս:

Առաւօտեան ժամը 7-ի մօտերը հասանք Թիֆլիսի կայարանը, որտեղից անմիջապէս գնացինք ներկայանալու Բժ. Յ. Տէր-Դաւթեանին, որ, իբրեւ Լ. Յ. Դ. Բիւրօյի անդամ, որոշելու էր մեր անելիքը:

Դրան զանգի վրա դուրս եկաւ բժշկի մայրը, մի փոքր շարած ու զարմացած զննեց մեզ ու հարչրեց.

— Ո՞ւմ էք ուզում:

— Բժշկին:

\* «Վէմ» երկամսեայ մշակոթային և պատմութեան հանդէս 1934 (ք տարի), թիւ 3, 6, 1934 թ. (թիւ 3, 6, 6, 1935 (գ տարի) թիւ 2, 8:

1 Այս հատուածով շի սպառոււմ մեր խոստումը Դրօի յուշերի հրատարակութեան մասին: Ընդհակառակը, մենք վստահ ենք, թէ պիտի կարողանանք «Վէմ»-ի էջերում տալ Դրօի ընդարձակ յուշերն ու տեսութիւնները մեր մերձաւոր անցեալի դէպքերի եւ երեւոյթների մասին: Ս. Վրացեան:

— Էս ժամին բժիշկ կը լինի, յետո՛յ եկէք, կարճ պատասխանեց նա եւ պատրաստուամ էր դուռը փակել երեսներիս, բայց մենք այնքան էլ հեշտութեամբ տեղի տւողը շէինք: Առանց մի խօսքի վերցրինք մեր կապոցները եւ մտանք ներս:

— Մայրի՛կ, մենք նրա հետ գործ ունենք, ասացի ես եւ յանձնեցի Բագուի Կենտր. Կոմիտէի ծածկագիրը նամակը բժշկին:

Մայրիկը մեղմացաւ: Կարգադրեց, որ մեր իրերը դնենք նախասենեակում եւ մտնենք բժշկի ընդունարանը:

Այստեղ սպասեցինք ժամը ութից-ինը: Անշուշտ մայրիկը շէր կամեցել խանգարել որդու քունը եւ շէր զարթեցրել: Ո՞վ գիտէ՝ գիշերը ո՞ր ժամին էր վերադարձել տուն կուսակցական ժողովից:

Ժամը ինը կը լինէր, երբ մայրիկը նորից մտաւ ներս եւ մեզ հրաւիրեց սեղանատուն: Քիչ յետոյ եկաւ եւ բժիշկը: Այստեղ առաջին անգամ ծանօթացայ մեր սիրելի բժշկի հետ, որի անունը մինչեւ այդ շատ էի լսել:

Նախաճաշից յետոյ, բժիշկը ուղղեց մեզ մի քանի կարճ հարցումներ եւ ուզեց իմանալ, թէ ինչի՞ կարիք ունենք: Բագուի Կենտր. Կոմիտէն գրել էր նրան, որ մեզ ցոյց տայ բարոյական եւ նիւթական ամէն աջակցութիւն, բայց առանց դրան էլ նա մեզանից ոչինչ շէր խնայի: Կոտն յայտնեց, թէ ինքը ցանկանում է մնալ Թիֆլիսում, ուր ապրում էր իր մայրը, իսկ ես ուզում էի գնալ Երեւան: Բժիշկը երկուսիս էլ ուշադրութեամբ լսելուց յետոյ, դարձաւ ինձ.

— Լա՛ւ մտածիր, գուցէ քեզ համար էլ այստեղ մնալը աւելի լաւ է: Վստահ եղիր, որ պէտք եղած ամէն աջակցութիւն կը ստանաս:

— Ո՛չ, առարկեցի ես, անպատճա՛ռ ուզում եմ գնալ Երեւան:

Ինձ Երեւանը գրաւում էր երկու պատճառով. նախ՝ այնտեղ էլ արդէն սկսել էին հայ-թրքական ընդհարումները, երկրորդ՝ Երեւանում էին իմ երկու ամենամտերիմ ընկերները՝ Դաշնակցական Խէչօն եւ Փառակեցի Մկրտիչը, որոնց ձեռքի տակ ես կարող էի օգտակար լինել Երեւանի շրջանի, ինքնապաշտպանութեան գործին:



Բժիշկը ուշադրութեամբ լսեց իմ պատճառաբանութիւնները:

— Լա՛ւ,— ասաց նա եւ անմիջապէս մի տոմս գրեց:— Ա՛ռ այս տոմսը եւ գնա՛ ընկ. Մանասի<sup>2</sup> մօտ, նա ամէն բան կը կարգադրէ:

Յետոյ, մի պահ կանգ առաւ, մտածեց ու նորից դարձաւ ինձ.

— Իսկ ճանապարհածախս ունի՞ս:

Այո՛, ճանապարհածախս Բագում ստացել էի բաւարար շափով:

Հնկերս գնաց մօր մօտ, իսկ ես բժշկի գրած տոմսը ձեռքիս՝ գնացի փնտռելու ընկ. Մանասին: Նրան էլ առաջին անգամը պիտի հանդիպէի: Բժշկի տւած ցուցմունքներով հեշտութեամբ գտայ եւ յանձնեցի տոմսը: Կարճ հարցուփորձից յետոյ, նա էլ բաւարար համարեց ցանկութիւնս եւ ասաց.

— Կատարելապէս հասկանում եմ քեզ: Լաւ ես անում, որ ուզում ես գնալ Երեւան: Իսկ ի՞նչ զէնք ունես մօտդ:

— Մի պարաբելում ատրճանակ,— պատասխանեցի ես:

Մանասն անմիջապէս ինձ կառք նստեցրեց եւ տարաւ Վելիամինովսկայա փողոցի վրա գտնւող մի համեստ ճաշարան: Ներս մտնելուն պէս իր մօտը կանչեց արտաքինով խիստ պարզ հագնւած մի մարդ եւ ականջին ինչ որ բաներ փսփսաց: Ճաշարանից վերադարձանք Մանասի բնակարանը, իսկ քիչ անցած այնտեղ եկաւ նաեւ վերոհիշեալ մարդը եւ Մանասին յանձնեց մի փոքրիկ արկղ: Մանասը բաց արաւ եւ միջից հանեց մի բոլորովին նոր մաուզէր ատրճանակ: Ատրճանակը յանձնեց ինձ եւ ասաց.

— Սա Թիֆլիսի Կենտրոնական Կոմիտէի կողմից նւէր եմ տալիս քեզ: Մօտիդ պարաբելումը կը յանձնես Երեւանի զինական մարմնին:

Կարող էք երեւակայել, թէ ի՞նչ ուրախութիւն պատճառեց

---

<sup>2</sup> Սարգիս Մանասեան, դաշնակցական յայտնի գործիչ, հայ-թրքական ընդհարումների ժամանակ նրա ձեռին էր կենտրոնացած զէնքի գործը. Հայաստանի Հանրապետութեան օրով ներքին գործոց նախարարի օգնական: 1920 թւին սպանւեց բոլշեւիկների ձեռքով, Բագու գերեւելուց յետոյ:

ինձ Մանասի նւէրը, մանաւանդ այդպիսի ջերմ զգացումներով տրւած:

Թիֆլիսում երկար շմնացի. անմիջապէս մեկնեցի Երեւան: Արդէն քաղաքում եւ ամբողջ նահանգում մթնոլորտը լարւած էր: Ճանապարհները դարձել էին վտանգաւոր: Թուրքերն ու հայերը իրարու դէմ էին կանգնած, իբրեւ երկու թշնամի բանակներ: Մանաւանդ, յարաբերութիւնները սրել էին Նախիջեւանի ընդհարումներից յետոյ:

Դաշնակցական Խէչօն ինձ ընդունեց արտակարգ ուրախութեամբ ու անմիջապէս ներկայացրեց Գալուստ Ալոյեանին՝ եւ վերջինիս գիտութեամբ ու համաձայնութեամբ ինձ առաւ իր տրամադրութեան տակ՝ նոյն օրն իսկ նշանակելով թուցիկ խմբի խմբապետ: Այդ խումբը բաղկացած էր եօթը հոգուց. ես եղայ ութերորդը: Մեր մշտական հաւաքատեղին Զոկի ծանօթ կաթնատան յետեւի սենեակն էր, ոստիկանատան կից:

Նախ քան գործի անցնելը ես խնդրեցի երկու օրով արձակուրդ: Մէկ տարի էր որ դուրս էի եկել ծննդավայրիցս, ուզում էի տեսնել Իգդիրը, ծնողներիս, ազգականներիս ու բարեկամներիս: Խէչօն ուրախութեամբ թոյլ տւեց, ես վարձեցի մեր դաշնակցական կառապան Միխօի կառքը եւ մեկնեցի գիշերով: Ես վտանգւած էի եւ չէի ուզում լուսով մտնել Իգդիր:

Սուրմալուն միակ վայրն էր, ուր հայ-թրքական բարի հարեւանական յարաբերութիւնները խախտուած չէին: Շրջանը խաղաղ էր եւ ճամբորդութիւնը ապահով:

Առաւօտեան դէմ հասայ մեր տուն եւ ամբողջ օր տնից դուրս չեկայ: Երեկոյեան մօտս եկաւ Գեորգանը՝ եւ յայտնեց, որ Երեւանում սկսել են հայ-թրքական ընդհարումներ եւ թուրքերը բաւական շատ հայեր են կոտորել: Էուրբ շափազանց ծանր տպաւորութիւն թողեց վրաս: Ես ինձ զգում էի

4 Գալուստ Ալոյեան, կուսակցական անունով Բորոս, հին դաշնակցական գործիչ ու զինագործ: Սպանւեց շէթաների ձեռքով, 1914 թ. ամառը, վանից Կովկաս անցնելիս:

5 Իգդիրի դաշնակցական ընկերներից:

յանցաւոր. շէ՞ որ թռուցիկ խմբի պետ էի նշանակւած եւ ընդ-  
հարման ժամանակ պարտականութիւններ ունէի կատարելիք:

Այլեւս երկար մտածելու ժամանակը չէր: Հակառակ ծնող-  
ներիս թախանձանքին, որ գէթ մի օր էլ մնամ իրանց հետ,  
նոյն գիշերն իսկ ճանապարհ ընկայ Երեւան: Գեորգեանը հետս  
դրեց իգդիրցի Գասպարեանց Մելիքսեթին, որի հետ մեկնեցինք  
կառքով, հայկական գիւղերի վրայով:

Դեռ լոյսը չէր բացւել, որ հասանք Երեւան: Ես անմի-  
ջապէս վազեցի Խէչօենց տունը: Նա ապրում էր Խէչումեա-  
նենց բնակարանում, Ցարսկի թէ Բեհրութեան փողոցում:  
Ներս մտնելով՝ ապշած տեսայ, որ Խէչօն կիսահանած նստած  
հաց է ուտում: Ինձ որ տեսաւ, բարձր պոռաց.

— Հը՛ - խաթաքեա՛ր՞<sup>6</sup>, եկա՛ր, դէ՛, արի հաց ուտենք...

Խէչօի մայրիկը, որ մեր բոլորիս մայրիկն էր, ասաց.

— Խէչօս աշխարհը շլակել ա, ման ա գալիս. առաւօտուց  
հաց չի կերել, հէնց նոր եկաւ:

Ես Խէչօին երբեք այդքան ընկճւած ու մտազբաղ չէի տե-  
սել: Ով նրան ճանաչում էր, գիտէր, որ ինչքան դժւար պայ-  
մանների մէջ էլ գտնւէր, միշտ կը պահէր հոգեկան արիու-  
թիւնը եւ իր մտազւարթ եւ օրհնեալ կատակներով կուրա-  
խացնէր ամենքին: Այժմ ընկել էր խորունկ տխրութեան մէջ  
եւ երեսին ժպիտ չէր երեւում:

— Հը՛, ի՞նչ կայ, Խէչօ, — հարցրի ես:

Նա դադարեց ուտել: Սաստիկ յուզւած էր: Մարմնի բոլոր  
քիղերը լարւած էին: Աչքերը խոժոռոտ՝ երկու ձեռքի վրա  
յինւեց եւ թողեց ճաշի սեղանը:

— Էլ ի՞նչ պիտի լինի, — պատասխանեց նա դառնու-  
թեամբ, — հալա որ ջարդեցին, մնացածը յետոյ կը պատմեմ:

Ու ամբողջ երկարութեամբ ձգեց թախտի վրա, երկու  
ձեռքերը երկարացրեց մարմնի երկու կողմը, ոտքերով հա-  
նեց կօշիկներն ու մի կողմ շարտեց անփութօրէն եւ մայ-  
րիկին խնդրեց, որ մի բանով ծածկէ: Մայրը շատ խնդրեց,  
որ շորերն էլ հանէ, բայց նա չը լսեց ու այդպէս էլ քնեց:

Ես անցայ հարեւան սենեակը: Այնտեղ էլ նոյնպէս շորերը  
հագին, քնած էր Փառակեցի Մկրտիչը: Խէչօից ես դեռ քաշ-

<sup>6</sup> Սխալվող (ծանոթագրությունը՝ կազմողի՝ (Ա. Անդրանիկյան):

ում էի, բայց Մկրտիչի մօտ ազատ էի պահում ինձ: Ես նրան հրեցի ու կանչեցի.

— է՛, դուչի Աղամալով, վե՛ր կաց: Մի պատմիր տեսնենք ի՞նչ է պատահել:

Մկրտիչի պատմութիւնից պարզւեց, որ քաղաքի թուրքերը, յանկարծակիի բերելով՝ յարձակւել են հայերի վրա եւ 20—25 հայեր են սպանել, որ կենտր. Կոմիտէն զէնքի պակասութեան պատճառով սարսափի մատնւած՝ գլուխը կորցրել է եւ հրահանգել է առ այժմ զգոյշ մնալ, ընդհարումների առիթ չտալ եւ պատրաստուել: Ծանր դրութիւն էր ստեղծւել քաղաքում: Թուրքերը առաջին յաջողութիւնից երես առած՝ ամէն բոպէ կարող էին նոր յարձակումներ գործել ու նոր ջարդ առաջ բերել:

Ես էլ պառկեցի Մկրտիչի կողքին եւ անընդհատ հարցեր էի թափում նրա գլխին, իսկ նա, կէս-քուն, կէս-արթուն, քթի տակից ինչ որ բաներ էր մըթմըթում: Նրա այդ մըթմըթոցից ոչինչ չհասկացայ:

Առաւօտեան երբ զարթնեցինք, Խէչօն արդէն տանը շէր: Գնացինք Զոկի կաթնատունը, իմացանք, որ գնացել է ման գալու քաղաքի դիրքերը եւ նոր կարգադրութիւններ անելու:

Ճաշի մօտերը Խէչօն վերադարձաւ կաթնատուն: Նրա հետ էին եւ իր երկու թիկնապահները՝ Կոլոտ Շահէնը եւ մի էջմիածնեցի տղայ, որի անունը մոռացել եմ: Անցանք յետեւի սենեակը: Խէչօն հրամայեց Շահէնին կանգնել դրան առաջ եւ ոչ ոքի ներս շթողնել, իսկ ինքը նստեց սեղանի մօտ, շիբուխը լցրեց մախոռկայով՝ ու սկսեց ծխել: Յետոյ ոտքի ելաւ ու սկսեց ման գալ՝ փստացնելով շիբուխը եւ ծխի քուլաները գուրս փշելով բերնի երկու կողմերից: Ես ու Մկրտիչը լուռ հետեւում էինք նրա շարժումներին: Ի՞նչ էր խռովում նրա հոգին: Ինչո՞ւ էր այդքան անհանգիստ ու մտազբաղ:

Խէչօն մէկէն ընդհատեց իր գրօսանքը, կանգ առաւ մեր առջեւ եւ սկսեց նկարագրել ստեղծւած դրութիւնը:

— Նախիջեւանն ու Շարուրը շատ ծանր վիճակի են մատնւած, կարող են ջարդուել, Դարալագեազը ենթակայ է

7 Մխախոտի հասարակ տեսակը:

Թարաքեամայի<sup>8</sup> անմիջական հարւածներին: Սուրմալուի մի բուն հայութիւնն էլ բնաջնջման վտանգի տակ ա: Երէկայ ջարդը սիրտ պիտի տայ Երեւանի թրքութեան, իսկ հայերի ոգին պիտի ընկնի: Կռիւր շատ ա մեծ. իմ գլխի բանը չէ էս գործը: Բլնգեազ Կենտրոնական Կոմիտէի մէջ էլ էն մարդը չկայ, որ այս շափի զինւորական գործերը ըմբռնի ու վարէ: Փամփուշտի ու զէնքի տեսակէտից էլ մենք շատ խեղճ ենք, մինչ թրքութիւնը զինւած ա ու զինւում է կառավարութեան օժանդակութեամբ: Ասում են՝ Դումանը պիտի գայ. ա՛խ, ուր ա մի գար: Նա շատ նազ անել չի գիտի, քեաֆուր օղլին՝ կնանիքը ծախել կը տայ, աթասընի եանդրար<sup>9</sup>, փափախները ծախել կը տայ ու էս շուն շան որդի հարուստներին կը ստիպէ զէնք առնել: Եւ, վերջապէս ամէն մէկին իր տեղը կը դնի եւ իր ճամբէն ցոյց կը տայ:

Իր ճառը վերջացնելուց յետոյ, Խէչօն շարունակեց փստացնել շիրուխը: Եւ աւելացրեց.

— Բէնամուս եղանք. Երեւանի մէջ էլ թուրքերը մեզ տւին: Կենտրոնական Կոմիտէն էլ մի եանից դատը-բէդատը քցել ա, թէ՛ ամէն զգուշական միջոց ձեռք առ, որ նոր ընդհարումների առիթ չստեղծւի, թէ՛ ընդհարման պատասխանատուն դու ես, թէ առիթներ ստեղծողը ամենախիստ պատժի կենթարկւի: Չեմ իմանում՝ ի՞նչ անեմ:

Ապա հրամայեց Մկրտչին, որ անմիջական հսկողութեան տակ առնէ եւ ղեկավարէ Շնթաղի դիրքերը, որտեղից կարող էին թրքական կատաղի յարձակումներ տեղի ունենալ:

— Իսկ ես, վերջացրեց նա, անձամբ եղել եմ միւս շրջանները, նշանակել եմ շրջանապետներ եւ տւել հարկաւոր հրահանգները:

Իմ թռուցիկ խմբին էլ, որի անդամների թիւը երկու օրւայ մէջ հասել էր 12-ի, հրամայեց բաժանւել երկու մասի, կէսը կեդրոնացնել Ամիրեանի քարվանսարայում, բազարի դիմացը, որտեղ ջարդւել էին հայերը, իսկ միւս կէսը միշտ պատրաստ պահել կաթնատան յետեւի սենեակում:

<sup>8</sup> Բոշուր թուրքեր:

<sup>9</sup> Տնաքանդ կանի (ծ. կ.):

<sup>10</sup> Բե (թրք.) ժխտական մասնիկ. (ծ. կ.):

Ես իմ թողութիւն խմբի անդամների մի մասին դեռ չէի  
ճանաչում: Նախ՝ բոլորին հաւաքեցի Թազա եկեղեցու բակը.  
Եօթ հոգուն Քիւրդ Խէշօի գլխաւորութեամբ ուղարկեցի Ամի-  
րեանի քարվանսարան, միւս մասին էլ հրամայեցի սպասել  
Զակի կաթնատան յետեւի սենեակում: Ինքս էլ, Խէշօի կար-  
գադրութեամբ, գնացի նրա մօտ:

Այստեղ նորից ու նորից խոսեցինք տեղի ունեցած հայ-  
կական ջարդի, նրա թողած ազդեցութեան, ունենալիք հետե-  
ւանքների մասին: Երեւանի ժողովուրդը շատ էր ազդուել դէպ-  
քից: Ամէնքի մէջ տիրում էր յուսալքում: Երեւանցիք որ գուցէ  
ամենից լաւ ծանօթ էին Դաշնակցութեան մարտիկների կեան-  
քին ու քաջագործութիւններին, որ ա՛յնքան մեծ յոյսեր էին  
դրել Դաշնակցութեան վրա, ա՛յժմ շշմել ու շարել էին: Չէին  
հասկանում, թէ ի՞նչպէս պատահեց կոտորածը, թէ ինչո՞ւ  
լուռ եւ անգործ էր Դաշնակցութիւնը, ինչո՞ւ հարւածին շպա-  
տասխանեց հակահարւածով:

Հոգեբանական այս ծանր վիճակը ամենից խորը զգում  
էինք մենք՝ դաշնակցական մարտիկներս: Խէշօի վշտալիբ  
արտայայտութիւնը, թէ՛ «նամուս շմնաց, պէ՛տք է այս  
անարգանքը մաքրենք», ամբողջապէս արտայայտում էր եւ  
մեր տրամադրութիւնները:

Այո՛ կարելի չէր կուլ տալ հասցւած անպատուութիւնը:

Միւս կողմից՝ պարզ էր, որ առաջին յաջողութիւնից երես  
առած թշնամին տեղը հանգիստ շպիտի նստէր: Արդէն նշան-  
ները երևում էին. թուրքերը հեւ ի հեւ պատրաստւում էին  
նոր յարձակման համար: Եւ բավական է, որ օգտւէին հայերի  
ընկճւած տրամադրութիւնից եւ արագացնէին հարւածը: Մի  
ևոր յաջող հարւած եւս, եւ հայերի համար կը ստեղծւէր ան-  
տանելի կացութիւն: Յաղթական թուրքը գլուխը կը բարձ-  
րացնէր եւ քաղաքից դուրս, հայ-թրքական ընդհարումների  
հրդեհը կը տարածէր ամբողջ նահանգում:

Ես տեսնում էի, որ այս մտքերը տանջում էին եւ Խէշօին  
ու Մկրտչին: Ինքնապաշտպանութեան գործի ղեկավար Խէ-  
շօի եւ նրա օգնական Մկրտչի վրա էր ընկնում կոտորածի եւ  
ծագելիք բարդութիւնների անմիջական պատասխանատու-  
թիւնը: Խէշօի մէջ մի կողմից խօսում էր լաւագոյն մարտիկի  
թասիրը, միւս կողմից նրան խորապէս յուզում էր ժողովրդի

ապահովութեան հոգար: Վերջապէս, նրան անհանգստացնում էր եւ Դումանի գալու լուրը. շէ՞ որ ինքը Դումանի լաւագոյն զինւորներից ու նրան պաշտողներից էր. ի՞նչ երեսով պիտի ներկայանար նրան:

— Շէ՛յ, մէրդ մեռնի, Խէշօ՛, ի՞նչ երեսով պիտի երեւաս Դումանին, — կրկնում էր նա անընդհատ:

Դրութիւնն անտանելի էր ոչ միայն Խէշօի, այլ եւ Երեւանի հայութեան համար: Կենտրոնական Կոմիտէն կարգադրել էր խոհեմ լինել ու սպասել, բայց շէ՞ որ թշնամին շէր սպասի: Կովի մէջ յաղթութիւնը մեծ շափով ապահովւած է նրան, ով իր ձեռքը կառնէ նախաձեռնութիւնը: Բոլոր երեսօյթները ցոյց էին տալիս, թէ սպասելու անմիտ քաղաքականութիւնը կարող էր լինել կորստաբեր հայերի համար: Ընդհակառակը, հակահարւածը մեր կողմից, յաջողութեան դէպքում, հիմնովին պիտի փոխէր դրութիւնը եւ հայերին պիտի դնէր աւելի նպաստաւոր վիճակում: Պատերազմը յայտարարել էր թշնամին. մենք պաշտպանւողի դերում էինք: Լաւագոյն պաշտպանութիւնը յարձակումն էր:

Այսպես մտածում էինք մենք Մկրտչի հետ: Երկար ու բազմակողմանի քննելով ստեղծւած կացութիւնը, մենք որոշեցինք առաջարկել Խէշօին մեր ձեռքը առնել նախաձեռնութիւնը:

— Վա՛յ, խաթաքեար քէօփօղլիք, — ասաց նա, — ես էլ ամբողջ օրը դրա մասին եմ մտածում: Խոմ թուրքերը մեր գլխին ասլան շղառա՛ն: Բէնամուս ապրելն էլ մի բան չէ. որտեղ կտրւի կապը... ու վերջացրեց մի սարսափելի հայհոյանքով:

Ապա Խէշօն պինդ փակեց սենեակի դուռը, եւ երեքով նստանք խորհրդակցելու դրութեան եւ մեր անելիքների մասին: Ամենից առաջ ստուգեցինք մեր տրամադրութեան տակ գտնւած զէնքի քանակը. պարզւեց, որ մեր ունեցած մօսին հրացանների թիւը հարիւրից շի անցնում. ունէինք նաև յիսուն շափ ատրճանակներ, մեծ մասով մաուզէր: Շատ շէր այդ, բայց եւ այնպէս գործ կարելի էր տեսնել:

Խէշօն կանչել տւեց մեր պահեստապետ Զանիբէկեան Հալկին: Սա թովալով ներս ընկաւ եւ բերեց մի ուրախ լուր. հէնց նոյն օրը Ալեքսանդրապոլից ստացել էր 15 մօսին հրացան եւ 4000 փամփուշտ:

— Ի՛նչ մօսիներ են, հա՛, բոլորովին նոր, դեռ կաքաւի ձէն շեն լսել, — շաղակրատում էր Հայկը:

— Լա՛ւ, լաւ, խաթաքեար քեոփօղլի, — ընդմիջեց Խէշօն, — էդ մօսիները մարդու շես տայ եւ կը պահես պատրաստ:

Մեր խորհրդակցութիւնը վերջացաւ բարձր տրամադրութեան տակ: Ձեռք առնւած ռազմագիտական միջոցները յոյս էին ներշնչում, որ այլեւս թուրքերը շէին կարող անակնկալի բերել ու կոտորել հայերին:

Նոր ընդհարումը տեղի ունեցաւ մեզ համար աւելի նպաստաւոր պայմաններում: Ժամը ցերեկայ 12-ն էր, երբ կռիւը սկսւեց: Ես իզդիրցի Մելիքսեթի հետ փոստի մօտ էի, որտեղից ծայր տւեց հրազէնների տրաքոցն ու սարսափահար փախեփախը: Զոկի կաթնատունը փոստից հարիւր քայլի վրա էր: Շտապեցինք այնտեղ: Թռուցիկ խմբի տղաներն արդէն փողոցումն էին, կաթնատան առաջ եւ հրամանի էին սպասում:

Խէշօն, որ մինչեւ այդ շրջել էր քաղաքի բոլոր կայարաններն ու դիրքերը եւ ժամը 11—12-ին նստած էր «Տրանսիա» հիւրանոցում, Կանդուրալեանի<sup>11</sup> պատշգամբում, Աստաֆեան փողոցի վրա, հրացանաձգութեան առաջին իսկ վայրկեանից թռել էր փողոց եւ այժմ մեծ-մեծ քայլերով գնում էր Բուլվառի ուղղութեամբ: Նրան միշտ, որոշ հեռաւորութեան վրա, հետեւում էր իր թիկնապահ կարճահասակ Շահէնը: Ես տղաներին կարգադրեցի.

— Տղե՛րք ջան, դէպի Բուլվառ:

Իսկ Խէշօն բղաւում էր.

— Հը՛, բաբամ օլասան<sup>12</sup>, զարկելով դէպի՛ Մէյդան:

Կռիւը տարածւեց ամէն ուղղութեամբ: Գլուխները կորցրած, իրենց ունեցւածքը թողնելով անտէր, փախչում էին հայ ու թուրք խանութպաններ, փայտավաճառներ, մանրավաճառներ, կառապաններ, ամենքը: Պայթել էր Դաշնակցութեան մաուզէրը, եւ կուելու պատրաստակամութեամբ փո-

11 Գիւղատնտես Պօղոս Կանդուրալեան, հին դաշնակցական, Երևանի կենտր. Կոմիտէի անդամ, Հայաստանի Հանրապետութեան օրով Պետական Գոյքերի բաժնի վարիչ էր:

12 Հայրս լինես (ժ. կ.):



դոց էին թափուել պատանի աշակերտներ, երիտասարդներ, ծերեր, բոլորը սրտապնդած փոխվրէժի գաղափարով: Սկսւած իրարանցման հետ միաժամանակ ծայր տւին դիրքային կռիւներ հայ եւ թուրք թաղերի միջեւ:

Դամբրբուլաղի կողմից թաթարները շարունակ ուժեղ գրոհներ էին գործում հայկական Շնթաղի վրա եւ մերոնց շեշտակի կրակի տակ ընկնելով՝ յետ էին նահանջում: Մեր մարտիկները մինչ այդ արդէն մաքրել էին Բուլվառը, Մէյդանը, Սուրբ Սարգսի փողոցը եւ օգնութեան էին գնում Շնթաղին: Երբ ես իմ մարտիկների հետ հասայ Շնթաղ, տեսայ որ Մկրտիչը դիրքից դիրք անցնելով խրախուսում էր կուռղներին եւ հրահանգներ տալիս: Մեր երեւումը աւելի եւս սրտապնդեց կուռղներին, որոնց կրակի տակ թշնամին հարկադրւեց փակւել տներում:

Այս տաք կուի ժամանակ մեր տղաները գրաւեցին Դամբրբուլաղի թուրք դիրքերի եւ Շնթաղի մեր դիրքերի միջեւ գտնւող հանրատունը, որ բարձրութիւնից իշխում էր շրջապատի վրա: Այս դիրքի գրաւումով թուրքերի շարժումը դէպի Շնթաղ դարձաւ անկարելի:

Իմ մարտիկների մի մասը թողնելով Մկրտի տրամադրութեան տակ՝ միւսների հետ վերադարձայ Զոկի կաթնատունը: Այնտեղ իմացայ, որ Խէչօն անցել է Փանահ խանի տան վերելը ընկած մեր դիրքերը: Տղաների հետ շտապեցի նրա մօտ: Նա տղաներին դասաւորեց թոյլ դիրքերում, անհրաժեշտ հրահանգները տւեց եւ ինձ հետ վերադարձաւ կաթնատուն: Այնտեղ Խէչօն ասաց, թէ թուրքերին լռեցնելու լաւագոյն միջոցներից մէկն էլ կը լինէր այն, որ մի խումբ տղաներ նորքի սարով բարձրանային Դամբրբուլաղի գլուխը եւ հրացանի կրակի տակ առնէին թշնամուն: Այս միտքը սրտիս շատ մօտ եկաւ: Ես խնդրեցի, որ թոյլ տայ ինձ գնալու: Խէչօն համաձայնեց եւ իմ տրամադրութեան տակ դրեց Թիֆլիսից նոր եկած մօտ տասը սքանչելի մարտիկներ՝ Կոփեցի Կնեազին, էրզրումցի Արամին, Թիֆլիսեցի Շէկ Տիգրանին եւ այլն: Սրանցից ոմանք զինւած էին ատրճանակով, մի մասն էլ բոլորովին անզէն էր: Խէչօի հրահանգը ձեռքիս գնացի ուղիղ մեր պահեստապետի մօտ եւ տղաների համար ստացայ հրացաններ հարիւրական փամփուշտներով ու փամփշտա-

կալներով: Զինւած մարտիկներին միացան եւ Նորքի ուժերը, որոնց մեծ մասը անզէն էր կամ միայն դաշոյն ունէր: Գիշերւայ ժամը 1-ին պիտի յարձակւէինք: Նորքցիք լաւ ծանօթ էին ճանապարհներին և մեր բռնելիք դիրքերին: Մեր շարժելու վայրկեանին հասաւ նաեւ Խէչօն եւ մեր շուրջը գտնւած անզէն գիւղացիներին տեսնելով՝ սրախօսեց.

— Հը՛, ի՞նչ ա, պոլկ<sup>13</sup> էք կազմել:

Եւ հրամայեց, որ լոյսը շքացւած վերադառնանք Նորք:

Ընկանք ճանապարհ: Էլ կարող էք երեւակայել, թէ ինչպէս էի կառավարում այդ խայտաբղէտ խաժամուժը: Ժամ ու կէսից յետոյ հասանք նշանակւած տեղը եւ բռնեցինք ամուր դիրքեր: Մեր դրութիւնը հիանալի էր. թիկունքը ապահովում էին լեռները. մենք իշխում էինք թուրքերի վրա, որոնք, երեւի, շէին ենթադրում, թէ այդ բարձունքներից իրենց գլխին կրակ պիտի թափւի:

Իմ բարձր դիրքից ես դիտում էի վարը տարածւած թրքական թաղը, որտեղից հրացանի ձայներ էին հասնում: Այժմ, երեւի, Մկրտիչը քրտնաթոր՝ դիրքից դիրք է վազվզում եւ կարգադրութիւններ է անում, իսկ ես անխռով խորհում էի, թէ ինչպէս սկսեմ: Մարտիկներից մի տասնեակ ուղարկեցի դէպի առաջ, իսկ մենք 2000—2500 քայլ հեռուից սկսեցինք որոտընդոստ համազարկը: Մեզ հետ եկած անզէն գիւղացիներն էլ «ուռա՛»-ներով սրտապնդում էին մեզ: Այդ աղմուկը պիշերային խորհրդաւորութեան մէջ ահաւոր տպաւորութիւն էր թողնում, եւ զարմանալի չէ, որ Դամբրբուլաղի թուրք թաղի բոլոր ճրագները անմիջապէս մարեցին, երթեւեկութիւնը փողոցներում դադարեց եւ յարձակումները հայերի վրա վերջ գտան: Թուրքերի սարսափը մեծ էր, մանաւանդ, այն պատճառով, որ հայկական դիրքերին մօտ գտնւող մի քանի թրքական տներ յօդս ցնդեցին մեր ումբերից:

Մենք կրակեցինք մօտ 2000 փամփուշտ: Կասկածում եմ թէ մեր փամփուշտները շատ մարդ գլորեցին. բայց սարսափը մեծ էր: Յամենայն դէպս, մեր թիկունքային հարւածը վճռական էր եւ շշմեցրեց թուրքերին:

Երբ առաւօտեան վերադարձանք քաղաք, մեր յաղթանակը այլեւս ակներեւ էր. հայերը ցնծութեան մէջ էին: Երեւանցիք ոյժ առած՝ միաբերան գոռում էին. Ղա՛րկ, Երեւան ջան, զա՛րկ:

Գիշերային այս գրոհը բոլորովին բարձրացրեց քաղաքի հայերի բարոյական կորովը, ոգեպնդեց ու բարձրացրեց նաեւ նահանգի հայութեան տրամադրութիւնը:

Միւս օրը առաւօտեան գնացի տեսնելու Խէչօին: Նրա դէմքը փայլում էր ուրախութիւնից: Նա պինդ գրկեց ինձ, տաք-տաք համբուրեց ու ասաց.

— Խաթաբեա՛ր, դու որ մի շաբաթ կռիւ անես, Քանաքեռի ջարախանան<sup>14</sup> քեզ չի հերքի:

## II

### ԱՌԱՋԻՆ ՀԱՆԴԻՊՈՒՄՍ ԴՈՒՄԱՆԻ ՀԵՏ

Հակառակ Բագուի Կենտրոնական Կոմիտէի կարգադրութեան, ընկերական մի պարտականութիւն կատարելու նպատակով, 1905 թ. յունիսի վերջերին ես Երեւանից վերադարձայ Բագու:

Այդ ժամանակ Մարտիրոսը<sup>15</sup> եւ Ալեքսանգրապոլցի Մուկուչը (Մկօ) բանտարկուած էին Նակաջիձէի առաջին մահապատճառի պատճառով, որ անցել էր անյաջող: Պէտք է տեղի ունենար զինւորական դատ, եւ բանտարկուած ընկերները համոզուած էին, որ դատարանը մահւան պատիժ կամ յաւիտենական տաժանակիր աշխատանքի վճիռ պիտի տայ: Մարտիրոսը նամակ էր գրել Երեւան եւ խնդրում էր, որ ամէն կերպ աշխատենք, բանտից մինչեւ դատարան տանելը, փախցրնել իրենց, իսկ եթէ այդ շյաջողւի, ռումբ նետել եւ զինւոր պահակների հետ միասին իրենց էլ սպանալ:

<sup>14</sup> Քանաքեռի գէնքի պետական պահեստ:

<sup>15</sup> Մարտիրոս Չարսիսչեան, յայտնի դաշնակցական մարտիկ. սպանւց պարսկական կռիւներում:

Այս նամակի մասին լուրջ խորհրդակցութիւն ունեցանք  
Խէչօն, Մկրտիչն ու ես, եւ Բագու մեկնելս էլ տեղի ունեցաւ  
նրանց գիտութեամբ եւ համաձայնութեամբ: Երեքիս կարծիքն  
էլ այն էր, որ Մարտիրոսի երկրորդ ցանկութիւնը պէտք էր  
կատարել այն դէպքում միայն, երբ դատարանը մահւան  
պատժի վճիռ տար, իսկ տաժանակիր աշխատանքի պարա-  
գային կարիք չկար դիմելու սպանութեան:

Իմ նորից Բագում երեւալուց շափազանց դժգոհ էր  
Կենտր. Կոմիտէն, որի պատասխանատու-անդամ ընկ.  
Ա. Գիւլիսանդանեանը սաստիկ յանդիմանեց ինձ՝ արարքս  
համարելով անկարգապահութիւն եւ ինքնագլխութիւն:

— Ինչպե՞ս կարելի է այս պայմաններում գործ անել,  
երբ ամէն մարդ իր ուզածն է առաջ տանում ու հրահանգ-  
ներին չի ենթարկւում, — գանգատւում էր նա: — Իսկ մեր սի-  
րելի Պապաշան<sup>16</sup> կշտամբում էր.

— Ա՛յ տղա, դու հօ գիժ շե՞ս, ինչո՞ւ եկար, շէ՞ որ ոս-  
տիկանները շան նման փնտրում են քեզ:

Ես ի՞նչ կարող էի պատասխանել աւագ ընկերների դառն  
խօսքերին, մանաւանդ որ որոշւած էր երեքիս վճիռը ոչ ոքի  
չյայտնել: Ինձ մնում էր միայն քրտնել ու սպասել, թէ երբ  
պիտի օձիքս ազատ թողնին:

Հակառակ կրածս նախատինքներին ու յանդիմանութեան,  
այնուամենայնիւ ես վճռեցի շհռանալ Բագուից, մինչեւ չկա-  
տարեմ մեր երեքի որոշումը: Եւ նոյն իսկ բանտ էլ գնացի  
այցելելու Մարտիրոսին եւ Մուկուչին: Մարտիրոսի քոյրը՝  
Սաթենիկը ինձ ներկայացնելով եղբօր տեղ՝ արտօնութիւն  
էր ստացել, եւ նրա հետ միասին գնացինք բանտ, ուր բա-  
ւական երկար խօսեցի Մարտիրոսի հետ, բացատրեցի, որ  
յուսահատւելու կարիք չկայ, յայտնեցի մեր երեքիս վճիռը  
եւ հաղորդեցի Խէչօի եւ Մկրտչի ջերմ բարեւները: Առանձ-  
նապէս պնդեցի, որ եթէ դատարանը տաժանակիր աշխա-  
տանքի վճիռ արձակէ, չպետք է ումբի զգնութեան դիմել,  
նախ՝ որովհետեւ տաժանակիր աշխատանքի տեղից շատ  
շատերն են փախել եւ ազատւել, ուրեմն, իրենք էլ կարող են

<sup>16</sup> Առն թաղեայան — Զ. Զ. Գ. հիմնադիր գործիչ, Բ. Միքայելյանի  
քրոջ որդին. (ժ. Կ.):

ազատել: Երկրորդ՝ ռուսական յեղափոխական շարժ: : մը օր  
օրի վրա ծաւալում ու լայն շափերի էր հասնում. ո՞վ գիտէ,  
թէ վաղը ինչ էր լինելու. արդեօք այսօրւայ հալածողներն ու  
բանտարկւողները իշխանութեան տէր շպիտի՞ դառնային:

Այս այցելութիւնը եւ Երեւանից բերած որոշումն ու խոր-  
հուրդները շատ լաւ ազդեցութիւն արին բանտարկեալների  
վրա: Դրանից յետոյ էլ ես դեռ մի-երկու շաբաթ մնացի  
Բազում, երբ Երեւանից ստացւեց մի անակնկալ հեռագիր:  
Այդ առթիւ մտայ Պապաշայի մօտ բացատրութիւն ուզելու:  
Հեռագիրը կրում էր Տէր-Յովհաննիսեան ստորագրութիւնը,  
որ ինձ անծանօթ էր: Պապաշան մի լաւ յանդիմանելուց յե-  
տոյ, որ դեռ չեմ հեռացել Բազւից, յայտնեց, թէ հեռագրողը  
Նիկոլ-Դումանն է, որ հրահանգում է անմիջապէս մեկնել  
Երեւան: Պապաշան իր կողմից էլ պնդեց, որ օր առաջ ճա-  
նապարհ ընկնեմ:

Ես յաջորդ օրն իսկ մեկնեցի եւ Երեւան հանսնելուս պէս  
շտապեցի ներկայանալ Նիկոլին, որի ժամանակաւոր շտաբը  
գտնւում էր Յարսկայա փողոցի վրա, երրորդ թէ շորրորդ  
տունը Աստաֆեանից հաշւած<sup>17</sup>:

Նիկոլը դեռ շէր եկել: Թէեւ Բազւում ես նրան մի քանի  
անգամ տեսել էի, բայց հետը ծանօթ չէի: Դուրս եկայ, որ  
մի քիչ զբօսնեմ, երբ հեռւից տեսայ նրա գալը: Անմիջապէս  
վերադարձայ եւ կամաց-կամաց գնում էի յետեւից: Շտաբը  
մտնելիս նա նկատեց, որ ես էլ բարձրանում եմ սանդուխք-  
ներով: Դարձաւ ու հարցրեց.

— Ի՞նչ կայ. ո՞ւմ եք ուզում:

— Ձեր հեռագրի համաձայն եկել եմ, — պատասխանեցի ես:

Երկու թէ երեք օր անցած նա ինձ նորից կանչեց մօտը:  
Կարգադրւած էր, որ Խէչօն Սարգիս Օտարաշեանի եւ Վահան  
Փափազեանի (Կոմսի) հետ գնայ Նախիջեւանի շրջանը, իսկ  
ինձ ո՞ւր պիտի ուղարկէր, դեռ չգիտէի: Նա ապրում էր Սար-  
գիս Օհանջանեանի տանը. այնտեղ էլ ընդունեց ինձ, բայց  
այս անգամ շատ աւելի սիրալիր ու մտերմական վերաբեր-  
մունքով: Նախ՝ ամենայն լրջութեամբ եւ մանրամասնօրէն

17 Մեր հաստատ համոզմամբ ներկայումս Արամի Ձ 9 շենքը. (ժ. կ.):

հարց ու փորձ արաւ, թէ ինչպէ՞ս ահաբեկեցի Նակաշիձէին, ապա յայտարարեց.

— Դու պիտի անցնես Ղըրխբուլաղ: Քեզի կը տամ տասը զինւոր: Շրջանը ապահով վայրերից մէկն է, մեծ վտանգ չկայ. միակ վտանգը թարաքեաման է, որ կարող է յարձակում գործել հայ գիւղերի վրա, արգելք լինել դաշտային աշխատանքներին եւ քշել գիւղացիների անասունները: Քեզ վրա դնում եմ նաեւ մի ուրիշ պարտականութիւն, որ աւելի կարեւոր է. տեղ հասնելուդ պէս իսկոյն պիտի կազմակերպես տեղական մարտական խմբեր, նախապատուութիւն տալով ռուս զինւորական ծառայութեան մէջ գտնւածներին: Կը կազմես նաեւ մէկ կամ երկու բացառիկ խումբ 15-ական հոգուց եւ կը ցուցակագրես շրջանի բոլոր զէնքերն ու փամփուշտները:

Այսպէս խօսելով՝ սեղանի արկղից հանեց ռուսական շտաբի հրատարակած զինւորական քարտէզը եւ փռելով սեղանի վրա՝ ցոյց տւեց շրջանի բոլոր հայկական ու թրքական գիւղերը, հանգամանօրէն բացատրեց նրանցից իւրաքանչիւրի զինւորական նշանակութիւնը. յատկապէս երկարօրէն կանգ առաւ քոչւոր թուրքերի բռնած վայրերի վրա՝ սկսած Բէզաքլուի բարձունքներից մինչեւ Սելիմի լեռնանցքը: Եւ ի վերջոյ, կարգադրեց.

— Վաղը կանցնես շտաբ, կը ստանաս լիազօրագիրդ եւ Ղըրխբուլախցի մի քաջ տէրտէրի հետ կը մեկնիս շրջանդ: Տէրտէրը մի քանի օր է ինչ այստեղ է եւ իրենց շրջանի համար խմբապետ է խնդրում:

Այս բոլորը ինձ համար շմեցնող անակնկալ էր: Ես այլ բան էի մտածում եւ բնաւ տրամադիր չէի Ղըրխբուլախի պէս մի խաղաղ եւ մարտական տեսակէտից անհետաքրքիր շրջան գնալ: Եւ անհամարձակ դիմեցի Նիկոլին.

— Պարոն Նիկոլ, մի խնդիր ունիմ:

Նա դուրսը արագօրէն թեքեց իմ կողմը: Ես շարունակեցի:

— Դուք ինձ խումբ էք տալիս եւ ամբողջ շրջանի ղեկավար էք նշանակում. այդ իմ ուժերից վեր է. ես չեմ կարող արդարացնել ձեր յոյսերը. խնդրում եմ ինձ շուղարկէք Ղըրխբուլաղ, այլ պահէք ձեզ մօտ եւ օգտագործէք քաղաքական կռիւների համար:

— Բազուի՞ց:

— Այո՛ :

Նա ներս մտաւ իր սենեակը, ուր նրան սպասում էին Գալուստ Ալոյեանը եւ պահեստապետ Հայկօն: Նրանց հետ կէս ժամի շափ խօսելուց յետոյ ինձ էլ կանչեց ներս: Ես մտայ, բարեւեցի եւ կանգ առի սեղանի մօտ: Նիկոլը քաղաքավարութեամբ պատասխանեց բարեւիս: Բարեւեց Գալուստն եւ դառնալով Դումանին՝ ասաց.

— Դէ՛հ, Նիկոլ, ես գնացի. էլ ինձ գործ չկայ այստեղ:

Ու դուրս եկաւ: Նիկոլը հրաւիրեց ինձ նստելու և անմիջապէս անցաւ գործի:

— Քո Բագու գնալու մասին, — ասաց, — Խէչօն մանրամասն զեկուցել է ինձ: Կուսակցութիւնը պէտք եղած դէպքում գիտէ իր անելիքը: — Եւ սկսեց հարցաքննել. — Ի՞նչ կրթութիւն եմ ստացել, զինւորական ծառայութեան մէջ եղե՞լ եմ եւ այլն:

Ես, եթէ շեմ սխալում, քսան մէկ տարեկան էի: Յայտնեցի, թէ՛ աւարտել եմ Երեւանի Գիմնազիայի շորրորդ դասարանը, թէ՛ եղել եմ Ախուլգինսկի Գնդի զինավարժական բաժնում եւ Բագուի հայ-թրքական ընդհարումների պատճառով կիսատ ձգել ու փախել եմ Բագու:

— Սխո՞ւմ էք, — ընդհատեց նա, մի ծխախոտ առաջարկեց եւ ակնարկելով Նակաշիձէի ահաբեկումը՝ շարունակեց. — Կուսակցութիւնը քո ձեռքով մի մեծ գործ է կատարել, այդ շի նշանակում, թէ դու հակառակ նրա Կենտրոնական Կոմիտէի հրահանգի կարող ես, կամ իրաւունք ունիս վերադառնալ այն վայրը, որտեղից քո իսկ ապահովութեան եւ իրեն յայտնի այլ պատճառներով հեռացել է: Հայ ազատագրական պայքարը շատ մեծ է, քեւալագէտութեան վայրկեաններն անխուսափելիօրէն դեռ կը գան, հարկաւոր է տնտեսել ուժերը եւ սպասել յարմար ժամանակի: Մանաւանդ դու, որ թէ Գիմնազիայում ես սովորել, թէ զինւորական Դպրոցում, շատ լաւ պէտք է հասկանաս, թէ ինչ բան է կարգապահութիւնը: Դու մնում ես իմ տրամադրութեան տակ. գնա՛, պէտք եղած դէպքում կը կանչեմ:

Ես լուռ, գլուխս կախ լսում էի: Մերթ տաք քրտինք էր գալիս վրաս, մերթ պաղ: Ոյժ շունեէի առարկելու կամ արդարանալու: Նրա պարզ, բայց կտրուկ եւ ազդող խօսքերը միւտում էին գլխումս այլեւս երբեք չմոռացւելու համար:

Այսպէս տեղի ունեցաւ իմ առաջին հանդիպումը Նիկոլ-  
Դումանի հետ:

Ղըրխբուլաղում մենք շատ քիչ ընդհարումներ ունեցանք:  
Մի ամսից յետոյ ես վերադարձայ Երեւան Դումանին զեկու-  
ցում տալու համար: Ինձանից առաջ արդէն եկել էր վերեւ  
յիշուած քահանան՝ Տէր-Զաքարը, եւ մանրամասն պատմել  
շրջանի եւ իմ աշխատանքի մասին: Տէր-Զաքարը ասել էր  
Նիկոլին՝

— Նիկոլ, առաջ ես խնդրում էի որ նրան մեր շրջանը  
չուղարկես. իբրեւ շատ ջահելի. հիմա խնդրում եմ, որ պահես  
մեզ մօտ եւ ուրիշ շրջան չփոխադրես:

Երբ Տէր-Զաքարից յետոյ ես հասայ Երեւան եւ մանրա-  
մասն զեկուցում տւի Նիկոլին, առանձնապէս մատնանշելով  
դաշտային հսկիչ պահակների կատարած արդիւնաւէտ դերը՝  
նա գոհ՝ հաւանութիւն տւեց իմ այս գործին եւ ասաց.

— Տեսա՞ք, այդ կէտը իմ հրահանգների մէջ չկար, մի  
բան էլ դեռ աւել էք արել: Դուք նորից կերթաք Ղըրխբուլաղ,  
ուր կը մնաք մինչեւ որ քոչւոր թուրքերը վայր իջնեն լեռնե-  
րից: Ապա ես ձեզ կը կանչեմ եւ մի ուրիշ աւելի հետաքրքիր  
աշխատանք կը տամ:

Եւ առաջին անգամ ճաշի հրաւիրեց իր մօտ:

Նա, դէմքը մի քիչ խոժոռած, սուր հայեացք նետեց վրաս  
եւ արտասանեց.

— Վաղը առաւօտեան ժամը 9-ին եկէք շտաբ. պատ-  
րաստ եղէք մեկնելու Ղըրխբուլաղ, — եւ ոսկրոտ ձեռքը պար-  
զելով ինձ, աւելացրեց՝ ազատ էք, կարող էք գնալ:

Ինձ ոչինչ չէր մնում, բայց եթէ համակերպել: Հետեւեալ  
օրը առաւօտեան ժամը 9-ին ես արդէն շտաբումն էի: Նիկոլը,  
յանձնեց ինձ լիազօրագիրը, կարգադրեց ստանալ խմբի ծախ-  
սերի համար հարկաւոր դրամը եւ փամփուշտներ ու հրա-  
ցաններ:

— Իսկ տղաները կը ստանան Մկրտչից: Երբ ամէն բան  
պատրաստ լինի, մեկնելուց առաջ, երեկոյան դէմ անցիր  
այստեղ ինձ մօտ: Այսօր ամէն բան պատրաստ պէտք է  
լինի, որպէսզի վաղը ճանապարհւէք:

Դումանի նշանակած ժամին երեկոյեան մտայ շտաբ: Նա  
մանրամասնօրէն պարզեց ինձ յանձնուած շրջանին եւ խմբին



վերաբերող բոլոր կարեւոր խնդիրները եւ առանձնապէս կանգ առաւ մարտիկների զինավարժութեան, կարգապահութեան եւ դէպի տեղական բնակչութիւնը ցոյց տրելիք վերաբերմունքի վրա:—

— Խստիւ հրահանգում եմ, — ընդգծեց նա, — ո՛չ մի դէպքում չմասնակցել տեղական դատական եւ այլ կարգի գործերին, որքանով որ նրանք կապուած չեն ձեր զինւորների եւ զինւորական պարտականութիւնների հետ: Իմ ցանկութիւնն է, որ ամէն կերպ խոյս տաք տեղական ժողովրդին նեղութիւն պատճառելուց եւ դժգոհութիւնների առիւ ստեղծելուց, մանաւանդ մատակարարման հարցերով: Այնտեղ, ուր ժողովուրդը ձեզ յօժար կամքով պարէն շի տրամադրի, գնեցէք. այդ նպատակով ձեզ գումար կը տրամադրեմ:

Այդ ժամանակ ամէն տեղ, սովորաբար, ժողովուրդն էր կերակրում մարտական խմբերին, բայց ես շատ լաւ ըմբռնում էի Դումանի մտահոգութիւնը. մի կողմից նա շէր ուզում որեւէ նեղութիւն պատճառել ժողովրդին, միւս կողմից, իր կարգադրութիւններով ուզում էր իրեն ենթակայ անհատներին ներշնչել Դաշնակցութեան զոհաբերող եւ ժողովրդասէր ոգին: Նա շատ մեծ կարեւորութիւն էր տալիս մարտիկների բարոյական մաքրութեան եւ գաղափարական անձնազոհութեան: Նա պահանջում էր, որ Դաշնակցականը իր կեանքով ու գործով օրինակ լինի ժողովրդին:

Բոլոր անհրաժեշտ հրահանգները տալուց յետոյ, նա կարգադրեց, որ մի ամիս վերջը վերադառնամ եւ զեկուցում տամ կատարած աշխատանքներիս -եւ ինձ վստահած շրջանի մասին:

## ԴԱՐԱԼԱԳԵԱԶԻ ԼԵՌՆԵՐՈՒՄ

Հնթերցողը յիշում է, երեւի, որ Նիկոլ-Դումանի կողմից ես ուղարկել էի կազմակերպելու եւ վարելու Ղըրխբուլաղի շրջանի ինքնապաշտպանութեան գործը: Հետզհետէ այս գործը դրեց կանոնաւոր հիմքերի վրա եւ իմ ներկայութիւնը այդ շրջանում այլեւս դարձաւ համարեա աւելորդ: Ես ամէն առիթից օգտւում էի յիշեցնելու Նիկոլին, որ ինձ ազատէ խմբի

ղեկավարութիւնից եւ աւելի կենդանի ու դրաւիչ աշխատանք տայ:

Զպէտք է մոռանալ, թէ ի՞նչ օրեր էին այն օրերը: 1905 թւականն էր: Ռուսաստանի առաջին յեղափոխութիւնը արագօրէն ծաւալուամ էր ամէն կողմ: Ժողովրդական յուզումների ալիքը հուժկու թափով զարնում էր կովկասեան լեռներին: Մտաւորականութիւնը, բանւորական զանգւածները, երիտասարդութիւնը անօրինակ ոգեւորութեան ու եռ ու զեռի մէջ էին: Այսպիսի մի վայրկեանին գրեթէ անգործ նստել կոտայքի գիւղերում — ի՞նչ ջիղ պէտք էր դիմանալու համար: Ես ամբողջ հոգով ձգտում էի դուրս գալ այդ բանտարկեալ վիճակից եւ միանալ յեղափոխական շարժումներին, մասնակցել քաղաքական գործունէութեան:

Արդէն բաւական մտերմացել էի Դումանի հետ: Նա արտակարգ ջերմութիւն եւ սիրալիր վերաբերում էր ցոյց տալիս դէպի ինձ, բայց բոլոր դիմումներիս կտրուկ ու վճռական մերժումով էր պատասխանում:

— Եթէ ես ամէն զինւորի ու խմբապետի քէֆով շարժեմ եւ նրանց անհատական ցանկութիւններին յարմարեմ, էլ ինչացո՞ւ է իմ այստեղ նստելն ու հրամաններ տալը, — առարկում էր նա իմ թախանձանքներին: Եւ ոչնչով կարելի չեղաւ փոխել նրա կամքը:

Մի օր, նման մի խօսակցութիւնից յետոյ, նա իր սեղանի գզրոցից հանեց կովկասեան զինւորական շտաբի քսան վերստանոց մի քարտէզ եւ նւիրեց ինձ: Միաժամանակ ցուցմունքներ տւեց քարտէզը կարդալու եւ գործածելու ձեւի մասին:

— Այսուհետեւ, — ասաց նա, — աւելի պատրաստուած ձեւով պէտք է աշխատես վարել քեզ յանձնւած գործը: Քեզ պիտի տամ մի նոր, աւելի մարզւած եւ ուժեղ խումբ: Պէտք է անցնես Նախիջեւան եւ մասնակցես այնտեղի ինքնապաշտպանութեան գործին: Քարտէզի վրա հայ գիւղերը նշանակւած են խաչերով. դու հեշտութեամբ կը հասկանաս, թէ ո՞ր հայ շրջանը կամ գիւղը ինչ թրքական գիւղերով է շրջապատւած: Քարտէզը զինւորականի աչքն է, մանաւանդ այն տեղերի համար, ուր նա անձամբ չի եղել եւ ծանօթ չէ աշխարհագրական առանձնայատկութիւններին:

Իմ ուղածը շէր, ի հարկէ, այս. բայց եւ այնպէս մի փոփոխութիւն էր այլեւս ձանձրաւի դարձած դրութեան մէջ:

Որքան յիշում եմ, այս խօսակցութիւնը տեղի ունեցաւ 1905 թ. օգոստոս ամսի վերջերը: Ինձ յանձնուած նոր խումբը բաղկացած էր 14 հոգուց: Ամենքն ալ ձիաւոր եւ զինւած բարձրագոյն հրացաններով: Տղաներից ոմանք էլ մարզւած էին ռումբ նետելու գործում:

Հրահանգները ստանալուց յետոյ տղաներով մեկնեցի Դաւալու գիւղը՝ այստեղից Զնչըրլիի ու Մալիշկայի վրայով Սուլթանբէկ գիւղը անցնելու համար:

Դարաւագեազում առաջին անգամ հանդիպեցի Կոտոյի Հաճուն, Զոփուր Արսէնին եւ Առիւծ Աւագին: Հաճին Տարօնի մեր լաւագոյն հայդուկներից էր, շրջանի ընդհանուր հրամանատարն էր եւ իր հրամանատարութեան տակ ունէր երկու ձիաւոր խումբ Առիւծ Աւագի եւ Զոփուր Արսէնի գլխաւորութեամբ: Մինչեւ մեր Դարաւագեազ գալը Հաճին թուրքերի հետ ունեցել էր մի շարք ընդհարումներ: Մեր հասնելուց յետոյ էլ կռիւները շարունակեցին: Ուզում եմ այս տեղ նկարագրել իմ մասնակցութեամբ տեղի ունեցած մի կռիւ՝ ցոյց տալու համար Առիւծ Աւագի անօրինակ քաջութիւնը եւ հայդուկների մէջ տիրող հոգեբանութիւնը ու միմեանց հանդէպ ունեցած վերաբերումը:

Կոտոյի Հաճին Անդրանիկի զինւորներից էր եւ պաշտում էր նրան: Առիւծ Աւագը Սերոբ Աղբիւրի զինւորն էր. Սերոբից քաջ եւ մեծ մարդ նրա համար գոյութիւն չունէր: Հաճին խելօք, շափազանց խորամանկ, խնդիրներին լրջօրէն մօտեցող, հեռատես ու փորձւած խմբապետ էր. Առիւծ Աւագը՝ բնութեան բիրտ ու անտաշ զաւակը. խիստ յախուռն, կրքոտ ու զուսպ եւ միաժամանակ պարզ, մանկան պէս վճիտ հոգով: Նրա աչքին Հաճին նոյն իսկ «Քաշալ Անդրանիկի»<sup>18</sup> զինւորներից էլ շէր, այլ «Ֆոլտաղով»<sup>19</sup> գլուխը պահող ոչինչ մարդ: Արդ պատճառով, ուղղակի տանջւում էր, որ Հաճին իր հրամանատարն է:

18 Այդպես էին կոչում փաշայի զինւորները Անդրանիկին:

19 Խարեությամբ. (ծ. կ.):

— Հէյ-հէյ, աշխարհ, քեռ հիմ դնողին ի՞նչ ըսեմ, գան-  
գատում էր նա. Սերոբ փաշի մահէն ետ Քաշալ Անդրանիկ  
ընոր փոխանորդ ի դառի, էնոր ֆուտաղչի գինւորն էր, հրա-  
մանատար ի դարձի իմ գլխին. վայ ըմբն բաւօլ, էդ յուր  
հասանք... Քեռ տունն աւրի, աշխա՛րհ...:

Հաճին, ըստ իր սովորութեան, մեզ շատ սիրալիր ու քա-  
ղաքավարի ընդունելութիւն ցոյց տւեց: Իբրեւ տեղական պայ-  
մաններին ծանօթ մարդ՝ նա մանրամասնօրէն պարզեց, թէ  
ո՞ր գիւղով պէտք էր դիմել՝ Նախիջեւանի Նորս եւ Գիւմրի գիւ-  
ղերը հասնելու համար:

Իմ խմբի մէջ էին Անդրանիկի լաւագոյն գինւորներից  
Բերդակցի Օսկանը եւ Խլաթցի Գալօն: Հաճին, իմ ներկա-  
յութեամբ, մի կողմ կանչեց Օսկանին եւ խրատներ տալով՝  
ասաց.

— Դիւ սար ու շուի կռիւներ տեսած մարդ իս.— իսկ ինձ  
էլ չվիրաւորելու համար աւելացրեց.— Դրօն լէ շատ քաջ ի,  
բայց լեռներու կռի վարժ չի. կռի վախտ Դրօն աչքաթող  
չընիս. շմոռնաս թէ քաջ Անդրանիկի գինւոր իս էղի...:

Առիւծ Աւագը լսում էր կէս-հեզնանքով ու կէս-արհամար-  
հանքով. Սերոբ փաշի մօտ ի՞նչ էր այդ Քաշալ Անդրանիկը...:

Հաճիի միւս օգնական Զոփուր Արսէնն էլ հետաքրքրա-  
կան դէմք էր: Նա Ղաշաղ էր եւ երկար ժամանակ Ղարաբաղի  
թուրք աւազակների հետ ասպատակութիւններ էր արել ու  
զբաղւել թալանով: Հայ-թրքական ընդհարումները նրան պո-  
կեցին աւազակութիւնից եւ բերին մեր շարքերը: Քաջ, յան-  
դուզն, լաւ զէնք բանեցնող տղամարդ էր: Նրա ասպատակու-  
թիւնների մասին ժողովուրդը երգեր էր յորինել:

Մի անգամ Արսէնը իր Ղաշաղ թուրք ընկերներով, Ղար-  
սի շրջանում կազակների խմբի է հանդիպում: Կազակները  
շրջապատում են նրանց: Սկսւում է տաք կռիւ: Ղաշաղները  
ամրանում են ժայռոտ բարձունքներից մէկի վրա եւ յամառ  
դիմադրութիւն ցոյց տալիս: Կազակների բոլոր յորդորներն  
ու ջանքերը անցնում են ապարդիւն. Արսէնը մերժում է անձ-  
նատուր լինել: Այդ ժամանակ կազակները դիմում են հայ  
քահանայի միջնորդութեան. սա եւս խնդրում է, որ վերջ  
տան կռիւն եւ յանձնւին: Արսէնը կտրուկ կերպով մերժում

է եւ կուով ազատում իրեն ու ընկերներին: Այս կուի մասին ժողովուրդը երգում էր.—

Գեալդի Քէշիշ քիլիսադան,  
Զիմադի Զոփուր դադդան<sup>20</sup>:

Մեր Մալիշկայում եղած ժամանակ, Զոփուրը կրնկոխ հետեւում էր ինձ եւ տեղեկութիւններ խնդրում մեր կուսակցութեան, մեր մեծերի ու մեր նպատակների մասին: Յատկապէս հետաքրքրում էր, թէ ովքե՞ր են մեր ամենամեծ և ամենախելօք ընկերները, որոնք նստած են Զւիցերիայում եւ որոնցից խորհուրդ առնելու է գնում նոյն իսկ Մանթաշովը: Ուզում էր իմանալ, թէ արդեօք Անդրանի՞կն էլ նրանց շարքերումն է: Հաճին, որ ժպիտը քթի տակ, հետեւում էր նրա հարցումներին, այս վերջին հարցի վրա նկատեց.—

— Չէ՛, Անդրանիկ չէ անոց կը լսէ ու կենթարկւի:

Զոփուր Արսէնը անակնկալի եկաւ ու խորապէս յուզւեց այս վերջին յայտնութիւնից:

— Չէ՛, Անդրանիկ չէ անոնց կը լսէ ու կենթարկւի:

— Հաճին Դաշնակցութեան փէշատած (կնքած) թուղթունի,— շարունակեց նա,— դու էլ ունես, անշուշտ. ես դեռ որքա՛ն պիտի կռիւ անեմ, ինչքա՛ն գործ պիտի կատարեմ որ արժանանամ էդ թղթին: Դու պ. Դումանին մօտ ծանօթ ես, գրիր նրան՝ ինչ գործ ուզում է կանխմ, միայն թէ ինձ էլ փէշատած թղթից տայ:

Ու յետոյ խնդրեց, որ ցոյց տամ իմ կնքած թուղթը: Նա ուշադրութեամբ դիտեց, խորը հոգոց քաշեց ու նորից ասաց.

— Ե՛րբ պիտի արժանանամ ես էլ էդ թղթին. իմ թուղթը Հաճին ու Մալիշկայի վարժապետն են տւել:

Եւ փաթաթւելով ու համբուրելով՝ կրկին ու կրկին աղաչեց, որ միջնորդեմ ուր հարկն է՝ իրեն եւս կնքած թուղ տալու համար:

— Ինչ որ ուզում ես կանեմ, որ տեսնես, թէ ես թասիրով

<sup>20</sup> Եկեղեցուց տերտերն եկավ,

Զոփուր սարից դուրս շեկավ. (ծ. կ.):

հայ եմ ու լաւ դաշնակցական: Մի Հաճուն հարցրու, նա կասի քեզ, թէ ես ինչ մարդ եմ, ի՞նչ կռիւներ եմ արել թուրքերի հետ: Եւ Հաճին էլ հաստատեց Չոփուրի քաջութիւնը.

— Խօսք շունեմ, քաջ ու համեստ մարդ է,— ասաց նա:

Հաճին մեզ ճանապարհ դնելիս իբրեւ առաջնորդ տւեց Դումանի հին հայդուկներից Մալիշկայի Սարվազ Խէչօին, որ բառի իսկական առումով իգիթ տղամարդ էր: Հաճու հրամանն ստանալուն պէս նա թռաւ կապոյտ նժոյգի մէջքին եւ քառասմբակ սլացաւ քարքարոտներով դէպի հանդիպակաց լեռը: Երբ հասաւ լեռան կատարին, յետ նայեց եւ մի առնական շարժումով նշան արաւ թէ ճանապարհը ազատ է եւ կարող ենք շարժուել: Այնքա՛ն սաշում էին իրար՝ նա եւ իր ձին ու շէրքէսկան. կարծես այդ լեռների փոթորիկներից միասին ծնւած լինէին:

Մալիշկայից մենք գնացինք Սէյլան գիւղը, ուր մնացինք մի օր: Այնտեղից մեկնեցինք Սուլթանբէկ, որտեղից պիտի անցնէինք Նախիջեւանի լեռնային մասը՝ Նորս գիւղը:

Խումբը շարժոււմ էր դանդաղ ու զգուշութեամբ, որպէսզի առւտական զօրամասերի շահանդիպի: Լուսանալու մօտ էր, երբ հասանք Սուլթանբէկի սահմաններին: Յանկարծ մեր ականջին հասան հրացանի համազարկի ձայներ: Սարվազ Խէչօն, որ, իբրեւ տեղացի, հիանալի կերպով ծանօթ էր բոլոր գիւղերին ու լեռներին, ասաց.

— Կռիւր Սուլթանբէկի վրա է երեւում:

Արագացրինք ձիերը եւ երբ մօտեցանք Սուլթանբէկ գիւղին, մեր աչքերի առջեւ պարզւեց հետեւեալ պատկերը. հիւսիսարևելեան կողմից բոլոր բարձունքները բռնւած էին թարաքեամա թուրքերով, որոնք իրենց քոչը լեռներից իջեցնելիս վճռել էին, երևի, Սուլթանբէկի նախիրն էլ քշել-տանել: Իրենց գրաւած բարձունքներից նրանք կրակի տակ էին առել Սուլթանբէկի գիւղը, իսկ մի խումբն էլ իջել էր ձորը եւ աշխատում էր քշել գիւղի նախիրը: Սուլթանբէկցիք իրենց ունեցած հատուկտոր զէնքերով յամառ դիմադրութիւն էին ցոյց տալիս, իսկ մի քանի խմբակներ՝ փորձում էին գիւղի տաւարի առաջն առնել եւ թոյլ շտալ, որ թուրքերը քշեն:

Մեր խումբը Մարտիրոս գիւղի 5—6 բնակիչների հետ, շտապով օգնութեան հասաւ այդ խմբակներին եւ կրակ բաց

արաւ տաւարը քշել ուզող թուրքերի վրա: Բարձունքներում գտնւող թուրքերը իջան գիւղի մօտ եւ սկսեցին այրել մարազները: Խէչօն, երբ նկատեց մարազների ծուխը, գոչեց բարձրաձայն.

— Վա՛յ, անօրէնները մտան գիւղը:

Մենք արագութեամբ թռանք ձիերը եւ սլացանք դէպի գիւղ. առանց մի րոպէ հաշիւ տալու մեզ, թէ ի՞նչ ենք անում, Ծա ու Խէչօն արշաւում էինք այնքան տաքացած, որ խմբի միւս տղաները մեզանից շատ յետ էին մնացել: Ճիշտն ասած՝ ես մրցում էի Խէչօի հետ: Կատարեալ ձիարշաւ էր. ես աշխատում էի, որ նա ինձանից առաջ շանցնի:

Երբ, վերջապէս, խմբի միւս տղաներն էլ հասան, ես կարգադրեցի, որ մօտենան ու դիրքեր բռնեն գիւղի արեւելեան բարձունքներում: Տղաներն անմիջապէս գրաւեցին ցոյց տրւած դիրքերը եւ իմ հրամանի համաձայն՝ սկսեցին կրակ թափել դիրքերում ամրացած թուրքերի գլխին: Այդ վայրկեանին, շփտեմ ո՞ր գիւղից, կայծակի արագութեամբ օգնութեան հասաւ Առիւծ Աւագը՝ հեծած իր գեղեցիկ սպիտակ նժոյգը: Նրան հետեւում էր իր խումբը: Մեր հրացաններուն ձայնը լսելուն պէս՝ նա շտապել էր մեզ օգնութեան: Մեր դիրքերը դիտելով եւ իմ ղինւորական հրամանները լսելով՝ նա բղաւեց ամբողջ կոկորդով.

— Տօ՛, ք... մուլի տղէք, էդա պրիցել ի՞նչ ի: Ծա տասնեակ տարիներ զինւորութիւն իմ էրի, չըմ խասկցի պրիցել ինչ ի, վա՛ռէք. հա վառէք:

Ու դառնալով Քիւրդ Խէչօին, որ նրա խմբի մէջ էր եւ իմ մտերիմ ընկերն էր, հրամայեց.

— Տղա՛յ, Քրդօ՛, քշէ՛ վրը թշնամուն վրէն:

Եւ իր ամեհի ձին՝ քառասմբակ ուղղեց դէպի թուրքերի դիրքերը: Նրան հետեւեցին խմբի միւս զինւորները: Փոթորիկ էր, կարծես, որ տարերային թափով առաջ սլացաւ, ճանապարհին իր ամեհի ուժի տակ խորտակելով ամէն բան:

Ծա ինձ շափազանց նւաստացած զգացի. ամօթից գետինն էի ուզում մտնել: Իսկոյն կարգադրեցի, որ ձիերը բերեն: Հեծանք ու շտապով հետեւեցինք Առիւծ Աւագին: Մեր խմբից շորա հոգի առաջ էինք ընկել. միւսներն էլ ճիգ էին անում հասնելու: Երբ մենք շորսով հասանք Առիւծ Աւագին, նրա

խումբը արդէն դիրքերից հանել եւ հալածում էր թարաքեամաներին: Առիւծ Աւագը հալածում էր, շարունակ կրակում ու բարձրագոչ հայհոյանքներով սպառնում փախչող թըշնամուն:

Կուի ամենատաք վայրկեանին, Առիւծ Աւագը նկատեց, որ մի քանի թուրքեր ձորի միջով քշում էին նախիրը: Կանգ առաւ ու գոռաց մեզ.

— Տղէ՛ք, Սերոբ փաշի զինւորի գլխին փափախ չկա՞յ, որ թուրքեր էդա նախիր տանին. խլէ՛ք էդ տաւարը:

Մենք անմիջապէս յարձակեցինք տաւարը քշող թուրքերի վրա, փախցրինք եւ աւարը խլեցինք նրանց ձեռքից:

Թարաքամաներին հետապնդելիս, Առիւծ Աւագը նկատել է, որ մի թուրք վախից պահել է փոքրիկ քարի տակ: Սկսել է կրակել վրան, բայց գնդակները վրիպել են: Եւ կատաղած ու բորբոքւած սկսել է գոռալ.

— Եա՛հ, էդա քոփակ օղլու լաճ թալամուկ ի:

Ու ձիուց իջնելով՝ վախից ահաբեկւած թուրքի գլուխը ջախջախել է իր հրացանի կոթով: Հարւածը այնքան սաստիկ է եղել, որ հրացանի կոթը կոտրւել է:

Երբ թարաքեամաներին քշեցինք ու հաւաքեցինք մի տեղ, Առիւծ Աւագն էլ եկաւ՝ հետը բերելով սպանւած թուրքերից առնւած մի քանի այնալու հրացաններ, ինչպէս եւ իր ջարդւած կոթով հրացանը:

Բոլոր տղաների հաւքելուց յետոյ, Առիւծ Աւագը նստաւ իր սիրուն ձին եւ խմբի գլուխն անցնելով՝ մեծ հանդիսաւորութեամբ շարժեց դէպի գիւղ: Ես էլ իմ խմբի հետ, ամօթխածութեամբ հետեւեցի նրա խմբին՝ միշտ մնալով պատկառելի տարածութեան վրա:

Առիւծ Աւագի տղաներին արգելել էր Անդրանիկի երգերը երգել:

Գիւղում, ձիերը տեղաւորելուց յետոյ, ես շտապեցի Առիւծ Աւագի մօտ: Ներս որ մտայ՝ առջեւ բացեց հետեւեալ տեսարանը. Առիւծ Աւագը նստած էր գիւղական օդայի մէջ տեղը փուած գորգի վրա. նա պատկառազդու ձեւով խմում էր օղին եւ դիտում շրջապատի մարդկանց, որոնք ոտքի վրա կեցած էին՝ պատրաստ նրան ծառայելու: Ինձ տեսնելուն պէս, սկսեց բարձրաձայն խօսել.



— Մըր ամակ ջուր կըյնի. մըր քաջութիւն կը կորսւի:  
Հէհէ՛յ, Սերոբ փաշա, քեո գերեզմանին մըռնիմ. քեո զին-  
ւորներ քաջութիւն կէնեն, իդա Ֆուտաղ Կոտոյի Հաճին կը  
շահւի:

Ու դառնալով ինձ՝

— Դրո՛, էդա կոտրած թվանք կը տեսնա՞ս, էդա թվանք  
առնիմ՝ Կոտոյի Հաճի շուր էրէվան կը փախի: էդա կռիւ դիւ  
տեսար, քեո կեաթին ու քեո նամուսին կը թորկիմ: Քեո տե-  
սած գրէ պ. Դումանին. թէ շէ մենք կը կուինք, քաջութիւն  
կէնինք, էդա քեօփակ օղլի Ֆուտաղ Կոտոյի Հաճին թուղթ կը  
գրէ ու մըր քաջութիւն իրեն կը վերագրէ: Վա՛յ-լըմըն աշ-  
խարհ, քեո հիմ դնողին ի՞նչ ըսիմ:

Ես խոստացայ գրել եւ գրեցի Դումանին, ինչ որ տեսել  
էի: Բայց Առիւծ Աւագը ուզեց, որ ցոյց տամ գրածս եւ կար-  
գադրեց որ կարդամ: Ստիպւած եղայ կարդալու. ընդհանուր  
գծերով նկարագրել էի կռիւ գլխաւոր տեղերը, Առիւծ Աւագի  
գործած հերոսութիւնը եւ այլն: Առիւծ Աւագ դժգոհ մնա՛ց:

— Տ՛օ, տղայ, յո՞րի շիս գրէ, թէ շուր ո՞ր սարի քշեցի  
թուրքեր, յո՞րի շիս գրէ, իմալ թվանքիս ղողղով<sup>21</sup> թուրքի  
գլուխ ջարդեցի:

Այդ մասերն էլ աւելացրի նամակին, եւ Առիւծ Աւագը  
բաւարարւած՝ հանգստացաւ:

Հետեւեալ օրը երբ պատրաստուամ էինք մեկնելու Նախի-  
ջեւանի լեռնային շրջանը, Առիւծ Աւագը ջերմ բարեմաղթու-  
թիւններով ճանապարհ դրեց մեզ:

— Տղա՛յ,— ասաց նա բաժանելիս,— էս լեռներուն մէջ  
տեղ մը շկայ, որ վտանգ ըլի եւ Առիւծ Աւագ թվանքի ձէն լսէ ու  
օգնութեան շխասնի: Գնա՛, կռիւ լէ ունենաս, քշի՛ր վըր թշնա-  
մուն, վառէ զըմէն. դոր լէ կռիւ ընես՝ ղուշի թելով քեզի կը  
հասնիմ. քեո կռնակն եմ, քե օգնութեան կիւզամ. լա՛ւ գիտ-  
ցիր:

21 Կոթ. (ծ. կ.):

Մեր ճամփորդութիւնը Գարալագեազից Նախիջեւանի լեռնային շրջանը անցաւ առանց դէպքի: Երբ տեղ հասանք, իբրեւ կենտրոնավայրի ընտրեցինք Նորս գիւղը:

Մեր եկած շրջանի վիճակը բաւական տխուր էր. բացառութեամբ Գժաձոր եւ Գիւմրի գիւղերի, միւս բոլոր հայկական գիւղերը թալանւած էին թուրքերի ձեռքով: Դռներն ու պատուհաններն անգամ տարւած էին: Բախտաւորութիւն էր գոնէ, որ թուրքերի յարձակման ժամանակ արտերը դեռ հասած չէին: Թալանից յետոյ, հայ գիւղացիները վերադարձել էին իրենց կիսաւեր ու բոլորովին ամայացած տները եւ հաւաքել արտերի բերքը: Այդ պատճառով, հացի կողմից ապահովւած էին, բայց տաւար կամ ուրիշ բան՝ ոչինչ չունէին:

Նորսի մեծ տներից մէկը — անդուռ եւ անպատուհան — դարձաւ մեր բանակատեղին եւ շտաբը: Իրապէս տուն էլ չէր, այլ մի ընդարձակ շարդախ, ուր անց էինք կացնում մեր ժամանակը: Սեղանի տեղ գործ էինք ածում մի կոտրած փէշխուն<sup>22</sup>, անկողնի փոխարէն՝ խոտ ու մեր եափնջիները: Գիւղացիք իրենք էլ անկողին չունէին եւ մեզ պէս, խոտի կամ յարդի վրա էին պառկում: Մեր ամենօրեայ կերակուրը հացն էր: Մեզ համար էր ասւած՝ «զհաց մեր հանապազօր, տուր մեզ այսօր»: Ամէն օր հաց: Երբեմն էլ ունենում էինք դաւուրմա եւ ուրիշ ոչինչ: Այդ պատճառով շափազանց մեծ էր լինում զինւորների ուրախութիւնը, երբ որեւէ գործով ուղարկւում էին Գժաձոր կամ Գիւմրի, ուր կար ամէն բան: Տղաները նոյն իսկ հերթ էին պահում եւ երբ պէտք էր լինում ուղարկել, ասում էին.

— Պ. Դրօ՛, երէկ այսինչները գնացին, այսօր էլ մեր հերթն է, մենք գնանք:

Եւ ուղղակի երեխաների պէս ուրախանում էին, երբ իրենց էի նշանակում գնալու:

Պէտք է ասեմ այստեղ, որ տղաները, ընդհանուր առմամբ, անկեղծ յարգանքով էին վերաբերում ինձ: Խլաթցի Գալօն միայն արհամարհանքով էր ընդունել իմ խմբապետ

22 Փոքրիկ սեղան. (ծ. կ.):

նշանակելը եւ իր վերաբերումը արտահայտել էր հետեւեալ պատմութեամբ Մոկաց իշխանների կեանքից:

— Տղա՛ք, մըր Մոկաց իշխաններ կը ժողվին ու էրկար ֆիքր կընեն, թէ իրենց հարկ որո՞ւ ձեռքով ղրկեն վանայ վալիին, որ քրդեր շթալլին ճամբին: Շատ ֆիքր կընեն, քիշ ֆիքր կընեն ու կորոշեն փողեր ժամկոշի աղուէսի<sup>23</sup> վիզէն կապել որ տանէ, սաղ-սալամաթ տեղ հասցնէ: Հիմա մեր պարոն Գուման՝ մեզ կապեր է իդա աղուէսի վիզ...

Աղուէսը ես էի:

Նորսում սկսեցինք ղբաղել շրջանի ինքնապաշտպանութեան գործով: Նախ՝ կապ հաստատեցինք հայկական բոլոր գիւղերի միջեւ. ապա՝ վտանգւած վայրերում խմբապետներ նշանակեցին, կազմեցին տեղական ինքնապաշտպանութեան խմբեր: Կազմակերպեց հետախուզութեան գործը, որպէսզի օրը օրին տեղեակ լինէինք թշնամու շարժումների մասին: Գիւղացիութիւնը մեծ վստահութեամբ ընդ առաջ էր գնում մեր բոլոր առաջարկներին եւ սիրով կատարում էր կարգադրութիւնները:

Մեր վրա էր ընկած եւ շրջանի վարչական-դատաւտանական գործը, որովհետեւ ռուս պաշտօնէութիւնը վախից ամբողջապէս հեռացել էր: Թէեւ կուսակցութեան կենտրոնի կարգադրութեամբ երկրի դատական-վարչական խնդիրների լուծումը վերապահւած էր տեղական կոմիտէներին, բայց նրանց վճիռներից դժգոհները յաճախ մեզ էին դիմում, եւ մենք ստիպւած էինք միջամտել:

Այս աշխատանքների ժամանակ մէկից աւելի անդամներ լուրեր հասան մեզ, թէ թուրքերը պատրաստուում են յարձակելու Կոոտ Մազրայի վրա, ուր խմբապետ էի նշանակել Կնեազին: Մի օր էլ իսկապէս տեղեկութիւն եկաւ, թէ Մազրան պաշարուած է թուրքերի կողմից: Մենք անմիջապէս ձի հեծանք ու շտապեցինք օգնութեան:

Գիւղից հազիւ հազար քայլի շափ հեռացել էինք, երբ շնչասպառ մեր ետեւից հասաւ Նորսի վալադը եւ լեղասպատառ սկսեց աղաչել, որ վերադառնանք, որովհետեւ թուրքերն արդէն Նորս էին մտել:

<sup>23</sup> Աղուէսը ժամկոշն էր:

Նորսը մեզ համար խիստ կարեւոր ռազմագիտական վայր էր. նա միակ հանգուցային կենտրոնն էր, որով կապուամ էինք Գժաձորի ու Գիւմրիի եւ վերջիններիս միջոցով՝ Զանգեզուրի հետ: Նորսը ձեռքից տալ՝ նշանակում էր կտրել Զանգեզուրից, այդ պատճառով շտապեցինք ձիերի գլուխները դարձնել յետ:

Նորսի գիւղացիները բաւական զէնք էին ստացել Հ. Յ. Դաշնակցութիւնից, դիրքերը գրաւած դիմադրում էին թշնամուն եւ թոյլ չէին տալիս, որ գիւղ մտնէ: Թուրքերի քանակը շատ մեծ էր, բայց զինւած էին անկանոն զէնքերով, մեծ մասամբ՝ այնալու, դափաղու եւ շախմախու հրացաններով: Այն էլ, ինչպես յետոյ պարզւեց, փոքր մասն էր զինւած. մեծ մասը անզէն էր եւ եկել էր թալան տանելու:

Մենք, ընդհակառակը, զինւած էինք շատ լաւ եւ անհամբեր կուի առիթ էինք փնտրում, որպէսզի ցոյց տանք ժողովրդին, թէ եկել ենք նրա կեանքն ու գոյքը պաշտպանելու: Առիւծ Աւագի ցոյց տւած քաջութիւնն ու հերոսական օրինակն էլ մեծ ազդեցութիւն էր թողել ամենքիս վրա. վերջապէս, մենք ուղարկւած էինք Հ. Յ. Դաշնակցութեան կողմից, որ, մանաւանդ այդ օրերին, հայ ժողովուրդի գոյութեան միակ յենարանն էր հանդիսանում. մենք պէտք է արդարացնէինք մեր վրա դրւած յոյսերը: Մեզանից իւրաքանչիւրը համակւած էր վայրկեանի լրջութեան եւ պատասխանատւութեան գիտակցութեամբ:

Հէնց որ հասանք պաշտպանող գիւղացիներին, մենք էլ մտանք դիրքերը եւ սկսեցինք եռանդով կուել: Մեր մօտիների որոտից ահաբեկւած՝ թրքական ահագին բազմութիւնը խուճապի մատնւած՝ դիմեց փախուստի: Մեզ էլ այդ էր պէտք. շտապեցինք օգտել առիթից եւ բուն թափով ընկանք նահանջող թշնամու յետելից: Թուրքերն առանց կանգ առնելու փախչում էին. մենք հալածեցինք նրանց Նորսից մօտ երեք կիլոմետր հեռու եւ համարեա մտանք թրքական գիւղը:

Քանի մօտենում էինք գիւղին, այնքան թուրքերի դիմադրութիւնը սաստկանում էր եւ կռիւը աւելի տաքանում: Թուրքերը յանդուգն դարձան մանաւանդ այն ժամանակ, երբ նրանց օգնութեան հասաւ Ղաչաղ Թոփալ Մորթուզի խումբը: Մենք

զգուշութեան համար սկսեցինք յետ-յետ գնալ՝ դէպի Նորս.  
թուրքերը, երեւի, կարծեցին, թէ փախչում ենք եւ Մորթուզի  
գլխաւորութեամբ դիմեցին աւելի յախուռն յարձակման: Բեր-  
դակցի Օսկօն երկու ընկերներով թռան ձիերից եւ մտան  
քարերի տակ: Ես տղաներով աւելի առաջ էի. մենք էլ դար-  
ձանք ու դիրք բռնելով նրանց մօտ՝ մեր մոսիները ուղղե-  
ցինք թուրքերին: Միաժամանակ լուր ուղարկեցինք գիւղ, որ  
կուտղները օգնութեան հասնին մեզ եւ շտապով գրաւեն Նոր-  
սից Գիւմրի տանող ճանապարհի բարձունքը:

Դիրքային կարճ կռիւից յետոյ, ես հետս առի 4—5 գին-  
ւոր, որոնց թւում էր եւ հլաթցի Գալօն, եւ մօտ երկու հարիւր  
քայլ առաջ անցնելով՝ նոր դիրք բռնեցի թշնամու ճիշտ գի-  
մացը: Կողքիս պառկած էր Գալօն եւ, հակառակ հրամանիս,  
անկանոն հրացանաձգութեամբ փամփուշտ էր փշացնում  
աննպատակ: Երկու փամփուշտաշար արդէն վերջացրել էր  
եւ անխնայ կրակում էր, ա՛յն ժամանակ, երբ ամէն մէկ փամ-  
փուշտ մեզ համար մեծ գին ունէր: Ես զայրացած՝ տեղիցս  
ցատկեցի — եւ մի երկու լաւ հարւած իջեցրի Գալօի գլխին՝  
բռնալով վրան.

— So, յիմար, փամփուշտ փշացնելու ժամանակ ես  
գտել. վե՛րջ տուր...:

Գալօն իմ հարւածներից սաստիկ կտրել էր շրթունքը: Այդ  
դէպքը յետոյ պատմութիւն դարձաւ: Տղաները տեղի-անտեղի  
յիշում էին Գալօին ձեռք առնելու համար:

Օգնական ուժերի հասնելուց յետոյ, մենք ընդհանուր գրո-  
հի դիմեցինք, թուրքերին դուրս հանեցինք իրենց դիրքերից և  
քշեցինք մինչեւ իրենց գիւղը:

Երբ յաղթական վերադարձանք Նորս, պարզւեց, որ կուի  
թունդ վայրկեանին նորսեցիք գրաւել էին թուրքերի ամբողջ  
տաւարը եւ քշել-բերել էին իրենց գիւղը: Գիւղացիներից ամէն  
մէկը ջոկել-տարել էր իրեն պատկանող անասունները, որ  
առաջ թալանել էին թուրքերը: Մնացածը բաժանւել էր շքա-  
ւոր գիւղացիներին: Մի քանի հատ էլ յատկացւել էր մեզ իբրեւ  
մսացու եւ կթելու համար: Այնուհետեւ մեր տղաների կաթն  
ու մածունը ապահովւած էր:

Յաջորդ առաւօտեան կանուխ մի նամակ եկաւ Առինջ գիւղից: Գրում էին Խէչօն եւ Սարգիս Օդաբաշեանը. յայտնում էին, թէ Քեռու հետ հասել են Առինջ, յոգնած են եւ խնդրում էին գալ իրենց մօտ եւ տեղեկութիւններ տալ շրջանի ինքնապաշտպանութեան մասին:

Ես շատ ուրախացայ: Կարօտել էի Խէչօին եւ շատ էի ուզում տեսնել նրան: Իմ բացակայութիւնը նորսից վտանգաւոր չէր, որովհետեւ թուրքեր կերած ծեծից յետոյ մի առ ժամանակ չէին համարձակւի յարձակելու: Անհրաժեշտ կարգադրութիւններն արի եւ երեք ընկերներով շտապեցի դէպի Առինջ: Գիւղացիների մի սուլար բազմութիւն հաւաքել էր ինձ բարի ճանապարհ մաղթելու եւ շատ ուրախ էր երեւում: Շատերը մեզ օրհնում ու կատակում էին.

— Աստուած Դաշնակցութեան ոյժ եւ ձեզ էլ կեանք ու արեւ տայ, մի քիչ շունչ առանք ու ապահովեցինք: Տօ՛, գիւղից կովերի բռոցն էլ էր կտրւել: Նորից մեր գիւղը շէնացաւ:

Իմ վարկը շատ բարձրացել էր նաեւ զինւորների աչքին: Խլաթցի Գալօն ալլեւ հեզնական առակներ չէր պատմում: Ընդհակառակը, նրա համար էլ ես արդէն կարգին խմբաւիտ էի: Ինչ խօսք, որ իմ տրամադրութիւնն էլ շատ բարձր էր:

Առինջին մօտենալիս, ես հեռւից նկատեցի, որ Խէչօն դուրս էր եկել, կանգնած կտուրի վրա՝ ինձ էր սպասում: Երբ հասանք, նա ժպտալով մօտեցաւ ինձ ու համբուրելով՝ ասաց.

— Հը՞, խաթաքեար քաֆուրօղլի, դուման ես հանել շըրջանում:

Ու գրկած՝ տարաւ ներկայացրեց Քեռուն եւ Սարգիս Օդաբաշեանին, որոնք կանգնած էին մի երկյարկանի տան վերի պատշգամբում:

Սարգսին ես տեսել էի, իսկ Քեռուն հանդիպում էի առաջին անգամ:

Սարգիսը մտերմօրէն բռնեց ձեռքս եւ ասաց.

— Հը՞, մեր տղայ, առաջին մկրտութիւնդ յաջող է, անցել բեր մի համբուրեմ ճակատդ: Ու ցոյց տալով Քեռուն՝ շարունակեց. — Սա էլ մեր քեռին է՝ Անդրանիկի օգնականներէն:

Առջեւ կանգնած էր մի մարմնեղ, միջակից բարձր, ամուր կազմւածքով, շիկադէմ, արծւաքիթ ու սրաշեայ մի մարդ: Զեռք տւի ու սկսեցի հետաքրքրութեամբ զննել նրան: Նա հարց ու փորձ արաւ: Ապա սկսեց ընդհանուր խօսակցութիւն, որի գլխաւոր նիւթը ինքնապաշտպանութեան գործն էր:

Մեր խօսակցութեան յաջորդեց ճաշը: Գիւղացիք ոչխար էին մորթել եւ առատ հաց ու գինի մէջտեղ հանել:

Ճաշից յետոյ, երբ ձիերը նստած՝ պատրաստուամ էինք մեկնել Նորս, գիւղացիք մօտեցան մեզ մի բարձած ջորով եւ մէկը ասաց.

— Պարոն խաշատուր, էս էլ գինի է. նւէր ենք տալիս Նորսի մեր զինւորներին:

Խէչօն զարմացած գիւղացիների այս առատաձեռնութիւնից՝ քմծիծաղով ասաց Սարգսին.

— Սարգիս, սրա տակը անպատճառ մի բան կայ. տեսնենք թէ ի՞նչ փորացաւ ունին:

Ու դեռ Խէչօն խօսքը շվերջացրած՝ գիւղացին աւելացրեց.

— Պ. խաշատուր, քեզ էլ մի խնդիր ունենք. լսել ենք՝ մեր ֆէզայիները տաւար են բերել Նորս. հիւանդի կաթ էլ աշուն ենք մեր գիւղում. խնդրում ենք՝ մեզ էլ բաժին հանէք:

Սա կանգնած էի Սարգսի կողքին: Նա իրեն յատուկ բարձր քրքիջով սկսեց քահ-քահ ծիծաղել, իսկ Քեռին ժպտում էր մեղմօրէն:

Խէչօն էլ շղիմացաւ եւ աղմուկով հահոաց.

— Վա՛յ, ձեզ ինչ ասեմ. կովերի համար Խէչօն պ. խաշատուր էլ դարձրիք: Լաւ, կը տեսնենք, մի բան կանենք:

Ու շարժեցինք Նորսի ուղղութեամբ՝ մեզ հետ տանելով նւիրւած գինին եւ Խէչօի, Քեռու եւ Սարգսի հետ եկած երկու զինւորներին:

Նորսում Խէչօն ու Սարգիսը մեզ յանձնեցին իրենց լեցուն խտրջիները: Նրանք բերել էին ծխախոտ, շաքար, դեղորայք եւ ուրիշ անհրաժեշտ իրեր: Մեզ առանձնապէս ուրախացրեց շաքարը, որի պակասից շատ էինք նեղուամ: Ռուսաստանի ներսերը սկսել էին գործադուլներ. երկաթուղին կանգ էր առել, մթերքների փոխադրութիւնն էլ համարեա դադարել էր: Մեղ մօտ, առաջին հերթին, հրապարակից վերացել էր շա-

քարը. թէյր ստիպւած էինք խմել շամիշով: Մենք դեռ Դարա-  
լագեազի եւ Զանգեզուրի հետ էլ կանոնաւոր կապ չէինք  
ստեղծել, որ մեր կարիքները այնտեղից հոգայինք. այնպէս  
որ Խէչօի եւ Սարգսի խուրջիները ճիշտ ժամանակին էին  
հասնում:

Նորսում առաջին երեկոն նւիրեցինք աւելի ընկերական  
զրոյցի ու կատակների: Յաջորդ օր առաւօտեան սկսեցինք  
լրջօրէն — քննութեան առնել մեզ վերապահւած բոլոր խըն-  
դիրները: Նախ քան խորհրդակցութիւնը Խէչօն ինձ մտերմօ-  
րէն առաջարկեց.

— Երթանք՝ մի քիչ ման գանք:

Եւ երբ դուրս էինք եկել, շատ զգուշութեամբ, սկսեց խօսել  
Լեոնային Նախիջեւանի կարեւորութեան մասին ինքնապաշտ-  
պանութեան տեսակէտից. պէտք է միանանք Դարալագեազի  
և Զանգեզուրի հետ եւ այդ նպատակով հարկադրւած ենք  
մաքրել մի քանի թշնամի գիւղեր. այս լուրջ գործը գլուխ  
բերելու համար անհրաժեշտ է այս շրջանը յանձնել մի աւելի  
փորձւած ու եփւած խմբապետի: Խէչօն յոյս էր յայտնում,  
որ ես ուրիշների նման խմբապետ մնալու ցաւով բռնւած  
չեմ եւ իբրեւ կրթւած խմբապետ՝ կը հասկանամ իր ասածի  
կարեւորութիւնը:

Ճիշտն ասած, Խէչօի խօսելու ձեւը մի քիչ տարօրինակ  
թւաց ինձ. ի՞նչ գայլի շարական էր կարդում գլխիս. որ պէտք  
է՝ պէտք է. էլ ի՞նչ կարիք կայ երկար-բարակ խօսելու: Ես  
անմիջապէս կտրեցի նրա խօսքը.

— էլ ի՞նչ ես երկար ճառում. ես շատ ուրախ եմ եւ մեծ  
հաճոյքով շրջանը կը յանձնեմ Քեռուն: Խէչօն անուշ աչքերով  
նայեց երեսիս, գրկեց ինձ եւ ասաց.

— Ա՛յ, իմ բոլոր բալիկներն այսպէս են. կեցցե՛ս: Դու-  
մանին էլ այս մասին գրել են. նա էլ համաձայն է: Քեռին  
շատ փորձւած, խիզախ, ազնիւ խմբապետ է. ինչպէս ինձ ես  
սիրում ու յարգում, այնպես էլ նրան վերաբերւիր:

Ես կրկին ու կրկին հաւատացրի, թէ ուրախութեամբ կը  
յանձնեմ Քեռուն շրջանի հրամանատարութիւնը: Երբ տուն  
վերադարձանք, Խէչօն հանդիսաւոր կերպով յայտարարեց  
Սարգսին.

— Ամէն ինչ կարգադրւած է:



— Արդէն ուրիշ կերպ էլ չէր կարող լինել, ես Դրօին ճանաչում եմ, — պատասխանեց Սարգիսը:

Մեր այս խօսակցութեան ժամանակ գոմից դուրս էին բերել իմ ձին: Քեռին հիացած դիտում էր նրան, ժպիտը դէմքին: Խէչօն հարցրեց:

— Քեռի ջան, ո՞նց ձի է:

— Լա՛ւ մալ է, — պատասխանեց Քեռին:

— Քեռի՛, քեզ փէշքէշ, — վրա բերի ես:

— Տիրոջ բունբարէք ըլլայ:

Քիչ յետոյ, ես անցայ տղաների մօտ եւ յայտարարեցի, թէ այսուհետեւ մեր ընդհանուր խմբապետը Քեռին է: Տղաները անտրտունջ լսեցին յայտարարութիւնս, բացի Խլաթցի Գալօից եւ Կօփեցի Սարօից:

— Մենք մըր խմբապետէն գոհ ենք, յորի՞ ուրիշ խըմբապետ կուտան մըզի, — գանգատւում էին նրանք:

Ես բարկացայ նրանց վրա, պահանջեցի որ լսեն եւ ենթարկւին եղած կարգադրութեան: Ապա գնացի Քեռու մօտ եւ անձամբ յայնեցի ուրախութիւնս նրա ընդհանուր հրամանատար նշանակելու առթիւ:

Քեռին ժպտերես լսեց ինձ եւ ասաց

— Միասին կը վարենք գործը. դուն ալ կը մնաս, քո խումբը կը վարես:

Ես, սակայն, առարկեցի եւ պնդեցի, թէ պէտք է լինեմ նրա հրամանատարութեան տակ:

Ու այնուհետեւ մի ամբողջ տարի մենք մնացինք միասին Լեռնային Նախիջեւանում ու Զանգեզուրում եւ վարեցինք բազմաթիւ կռիւններ, որոնցից երեքի վրա պիտի կանգ առնեմ՝ Յոյց տալու համար, գէթ մասամբ, Քեռիի խոշոր անհատականութիւնը, զարմանալի յանդգնութիւնը, անսահման քաջութիւնը եւ մանաւանդ ղեկավարի հմտութիւնը:

Այդ մասին, սակայն, ուրիշ անգամ:

## ՍԻՍԵԱՆ ԳԻՒՂԻ ԿՌԻՒԸ

Անցեալ անգամ խոստացայ պատմել Քեռիի հետ վարած մեր կռիւնների մասին: Բայց նախ քան այդ, մի քանի խօսքով պատմեմ, թէ ի՞նչ կազմակերպութիւն էինք առաջ բերում

մեզ յանձնուած շրջաններում, ինքնապաշտպանութեան համար:

Համաձայն Դումանից ստացած հրահանգի, հայկական բոլոր գիւղերում մենք ստեղծում էինք հետեւակ ու ձիաւոր մնայուն եւ թռուցիկ խմբեր: Շրջանը, որի գլուխ կանգնած էր ընդհանուր խմբապետը կամ հրամանատարը, գիւղերի դասաւորութեան համեմատ, բաժանուում էր շրջանակների: Ամէն մի շրջանակում փորձուած հայդուկներից մէկը նշանակուում էր խմբապետ եւ մէկն էլ՝ նրան օգնական: Ըստ Դումանի յատուկ կարգադրութեան, տեղական հետեւակ թռուցիկ խմբերը կազմուում էին ուսական բանակում ծառայութիւն արած երիտասարդ զինւորներից: Տեղական սեփականութիւն եղող զէնքերը տրուում էին զինավարժ տղաներին, որոնք մտնում էին տեղական զինեալ ուժերի շարքերը: Կուսակցական փամփուշտ տրուում էր միայն թռուցիկ խմբերին, որոնք նորը ստանալու համար պարտաւոր էին ներկայացնել կրակած փամփուշտները:

Տեղական թէ մնայուն եւ թէ թռուցիկ խմբերը, քիչ բացառութեամբ, գործում էին ուս զինւորական կանոններով: Այսպէս, ունէինք տասնեակ (ատգելենիէ) իրենց տասնապետներով, քսանեակներ (վզվոդ)՝ 20—30 հոգուց բաղկացած, իրենց քսանապետներով: Թեթեւ կռիւների ժամանակ առաջին հերթին գործի էին հանուում թռուցիկ ձիաւոր եւ հետեւակ խմբերը, իսկ պահանջուած դէպքում շարժման մեջ էին դնում զինւորական բոլոր ուժերը: Թշնամուն հարւածը տալուց յետոյ, զինուած ուժերը վերադառնում էին իրենց տեղերը եւ սպասում նոր հրահանգների:

Զինւորական մեծ շրջաններում, ինչպիսին էր, օրինակ, Սիսեանը, Դաշնակցութեան Կենտրոնական Կոմիտէն ունէր իր ներկայացուցիչը — շրջիկ, որի պարտականութիւնն էր կոմիտէների եւ ենթակոմիտէների հետ միասին լուծել տեղական վարչական ու դատական խնդիրները, աջակցել զինւորական մարմիններին, հաւաքել կուսակցական եւ ինքնապաշտպանութեան յատկացուած տուրքերը, հետեւել, որ անշեղօրէն կատարուեն զինւորական մարմնի կարգադրութիւնները, յատկապէս ունեւոր գիւղացիների վրա դրւած զէնք դնելու պարտաւորութիւնը: Զէնքը այն օրերին շատ թանգ էր. մի

մօսին հրացան 2—300 բուրլի արժէր, փամփուշտի հատը՝ 80—40 կոպէկ: Գիւղի ամէն ունեւոր բնակիչ պարտաւոր էր գնել որոշւած քանակով եւ տրամադրել ինքնապաշտպանութեան ընդհանուր գործին:

Այս ձեւի կազմակերպութիւն էինք առաջ բերում կեռնային Նախիջեւանի գիւղերում, երբ մի օր էլ հրաման եկաւ Դումանից, որ անմիջապէս մեկնենք Զանգեզուր: Մեզ փոխարինող ուրիշ ուժեր հասան, իսկ ես ու Քեռին մեր խմբերով անցանք Զանգեզուր եւ կենտրոնացանք Սիսեանի շրջանում, ուր ձեռնարկեցինք նոյն ձեւի կազմակերպութեան ստեղծման: Մեր խմբերի մէջ մտել էին նոր տղաներ: Ունէինք երեսունի շափ ձիաւորներ: Ես Քեռիի օգնականն էի: Նա ինձ տվել էր գործելու կատարեալ ազատութիւն: Ինձ էր յանձնել շրջանի տեղական ուժերի կազմակերպումը, մի սահմանափակումով սակայն.

— Դու ձիաւորները թո՛ղ. անոնք ունին իրենց խմբապետները:

Եւ ես ձիաւորներին թողած, ամբողջապէս կլանւեցի տեղական մարտական ուժերի կազմակերպման գործով:

Հետաքրքրական էր լսել մեր աչքառու հայդուկների կարծիքը Դումանի կարգադրութիւնների մասին: Օրինակ, Բերդակցի Օսկանը, Կոփեցի Կնեազը, Մոկացի Խէչօն (որ մեր խմբի աշուղն էր՝ ծաղրածուն), Խլաթցի Գալօն անսահման արհամարհանքով էին նայում ռուսական ծառայութիւնը անցած զինւորների վրա եւ յաճախ կէս-չուրջ, կէս-կատակ զանգատում էին.

— Տօ՛, պարոն Դերօ, էդա մըր պարոն Դուման ի՞նչ ի մոգոնի. սալդա՞թ պտի կազմակերպես, զօռով շարք մտցնես— կռի՞ւ պտի քշես. էնոր էրած կռիւ ի՞նչ կեղնի: Դաշնակցութեան զինւոր իր խէր, մէր մոռցած մարդ ի. ազգի սիրուն մէկ ոտ հոս, մէկ ոտ հոն, գիշեր-ցերեկ սար ու ձոր մնացած՝ ինոր բան ուրիշ ի. էդա զինւորներ իրենց օլուխ-շոջուխի կշտին՝ էտոնք ի՞նչ պտի կուին: Տո, վալլահ, մեր պարոն Դումանի բաներ օյին ի, օյին...

Տղաները այսպէս յաճախ քննադատում էին ու հեզնում՝ դրանով, մի տեսակ, բաւարարելով իրենց հայդուկի վիրաւորւած ինքնասիրութիւնը: Անխառն հաճոյք էր լսել մեր այս

լեռնական, պարզ ու անգրագէտ մարտիկների անսեթեւեթ խօսքերով արտայայտւած յուզումն ու զարմանքը: Ես ժպտում էի քթիս տակ եւ սպասում էի այն օրւան, երբ գործի մէջ երեւան պիտի գար Դումանի «օյին»-ի ոյժը: Եւ այդ օրը շուշացաւ:

Գիւղերում ինքնապաշտպանութիւնը կազմակերպելու նպատակով 10—15 օրով ես դուրս եկայ շրջանը: Երբ վերադարձայ Բռնակոթ եւ մտայ Քեռու շտաբը, աչքիս պատկերացաւ հետեւեալ տեսարանը — ընդարձակ սենեակում երկու կարի մեքենայ դրւած մի կողմ, մի շուտ կարելու մեքենայ էլ մի ուրիշ կողմ, տեղացի մի քանի հագուստ ու շուտ կարող արհեստաւորներ մեծ եռանդով աշխատում էին: Պատերից կախւած էին հասարակ կտորից կարւած հագուստներ եւ աժանոց կտաւից սպիտակեղէններ, որ Քեռին պատրաստել էր տւել զինւորների համար: Պատերից խնամքով կախւած էին նաև ձիերի դուլաններ<sup>23</sup>, թարքի թաղիքներ: Այդ ահագին սլաշարը պատրաստուել էր վերջին 10—15 օրւայ ընթացքում:

Մեր զինւորներից շատերը ունէին դիագանալ թանգնոց կտորից շալւարներ եւ կարարդին<sup>24</sup> մորթէ փափախներ: Քեռին շարունակ դժգոհութիւն էր յայտնում եւ դիտել էր տալիս, թէ ժողովուրդը դրամ չունի մեզ դիագանալ շալւարներ ու կարարդին փափախներ հագցնելու համար: Եւ այդ պատճառով աժան կտորից հագուստներ ու սպիտակեղէն էր պատրաստել: Մեր զինւորները տրտնջում էին երբեմն նոյն իսկ բողոք բարձրացնում, թէ միւս խմբապետները իրենց տղաներին լաւ կտորից հագուստ էին տալիս, իսկ Քեռին զրկում, միւս խմբապետների պէս չի նայում իր զինւորներին: Բայց Քեռին անյողդողդ էր. ազգի ամէն կոպէկ նա հաշւով էր ծախսում: Եւ շնորհիւ այսպիսի վերաբերումի, կուսակցական դրամարկղից ստացած 2000 ռուբլուց մի տարւայ ընթացքում ծախսել էր հազիւ 500 ռուբլի: Դումանը խմբապետների ժողովում բացառիկ գովասանքով ու ջերմ գնահատանքով էր խոսել Քեռու խնայողութեան մասին ու նրա ներկայացրած հաշիւները իբրեւ օրինակ ցոյց տւել միւս խմբապետներին:

23 Պարաններ (ժ. կ.):

24 Խիտ գործված նուրբ էկրպասի տեսակ. (ժ. կ.):

Իմ Բռնակոթ գալու օրն իսկ Քեռին կարգադրեց, որ զին-  
ւոր առնեմ եւ անցնեմ Թազա գիւղ, որ հանդիսանում էր շր-  
ջանի գիւղերի սիրտը եւ մի տեսակ հանգոյց էր դէպի Մազրա  
տանող ճանապարհի: Ես շէի ուզում նոյն օրը մեկնել, բայց  
Քեռին պնդեց իր կարգադրութեան վրա: Նա կարծես բնազ-  
գով զգում էր, թէ մի բան է պատահելու:

— Այսօր եւ եթ պէտք է երթաս,— ասաց նա վճռական  
կերպով,— ես այդ գիւղէն քիչ մը կը վախնամ: Զիաւորներ ալ  
առ հետդ, որը որ կուզես:

Ես հետս առի իմ մշտական զինւորներից Իգդիրցի Քիւրդ  
Խէչօին, Բերդակցի Օսկանին, Խլաթցի Գալօին, մեր մշտա-  
զւարճ Մոկացի Խէչօին եւ մի քանի ուրիշներին, ընդամենը  
տասը հոգի: Քեռին տղաներին բաժանեց իր արհեստանոցում  
պատրաստած սպիտակեղէնից մի-մի գոյգ, քննեց եւ իր ձեռ-  
քով շտկեց ձիերի սարքը ու բարի երթ մաղթեց: Իմ ձիու  
ոտը պայտառը մեխով էր գցել. Քեռին մի լաւ թակեց պայ-  
տառին եւ իր ձին տւեց ինձ: Ու մենք ճանապարհ ընկանք:

Թազա գիւղում ժողովուրդը մեծ ուրախութեամբ ընդունեց  
մեզ: Մեզ համար յատուկ տեղ էր պատրաստւած, դարբնի  
մեծ տանը, որի կողքին ձիերի համար էլ կար մի ընդար-  
ձակ գոմ:

Թազա գիւղի հրացան ունեցող կուռղների թիւը տասնից  
չէր անցնում: Նրանց խմբապետը, Բողդան անունով, ոռւ  
բանակում ծառայած մի ենթասպայ էր: Ես նրան կարգադրե-  
ցի, որ վտանգաւոր կէտերում մի-մի հրացանաւոր դնի, իսկ  
սրանց կողքին էլ՝ երկուական անզէն տղաներ, որպէս զի  
վտանգի դէպքում կապ պահեն հրացանաւորների եւ գիւղա-  
ցիների միջեւ: Ապա գնացինք ուտելու գիւղացիների պատ-  
րաստած առատ ճաշը: Գիւղացիք շափազանց ուրախ էին  
մեր գալու առթիւ եւ ոչինչ չէին խնայում մեզ հիւրասիրելու  
համար:

Հացկերոյթից յետոյ, ուրախ ու զւարթ, վերադարձանք մեր  
բնակարանը քնելու, բայց քունը չէր գալիս մեր աչքերին:  
Ամենքի տրամադրութիւնը շատ բարձր էր: Մանաւանդ, ար-  
տակարգ կերպով ուրախ էր մեր խմբի ծաղրածուն՝ Մոկացի  
Խէչօն: Աւելը բռնած իբրեւ սազ՝ նա նւագում ու ծաղրական

երգեր էր երգում զինակից ընկերների մասին, յաճախ, ենթարկելով այս վերջինների հայհոյանքին ու ծեծին:

Հոհոցն ու աղմուկ լեցած էր սենեակը, երբ ներս մտաւ Բողոզանը եւ ինձ յանձնեց Քեռուց մի նամակ: Քեռին նորից ու նորից զգուշացնում էր, որ արթուն հսկեմ եւ բոլոր վտանգւած կէտերը պահակներ դնեմ: Ինքն էլ խոստանում էր առաւօտեան գալ Թազա գիւղ: Յայտնում էր նաեւ, որ թուրքական Սիսեան գիւղում թշնամի ուժեր են հաւաքում. ըստ արժանահաւատ տեղեկութիւնների այնտեղ էր եկել իր տասը ընկերներով նաեւ յայտնի Ղաշաղ Խանլարը: Անհրաժեշտ էր, որ ես անմիջապէս հրահանգ ուղարկէի Պննուս եւ Ախլաթեան գիւղերի թուրքիկ խմբերին, որ պատրաստ լինեն: Քեռին ուղարկել էր նաեւ նոր մարտիկներից բաղկացած օգնական ուժ:

Բողոզանից յետոյ ներս մտաւ եւ Բռնակոթի քահանայի տղան՝ Յովհաննէսը (Վահան Խորէնու մեծ եղբայրը), որին Քեռին 15 տղաներով ուղարկել էր Թազա գիւղ՝ հսկելու համար, որ զինւորները նեղութիւն շտան գիւղացիներին, եւ կուրի դէպքում օգնելու մեզ: Եթէ շեմ սխալւում, նա կոմիտէի անդամ էր:

Երբ ես վերջացրի անհրաժեշտ կարգադրութիւնները, մեր անպիտան Խէշօն սկսեց ծաղրական շեշտով երգել.

— Բարով եկար, դո՛ւ, Բռնակոթի տէրտէրի տղայ. դու եկել ես գլուխ տալու մոկաց իշխան քաջ Խէշօին:

Ու դառնալով Քիւրդ Խէշօին. —

— Խոզիդ խորի, քրդօ՛. բա՛ց քեռ խուրջին, պատուէ զհիւր:

Քիւրդ Խէշօն անմիջապէս տեղից վեր թռաւ, բաց արաւ խուրջինը, հանեց շիշը ու մի բաժակ օղի լեցնելով՝ հրամցրեց հիւրին: Յետոյ, երկրորդ բաժակը լեցրեց ու երկարացրեց Մոկացի Խէշօին: Երբ սա ձեռքը մեկնեց դէպի բաժակը, Քիւրդ Խէշօն մի ումպով կուլ տուեց օղին, շիշի բերանը պինդ գոցեց ու գրեց խուրջինը: Պայթեց ընդհանուր ծիծաղ բոլոր տղաների կողմից, բայց, մանաւանդ, բարձր հրհռում էր Օսկանը: Մոկացին առնուեց ու լռեց:

Լոեց, բայց շմարսեց ստացած վիրաւորանքը: Մի քանի օր յետոյ նա իր վրեժը լուծեց Օսկանից: Այս վերջինը նահապետական բարքի տէր, կանանց խնդիրներում շափից աւելի խստապահանջ ու բարոյական մարդ էր: Մոկացի Խէշօն հագնում է տեղական կնոջ շորեր եւ փողոցում հանդիպելով Օսկանին՝ փաթաթւում է նրա վզով: Խեղճ Օսկանը շշմում է, մի րոպէ կորցնում է գլուխը. ո՞վ է այս «անբարոյական» կինը, որ փողոցում, արար աշխարհի առջեւ յանդրգնում է խայտառակել հայդուկ Օսկանին: Ու երբ քիչ յետոյ, ուշքի է դալիս եւ հասկանում է Խէշօի խաղը, սարսափելի կատաղած, դաշոյնը ձեռքին՝ ընկնում է նրա յետեւից: Մեր մոկացի հերոսը հազիւ ազատւում է նրա զայրոյթից:

Բերդակցի Օսկանն էլ, սակայն, առիթ է գտնում վրեժ առնելու Մոկացի հերոսից: Մի կուում հարկաւոր է լինում գրաւելու գիւղի մէջ գտնւած ջրաղացը, որի ճանապարհին արդէն 3—4 հոգի սպանւել էին: Օսկանը, Քիւրդ Խէշօի հետ, հրամայում է Մոկացի Խեշօին անմիջապէս գրաւել ջրաղացը, բայց սա տեղից չէ շարժւում: Այն ժամանակ Օսկանը սպանում է նրան հրացանազարկ անել. Մոկացին կէս-կատակ, կէս-լալկան ձայնով աղաչում է.

— Տո՛, տղայ, մէկ խատ Մոկացի իշխան ունիք ձեր մէջ, էն լէ կուզիք էսա էրկի՞ր թողիք. դուք Ֆիտայիներ մէջ մըջքի կը՛կուիք, ձիկ ձգեր իք գեղցոց մէջ ու կըսիք՝ գնա՛ զջաղաց վերցու: Տօ՛, էդ իմա՞լ խիղճ ի ձեր խիղճ:

Օսկանն ու Քիւրդը մեղմանում են եւ թողնում են հանգիստ «Մոկացի իշխանին»...

Մեր Թազա գիւղ հասնելու յաջորդ առաւօտ ես ընդհանուր ժողով էի նշանակել եկեղեցում. պատրաստւել էի ճառ ասելու: Երբ քահանան եկեղեցական արարողութիւնը վերջացրեց, շեմ յիշում սկսել էի ճառս թէ ոչ, յանկարծ, դուրսը լաւեցին հրացանների դրաքոցներ: Ինչպէս յետոյ պարզւեց, անպիտան գիշերապահները, մտածելով թէ գիւղում զինւած ոյժ շատ կայ եւ բան չի պատահի, առաւօտեան դէմ դիրքերը թողել ու վերադարձել էին իրենց տները, թշնամին դրանից օգտւելով՝ յարձակւել էր գիւղի վրա:

Հրացանների որոտին հետեւեց հաւար եւ իրարանցում: Զանազան կողմերից ձայներ էին լսւում, թէ Սիսեանի թուր-

քերը արդէն գիւղն են մտել, թէ թշնամին սպառնում է թա-  
լանի տալ գիւղը:

Այդ օրերին սովորութիւն էր եկեղեցի էլ զինւած գնալ.  
զինւած եկել էին ճառս լսելու և Բռնակոթից: Մեր տղաներից  
եկեղեցում էին գտնւում միայն Գարեգինն ու Մոկացի Խէշօն:  
Մենք պատրաստւեցինք շտապով գրաւելու դիրքերը: «Տղե՛րք,  
հետեւեցէք ինձ», — հրամայեցի ես բռնակոթցիներին, եւ ամենքս  
դուրս թռանք եկեղեցուց: Մեր միւս տղաներն էլ տկլոր ձիերը  
նստած, կայծակի արագութեամբ բարձրանում էին դէպի  
թուրքերի բռնած դիրքերը: Մեզ միացաւ եւ տէրտէրի տղան՝  
Յովհաննէսը իր մարդկանցով:

Մենք աճապարեցինք բռնել Սիսեանից դէպի Թազա գիւղ  
տարածւող բարձունքները, որպէսզի արգելք լինենք թշնամու  
ներխուժումին, սակայն դեռ տեղ չհասած տեսանք, որ թուր-  
քերն արդէն գրաւել էին այդ բարձունքները: Վայրկեանը  
ճգնաժամային էր: Գիւղը իրական վտանգի տակ էր: Ամէն  
կողմից լսւում էին անհանգիստ աղաղակներ: Մոկացի Խէ-  
շօն ի գէ՛ն էր հրաւիրում ժողովրդին եւ ինձ սիրտ տալու  
համար անվերջ կրկնում էր.

— Դերօ ջան, վալլահ տղեկներ յըմէն ելան դիրքեր:

Մեր տղաներից ոմանք նոյն իսկ ժամանակ շէին ունեցել  
սանձելու ձիերը, հեծել էին առանց թամբի ու նոխտաներով  
եւ այդպէս արշաւում էին թշնամու դէմ: Երբ նրանք մօտեցան  
թուրքերի դիրքերին, յանկարծ, ձիերից մէկը զարնւեց: Բռ-  
նակոթցիների իմ կազմած վզվռը, երկու շղթայ կազմած,  
զինւորական կարգով ու կանոնաւոր համազարկերով բարձրա-  
նում էր բլուրն ի վեր թուրքերին դիրքերից քշելու նպատակով:  
Ես ու հետիս մարտիկներն էլ դիրքեր գրաւեցինք ու սկսեցինք  
կռւել: Այդ վայրկեանին խմբապետ Բողդանը ձիով արագու-  
թեամբ մօտեցաւ մեզ եւ պատմեց, թէ թուրքերը խոշոր ուժեր  
են կենտրոնացրել մեր 6—7 ձիաւոր տղաների դէմ եւ աջ  
կողմից առաջանալով՝ սպառնում են անցնել նրանց թիկուն-  
քը: Ձիերից մէկ-երկուսը խփւել են, իսկ տղաներից լուր  
չունի թէ սպանու՞ել են թէ ողջ են: Պահանջւում էր արագ  
օգնութիւն: Առանց ժամանակ կորցնելու, Բողդանի, Մոկացի  
Խէշօի եւ տեղական մի քանի հրացանաւորների հետ ես շտա-  
պեցի վտանգւած հայդուկների օգնութեան:



Երբ տեղ հասանք, մեր աչքերին պարզւեց հետեւեալ պատկերը. թուրքերը իրենց գրաւած բլուրի աջ կողմի ձորակի մօտից հետզհետէ առաջանալով՝ աշխատում էին անցնել մեր տղաների յետելը: Մի քիչ եւս, եւ մերոնք պիտի կտրուէին թիկունքից: Մենք անմիջապէս վրա տւինք ու շեշտակի կրակի տակ առինք թուրքերին, որոնք, անակնկալի եկած, սկսեցին խուճապով յետ քաշուել: Մենք երեք հոգով, տաքացած, առանց մեզ հաշիւ տալու թէ ինչ ենք անում, անցանք առաջ: Մէկ էլ, յանկարծ, այդ թոհ ու բոհի մէջ, մեր ականջին հասան ումբերի պայթիւնի որոտներ: «Երեւի մեր տղաները խառնուել են թուրքերին», — մտածեցի ես ու մի բնազդական վախ համակեց ինձ: Երկու ումբ էլ մեր կողմից Գարեգինը նետեց: Բայց թշնամին տեղի չէր տալիս եւ գնդակների տեղատարափով յուսահատօրէն դիմադրում էր մեր գրոհին. մենք էլ յամառօրէն առաջ էինք շարժւում:

Իսկապէս, երկու կողմի համար էլ կռիւը օրհասական էր: Մենք նահանջի տեղ շունչէինք. թուրքերն էլ հասկանում էին, որ եթէ տեղի տան, ոչ միայն իրենց ամբողջ ձեռնարկը կը վիժէր, այլ եւ անձնապէս էլ կը վտանգուէին: Մի գերագոյն ճիգ եւս մեր կողմից, եւ մենք հասանք բլրի գագաթը, դէմ առ դէմ մեզ վրա արշաւող թրքական նոր ուժերի: Շտապով ամրացանք, ու սկսեց մի կատաղի դիրքային կռիւ: Մեզ թշնամուց բաժանող տարածութիւնը հազիւ 80—100 քայլ էր: Իմ ձախ կողմը կուում էր Քիւրդ Խէչօն իր ընկերներով. աջ կողմս բռնակոթցի եւ տեղական ուժերն էին: Թշնամու գնդակների տարափը այնքան սաստիկ էր, որ գլուխ բարձրացնել հնարաւոր չէր, եւ ես շէի իմանում, թէ ինչ դրութեան մէջ էին իմ աջի ու ձախի ուժերը: Իմ մօտի տղաներից Բողդանը վիրաւորւեց ձեռքից: Մի թեթեւ վէրք էլ ես ստացայ աջ ոտքիցս: Յետոյ պարզւեց, որ ես դուրս էի եկել թուրք ղազախ Խանլարի խմբի դէմ, որ բաղկացած էր յայտնի կուռղ աւազակներից:

Բողդանին ուղարկեցի գիւղ եւ պատւիրեցի, որ անմիջապէս մեզ օգնութեան գան 10 բռնակոթցիներ: Բողդանը գիւղը մտնելիս՝ հանդիպում է Քեռուն, որը իր խոստման համաձայն 10 ձիաւորներով օգնութեան էր եկել Թազա գիւղ: Բողդանը նրան պատմում է մեր վիճակը, յայտնում է իր վիրաւորուելը,

աւելացնում է, թէ ես էլ եմ վիւաւորւած, եւ թէ շտապ օգ-  
նութիւն է հարկաւոր: Քեռին կարծում է թէ ես սպանւած  
եմ, և Բողոքանք թագցնում է տղաների մէջ լքում առաջ շրե-  
րելու համար: Ուստի, առ անց երկար մտածելու, թռչում է  
ձին եւ քառասմբակ արշաւում դէպի մեր դիրքերը:

Ճգնաժամային վայրկեան էր մեզ համար: Մենք մնացել  
էինք շորս հոգով եւ համարեա շրջապատւելու վրա էինք: Իբրեւ  
վերջին գերագոյն ճիգ, ես Մոկացի Խէչօին էլ ուղարկեցի օգ-  
նական ուժեր կանչելու համար, բայց ոչ ոք չէր երեւում: Մեր  
փամփուշտն էլ վերջանալու վրա էր: Թշնամին արդէն ցըն-  
ծութեան մէջ էր եւ աւելի վատահ ու յանդուգն կերպով էր  
կոււում: Մեր դիակների վրայով թուրքերը տէր պիտի դառնա-  
յին Քազա գիւղին, ռազմագիտական տեսակէտից այդ շատ  
կարեւոր վայրին:

Մէկ էլ — ի՞նչ տեսնեմ: Գարեգինը իր քափ ու քրտինք  
դարձած ձիու վրա, թշնամու գնդակների կարկուտի տակ,  
մեր դիրքերը հասաւ: Ձին անմիջապէս խփեց. Գարեգինը մի  
ակնթարթում դիրք մտաւ մեր կողքին:

Նոյն վայրկեանին, կատաղի փոթորիկի պէս սրարշաւ,  
հասաւ նաեւ Քեռին: Ես սարսափած գոռացի.

— Քեռի՛, թուրքերը մօտ են, շուտ իջիր ձիուց, կը խփես:  
Դեռ խօսքս չէի վերջացրել, երբ նրա տակի ձին գնդակա-  
հար գետին գլորեց: Անայլայլ, կարծես ոչինչ չէր պատահել,  
մտրակն ու պարաբելում ատրճանակը ձեռքին, Քեռին առաջ  
խոյացաւ թուրքերի վրա: Տատանւելու ժամանակ չէր. մենք  
էլ հետեւեցինք նրան: Յետեւից օգնութեան հասան եւ բռնա-  
կոթցիք: Այժմ արդէն նեղւելու հերթը թշնամունն էր. մեր  
դիրքերի առջեւ գտնւող բոլոր թուրքերը կոտորւեցին: Ով կու-  
րողացաւ ազատել՝ փախաւ: Մեր յաղթութիւնը եղաւ կա-  
տարեալ:

Երբ արդէն թուրքերը դիրքերից քշւած էին, վրա հասան  
Ախլաթեան ու Պննուս գիւղերի ուժերը: Ինչ մեղքս պահեմ,  
եւ Քեռու հրահանգը չէի գործադրել եւ պննուացիներին ու  
ախլաթեանցիներին լուր չէի աւել, բայց նրանք հրացանների  
որոտը լսելով, ինքնաբերաբար, շատապէլ էին հասնել օգնու-  
թեան:

Այս բոլոր ուժերը համախմբած ու շղթայ կազմած՝ մենք

քշեցինք Սիսեան թուրք գիւղի վրա: Քեռին ձին հեծած ան-  
վերջ «ուռա» գանչելով՝ գնում էր շղթայի առջեւից: Նա հրա-  
հանգել էր հիմքից այրել Սիսեանը, որ ոչինչ շմնայ այդ խըշ-  
նամու համար կարելորդ ազմական նշանակութիւն ունեցող  
գիւղից: Մենք էլ Քեռու «ուռա»-ներին «ուռա»-ներով սլա-  
տասխանելով՝ մտանք Սիսեանը եւ ինչ որ կարելի էր այրել ու  
ոչնչացնել՝ աշնչացրինք, գիմադրողներին էլ ջարդ ու փշուր  
արինք: Կոտորեցին եւ շրջակայ գիւղերից եկած բաւական  
մեծ թւով թուրքեր, որոնք հաւաքել էին Սիսեան՝ թազա  
հայ գիւղի թալանին մասնակցելու համար: Սիսեանից մնա-  
ցին միայն հրկիզւած տների կոյտեր...

Երբ Սիսեանը արդէն գրաւած էր, Քեռին նոր միայն  
ուշադրութիւն դարձրեց իմ վիրաւորւած լինելու վրա եւ պատ-  
ւիրեց, որ անմիջապէս թողնեմ ու վերադառնամ թազա գիւղ:

— Քեռի ջան, վէրքս թեթեւ է, քանի դու Սիսեանում ես,  
ես չեմ հեռանայ մօտիցդ, — առարկեցի ես:

Ու մենք միասին լրացրինք «պատերազմական գործա-  
զուծիւնը»: Փառաւոր ճակատամարտ էինք շահել: Սիսեանի  
այրելը սարսափելի տպաւորութիւն գործեց շրջանի թրքու-  
թեան վրա, որի ողնաշարը վերջնականապէս կոտրւում էր:  
Սիսեանը, իր մեծութեամբ ու խաղացած ազդեցիկ դերով,  
շրջանի թրքութեան սիրտն էր:

Այս կուում մենք ունեցանք երեք սպանւած և 3—4 վիրա-  
ւորներ: Սպանւեցին նաեւ 4—5 ձիեր: Քեռու Զէյրանը ազատ-  
ւեց շնորհիւ այն բանի, որ Բոնակոթում Քեռին ինձ էր տրա-  
մադրել: Քեռու տակ սպանւեց մի ուրիշ ձի:

Թազա գիւղում մեզ փառաւոր ընդունելութիւն ցոյց տւին  
եւ մեր յաղթութեան լուրը տարածեց ամէն կողմ՝ բարձրաց-  
նելով հայ ժողովրդի մարտական տրամադրութիւնը եւ միա-  
ժամանակ՝ մեր համբաւը:

Այս կուից յետոյ էր, որ Մոկացի Խէշօն առիթ գտնելով՝  
մեզայի եկաւ, թէ ինքը ինձ սխալ էր ճանաչել եւ տղաների  
առջեւ իմ կարողութիւնները ծաղրելու համար մոկաց իշխան-  
ների առակն էր պատմել:

Այս կուում էր նաեւ, որ հայդուկների աչքին բարձրացաւ  
Դումանի զինւորական կազմակերպութեան ձեւը, որ այնքան  
հեզնանքի առարկայ էր եղել մինչեւ այդ:

Հետաքրքրական էր Խլաթցի Գալօի գնահատութիւնը բըռնակոթցի զինւորների եւ տեղական միւս ուժերի վարած կռիւների մասին: Այդ գնահատութեան մէջ խտացւած է մեր հայդուկների ընդհանուր նզրակացութիւնը:

— Տօ՛, վալլահ, տղեկներ,— իրեն յատուկ ոճով ասում էր Գալօն,— մեր պարոն Դուման էնդտար անխելք պա՛ն շի կարգադրի. էնի էրեւան նստում՝ իմացիր ի, թէ էստեղի զինւորներ իմալ պտի կուցու: Տղեկնե՛ր, էսոնք մըզ պէս կռիւ շեն ըներ. մընք էրկու հոգի հոս, էրկու հոգի հոն դիրք կը բռնենք, ու ֆիտայու գիւլէն վը՛ժժժ կը թափի թշնամու գլխուն: էսոնք թելի պէս կը շարւին. էնոնց էն թելաւոր շավուշ շէն էն շան լեզուվ բան մը կը բռռէ, յըմէն տղեկներ ֆը՛րթ-ֆը՛րթ-ֆը՛րթ թւանքներ կը կրակեն...

Տղէ՛ք ջան, շկարծէք թէ ես լէ ֆիդայու անուն ձգի. վալլահ, ջաղցի առուի փէլ բռնած՝ էնոնց միշտ յառաջ, միշտ յառաջ կուուցի... Մեր Դերօն լէ, Գեռօերու գլուխ ելանք, ուսավար կը բռռէր, զինւորներ լէ կրակ կը թափէին վըր թըշնամուն: Վալլահ, թէ դուզն կուզիք ըսիմ, էդա տեղական զինւորներ դուման խանած էին գիւղի մէջ ու դիրքերու քով...

... Նախ առաջին տրամադրութեան մէջ նկատելի մէկ կէտ կայ, որուն համաձայն Հայաստանը խորհրդային հանրապետութիւն կը համարուի միայն Դեկտ. 2-ին:

Համաձայնագրի երկրորդ կէտին մէջ, բոլշեւիկները կ'ընդունին Հայաստանի հողային ամբողջականութիւնը:

Բայց հետագային անոնք շարգեցին համաձայնութեան այս տրամադրութիւնը եւ թուրքին պատերազմական աւար գիջեցան Սուրմալուն. նախիջեւանն ու Շարուրը բաժնեցին Հայաստանէն. իսկ Կարսի նահանգը ԱՄԲՈՂՋԱՊԷՍ յանձնեցին իրենց թուրք դաշնակիցներուն:

Համաձայնագրի երրորդ կէտի մէջ, բոլշեւիկները կը խոստանան պատասխանատուութեան շենթարկել Հայկական բանակի հրամանատարութիւնը այն գործերու համար, որոնք կատարուած են բանակի շարքերուն մէջ մինչեւ Հայաստանի խորհրդային իշխանութեան յայտարարումը: Բոլշեւիկները շարգեցին նաեւ իրենց այս խոստումը: Հալածանքը սկսաւ հայկական բանակի հրամանատարութեան դէմ: Յունուարին Մոսկուայի կառավարութիւնը պահանջեց Դրոյի հեռացումը Հայաստանէն: Դրօ որոշեց երթալ՝ հակառակ անոր որ իր ձեռքին տակ գտնուող հայկական բանակի թիւը շատ աւելի մեծ էր քան եկտր սովետական բանակը: Կուսակցութեան որոշումով եւ իր համաձայնութեամբ Դրօ բռնեց աքսորի ճամբան: Եթէ այդպէս չընէր, Հայաստան պիտի իյնար քաղաքացիական սպանիչ կռիւններու գիրկը եւ, առանց անոր ալ արիւնաքամ հայութիւնը պիտի ենթարկուէր նոր զրկանքներու: Դրօյի հեռացումը ճնշող տպաւորութիւն թողուց ժողովուրդին վրայ. որուն հակազդեցութիւնը ժողովրդական լուռ ցոյցի մը ձեւը առաւ:

Արովեան փողոցը լեցուած խիտ բազմութիւնը ցաւով ճանապարհ դրաւ Դրօն, որուն հեռացման մէջ հայ ժողովուրդը կը տեսնէր իր վերջին յոյսերուն անհետացումը: Դրօ Մոսկուայի մէջ արգելափակուեցաւ, իրաւունք չունենալով առանց

\* Դրոյի այս հողվածը տպագրվել է «Արեւելքում» (1948 փետր .18) S. Զարեհ ծածկանունով:

կառավարութեան գիտութեան 60 քիլոմէթրէն անդին երթալ  
եւ 84 ժամէն աւելի բացակայիլ:

Գրոյի հեռացումէն վերջ Հայաստանի ամբողջ սպայու-  
թիւնը, 1500 հոգի, զօր. Նազարբէգեանի, Հախվէրդեանի,  
Սիլիկեանի գլխաւորութեամբ գնդացիներով շրջապատուած  
ձին ձմեռին, ոտքով քշուեցան Ռուսաստանի խորերը, Բիա-  
զան: Ծերունի զօր. Նազարբէգեան շղիմանալով այս ուղեւո-  
րութեան, կէս մը անդամալոյծ Հայաստանէն մինչեւ Պաքու  
երթալէ վերջ, սովիէթ կառավարութեան որոշումով բանտար-  
կուեցաւ Պաքուի բանտը, զօր. Հախվէրտովի եւ զօր. Գամ-  
մազովի հետ: Մնացեալ սպայութիւնը, աքսորուեցաւ Բիազան:

Ծանր վիճակ մը նոյնպէս պարտադրուեցաւ Հայաստան  
մնացողներուն:

Երեւանի հրապարակին վրայ, օր ցերեկով զօր. Բ. Փիւ-  
րումեան անձնասպան եղաւ, աւելի լաւ համարելով մեռնիլ  
քան սովիէթ իշխանութեան անարգանքին ենթարկուիլ:

Ի՛նչ կը ներկայացնէր իրաւամբ հայ սպայութիւնը այն  
օրերուն: Այս բնորոշումը կատարելու համար պէտք է քիչ  
մը ետ երթալ. քրքրել պատմութեան էջերը:

1917-ին երբ ուսական բանակը, բուլշեփզմի լուծին տակ  
որոշեց ամբողջ ճակատը լքել ու հեռացաւ, հայկական բա-  
նակը մնաց Վէհիպ փաշայի բանակին դէմ դիմաց: 300 հա-  
զարնոց ուսական բանակի տեղը պիտի բռնէր հայկական  
բանակը: Հայ ղեկավարութիւնը բանակ կազմակերպելէ զատ,  
պաշտօն ունէր նաեւ պաշտպանելու հայութեան զանգուած-  
ները թուրքերու կողմէ զինուած եւ հրահրուած թաթարներու  
դէմ: Պրէսթ-Լիթովսքի դաշնագրով սովետները ահագին հո-  
ւեր զիջած էին իրենց բարեկամ Թուրքիոյ:

Այն օրերուն է որ Լ. Յ. Դաշնակցութիւնը վճռեց բոլոր  
հայկական զինեալ ուժերը կեդրոնացնել եւ ամէն ինչ առաւ,  
ամեն ինչ գործադրել որ մեր երկրորդ հատվածը շմատնուի,  
ինչ կացութեան որ մատնուած էին արեւելեան նահանգներու  
մեր եղբայրները: Նազարբէգեանի վիճակուեցաւ հայկական  
բանակը կազմակերպելու պաշտօնը:

Դժնգակ պայմաններու տակ կազմուեցաւ հայկական բա-  
նակը, այն օրերուն երբ Երեւանի նահանգին մէջ կը տիրէին

հացի պակասութիւն, սով, հիւանդութիւն եւ այն: Հայ սպայութեան մեծագոյն մասը հայ գիւղացիի զաւակներ էին:

Ահա այս սպայութիւնն էր որ քշուեցաւ առանց յանցանքի, աքսորուեցաւ Հայաստանէն: Ու հայ ժողովուրդը շկրցաւ ինքնիրեն հաշիւ տալ այս ապօրէն կարգադրութեան համար:

Սպայութեան աքսորէն վերջ սկսան բոլշեւիկեան ամենէն սարսափազդու եւ սանձարձակ հալածանքները ամբողջ հայ ղեկավարութեան եւ մտաւորականութեան դէմ: Բանտերը լեցուեցան հազարաւոր բանտարկեալներով: Բոլշեւիկները երկրի զանազան կողմերը սկսան անասելի հարստահարութեանց: Բոլշեւիկները նոյնիսկ Հայաստանի ցորենն ու արմտիքը Ազրբէյջան արտահանեցին:

Այս խժոժութեան առջեւ, հայ ժողովուրդը սուգ ու շիււանի օրեր ապրեցաւ: Հայ ժողովուրդի ոռւսասէր տարրը իր աչքով տեսաւ ու վկայեց թէ սովետական իշխանութիւնը ոչնչով կը տարբերի սուլթանական բռնակալութենէն: Բոլշեւիկները դրժեցին իրենց բոլոր խոստումները: Հայաստան ահ ու սարսափելի երկիր դարձաւ:

Հետեւանքը անխուսափելի էր, հայ ժողովուրդը շէր կրնար տանիլ այսքան անարգանք ու վատութիւն: Ժողովրդական բռնկում մը ճակատագրական կը դառնար:

Վ Կ Ա Յ Ո Ի Թ Ի Ի Ն Ն Ե Ր

«ՄԵՐ ԱՆՎԵՀԵՐ ԴՐՕՆ»

Մի ֆայել Վարդանեան, իր «Հ. Յ. Դաշնակցութեան պատմութիւն» արժեքաւոր գործի Ա. հատորին մէջ հետեւեալ ձեւով կը ներկայացնէ Նակաշիձէի ահաբեկումը. —

Մայիսի 11ին, ցերեկուան ժամը 3ի ատեն, երբ գեներալ-նահանգապետը՝ Նակաշիձէ՝ կառքով կը սլանար քաղաքի կեդրոնական պողոտայով, ռումբ մը նետուեցաւ անոր վրայ եւ ահաւոր դղրդիւնի մէջ Նակաշիձէի ջախջախուած ու այլանդակուած դիակը փռուեցաւ գետին...:

Հակառակ իր բոլոր զգուշութիւններուն, Ոճրագործը շկրցաւ խուսափիլ հայոց Նեմեզիդայի արդար վրէժխնդրութենէն:

Դժուար է նկարագրել այն խուճապային սարսափը, որ յառաջացաւ Բազուի մէջ: Պայթումի տեսարանն արդէն սոսկում կ'ազդէր: Նակաշիձէի արիւնաթաթախ դիակն ընկած էր պողոտայի մէջտեղը, կառքը երկու կտոր եղած էր. թուրք կառապանն ալ ծանրապէս վիրաւորուած էր եւ շուտով մեռաւ: Ռումբի հարուածէն մահացան նաեւ Նակաշիձէի ծառան ու մի թուրք մրգավաճառ, որ բազմած էր այն անկիւնին մէջ, ուրկէ Դաշնակցութեան խորհրդաւոր ձեռքը նետեր էր դժոխային գործիքը:

Սարսափը այնքան մեծ էր բազմամարդ փողոցին մէջ, որ ամբողջ տասը րոպէ ոչ ոք կը համարձակէր մօտենալ սպաննուած իշխանաւորին:

\* Հստ կարելիությն մեկտեղել ենք ժամանակին Սփյուռքում տպագրված Դրոշին վերաբերող առավել ուշարժան վկայութիւնները, ինչպես նաև «Անմահ Դրօշի հիշատակին» «Ալիքի» Բացառիկը (4 մայիսի, 1956, թիվ 87), (ծ. 4.):





«Իմ ուսուցիչը», Նիկոլ Դուման



Սեփարեցի Սաֆօ, Խեչօ, Դրօ, Արմեն Գարօ, Քիրտ Խեչօ, Մարտիրոս, (1907)

Դրօ, Մարտիրոս Չարոփչեան

62






Դրոյի հայացքը... մշտապէս Արարատին սեռոված...



Դրօ, Մաաթէոս, Քիւրտ Խեչօ, (1905)



«... քաղերուն մէջ շինեցորէն քաղը և հերոսներուն մէջ կախարհորէն  
հերոսը՝ Դրօն»



Նստածները՝ Օնէ. (Յովհաննես Մելիքեան), Եապօն (Յովհաննես

Պարոնեան, Մարտիրոս Աբրահամեան

Կանգնածները՝ Յովհաննես Քուրանեան, Զեմելեակ, Դալի Դալի

Ռիժա Տիգրան

Դրօ, Սիմօն Վրացեան





«... Դրոյի մեծագոյն ծառայութիւնը  
Հայաստանին ու հայ ժողովրդին  
եղաւ հէնց թ պատերազմի ընթաց-  
քին, երբ նա երեսութապէս գոր-  
ծակցում էր գերմանացոց հետ...»  
(1943)

Նիկոլ Դուման. «Այս արիւնոտ  
պայքարի մէջ մի նոր գիտ արի:  
Այդ գիտը Դրաստամատն է: Սա  
մեծ ապագա պիտի ունենայ, երբ  
արժանավայել միջավայրի մէջ  
մնայ...»





«... Ա՛խ, մեկ էլ Երկիրը տեսնեի...» (1956)  
Դրոյի վերջին խոսքերից



Ահաբեկիչը, ՄԵՐ ԱՆՆՄԱՆ ԴՐՕՆ, վայրկենաբար անհետացաւ, եւ ոստիկանութեան բոլոր ճիգերը՝ գտնելու թանկագին որսը՝ ապարդիւն անցան:

Սփոփանքի եւ ուրախութեան հառաչանք մը թռաւ սգաւոր հայութեան կուրծքէն: Հարուածը իր զօրաւոր արձագանքն ունեցաւ մինչեւ հեռաւոր Պետերբուրգ, ուրկէ թագաւոր-կայսրը իր հանդիսաւոր ու ջերմ ցաւակցութիւնը կը յղէր սպանուածի ընտանիքին եւ կը նշանակէր անոր յաջորդը, — դարձեալ հայատեաց վրաց իշխան մը՝ զօրավար Ամիլախվարի: Բագուի թրքութիւնը եւ ոուս ու այլ սեւ-հարիւրեակները կազմակերպեցին հսկայ, շտեմնուած յուղարկաւորութիւն, հարիւր հազար մարդ, մեծ մասամբ թուրքերը, շրջապատեցին դիակառքը...:

Ռմբային հարուածի տպաւորութիւնը ահագին էր ողջ կովկասի մէջ: Դաշնակցութեան հմայքը, որ մեծ էր արդէն եկեղեցական գոյքերու համար մղուած կռիւներէն ու ահաբեկումներէն ի վեր, խիստ բարձրացաւ կովկասեան ժողովուրդներու աչքին: Հայ մարտական կազմակերպութեան անունը կը հռչակէին բոլոր շրջաններում, ոմանք հիացումով ու պատկառանքով (ոուս յեղափոխականներ եւ ազատականներ), ուրիշներ՝ ատելութեամբ ու ատամներու կրճտոցով (սեւ-հարիւրականներ, վրացի թթու ազգայնականներ եւ մանաւանդ թաթար հայատեաց պարագլուխներ): Իր շեշտակի հարուածով եւ յարուցած դղրդիւնով, այդ ահաբեկումը, զոր կարելի է համեմատել Պլեէի եւ մեծ իշխան Սերգէյի դէմ կատարուած մեծաշառաչ ահաբեկումներուն հետ, պիտի մնայ Հ. Յ. Դաշնակցութեան փառաւոր գործերէն մէկը:

Հետապնդուեցին, ի հարկէ, մեր ահաբեկիչներուն կողմէ նաեւ երկրորդական կարգի ոճրագործ պաշտօնեաները, — ոուս, թուրք, վրացի, — որոնք զիններ ու խրախուսեր էին ջարդարարները Բագուի հայերուն դէմ: Զարնուեցան Մահմէտբէկով, Միքելաձէ, Շախտախտինսկի (առաջինը վիրաւորուեցաւ, միւս երկուքը սպաննուեցան):

Ու իշ քանի մը պաշտօնեաներ ալ վաղաժամ ձգեցին Բագուն ու փախան:

ՄԻՔ. ՎԱՐԱՆԴԵԱՆ

Ս.Վրացեան, իր «Հայաստանի Հանրապետութիւն» արժեւոր գործին մէջ, կը գրէ մեր մեծ ընկերոջ՝ Դրոյի մասին (էջ 120).

«1918 Մայիս 23ին, թշնամին խոշոր ուժերով յարձակման դիմեց նաեւ Բաշ-Ապարանի ճակատում: Սկսուեցին արիւնահեղ կռիւներ: Դրոյին յաջողուեց կանգնեցնել նրա յառաջխաղացումը՝ զգալի կորուստ պատճառելով նրան:

«Ստանալով օժանդակ ուժեր, թիւրքերը նորից անցան յարձակման՝ հանդիպելով մերոնց յամառ դիմադրութեան: Կռիւները տեւեցին մի քանի օր: Այստեղ էլ մեր զօրքերը երեւան բերան արտակարգ տոկունութիւն ու քաջութիւն: Դրոյի հմուտ զեկավարութեան տակ նրանք յետ շարտեցին թշնամու բոլոր գրոհները եւ Մայիսի 28ին մի խիզախ հակազրոհով փախուստի մատնեցին թշնամուն:

«Այդ ճակատամարտում հերոսական մահով ընկաւ հայ լաւագույն հայդուկներից մէկը՝ ձիաւոր խումբի հրամանատար Զեմլեակը»:

### ԴՐՕՆ ԻՔՐԵԻ ՌԱԶՄԻԿ ԵՒ ԻՔՐԵԻ ՔԱՂԱՔԱԿԱՆ ԴԷՄՔ

Յեղափոխական Դաշնակցութիւնը կորսնցուց իր մարտական սերունդին ամէնէն հուժկու դէմքերէն մէկը:

Երեք տառերու մէջ խտացած անունն իսկ, Դրօ, առանց որեւէ ածականի, կ'ամփոփէ փառաւոր անցեալ մը: Ինչպէս երբ կ'ըսենք Սերոբ, Գէորգ Զավուշ, Անդրանիկ, Մուրատ, Սեպուհ, Արամ, Իշխան, Ռուբէն կամ Նիկոլ:

Այսպէ՛ս է մեր պատմութիւնը:

Անհամար մեծ ու փոքր դէմքեր, բազմավաստակ «անձինք նւիրեալք», մեր ազատագրական պայքարին զանազան գլուխները կը բանան կրճատ այլ խօսուն անուններով: Կը կազմեն խորհրդանշաններ՝ քաջութեան, հայրենասիրութեան, անձնուիրութեան եւ հաւատարմութեան:

Այս հոյակապ դէմքերը ջախջախիչ մեծամասնութեամբ կրակը նետուած են շատ կանուխէն: Եւ ինքնաբերաբար:

Անոնք իրենց առաջին դասերը կ'առնէին ոչ թէ դպրոցէն, այլ կեանքէն: Հայաստանի լեռներէն, դաշտերէն ու գետերէն, կամ եռուն քաղաքներու ժխորէն:

Եւ մէկուն օրինակը, կամ անոր հետ կապուած դէպք մը կը դառնար ազդանշան, կենդանի պատգամ՝ միւսին համար:

Դրօն է որ կը պատմէ, Կովկասի մէջ կազմակերպուած դիմադրական պայքարին առթիւ.

— «Պատանիներ էինք: Յեղափոխական ներշնչման գրիխաւոր աղբիւրներից մէկն էր այդ օրերուն Անդրանիկի հերոսական կոիւր: Երբ Անդրանիկը մի քանի հարիւր կտրիճներով կուրծք էր տալիս տանկական քանակներին, յանուն հայ ժողովրդի պատիւն ու ազատութեան, մենք նոյնպէս կուրծք կրտանք ցարական կառավարութեան եւ մեր արիւնք կը թափենք յանուն հայ ժողովրդի իրաւունքներուն»:

Այս ազդանշանը կը տարածուի բերնէ բերան, կազմակերպելու համար ինքնապաշտպանութեան պայքարը՝ Կովկասի մէջ, Երեւանէն մինչեւ Բազու:

Ի բնէ կտրիճ եւ սրատես, Դրօ անմիջապէս ուշադրութիւն կը գրաւէ իր յանդգնութեամբ:

Շատ շանցած, 1905 Մայիսի 11ին, ամբողջ Կովկասը կը սարսի, երբ քսանամեայ պատանին հրաշագործ ոռւմբը կ'արձակէ, փոշիացնելով Բազուի հրէշը, նահանգապետ նակաշիճէն, բուն կազմակերպիչը հայ-թաթարական ընդհարումներու:

Ասպարէզը բաց էր արդէն, լեռ ու ձոր կտրելու համար ազատագրութեան ճամբուն վրայ, մինչեւ կամաւորական շարժումը, վանի գրաւումը եւ Բաշ Ապարանի հերոսամարտը:

Զինւորական Ակադեմիա մտած չէր Դրօ, բայց երբ խօսէր ռազմական հարցերու մասին, ունկնդիրը կը զարմանար իր բնածին ուշիմութեան եւ եփուն տեսակէտներուն վրայ: «Աչք» ունէր նոյնպէս, երբ ռազմականին հետ քաղաքական խնդիր մըն ալ կը յոգուէր:

Մշտնջենական շարժում էր, եւ խանդավառութեան, աշխուժացման կայծեր կը ցանէր իր ճամբուն վրայ: Ոչ միայն երիտասարդութեան շրջանին, այլեւ սա վերջին տարիներուն,

կըր տարիքի բեռը եւ ծանրակշիռ հոգսերը կը ճնշէին իր վրայ:  
Ռազմիկի ոգին այնքան արմատացած էր իր մէջ, որ երբ  
անողոք հիւանդութիւն մը պարբերաբար տագնապներ կը  
պատճառէր, կը տոկար նոյն սկեպտիկ ժպիտով:  
Տարի մը Փարիզ կը գտնուէր (1933) եւ պատահեցաւ որ  
բանախօսելու հրաւիրուի, տօնական առիթով մը:  
Ո՛րքան դառնութիւն կը ծորէր իր նախաբանէն.  
— Ի՛նչ օրերու հասեր ենք որ զինւորն ալ ճառ խօսելու կը  
ստիպուի...:

\* \* \*

Որքան արի եւ յանդուզն՝ մարտական ճակատի վրայ,  
մեր սիրեչի Դրօն նոյնքան արթուն էր եւ տոկուն՝ քաղաքա-  
կան խնդիրներ ետապնդած ատեն:  
Ռազմիկը հարկադրուեցաւ դիւանագէտի դեր կատարել  
դեռ Երեւանէն: Եւ, աւելի քան երեսուն տարիէ ի վեր այդ  
ապերախտ աշխատանքին լծուած էր արտասահմանի մէջ,  
հակառակ իր խառնուածքին:  
Խորապէս կ'ըմբռնէր թէ տարրական պայման է ներկայ  
ըլլալ ամէն տեղ: Եթէ ոչ բարիքներ ապահովելու, գոնէ շա-  
րիքներ խափանելու համար:  
Դաշնակցութիւնը ամէն բանէ առաջ գործի կուսակցութիւն  
է: Ուրեմն, իր աչքն ու ականջը սուր պիտի պահէ, որեւէ  
անցուդարձի հանդէպ:  
Կը պատահին դէպքեր որոնք սերտ կապ ունին Հայկական  
Դատին կամ ցիրուցան բազմութեանց ապահովութեան հետ:  
Կը ներկայանան պարագաներ ուր բարեկամն անգամ  
կրնայ դաւել, եթէ իր դիմացը շատնէ ընդդիմադիր եւ շարժուն  
ուժ մը՝ իբրեւ արթուն պահակ:  
Ոչ միայն Հայաստանի, այլ եւ արտասահմանի մէջ շրջա-  
պատուած ենք այլազան դրացիներով որոնք անընդհատ կը  
գործեն, նուաճումներ կատարելու համար, ի վնաս անճարին  
եւ բացակային:  
Երէկ՝ մարտական բազուկն էր որ կարգի կը հրաւիրէր  
զանոնք: Այսօր՝ քաղաքական միտքը պիտի գործէ, ելքեց.  
գտնելու համար:

Այս բոլոր պարագաներուն մէջ, երբ Դրօն էր Դաշնակ-  
ցութեան ներկայացուցիչը, տեսակէտները կը պարզէր նոյն  
շառաշուն ուժգնութեամբ, ինչպէս զնդակ մը արձակած ատեն:

Ոչ միայն դրացիներուն, այլ եւ անոնց հովանաւորներուն  
հետ խօսելու եղանակ մը ունէր որ մտածել կուտար: Ամէն  
պարագայի մէջ համարում կը ներշնչէր:

Երկրորդ Աշխարհամարտէն ետք, փոքրոգի մարդիկ, գոյ-  
նըզգոյն դիմակաւորներ փորձեցին մուր քսել իր ճատկին,  
մերձեցման փորձի մը առթիւ որ ամէն բանէ առաջ կը բխէր  
զուտ ազգային մտահոգութիւններէ:

Օրուան հարցն էր, — ի՞նչպէս ընել որ Եւրոպայի հայ  
գաղութները եւ մեր անճար հայրենիքը ոտքի տակ շերթան,  
նախայարձակին սանձակոտոր արշաւանքին առջեւ:

Դրօ իր ամբողջ անցեալն ու հմայքը դրած էր նժարին  
մէջ, այդ եղբրական օրերուն: Ոչ թէ սնամէջ պատրանքներ  
սնուցանելով, այլ նախատեսելով բացակայութեան ահաւոր  
վտանգները:

Անշուշտ իրեն համար տառապանք էր այդ պարտականու-  
թիւնը:

Եւ սակայն կատարեց նոյն պայծառամտութեամբ, ճա-  
կատաբաց ու վճռական: Միշտ յիշեցնելով, արիաբար, թէ  
իր ներկայացուցած ժողովուրդը ոչ փորձանիւթ է, ոչ ալ  
ամբոխ:

Վերջին տարիներու ընթացքին, երբ Արեւմուտքը շեշտակի  
դիրք բռնած էր յանուն ազատութեան եւ ինքնորոշման իրա-  
ւունքի, Դրօ նոյն հետեւողականութեամբ կը ետապնդէր հայ-  
կական պահանջները:

Գիտենալով հանդերձ որ պարագաները բոլորովին անը-  
պաստ են մեզի համար, կարելին կը փորձէր, որպէսզի բա-  
րեկամն ու թշնամին, դրացիներն ու աշխարհակալները շխախ-  
տեն կատարուած նուաճումները:

Ի ծնէ եւ ի բնէ առաջնորդն էր, թէ պատերազմի եւ թէ  
խաղաղութեան ատեն:

Իր մահով իսկապէս անփոխարինելի դէմք մըն է որ կ'ան-  
հետանայ հայկական հորիզոնէն:

Ընկ. Սիմոն Վրացեան, վերջերս հրատարակած իր մեծարժէք գրքին՝ «Կեանքի Ուղիներով» հատորին մէջ, խօսելով Սարրղամիշի 1918ի դէպքերուն շուրջ, կը գրէ մեր մեծ բնկերոջ՝ Դրոյի մասին.—

Օրուայ հրատապ պահանջն էր կանգնեցնել թշնամու յառաջխաղացումը: Դրա համար, առաջին հերթին, պէտք էր ուժեղացնել ճակատի զօրամասերը օգնական ուժերով: Սարրղամիշում պահեստի մասերը գրեթէ սպառուած էին. մնացածները վստահութիւն չէին ներշնչում: Զօր. Արէշեանի դիմումները Ալեքսանդրապոլ՝ զօր. Նազարբէգեանին ո՛չ մի արդիւնք չէին տալիս: Սկսեցինք ուղիղ հեռագրաթելով ուրմբակոծել Հայոց Ազգային Խորհուրդը Թիֆլիսում: Հետեւանքը եղաւ նույնը:

Սարրղամիշում եւ առհասարակ ճակատի մերձաւոր թիկունքում ուր կարիք կար մտաւորական ղեկավար ուժերի, որոնցմով լեցուն էր Թիֆլիսը: Մեր դիմումները Հայոց Ազգային Խորհրդին այս գծով էլ արձագանգ չէին գտնում:

Ռազմաճակատից պահանջում էին կտրուկ միջոցներով վերջ տալ դասալքութեան: Բանակի կարգապահական ոգին կոտորողները մնում էին անպատիժ: Անհրաժեշտ էր զինւորական դատարան կազմել պատժելու համար դաւաճաններին ու դասալիքներին: Զօր. Արէշեանը յարմար ուժեր չէր գտնում դատական կազմի համար եւ ի զուր բախում էր ընդհանուր հրամանատարութեան եւ Ազգ. Խորհրդի դռները: Մեր թախանձագին խնդրանքներին պատասխանելով՝ Թիֆլիսից յորդորում էին սեփական ուժերով բաւականանալ: Փորձեցինք «սեփական ուժերով» կազմել զինւորական ատեան, բան դուրս չեկաւ: Երկու վահանները վճռական կերպով մերժեցին զինւորական դատարանի կազմի մէջ մտնել. նրանց խիղճը թոյլ չէր տալիս մահուան դատավճիռ արձակել: Երբ ղեկավարները իրաւունք էին համարում «խղճով» առաջնորդուել, բնական էր, որ ստորադասներն էլ նոյնպէս ապաւինէին խղճին: Օրեր տեւող խօսակցութիւններից ու վէճերից յետոյ,

կարելի չեղաւ ղինւորական ատեան կազմել, եւ դասալիք-  
ները անպատիժ վխտում էին թիկունքում:

Մի օր էլ ըմբոստացաւ եւ մերժեց ճակատ երթալ Սարը-  
ղամիշում գտնուող 101րդ ձիաւոր հարիւրեակը: Արէշեանի  
բոլոր ջանքերը կարգի բերելունրանց՝ անցան անօգուտ: Մար-  
դիկ ուզում էին հետեւիլ դասալիք՝ ռազմաճակատից հեռա-  
ցած ռուս զօրամասերին:

Զօր. Արէշեան՝ սիրտը բռնած՝ շարշարւում էր ցաւից ու  
անկարողութիւնից, շարշարելով նաեւ մեզ: Նստած մռայլ՝  
եւթ էինք որոնում անել եւ անտանելի կացութիւնից: Եթէ այս  
կացութիւնը շարունակուէր, կարճ ժամանակամիջոցում ռազ-  
մաճակատը փուլ կը գար, եւ թշնամին անարգել կը յառաջա-  
նար՝ դէպի Կարս եւ Ալեքսանդրապոլ:

Մէկ էլ — հրա՛շք: Վազներեան հերոսի պէս ներս մտաւ  
Դրօն: Ո՞րտեղից եւ ի՞նչ օրհասական վայրկեանի: Կարծես  
լոյս բերեց հետը: Նոյնիսկ Արէշեանի դէմքը պայծառացաւ:  
Դրօն բանակի կոմիսար էր:

Բախտաւոր աստղի տակ ծնուած մարդիկ կան, որոնց  
համար անկարելի բան գոյութիւն չունի: Հող բռնեն՝ ոսկի  
կը դառնայ: Յաջողութիւնը անբաժան ընկերն է նրանց:

Դրօն յայտնեց, թէ եկել է Երեւանից դէնք ու ռազմամթերք  
հայթայթելու Արարատեան դաշտի զօրամասերի համար:  
Կարսից ստացել եւ ուղարկել է որոշ քանակութեամբ փամ-  
փուշտ եւ հրացաններ ու գնդացիներ: Հիմա ուզում է Սարը-  
ղամիշի պահեստներից զէնք ու փամփուշտ ուղարկել Երեւան:

Բոլոր պահեստները, իբրեւ պարէտի, իմ տրամադրու-  
թեան տակ էին: Ես, ի հարկէ, առաջարկեցի ինչ որ հնարա-  
ւոր է փոխադրել: Արէշեանը անմիջապէս հաւանութիւն  
տուեց:

— Տարէք ինչ որ ուզում էք եւ ինչքան որ ուզում էք:  
Միայն թէ, սիրելի պարոն Դրօ, մնացէք մի քանի օր օգնե-  
լու մեզ:

Դրօն շտապում էր վերադառնալ Երեւանի նահանգը, ուր  
արիւնահեղ քաղաքացիական կռիւներ էին տեղի ունենում եւ  
ուր ինքը շրջանի հրամանատար էր: Միայն ստիպողական  
հարկադրանքի տակ անձամբ եկել էր զէնք ու ռազմամթերք

տանելու: Բայց զօր. Արէշեանի եւ մեր խնդրանքը այնքան բուռն էր, որ ստիպուած եղաւ տեղի տալ: Իր զինուորական բացառիկ բնազդով նա արագօրէն ըմբռնել էր կացութեան ահաւոր լրջութիւնը եւ անմիջական դարձանումի անհրաժեշտութիւնը:

Առաջին հերթին անհրաժեշտ էր վերջ տալ 101րդ հարիւրեակի ըմբոստութեան, որ բարոյալքում ու կազմալուծում էր բանակը: Մարդիկ զինուած նստել էին զօրանոցում եւ մերժում էին ենթարկուել հրամանատարութեան՝ ցուցական կերպով:

Իբրեւ բանակի կոմիսար, Դրօն արագ կերպով պատրաստեց վստահելի զինուորական ոյժ եւ հրամայեց, որ ըմբոստները դուրս գան զօրանոցից: Հարիւրեակը դուրս եկաւ եւ շարուեց հրացանները ձեռներին: Դրօն մի ճառով դիմեց նրանց հայրենասիրութեան՝ յորդորելով, որ մեկնին ռազմաճակատ հայրենիքի պաշտպանութեան համար: Աջ ու ձախից լսուեցին տրտունջներ, մերժումի բացազանշութիւններ: Դրօն մի պահ լուռ դիտեց եւ յանկարծ, վագրի ոստիւնով ատրճանակը ուղղեց հարիւրեակին ու գոչեց.

— Հանդա՛րտ:

Անակնկալի եկած զինուորները արագ կատարեցին հրամանը:

— Տասը քայլ առա՛ջ, — պոռաց Դրօն:

Առանց վարանումի զինուորները առաջ անցան տասը քայլ:

— Հրացանները դնել գետին, — հրամայեց Դրօն:

Մի պահ տատանումից յետոյ, ամէնքը հրացանները վար դրին: Քիչ անդին կեցած էր Դրօի պատրաստած վաշտը՝ զնդացիրներով զինուած: Զինուորները տեսնում էին այդ:

— Սուրերը դնել գետին, — նորից հրամայեց Դրօն:

Զինուորները սուրերն էլ դրին վար:

— Տասը քայլ յե՛տ, գոչեց Դրօն:

Հարիւրեակը մէկ մարդու պէս քաշուեց յետ, նախկին տեղը:

Դրօի կարգադրութեամբ եկան, արագ կերպով հաւաքեցին ու տարին հրացաններն ու սուրերը: Ապա Դրօն պահանջեց, որ



անմիջապէս յանձնեն ըմբոստութեան պարագլուխներին:  
Առանց դժուարութեան յանձնեցին երեք հոգի:

Հարիւրեակը զղջում ու հնազանդութիւն յայտնեց: Լուրը  
կայծակի արագութեամբ հասաւ ռազմաճակատի զօրամասե-  
րին եւ ցնցող տպաւորութիւն գործեց նրանց վրայ:

Այնուհետեւ արագ կերպով կազմուեց պատերազմական  
ատեան, դատելու համար խռովարարների երեք պարագլուխ-  
ներին:

Ս. ՎՐԱՑԵԱՆ

Հայ ժողովրդի մեծ զաւակ Դրօյի յիշատակին

Կսկիծի, խոր վշտի այս օրերուն անկարելի կը թւի հաշտ-  
ել այն ջանթահարող կորուստի հետ, որ ունեցան պայքարի  
դիրքերում կանգնած ազատատենչ հայութիւնը և նրա առա-  
ջատար կազմակերպութիւնը, երբ մահը խլեց նրա շարքե-  
րից դիւցազնական մարտիկ ահաբեկչին՝ Դրաստամատ Կա-  
նայեանին: Հանրածանօթ անւամբ Դրօյին:

Նոր հայութեան այս արժւի զաւակը հարազատ ծնունդը  
եղաւ Հ. Յ. Դաշնակցութեան:

Արի զինւորագրեալը նրա մարտական և գաղափարական  
երկունքների, նրա արիարանց գործերին և խօսքերին: Մեր  
կուսակցութեան յեղափոխական քուրայից անցած սերնդեան  
կարկառուն դէմքերից վերջինը եղաւ, կոփւած Նիկոլ-Դու-  
մանի շունչով, զրահւած Բաբկէն Սիւնիի, Սերոբ-Հրայրի,  
Անդրանիկ-Գէորգ Զատուշի, Վանայ Իշխանի և շատ այլոց բո-  
ցաշունչ կրակով, բազէի խոյանքներով:

Հայկական ազատամարտն մարմնաւորող ընտրեալների  
սերունդի մէջ արժանաւոր ընտրեալն եղաւ Դրօն: Ու իբրեւ  
այդպիսին բաժանեց մեզանից առյաւէտ, գործի դրօշը յա-  
ջորդներին թողնելով:

Նրա մահը գուժող բօթը ցնցիչ էր: Յատկապէս նրանց,  
որոնք ճանչցան Դրօյին նրա մարտական սխրանքների բուռն  
ծաղկման շրջանին, 1914-ից մինչև 1920 թւականները, երբ  
ժողովրդի գոյութեան վարած զինապայքարի ծիրը իր մէջ  
ընդգրկում է Սուրմալուն ու Վասպուրական աշխարհը, Արա-  
րատեան դաշտը ու Բաշապարանը, Վայոց Ձորն, Զանգեզուր

ու Ղարաբաղը, փառապսակ ունենալով Հայաստանի ժողովրդավար հանրապետութեան փաստարկութիւնը:

Վանի Արամն ու Դրօն, Նազարբէգեանն ու Սիլիկեանը կը մնան հաւասարազօր գարրինները Հայաստանի անկախութեան:

Որպէս վերապրող ականատեսի բոլոր թւածներիս, մտքիս սլաքը մէկ պահ կ'յամենայ: Յետ կը նայեմ մեր հերոսամարտերու անցած ուղին, մեր պարտութիւնների ու յաղթանակների երէկայ ուղին, երբ մենք մեր հարադատ հողերի վրայ էինք դեռ:

Այս ճամբին, լուսապայծառ մի օր կուրլագծի յիշողութեանս մէջ, երբ սրանից քառասուն եւ մէկ տարիներ առաջ Վասպուրականի գարնանային շամանդաղլած երկնքի տակ Դրօն իր ճերմակ ձիու վրայ զինավառ, իւր գլխաւորած կամաւորական գնդի հետ առաջինը եղաւ, որ մուտք գործեց ազատագրւած հերոսական Վանը: Առաջնեկն եղաւ, որ ողջունեց մեր մարտիկների պարզած յաղթանակի դրօշը Վանայ բերդի կատարին:

Այդ պատմական օրը 1915 թւականի Մայիսի 7-ն էր: Ի՛նչ դիւթական օր: Որպի՛սի հմայիչ, խորհուրդներով լի պահ Վասպուրականի ժողովրդական ընդվզումի տարեգրութեան մէջ, համահայկական խորքով:

ՅՕ-օրեայ գոյամարտի անհաւասար խիզախումներից, ոգորումներից յետոյ, արիւնոտ պայքարի քննութեամբ յաղթանակը նւաճած մի սերունդ՝ այն օրը իր ազատ թւերուն մէջ ընդունեց Արարատեան գնդի մաս կազմող մէկ հազարեակին և նրա առաջնորդ հրամանատար Դրօշին:

Վան քաղաքամիջի Զինւորական Վարիչ կազմը այդ օր իւր 150-ի հասնող ժողովրդական զէնքերով զինւած մարտիկներով միասին կեդրոնացած էին, հազարաւոր երկսեռ քաղաքացիների հետ, պատմական քաղաքի հիւսիսային կողմի դաշտագետնի վրայ, Աւանուց գետափին, ընդառաջելու Դրօշին և իւր գնդին:

Կէսօրւայ մօտ էր: -

Հեռո՛ւն, հիւսիսակողմի բլուրների բարձունքներին նշմարեցին գնդի առաջապահների ձիաւորները, որոնց ետևից շարժ-

ուում էին, հետևակաների խմբերը: Արևի շողերի տակ փայլկրտում էին նրանց հրացանների սևինները:

Բոլորս սրտատրոփ վայրկեանների զգլխիչ ապրումներով արբեցած էինք: Ուշք և ուրուշ կտրած, սևեռաբիր գամւած նայում էինք հետզհետէ մօտեցող հարազատներին, ազատարար հայ կամաւոր արենակից սիրելիներին:

Ու հասաւ պահը ցանկալին...

Պահերից ամենից աննկարագրելին, ամենից պատմականը:

Ահա գնդի հրամանատար քաջարի Դրօն, իր երկու թիկնապահների, հետ (մէկը Գանձակեցի Դալի Ղազարը՝ մեզ քաջածանօթ տարիներ առաջ) սրարշաւ, փոշու ամպերը յետև թողած, հասաւ մեզի՝ գոշելով յաղթ ձայնով.

— Ողջո՞յն հերոսներին, ապրի՛ք տղաներ, երջանիկ ենք որ դիմաւորում էք մեզ իբրև յաղթողների, փառք ձեր զէնքերին... պատիւ ձեր զինապայքարին:

Մենք, մեր զգայնութեան մէջ ընդարմացած, շէինք հասկանում կատարւածը: Չէինք ըմբռնում պատմութեան մէզ վերապահած այդ րոպէների տարողութիւնը:

Մենք մեզ տեսանք շրջապատւած կամաւորական վաշտերի քառակուսի շրջանակի մէջ: Իսկ Դրօն ձիուց վայր ցատկելով ողջագուրեց մեզ, միշտ կրկնելով.

«Շնորհաւորում ենք Ձեր ժողովրդական փայլուն յաղթանակը, ձեր զէնքի փառքը, շատ ապրիք...»:

Ապա հրամայեց գնդի առաջին հարիւրեակին օդի մէջ կրակել համազարկերով հրացանային հինգական փամփուշտներ, ուռաներով հանդերձ:

Տողերս գրողին այդ օրը բախտ վիճակեց յանուն քաղաքի ժողովրդեան և մեր շարքային զինւորների բարի գալուստի խօսքերով փոխադարձել, վեր հանելով երկու հատւածների զէնքի եղբայրութիւնը, պատմական պահի խորհուրդը, պատմական Շամիրամակերտի տակ:

Մեր մարտիկները, որոնք զինւած էին տասհարւածեան մաուզեր ատրճանակներով, օդի մէջ պարպեցին 10-ական գնդակներ՝ գնդացրային արագահարւածութեամբ:

Այս ժամանակ ահա, շարժւեցին մեր երկու դրօշները, որ

նշանակ եղաւ, որպէսզի բերդի բարձունքներից որոտան մեր գրաւած թնդանօթները՝ 50 հրանօթային արձակումներով:

Հայկական զէնքի փառատօնով, թնդանօթային որոտներով, հայ հողի վրայ մենք ընդունեցինք Դրօշին և իր գնդին:

Այդ թափօրով, զէնքի եղբայրութեան շքերթով Վասպուրականցիներս՝ դիմաւորեցինք կամաւորական գնդին... փառք այն օրերուն յաղթապանծ...

: \* \* \*

Իսկ Այսօր, այս յուշ տողերը թող ծառայեն որպէս մի ՍԳԱՊՍԱԿ ամայի Վասպուրականի և նրա տարագրւած զաւակների կողմից հեռաւոր Ամերիկայի երկնքի տակ հանգչող քաջամարտիկ ԴՐՕՅԻ յիշատակին:

Յաւէ՛րժ փառք նրա Անւան և Գործին:

Պատիւ Դրօներ ծնող Մեր ժողովրդին:

Թեհրան

Հ. ԿՈՍՈՅԵԱՆ

## ԴՐՕՅԻ ԱՆՄԵՌԻ ՅԻՇԱՏԱԿԻՆ

«Դրօն երբեք պարտւել չգիտէ»

1917 թիւն էր, առաջին համաշխարհային ահաւոր պատերազմը մօտենում էր իր վախճանին: Ռուսական հսկայ կայսրութիւնը՝ շղիմանալով պատերազմի ստեղծած անասելի տազնապներին, փլւեց մի հսկայ խարխուլ շէնքի նման և ճանապարհ բաց արեց ռուս մեծ, աննախընթաց յեղափոխութեան: Կայսերական իշխանութեան անակնկալ փլուզումի հետ՝ քաօսի վերածւեց նաև ռուսական զինւորական ճակատների բովանդակ կեանքը: Ռուս զինւորութիւնը յոգնած, տանջւած ու յուսահատ, որոշեց լքել բոլոր ճակատները և տուն վերադառնալը դարձաւ նրա համար սրբազան կարգախօս:

Այդ զինւորական քաօսը մեր ժողովրդին դնում էր կենաց ու մահւան առջև: Պէտք էր փոխարինել կովկասեան ճակատից տուն վերադարձող մօտ երկու միլիոն ռուս զօրքերին:

Հարեանի, մեր դարաւոր թշնամու ջարդած զօրաբանակների  
ու ոճրագործ պետութեան առջև ռուսական զօրքի անկանոն,  
ամբոխային նահանջով, շքեղ, անասելիօրէն յուսահատ հե-  
ռանկարներ էին գծագրում: Արեւմտեան Հայաստանի ըն-  
դարձակ ճակատը միանգամից դառնում էր անպաշտպան ու  
մնում բաց՝ թշնամու արշաւանքների առջև:

Ով այդ օրերում գտնւում էր մեր նւիրական երկրում՝ նա  
միայն կարող է զգալ ու պատկերացնել այն անասելի մղձա-  
ւանջը և ահաւոր սարսուռը, որ իշխող դարձան հայ հոգի-  
ներում: Արեւմտեան Հայաստանի բաց ճակատների դէմ  
կանգնած, ատամները սրած՝ ուժը մեր դարաւոր, անողոք ու  
գազան թշնամին էր, որ շպիտի ուշանար վերագրաւելու գրաւ-  
ւած Արեւմտեան Հայաստանը և արշաւելու, բնաջնջելու նաև  
Արևելեան Հայաստանի հայութիւնը:

Կենաց և մահու այս ահաւոր հեռանկարը՝ զինեց, հին  
պապենական արիութեամբ ասպարեց հայ հոգիները՝ պա-  
տանուց մինչև ծեր ու ամենքը վրիժառութեան, ազատութեան  
ու հայրենի փառքի անդոհներով արբեցած՝ դիմեցին հայրենի  
ճակատները՝ անագորոյն թշնամուն հարւածելու:

Ահա այս մահասարսուռ օրերին էր, որ հայ մամուլի մէջ  
հրատարակեց Հայոց Ազգային Խորհրդի ու նրա նախագահի՝  
Թուխ Արամազդի, Ա. Ահարոնեանի պատմական կոչը, որով՝  
հայ ժողովրդի այն օրերի բարձրագոյն մարմինը անասելի  
վտանգի ահազանգն էր հնչեցնում և հայրենասիրութեան,  
զոհաբերութեան յորդորը կարդում մեր ժողովրդի բոլոր, բո-  
լոր խաւերին ու դասակարգերին: Ահա այդ մահասարսուռ  
օրերին Ահարոնեանը իր պատմական կոչը վերջացնում էր  
հետևեալ ոգեկոչումով. «Ո՛վ արի, Ո՛վ նախնեաց մեր ան-  
զուգական հերոսների քաջութեամբ զինւած մարտիկներ,  
դէպի ճակատ՝ մեր նոր հերոսամարտի, ուր ձեզ հրամայողը,  
մարտի սկրազան դաշտում ձեզ առաջնորդողը ԴԲԾՆ է, մեր  
ամենքիս պաշտելի հերոսը, ու երբեք պարտաւ չգիտէ»:

Թշնամին, գազան բանակները Երզնկայից մինչև Արփա-  
շայ, էրզրումից ու Վանից մինչև Մարգարայի կամուրջը Արաք-  
սի վրայ, քայլ առ քայլ ճակատելով հայ հերոսական, փոք-  
րաթիւ բանակների հետ՝ հասել էին Հայոց աշխարհի սրտին,  
վերջին կայանին՝ Արարատեան դաշտին, շրջապատել էին

նրան բոլոր կողմերից, կտրել մեր երկրի այդ վերջին կա-  
յանի բոլոր կապերը արտաքին աշխարհի հետ: Գրաւած հո-  
ղամասերի ամբողջ գաղթականութիւնը լցւել էր Արարատեան  
դաշտը և Ղարաքիլիսայի շրջանը. թու՛մ էր թէ անարգ թըշ-  
նամու երկաթէ օղակի մէջ պիտի խեղդւէին հայութեան փրկ-  
ւած վերջին բեկորներն ու Արարատեան դաշտի հայութիւնը:

Սակայն, հակառակ համատարած լքումի, յուսահատու-  
թեան, մի անգամ ևս կատարեց Հայոց սրբազան պատմու-  
թեան մի նո՛ր, անասելի հրաշքը: Դրօն, Հայոց աշխարհի  
պաշտելի հերոսը, իր շուրջը համախմբեց իր հին ու փորձւած  
մարտիկներին՝ Բաշգեառնեցի արի, անզուգական Մարտիրո-  
սին, քաջերից քաջ Զեմլեակին և ուրիշ շատերին, այս ան-  
զուգական արիներին ու իրենց խոնարհ հերոսներին և անցաւ  
հայ հերոսամարտի ամենավտանգաւոր ճակատը, Բաշապա-  
րան, որտեղից լրբացած թշնամին Արագածի փէշերը պղծելով  
իջնել էր ուզում Արարատեան աշխարհի սիրտը և գրաւել  
էջմիածինն ու Երևանը: Դրօյի Բաշապարանի ճակատում  
երևալը, նրա հզօր, արի կանչը նոր ոգեկոշումի, նոր խան-  
դավառութեան ու հերոսանալու անսպառ աղբիւր դարձան, ու  
երբ նրա արի, վճռական ռազմակոշերը հասան սպաների,  
հայդուկների, մարտիկների ականջին ու սրտերին և սկսեց  
առաջին ճակատագրական գրոհը անարգ, լրբացած թշնամու  
բանակների դէմ՝ Դրօն ճակատի առաջին շարքերում էր,  
թշնամու գնդակների տարափի տակ, դիրքից դիրք էր անց-  
նում, խանդավառում էր անզուգական կտրիճներին, օգնու-  
թեան հասնում իր պահեստի ուժերով բոլոր այն զօրամասե-  
րին, որոնք թշնամու գերակշիռ ուժերից նեղւում էին: Անարգ  
թշնամին իր երկարատև յառաջխաղացման ընթացքին՝ առա-  
ջին անգամն էր, որ իր դէմ անպարտելի վճռականութեամբ ու  
հերոսութեամբ ծառայած տեսաւ հայ զինւորին, մարտիկնե-  
րին: Երեք օր տևող ահաւոր այդ մենամարտերը, շատ ան-  
գամ գիրկընդխառն գօտեմարտերը վերջացան շփացած թըշ-  
նամու կատարեալ պարտութեամբ, ջարդով, թշնամին կոր ի  
գլուխ թողեց Արագածի սրբազան լանջերը, փախաւ մինչև  
Ալեքսանդրապոլ: «Դրօն երբէք պարտել չգիտէ». մի անգամ  
ևս Բաշապարանի հերոսամարտում պայքարող հայութեան  
սրտի, մտքի մէջ ոսկէ տառերով գրեց թուխ Արամազդի այս

նւիրական պատգամը: Ու պաշտելի հերոսը, Դրօն դարձաւ հայութեան յաղթանակի, արիութեան նւիրական խորհրդանիշը ա՛յն մռայլ օրերին:

Քանի՛, քանի հերոսական դրւագներ, սակայն, մինչև Բաշապարանի հերոսամարտը, նրա անւան շուրջը հիւսել էին անմահութեան դափնիներ:

Ահա ձեզ առաջին համաշխարհային պատերազմի հերոսական դրւագներից: Հայ կամաւորական գնդերը կազմակերպւած են: Գ. կամաւորական գնդի հրամանատար է նշանակւած պաշտելի Դրօն:

Առաջին ընդհարումն է, որ տեղի է ունենում: Թուրք կանոնաւոր զօրամասերը միասնաբար յարձակման են անցել, ձգտում են գրաւել Դրօյի գնդի և ուսական զօրամասերի աջ ու ձախ բերդները և ապա անցնել նրանց թիկունքը և գերել նրանց: Ռուսական բարձր հրամանատարութիւնը Դրօյին հրահանգել է գրաւել յիշեալ բարձունքները և յետ շարտել թշնամու յարատև ու յամառ գրոհները: Անզուգական Դրօն՝ իրեն յատուկ հեռատեսութեամբ, արագութեամբ բաժանում է իր զօրամասերը երեք խմբի, երկու խմբերին հրամայում է բռնել իրենց ճակատի աջ ու ձախ բարձունքները, իսկ մի մասը պահում է որպէս պահեստի ուժ: Իր զօրամասերը կայծակի արագութեամբ սլանում և բռնում են ճակատի աջ ու ձախ բարձունքները, թշնամին երբ վերահասու է լինում իրողութեան՝ աւելի յախուռն, աւելի կատաղի գրոհների է դիմում. սկսւում է հայ կամաւոր արիների ու թշնամի՝ թուրք, քուրդ գերակշիռ զօրամասերի առաջին, ահեղ գօտեմարտը: Դրօն՝ իր արի զօրամասերին դէպի բարձունքները ճանապարհ դնելիս՝ զօրամասերի երկու պետերին էլ կտրուկ հրահանգներ է տալիս՝ «Ոչ մի գնով, բարձունքները չզիջել թշնամուն»: Ռազմական բախումները դառնում են տևական, թշնամի կողմերը զիջումի ոչ մի տրամադրութիւն չեն ցուցադրում: Դրօն պահեստի ուժերի մօտ է, խիստ անհանգիստ, վայրկեան առ վայրկեան հետևում է իր զօրամասերի՝ երկու բարձունքների վրայ տարւող վճռական պայքարին, զգում է, որ անարգ թշնամու ուժերը անհամեմատ մեծ են ու գրոհներն էլ յանդուգն ու յամառ. մի րոպէ վարանքի է մատնւում ու մտածում, թէ գուցէ իր արիները թշնամու գե-



բազանց ուժերից նեղւած՝ նահանջեն և աջ ու ձախ թևերի  
խիստ վտանգաւոր բարձունքները տան թշնամուն: Ու ան-  
միջապէս որոշում է իր նժոյգը հեծած սլանալ դէպի բար-  
ձունքները և խրախոյս կարդալ իր քաջերին, որ մահուան գնով  
պահեն դիրքերը: Թշնամու գնդակները կարկուտի տարափի  
նման թափում են թէ պահեստի ուժի, թէ բարձունքներում  
մարտնչող մեր հերոսների վրայ: Պաշտելի Դրօն՝ երբ հրամա-  
յում է իր ձին բերել, Բաշգեառնեցի Մարտիրոսը, իր խորապէս  
սիրած զինակիցը, խնդրում է.

— Դրօ ջան, գնդակների այս տարափի տակ ո՞ւր ես  
գնում, անպայման կխփւես և գունդը կմնայ առանց ղեկա-  
վարի. թո՛ղ տուր, աղաչում եմ, որ ես գնամ:

— Տօ՛, ի՞նչ ես յիմար յիմար խօսում, մի՞թէ իմ արիւնը  
քոնից կարմիր է:

— Ու առանց այլևս ինձ լսելու — շարունակում է Մար-  
տիրոսը, — իրեն նետեց իր սքանչելի նժոյգի վրայ ու սլացաւ  
դէպի աջ թևի բարձունքը՝ թշնամու գնդակների տարափի  
տակ: Արմէն Գարօն ու ես վարանքով հետևում էինք նրա արի  
խոյանքին ու կարծես երկուսիս մէջ էլ այն ահաւոր վախը  
կար՝ թէ հիմա կխփւի:

Դրօն սակայն անվտանգ հասնում է աջ թևի բարձունքին,  
իր ներկայութիւնը արտակարգօրէն խրախուսում է իր արի  
զինակիցներին, նորից հրահանգում է ամէն գնով պահել  
բարձունքը և նոյն կայծակի արագութեամբ, իր նժոյգի քա-  
ռասմբակ վազքով, թշնամու գնդակների տարափի տակ  
վերադառնում է պահեստի ուժերի մօտ, որտեղից պատ-  
րաստւում է ձիով սլանալ նաև ձախ թևի բարձունքը: Այս  
անգամ էլ Արմէն Գարօն ու Մարտիրոսը նորից ու նորից  
խնդրում են, որ թողնի իր ճակատագրական որոշումը և մէկ  
ուրիշին՝ կամ թէկուզ Մարտիրոսին ուղարկի ձախ բարձուն-  
քը: Սակայն մեր արին ընդդիմանում է ու նժոյգը պահանջում՝  
մեկնելու: Արմէն Գարօն, որի հանդէպ արտակարգ սէր ու  
յարգանք ունէր Դրօն, երկրորդ անգամ փորձում է համո-  
զել. — Դրօ ջան, գիտեմ, որ հերոսներու ճակատագիրը նման  
չէ մեր՝ հասարակ մահկանացուներու ճակատագրին: Հե-  
րոսները մարդկային խորը հոգու փոթորիկներն են, որ պայ-  
քարի դուրս կուգան անգամ գնդակներու տարափին, փոթո-

րիկներուն դէմ, այդպէս էր նաև մեր աննման Գարիբալդին՝ Անդրանիկը, որ իր կեանքը անարգ թշնամու գնդակներու սլացքի տակ անցկացուց ու անգամ մը նոյնիսկ այդ գընդակներէն վէրք շտացաւ. գիտեմ, դուն ալ նոյն խմորէն ես. բայց եթէ քեզ շես խնայեր, զօրագունդիդ ու մեզ խնայէ, որ քո ներշնչումներու ու հերոսութեան կարիքն ունինք, մաւաւանդ մեծ ու նւիրական գործի սկզբին ենք դեռ: — Դրօն այս անգամ էլ մնում է իր վճռի վրայ անյողդողդ ու նոր սլացքով թշնամու գնդակների անընդհատուղ շառաշի տակ՝ հասնում է ձախ թևի բարձունքին. նոյն ոգևորութիւնն ու խանդավառութիւնը նաև այնտեղ ստեղծում, հարկաւոր հրահանգները տալիս ու պատւիրում, որ որևէ գնով բարձունքը չլքեն ու յանձնեն թշնամու. և նոյն ճանապարհով՝ թշնամու գնդակների կարկուտի տակ փորձում է վերադառնալ պահեստի ուժի կայանը, սակայն դեռ գիւղին շհասած զարնւում է անագորոյն թշնամու գնդակով և ձիուց տապալւում ցած: Վրայ են հասնում Արմէն Գարօն, պահեստի ուժերը. Դրօյի դրութիւնը ծանր է, բժշկական կայանը հեռու, փոխադրական միջոցներ չկար, Արմէն Գարօյի կարգադրութեամբ Բաշգեառնեցի Մարտիրոսին ու իր վաշտին է յանձնւում Դրօյի փոխադրութիւնը մինչև բժշկական կայան: Զինակիցները պատրաստում են մի կրիշ (նասիլկա) և 18 ժամայ տառապանքով ձեռքերով Դրօյին փոխադրում են բժշկական առաջին կայանը, ուր բժշկական քննութիւնը պարզում է, որ գնդակը անցել է մինչև թոքը և մնացել, որ անխուսափելի գործողութեան պէտք կայ, որի համար էլ Դրօյին փոխադրում են Քիֆլիս: Ռուս կայսրը այցելում է վիրաւորների հիւանդանոցը, տեղմում է մեր հերոսի ձեռքը, շնորհակալութիւն յայտնում և նրան պարգևատրում է զինւորական բարձրագոյն նշանով՝ Գէորգեան խաշով:

Ահա նաև մի ուրիշ հերոսական դրագ՝ նոյն առաջին համաշխարհային պատերազմի ընթացքում տեղի ունեցած.

Դրօն առողջանում, վերադառնում է իր շատ սիրելի Գ. Կամավորական գունդը. մինչ այդ ուս բանակները մեր կամաւորական հինգ գնդերի աննախընթաց աջակցութեամբ ջարդել էին և կոր ի գլուխ յետ քշել տաճկական զօրաբանակներն ու քրդական աշիրաթապետների բազմապատկ կայ-

մաւոր խմբակցութիւնները: Դրօն էլ իր գնդով ու երկհարիւր-  
րեակ կազակներով, իբրև յարձակող բանակի յառաջամաս՝  
հասել է Բերկրի, որի գետը գարնանային ձիւնահալքից վա-  
րարել, դարձել է անանցանելի: Գետի միւս կողմը, բար-  
ձունքների վրայ կուտակել են փորձում թշնամու կանոնա-  
ւոր զօրամասերն ու քրդական անկանոն խմբերը, պետք է  
շտապով անցնել վարարած, անանցանելի դարձած Բերկրի-  
սուն, որպէսզի վերին հրամանատարութեան՝ այդ բարձունք-  
ները գրաւելու հրահանգը գործադրւի: Դրօն հրաման է տա-  
լիս երկհարիւրեակ ձիաւոր կոզակներին ու իր գնդի հեծելա-  
զօրաց պետին՝ քաջերի մէջ քաջ Զեմլեակին, անցնել գետը և  
բռնել գետի միւս կողմի բարձունքները: Կազակների ու կա-  
մաւորական գնդի ձիաւոր հարիւրեակները դիմում են դէպի  
գետ. ափին հասնելով՝ ձիերը յետին ոտների վրայ ծառս են  
լինում ու հրաժարւում մտնել կատաղի գետի յորձանուտների  
մէջ. բոլոր սաստերը, բոլոր մտրակներն ու խթանոցներն ան-  
զօր են լինում ձիերի յամառութիւնը կոտրելու: Հրապարակ է  
գալիս Դրօն, նստում է իր անզուգական նժոյգը՝ Դառչօն,  
քշում գետափ, ասպատակում ձին, հանում սանձը ձիու բե-  
րանից ու կտրում գետի յորձանքները. սկզբում գետը բաւա-  
կան տեղ քշում է Դառչօյին ու իր հերոս տիրոջը, բայց հուժ-  
կու կենդանին հաւաքում է, լարում իր գերագոյն ուժերը և  
սկսում լողալ հոսանքն ի վեր: Հեծելազօրքի ձիերը Դառչօյի  
անվարան սլացքից խրախուսւած, մտնում են ջուրը և նրան-  
ցից շատերի կորստով՝ զօրամասը Դրօյի յետևից հասնում է  
միւս ափը. Դրօն զինւորական երթը պատրաստում, գրաւում  
է մատնանշւած բարձունքները և փրկում ռուս և կամաւորա-  
կան բանակները թշնամու օղակից: Վերին հրամանատարու-  
թիւնը այս խիզախ, յանդուգն ելոյթի համար նկատողութիւն  
է անում Դրօյին «թէ հրամանատարը իրաւունք չունի, թէկուզ  
նման խիզախ ելոյթներով, վտանգելու իր ու իր հրամանի  
տակ գտնւող զօրագնդի կեանքը», սակայն այդ դիտողութեան  
հետ նրան տալիս է զինւորական բարձրագոյն նշանը՝ երկ-  
րորդ անգամ:

Խիզախութիւնն ու յաղթանակը, բախտն ու յաջողութիւնը  
իր գործի, իր նւիրումների, իր ստեղծագործ տաղանդի ստո-  
րագելիները եզան՝ իր բեղուն, հերոսական կեանքի ամբողջ

լնթացքին: Եւ ուր որ գնաց երբեք պարտութիւն չտեսաւ, յաղթութիւնը դարձաւ նրա կեանքի ո գործի նւիրական խորհրդանիշը, որով և իր շուրջը ստեղծեց շտեմնւած խանդավառութիւն ու պաշտամունք մեր ժողովրդի բոլոր խաւերի մէջ անխտիր:

Ինքը բնութիւնից ծնւած անհանգիստ մի տարերք, այդ յարաշարժ, ստեղծագործող տարերքի հիմնասիւնը արտակարգ խիզախութիւնն ու հերոսական խոյանքներն էին: Այս երկու աշքառու յատկանիշները սակայն, աւելի ազդու, առինքնող էին դառնում մանաւանդ նրա անսահմանօրէն քաղցր բնաւորութեամբ: Ճանաչում էր մարդկանց հեշտութեամբ, գիտէր անմիջապէս թափանցել անձերի հոգիների խորքը: Զարմանալի նրբութեամբ յարաբերել գիտէր մեր ժողովրդի բոլոր խաւերի, դասերի ու դասակարգերի հետ, որոնցից հաւասարապէս սիրւած էր. մանաւանդ երբեք չէր մոռանում իր զինակիցներին՝ սպայ, հայդուկ, թէ հասարակ զինւոր, որոնց հովանաւորում, նիւթական-բարոյական մեծ օժանդակութիւն էր ցոյց տալիս ու իր շուրջը հաւաք պահում՝ նոյն իսկ խաղաղ օրերին:

Մեր անկախութեան նւիրական օրերի հայ բանակը, ինչպէս յայտնի է, կազմւած էր երկու աշքառու տարրերից. նրա կորիզը հին հայ յեղափոխական, աշքառու մարտիկներն ու նրանց ղեկավարներն էին, որոնք մի քանի տասնամեակների հերոսական կռիւներով անուն ու փառք էին ստեղծել մեր հերոսապաշտ ժողովրդի մէջ. միւս մասը կազմւած էր ռուսական զինւորական կրթութիւն ստացած հայ-ռուս սպաներից ու զինւորներից: Հասկանալի պատճառներով այս երկու զինւորական տարրերի միջև ներքին դժգոհութիւն կար. օտար էին իրար այս երկու աշքառու հատւածները՝ իրենց անցելով, կրթութեամբ, նիստ ու կացով ու նաև գաղափարաբանութեամբ ու զոհաբերութեան աստիճանով: Միակ հեղինակութիւնը, որ ակնբախօրէն մեղմել էր կարողանում տարածայնութիւնները ու իրար մօտ բերում այդ հակադիր հատւածները — Դրօն էր, որ հաւասարապէս պաշտամունքի էր արժանացած երկու հատւածների թէ ղեկավարութեան, թէ մարտիկների կողմից ու առանձնապէս կանոնաւոր բանակների բոլոր աշքառու հերոս սպաների կողմից: Եւ որ բանակ-

ների գլուխ էլ որ անցաւ՝ իր յարաբերելու արտակարգ ջերմութեամբ՝ անքակտելիօրէն իր հետ կապեց ու յարգանք, պաշտամունք պարտադրեց զօրամասերի ոռւս-հայ սպայութեան և զինւորներին:

Երբ իր կեանքի հասունութեան շրջանը թեակոխեց՝ իր բնութագրի վերոյիշեալ հզօր տարերքը բնականօրէն նրան տարան դէպի Դաշնակցութեան նւիրական յարկը: Այդ նւիրական յարկը արդէն մօտ երկու տասնեակ տարիների հերոսութեան, նւիրումի ու բարձր հայրենասիրութեան մի սքանչելի պատմութիւն էր ստեղծել հայոց աշխարհում և այդուգերել մեր շովանդակ երիտասարդութեան միտքն ու հոգին: Դրօն անմասն չէր այդ հոյակապ խոյանքներից. ընդհակառակը՝ այդ սքանչելի խոյանքները տարրերայնօրէն խլրտում էին նրա լայն, խորը, խիզախ հոգում և սպասում այն մարդակերտ հսկային՝ Դաշնակցութեան, որ հայ կեանքը փոխեց, որ հայ աշխարհը ցնցեց, որ բռնակալ հայակեր Սուլթանների, Ցարերի ստեղծած բաժանման հաստաբետ պարիսպները քանդեց և մէկ հայութիւն եւ մէկ Հայաստան պաշտելի գաղափարներով մեր ժողովուրդը խանդավառեց ու միութիւն ստեղծեց նրա բոլոր հատւածների միջև: Դրօն արդէն Դաշնակցութեան բովանդակ սրբութիւններով լեցուն՝ դարձաւ նրա յեղափոխական, ռազմական ու պետական ամենայանդուզն ծրագիրները գործադրող հսկաներից մէկը և դեռ քսան տարին չըրացած, Դաշնակցութեան վրիժառու ոռւմբերով Բագրի և Ալէքսանդրապոլի սալայատակների վրայ փշրեց գանգերը երկու հայակեր հրէշների՝ Նակաշիձէի և Ալիխանովի: Ու որևէ ահաբեկման ժամանակ ոռւս ցարերի որսորդական շները, հակառակ իրենց ամենազօր միջոցների Դրօյին որսալ չկարողացան՝ իր արտակարգ խիզախութեան, սառնասրտութեան, հնարամտութեան ու ճարպկութեան շնորհիւ: Ու այնուհետև հայ գոյամարտի բոլոր ճակատներում միշտ հանդէս եկաւ որպէս ղեկավար, որպէս գերագոյն զոհաբերութեան առաջնորդ:

Դաշնակցութեան դէմ ստեղծւած հալածանքների ամենասուկալի շրջանն է, 1906—10 թւականները. ոռւս ցարը ու հայակեր կառավարութիւնը որոշել են բնաջնջել Դաշնակցութիւնը, իրենց հայակեր, գարշելի լծինի գլխաւորութեամբ

նրան դատի են տուել, Բանտերը լցւած են դաշնակցականնե-  
րով: Դաշնակցութեան ընտրանին՝ զինւորական, յեղափոխա-  
կան թէ գրագէտ, արդէն կալանքի տակ են առնւած: Լժինի  
շները փնտոում են նաև Դրօյին, բայց նա ճանաչում է այդ  
շներին. նա հեշտութեամբ նրանց ծուղակն ընկնողը չէ, նա  
ճարպկութեամբ, գաղտնի անցում է ուս-տաճկական սահ-  
մանը և ուրիշ անւան տակ միառժամանակ ապրում Ալաշ-  
կերտի հայաբնակ գիւղերի շրջանում: Սկսւում է համաշխար-  
հային առաջին պատերազմը, ուստի հայակեր կառաւարութիւնը  
բոլորովին փոխում է իր վերաբերմունքը Դաշնակցութեան  
հանդէպ. ներում է շնորհում և գարշելի Լժինի կողմից դատա-  
պարտւած ու աքսորւած բոլոր դաշնակցականներին, թոյլա-  
տրւում է հայրենիք վերադառնալ նաև Դրօյին ու նրա նման-  
ներին:

Դրօյի յիսնամեայ հերոսական կյանքը կարելի է բաժանել  
վեց շրջանների:

1. Ահարեկումների շրջան,
2. Հայ-թիւրքական ընդ. շրջան,
3. Առաջին համաշխարհային պատ. շրջան,
4. Հայաստանի անկախութեան շրջան,
5. Հայաստանի խորհրդայնացման շրջան,
6. Համաշխարհային երկրորդ պատերազմի ընթացքում  
սփիւռքում ունեցած գործունէութեան շրջան:

Այս վեց երկարատև շրջանների ընթացքում էլ Դրօն թէ  
կուսակցական յարկի տակ, թէ հասարակական, քաղաքական,  
թէ ռազմական յեղափոխական մարզերում, ամեանապատաս-  
խանատու աշխատանքների մէջ անցկացրեց իր բեղուն կեան-  
քը և այս բոլոր աշխատանքները կատարեց արտակարգ  
հմտութեամբ ու զոհաբերումով:

Իսկ եթէ աւելացնենք, որ մեր պաշտելի Դրօն իր արտա-  
կարգ ռազմական սուր միտքը, մտաւոր պաշարը, փորձն ու  
իրատեսութիւնը խորացրել, բեղմնաւորել էր միայն կեանքի  
դպրոցում, որովհետև նա անգամ լրիւ միջնակարգ գպրոցը  
չէր աւարտել ու զինւորական դպրոցն էլ լքել էր կէս ճանա-  
պարհին, այն ժամանակ նրա իրական, հրաշքանման կեան-  
քը ապրող սերունդների աչքում աւելի խորն ու տարաժապան

արժէքաւորման կենթարկւի ու աւելի հզօր պաշտամունքի առարկայ կը դառնայ:

Դրօն իր հերոսական գործերով անմահ է:

Իսկ անմահները ոչ միայն տեականօրէն շարունակում են իջխել եկող սերունդների մտքին ու հոգուն, այլև ղեկավարում, առաջնորդում են նրանց:

ԵՐ. ՀԱՅՐԱՊԵՏԵԱՆ

## ԵՐԿՈՒ ՏԱՐԻ ԴՐՕՅԻ ՄՕՏ՝

Դրօյին առաջին անգամ հանդիպելու բախտն ունեցայ 1912 թւի Մայիսին: Այդ պատահեց հետեւեալ ձևով:

Մի խումբ երիտասարդ դաշնակցականներիս մեծ փափազն էր ունենալ մեր հրացանը: Թէև պատկան մարմինը հայթայթել էր անհրաժեշտ զէնքերը մեզ՝ զինավարժներիս համար, բայց փափագում էինք ունենալ մեր սեփական զէնքը:

Զինավարժ խմբի անդամներս, մեր պաշտած կուսակցութիւնը՝ Դաշնակցութիւնը պատկերացնում էինք իբրև մի մեծ գերդաստան, իսկ Վանի կազմակերպութիւնը այդ գերդաստանի բազմաթիւ ընտանիքներից մէկը: Կազմակերպութեան զէնքերը համարում էինք մեր սեփականութիւնը, բայց ուզում էինք մեր անձնական համեստ միջոցներով, բերաններիցս կտրելով, զէնք գնել և այդպիսով, մեր ոյժերի ներածի շափ, աւելացնել զինապահեստը:

Մեր այդ մուրազին հասնելու համար է, որ ութ Ոզմեցի ընկերներ, որոշեցինք անցնել Կովկաս:

1911 թւի աշնանն էր, երբ հասանք Երեւան:

Անմիջապէս ներկայացանք պատկան Մարմնի ներկայացուցչին և մատուցեցինք մեր շրջանի Մարմնի տւած յանձնարարականը: Հինգ-վեց ամիս մնացինք Երևանում, Մարմնի օգնութեամբ գնեցինք մեր փափագած «իրեր»ը և փոխադրեցինք Իգդիր:

1 Մանօր. խմբ.— Սա մի փոքրիկ հատուած է խմբապետ Ասլանի (Ստեփանեան, Ոզմեցի) հետաքրքրական եւ իւրայատուկ կերպով պատմած անտիպ յուշերից:

Ի գղիւր հասնելուն պէս, մեր առաջին գործն եղաւ ներկայա-  
նալ ուր որ պէտք էր: Մի քանի օր Ի գղիւրում մնալուց յետոյ,  
լեռնային ճանապարհով մեկնեցինք Բայազէդ, մեզ հետ տա-  
նելով թէ մեր անձնական զէնքերը և թէ կազմակերպութեան  
համար տրամադրուած զէնքերից 22 հրացան:

Մեզ հրահանգուած էր՝ սահմանն անցնելուց և Բայազէդի  
դաշտը մտնելուց յետոյ, կանգ առնել Արծափ գիւղից քիչ  
հեռու, լեռան լանջին գտնուող Մաղկաւանք անունով մատուռի  
մօտ և սուրհանդակի միջոցով Սուրէնին հասցնել նրան ուղղուած  
նամակը, որպէսզի ձիեր ուղարկի մեզ, յանձնուած «ապրանք-  
ները Բայազէդ փոխադրելու համար:

Այդպէս էլ արինք:

Կէս գիշեր էր, երբ մտանք Բայազէդ: Քաղաքի ծայրամա-  
սում գտնուող մի տան մէջ տեղաւորեցինք «բեռներ»ը և առա-  
ւօտեան ներկայացանք Սուրէնին:

Սուրէնը նոյնինքն Դրօն էր, որ յատուկ գործով հաստատ-  
ւել էր Բայազէդում, ծպտուած՝ իբրև նաւթի ու շաքարի առևտրա-  
կան, Սուրէն ծածկանունով:

Սուրէնն ամբողջ երեք օր մեզ պահեց իր մօտ, անհրա-  
ժեշտ ցուցմունքները տւեց և մեր տարած զէնքերը զետեղե-  
լով շաքարի հակերի մէջ, իմ եօթ ընկերների հետ ճամբու  
դրեց վան, ինձ պահելով իր մօտ:

— Ախր ես էլ եմ ուզում զնալ ընկերներիս հետ, միասին  
եկանք, միասին էլ կուզենք վերադառնալ, պարոն Սուրէն,—  
ասացի ես յուզուած, թէև, շեմ թաքցնում, ինձ շատ երջանիկ  
էի զգում, որ մի այդպիսի յեղափոխական ուզում էր իր մօտ  
պահել ինձ:

— Քի՛չ խոսի՛ր, ասում եմ մնայ՝ պիտի՛ մնաս: Վեր-  
ջացաւ:

Եւ մնացի: Մի կողմից ցաւում էի, որ բաժանուցի իմ եօթ  
ընկերներից, սակայն միւս կողմից անշափ ուրախ էի, որ  
այսուհետև Պարոն Սուրէնի մօտ եմ կուսակցական աշխա-  
տանք կատարելու:

Ինչ քա՛ղցր ու անմոռանալի օրեր էին, Աստուած իմ: Նրանք  
միայն լիովին կը հասկանան ինձ, ովքեր բախտ են ունեցել  
այդ մեծ մարդու մօտ լինել:

Երիտասարդ Սուրէնը առևտրական էր, հիմնել էր առևտրա-



կան տուն՝ կենտրոնական խանութ և խանութներ շրջանում, սակայն, իրականութեան մէջ, Սուրէնը մի յեղափոխական վանահայր էր, իր հաստատութիւնն էլ յեղափոխական մի վանք:

Մանոթացայ մի շարք ընկերների հետ, որոնց համար Սուրէնը գործ էր ապահովել, ի հարկէ, ի վնաս իր առևտրական տան:

Վահան Մինախորեանը Սուրէնի կենտրոնական խանութի կառավարիչն էր, Մեսրոպ Աւետիսեանը (Մաքեցի, հետագային Մեսրոպ քահանայ) և Յովհաննէս Պարոնեանը (Եապոն) Դիադինի խանութի, Իգդիրցի Ալէքը՝ Քոռուն և Մոսունի: Սուրէնը ներկայացուցչութիւններ ունէր նաև միւս վայրերում:

Բայազէդի այդ շրջանի ընկերներից, դժբախտաբար միայն երկու հոգի են ողջ մնացել՝ Քաշալ Ղազարը և այս յուշը պատմողս...

Սուրէնը ոչ թէ առևտուր էր անում շահելու համար, այլ կուսակցական աշխատանքը հեշտացնելն էր իր նպատակը:

Անշափ հիւրասէր էր Սուրէնը: Թող մեզ ներւի ասել, որ տարօրինակութեան էր հասնում նրա հիւրասիրութիւնը: Սուրէնի ձեռքն ընկնող հիւրին պրծում չկար, չէր կարող հեշտութեամբ ազատւել, եթէ իհարկէ գործի բերումով անհրաժեշտ շինէր իր մեկնումը: Անհնար էր, որ Սուրէնի սեղանակիցների թիւը տաս հոգուց պակաս լինէր: Այդ լայնասիրտ երիտասարդը կարծէք մեծ պահանջ էր զգում, որ ամէն անգամ իր սեղանի շուրջը բոլորեն նւազագոյնը տաս հոգի:

— Պարոն Սուրէն, ախր իմ անելիքն ի՞նչ է, — լեզւի եկայես, շեմ յիշում շաբաթը լրացել էր, թէ ոչ:

— Գեաղա, ձէնդ կտրիր, գործի՛ ժամանակը որ գայ, գործ կը տամ քեզ: Պիտի մնաս: Հալա հանգստացիր:

«Հանգստիս» տասներորդ օրը լրացել էր, երբ Սուրէնն ինձ ուղարկեց Իգդիր, ասելով.

— Դէ գնա, հերիք է, հանգստացար, զէնքերն արդէն պատրաստ են Իգդիրից Բայազէդ և ապա Վան փոխադրելու համար:

1912 թ. Մայիս — 1914 թ. Մայիս, Սուրէնի մօտ մնացի, Իգդիր—Բայազէդ գծով դէպի Վան կուսակցական զէնք ու ռազմամթերք փոխադրելու գործի մէջ:

Այդ ընթացքում այնքան էի մտերմացել նրա ընտանիքի հետ, որ ամէն անգամ Իգդիր հանդիպելիս, Դրօյի հայրը՝ Կարօն ասում էր.

— Այ տղայ, ախր էն մեր տղան ինձ ի՞նչի մի երկու տող չի գրում:

Դրօյի քրոջ ամուսինը՝ Հայրապետ Կալայեանը հարցնում էր.

— Անվերջ ապրանք է ուզում, էդքան ապրանք սպառո՞ւմ է:

Այբողջ երկու տարի մնացի Դրօյի մօտ, նրա գուրգուրանքին արժանացայ, աշխատեցի նրա կարգադրութեամբ:

1914 թի Մայիսին, դաւաճանութեան հետևանքով, ժանդարմները կտրեցին մեր գիծը, որ մեզ ձերբակալեն: Իգդիրից շուրջ 4 քիլոմետրի վրայ գտնուող Խալֆալու գիւղում պահել տւի մեր «բեռը», իսկ ինքս ուրիշ ճամբով վերադարձայ Իգդիր:

Իգդիր հասնելուն պէս տեղեկացայ, որ խուզարկել են այն տունը, ուր բնակւում էի և ոստիկանութիւնն ինձ է փնտրում:

Այդ ընթացքից յետոյ, կուսակցական պատկան Մարմինը հրահանգեց ինձ գնալ Երևան, այնտեղից էլ Բագու, երբ վրայ հասաւ 1914 թի պատերազմը:

Այլևս Դրօյին շկարողացայ հանդիպել մինչև 1915 թի Յունիսը, երբ հայկական կամաւորական բոլոր գնդերը, Վանից դէպի Բիթլիս էին գնում: Կարճկանի շրջանում, Զեյնի կռիւներին, ուսական հրամանատար զօր. Նիկոլանը կարգադրում է, որ հայ կամաւորական գնդերի հրամանատարները գնան ճակատ և տեղի վրայ մշակելով յարձակման ծրագիրը, միւս օրն իսկ գրոհի դիմեն:

Այնտեղ էին բոլոր հրամանատարները՝ Վարդան, Խէչօ, Քեռի, Համազասպ, Անդրանիկ և Դրօ:

Իբրև Անդրանիկի զինւոր, նրան ընկերակցողներին մէջ էր նաև այս փոքր յուշը պատմողը:

Երբ Դրօն նկատեց ինձ, մէկ պահ դադարեց խօսակցութեան մասնակցելուց, մօտեցաւ և համբուրեց, ասելով.

— Քեզ մեռած էի կարծում:

Նրա ակնարկը վերաբերում էր Իզդիրի մօտակայ խալ-  
ֆալու գիւղի մօտ տեղի ունեցած դէպքին:

Հայ կամաւորական գնդերի հրամանատարները վիճում  
էին, համաձայնութեան շէին գալիս:

— Հայ ենք, շե՛նք կարող զիջել և համաձայնել, — բարձ-  
րաձայն ասում էր Դրօն:

Եւ ցրեցին առանց համաձայնելու: Յաջորդ առաւօտեան,  
ամեն մէկն իր գիտցած ձեւով սկսեց յարձակումը, որ ծանր  
նստեց, բայց այնուամենայնիւ, մեր կամաւորական ոյժերը  
յաղթեցին, պատուեցին շղթան և Խալիլ բէյը նահանջեց:

Երեք օր յետոյ, Դատուանի մօտ, մի կուում սպանւեց  
հեծելազօր գնդի հրամանատարը՝ Դաշնակցական Խէչօն...  
Քող ներւի մեզ մի փոքրիկ շեղում կատարել և ասել. — Դաշ-  
նակցական Խէչօյի մասին կարծիք կազմելու համար պէտք  
է կարդալ շա՛տ սիրելի՛ Պարոն Ս. Վրացեանի սքանչելի  
յօդւածը՝ «Խէչօյի գերեզմանը Իշխանի կողքին», տպւած 1955  
թւին, «Յուսաբեր»ում Մայիսի սկզբների թւերի մէջ (Մանօթ.  
Խմբ. — Տե՛ս «Ալիք, 1955 թ., № 107 և 108, Մայիս 22-ի և  
23-ի թւերը):

Այլևս չկարողացայ հանդիպել Դրօյին, մինչև 1918 թիւը,  
վանից՝ նահանջին, երբ արևմտահայ բանակի մի մասն ան-  
ցաւ Պարսկաստան, իսկ միւսը՝ Կովկաս:

Երկրորդ մասի մէջ, զօրամասի հետ Իզդիր հասանք 1918  
թւի Մարտ 25-ին, Տիգրան Բազդասարեանի հետ (հետագային  
գնդապետ. ափսո՛ս, նա ևս այժմ հանգուցեալ, իր մահկա-  
նացուն կնքեց 1955 թւի Յուլիս 20-ին, Թեհրանում...):

Նոյն օրը, առաջին հանդիպումս եղաւ Դրօյի հետ:  
— էսօր միայն էստեղ կը մնաք: Վաղը պիտի մեկնէք  
Դաշ-Բուռունի ճակատը, որը դատարկ է:

Տասնևհինգ օր յետոյ, Դաշ-Բուռունից անցանք Դաւալու,  
այնտեղից էլ Ղամարլու, նախ փոխադրելով Դաւալուի ժողո-  
վուքը, որից շատ շանցած, տեղի ունեցաւ Բաշ-Ապարանի  
ահեղ ճակատամարտը, իսկապէս մեծ գոյամարտը, աննման  
հրամանատար Դրօյի ղեկավարութեամբ:

Հրահանգ ստացանք՝ որ զօրամասի մի շարք միաւորներն  
անցնեն Սարդարապատ, իսկ միւսները կենտրոնացած մնան  
Ղամարլու, դէպի Գայլաբերան տանող գ՛ում:

Ղարաքիլիսէի, Սարդարապատի և Բաշ-Ապարանի պատմական ճակատամարտերից յետոյ, զինադադար կնքեց և տաճիկները պահանջեցին որ արևմտահայ բանակը շմնայ ճակատում:

Այդ օրերին, Անդրանիկը Դիլիջանի վրայով մեկնեց դէպի Նախիջևան և նամակ գրեց, որ մենք էլ շարժենք նոյն ուղղութեամբ և նրան միանանք Նախիջևանում:

Կուր էր տարածւած, որ իբր թէ արևմտեան բանակի մեր զօրամասն ևս գնում է Անդրանիկի ետևից, մինչդեռ այդ ժանր օրերին, այդպիսի մտադրութիւն չկար:

1918 թւի Յունիսի կէսերին էր, որ Դրօն իր մեքենան ուղարկեց Ղամարլու, Երևան կանչելով նւաստիս:

Ճանապարհուցի իսկոյն և եթ: Երևան հասնելով, փողոցում հանդիպեցի Դրօյին. զգալով, որ մի շատ կարևոր գործի համար էր այդպէս շտապ Երևան կանչել ինձ, բարեից անմիջապէս յետոյ հարցրի.

— Ի՞նչի համար էք կանչել ինձ Պարոն Դրօ:

— Ձեր զօրամասը վաղը պիտի մեկնի Դիլիջան, որի ճակատը բաց է,— պատասխանեց իրեն միայն յատուկ վրձնական տոնով, կարճ ու կտրուկ:

— Հրամայէիք՝ կը ճանապարհուէինք անմիջապէս: Ժամանակ չե՞նք կորցնում:

— Ո՛չ: Պէտք կար քեզ կանչելու: Գնանք:

Հետևեցի իրեն: Գնաց Արամի մօտ, նւաստիս էլ իր հետ տանելով:

— Խնդիրը կարգադրել եմ, մտահոգւելու բան չկայ,— դարձաւ Դրօն Արամին:

Ինչպէս երևում է, կասկած կար, որ արևմտահայ բանակի մեր զօրամասը կը գնայ Անդրանիկի ետևից: Մտածում էին, որ նւաստս՝ որպէս Անդրանիկի զինւոր, մի գուցէ հետևեմ նրան:

Երկու ժամ յետոյ վերադարձայ Ղամարլու և յաջորդ օրը շարժեցինք դէպի Դիլիջան՝ Երևան-Քանաքեռ գծով:

Տաճկական զօրքը չկար Դիլիջանում: Սահմանապահութիւնը շարունակեցի երեք ամիս:

Այնտեղ մնացի մինչև 1918 թւի աշունը, երբ կառավարութիւնը Թիֆլիսից փոխադրեց Երևան, Դիլիջանի վրայով:

Դրանից յետոյ, երբ արդէն կնքել էր առաջին համաշխարհային պատերազմի ընդհանուր զինադադարը, Դրօն Դիւիզան ժամանեց, իր հետ բերելով 6-րդ գունդը, որը փոխարինեց մեր զօրամասին, իսկ մեր զօրամասը փոխադրեց Երևան:

1919 թւի գարնանը, Անդրանիկը վերադարձաւ Զանգեզուրից և ուղղակի գնաց էջմիածին, մի տարածայնութեան հետևանքով շուզեց Երևան մտնել:

Այդ օրերին Դրօն ժամանեց էջմիածին և նւաստիս Իգդիրից էջմիածին կանչեց հեռախօսով: Ճանապարհւեցի անմիջապէս: Երկու օր մնացի էջմիածնում, Դրօյի մօտ:

— Անդրանիկն եկել-նստել է էջմիածին, շի համաձայնում գալ Երևան: Որպէս իր զինւոր, գուցէ կարողանաս համոզել:

Շատ էի կապւած Անդրանիկի հետ, նա սիրում էր այս յուշը պատմողին, այդ գիտէր Դրօն և դրա համար էր կանչել:

Անդրանիկը վշտացած էր նաև նւաստիցս, թէ ինչո՞ւ արևմտահայ բանակի մեր զօրամասն էլ շհետեց իրեն, շարժեց դէպի Նախիջևան, այնտեղ իրեն միանալու համար:

Ժողովրդի լեզուով ասած, սիրտն առայ: Անդրանիկը ոչ միայն մոռացաւ այդ, այլև համոզեց՝ որ ճի՛շտ էր այն ժամանակ մեր բռնած ընթացքը:

Անդրանիկն ուզո՞ւմ էր Երևան գնալ, բայց իր շրջապատում եղած վատ մարդիկ շթողեցին, պղտորում էին նրա միտքը:

— Զի լինում համոզել: Օրւայ մէջ մի քանի անգամ փոխում է իր միտքը: Վերադարձիր տեղդ, — կարգադրեց հրամանատարս՝ Դրօն:

Վերադարձայ: 48 ժամ յետոյ, կէս գիշերին, արթնացրին ինձ, յայտնելով, որ Անդրանիկի կողմից շորս զինւորներ են եկել, ուզում են տեսնել հետս:

Ընդունեցի, հետաքրքրեցի նրանց առաքելութեամբ: Յանձնեցին երեք նամակ, որից մէկն ուղղւած էր նւաստիս, 2-րդը Խրաբշահցի խմբապետ Մուրադին, իսկ 3-րդը՝ եզիդիների պետ՝ Զահանգիր Բէգին:

Նւաստիս գրւած նամակի բովանդակութիւնը հետևեալ էր. — Իմ զինւոր Ասլան, անմիջապէս, զօրամասով շարժւիր դէպի էջմիածին: Գնում ենք Երևանի վրայ:

Ենթադրելով, որ միւս երկու նամակներն ևս նոյն բովանդակութիւնը պիտի կրեն, շյանձնեցի տէրերին: Հանգստացրին նամակաբերներին, որոնք նախկին զինւորներէցս էին և պահեցի մինչև առաւօտ:

Առաւօտեան հանդիպեցի Դրօյին համհարդ զլիսապետ (կապիտան) Մուրադեանին, յայտնեցի ստացածս նամակի բովանդակութիւնը, իսկ միւս 2 նամակները յանձնեցի նրան, Դրօյին ուղարկելու համար:

Մի քանի խամ անցած լուր ստացանք, որ Անդրանիկը շարժել է դէպի Երևան, սակայն կէս ճամբին նրան դիմաւորել է Երևանի թեմական առաջնորդ՝ Գերապատիւ Տէր Խորէն Արքեպիսկոպոս Մուրադբէգեանը (հետագային Խորէն Ա. Կաթողիկոս, այդ աննման հոգևորականին խեղդամահ արին բոլշևիկները) և բարեբախտաբար յաջողել է համոզել՝ որ վերադառնայ էջմիածին:

Դէպքից շուրջ մէկ շաբաթ յետոյ էր, որ Դրօն Իգդիրից ժամանեց՝ զօրամասերին քննական այցելութիւն տալու նպատակով: Հետաքրքրեց ստացածս ծանօթ նամակով, որը յանձնեցի հրամանատարիս:

Այնուհետև մեր զօրամասը փոխադրեց նախ Կողբ և ապա Ղամարլու: Շուրջ մի ամիս էր, որ այնտեղ էինք, երբ Դրօն Ղամարլու այցելեց 1919 թւի Յունիս 2-ին գնդ. Ապրեսեանի ու մեր զօրամասերին (գնդեր) և անհրաժեշտ ցուցմունքները տալով, կարգադրեց՝ Յունիս 4-ին, շարժել դէպի Բոյուք-Վեդի-Չիմանքանդ:

Դրօյի հրամանն ու կարգադրութիւնը տառացիօրէն կատարեցինք՝ նրա նշանակած ժամին: Նոյն օրը վիրաւորեցի: Գնդ. Ապրեսեանի զօրամասը նահանջելով հասնում է Ղամարլու թէ շէ, կուի մասին լուր է տալիս Երևան:

Դրօն Ղամարլու է հասնում վաղ առաւօտեան: Կէսօրուայ մօտ կառք ուղարկել տւեց և նւաստիս տարան Ղամարլու:

Կուի մանրամասնութեանց շուրջ հարցումներ անելով, հրահանգեց անմիջապէս փոխադրել ինձ Երևան՝ հիւանդանոց:

Մէկ շաբաթ հիւանդանոցում մնալուց յետոյ, վերադարձայ մեր զօրամասը:

Շիրազլուի մօտ հանդիպեցի Դրօյին: Տեսնելով ինձ կազա-

լիս, մի ձեռնափայտի յենւած, Դրօն ժպտաց և իր կրակոտ աչքերը մի պահ վրաս կենտրոնացնելով, ասաց ծիծաղելով.

— Այ «խալիսի նոքեար» Ասլան, գիտես, որ խալիսն ասում է, թէ «շունը կաղալով չի սատկում»: Գնայ զօրամասիդ գլուխ, ուրիշ մարդ շեմ նշանակում:

Թերևս մի ուրիշ հրամանատարի քաղցր ու փաղաքշտկան խօսքն այնքան շքաջալերէր ինձ, որքան Դրօյի այդ սրախոսութիւնը, ժողովրդական անխոցելի առածով համեմւած, որին յաջորդեց իր լիաթոք ծիծաղը:

Այդպէս էր աննման Դրօն: Ոչ թէ նման գէպքերում, այլև ամենածանր պահերին իսկ զւարթախօս, կատակող, բայց միշտ վճռական:

Ամբողջ մէկ ամիս տևեց Բոյուք Վեդիի կռիւը, որից յետոյ դադարեց և մեր զօրամասը նորէն փոխադրեց Իգդիր, որտեղ մնացինք մինչև 1920 թւի գարունը և ապա փոխադրեցինք էջմիածին:

Մայիսեան ապստամբութեան ժամանակ (1920 թիւ Մայիս 1), հրահանգ ստացայ գնալ Մարգարայի կամուրջը: Իգդիրի շրջանի զօրամասի միաւորներում բոլշևիկեան խմորում կար: Զօրամասի հրամանատար գնդ. Խուրաբաշեանը զանազան յանձնարարութիւններով մեզ մօտ էր ուղարկում բոլշևիկացած տարրերին, որոնց վար էինք դնում անմիջապէս:

Մինչև Հայաստանի խորհրդայնացումը, մնացի Դրօյի հրամանի տակ, վայելելով իր վստահութիւնը՝ իբրև գնդի պետ, գնդապետի օգնական, առանձին գումարտակի պետ, ինչ որ Դրօն կարգադրում էր:

1920 թւի Դեկտեմբերի սկզբներին շրջանից վերադարձայ Սրևան, սակայն շհանդիպեցի Դրօյին: Քիչ յետոյ Դրօն մի ընկերոջ միջոցով յայտնում էր. «Հետապնդում է, թող հեռանայ, որպէսզի չձերբակալի»:

Հրաման ընդունեցի նաև այդ. այո՛, հրաման էր, թէև անուղղակի, զգուշացման ձևով:

Աշխատել եմ նաև Անդրանիկի, Սեպուհի և միւս հրամանատարների ձեռքի տակ, նրանց հետ, սակայն իմ համեստ կարծիքով, ամենից արժեքաւոր հրամանատարը Դրօն էր՝ թէ անձնական քաջութեամբ և թէ զինւորական հմտութեամբ:

Վերին աստիճանի ընկերական, համեստ, գործունեայ,

ամենից դժւարին պայմաններում իսկ գործ ստեղծող, հետեւողական:

Մի բացառիկ ոյժ էր՝ թէ իբրև կազմակերպիչ և թէ իբրև ղեկավար:

Գործի մէջ խստապահանջ էր, կտրուկ հրամանատար, ընկեր շէր ճանաչում, իսկ պաշտօնական շրջանից դուրս՝ նոյն ջերմ ընկերականութիւնը:

Այնուհետև այլևս բախտ շունեցայ տեսնելու այդ մեծ մարդուն...

Վերջին երկու տարւայ մէջ իրենից ստացայ մի քանի երկտողներ՝ բարևագիր, քաջալերանքի ջերմ խօսքեր... «Յոյս ունեմ, որ իմ տեսածի նման կը մնաս, աշխատանք եղած դէպքում նորէն առաջ կը գաս», — գրում էր այդ նամակներից մէկում:

Եւ մէկ էլ իր մահւան լուրն առի...

Երկիւղած խոնարհւում եմ անջինջ ու լուսեղ յիշատակիդ առաջ, իմ ազիզ Դրօ, աննման Հրամանատար...

Գրի առաւ՝ Ա. Գ. Մ.

Ապրիլ 17, 1956 թիւ

Քեհրան

ԱՍԼԱՆ ՍՏԵՓԱՆԵԱՆ

### ՄԻ ԴՐԻԱԳ ԴՐՕՅԻ ԿԵԱՆՔԻՑ

(Նրա մահւան քառասնօրեակի առթիւ)

Առաջին անգամ Դրօյին հանդիպեցի ժընևում, 1908 թիւ գարնան վերջերին, մի կիրակի օր: Դաշնակցական ուսանողներս կիրակի օրերն անց էինք կացնում «Դրօշակ»ի խմբագրատանը: Այդպիսի մի օր էր, առաւօտեան, որ Դրօն ռումբի արագութեամբ ներս մտաւ խմբագրատուն և ծանօթ-անծանօթ ընկերների գիրկն ընկաւ:

Մեզանից շատերն առաջին անգամն էին տեսնում Դրօյին: Ռոստոմը տեղեակ էր Դրօյի գալու մասին, մեզ շէր ասել և ժպտադէմ հետևում էր Դրօյի շարժ ու ձևերին (Դրօն անշափ շարժուն էր ու անհանգիստ):



Տաս րուպէ շանցած, Ռոստոմը, Դրօն ու ես անցանք Խրմ-  
բագրատան պարտէզը, որտեղ որոշեցինք յաջորդ օրն իսկ  
փորձել Քր. Միքայէլեանի նոր ձևով պատրաստած ռումբը,  
որը կատարելագործել էինք՝ Ռոստոմն ու տողերիս գրողը,  
բայց դեռ փորձեր չէինք արել:

Պնացինք ժընկի արուարձաններից դուրս գտնւող մի դաշտ:  
Ինձ զարմացրեց Դրօյի ռումբ նետելու ձևը՝ 30 քայլի  
վրայ, դիպուկ նշանառութիւնը:

Չեռնառումբը գոյութիւն ունէր վաղուց, բայց առաջին ան-  
գամ գործածւեց Ռուս-ճապոնական պատերազմի վերջին  
շրջանում:

Սկսողը ճապոնացիք էին, մենք քիչ կիրառեցինք կուխ  
այդ ձևը: Ռումբը նետողները զինւորներն էին և երիտասաղ  
սպաները: Վերից վար էինք նետում, երկու կողմերս էլ՝ ճա-  
պոնացիք և մենք՝ ռուսական բանակի միաւորները:

Դրօն վարից վեր էր նետում և շատ յաջող:

Մի երկու օրից յետոյ, մենք երեքով նորից անցանք նոյն  
տեղը: Վեց ռումբ տարանք հետներս: Այս անգամ ռումբերը  
լեցուն էին փոքր քանակութեամբ սև վառօդով: Նպատակ-  
ներս էր փորձել՝ կը պայթե՞ն ռումբերը, թէ ոչ: Երեքը Դրօն  
նետեց, երկուսը ես, իսկ Ե-րդը Ռոստոմը: Վեցն էլ պայթեցին:  
Մենք, բաւարարւած, վերադարձանք տուն:

Մի կիրակի էլ մեր կուսակցական ուսանողների հետ  
գնացինք փորձի նոյն տեղը:

Մեզ հետ էին նաև Գալփան («Դրօշակ»ի 4 խմբագիրներից  
մէկը) և Անտոն Գոշը, (Քրիստափորի մօտիկ աշխատակից-  
ներից), շատ յարգւած և շատ հեզնող և սրամիտ մի ծե-  
րուկ: Ապրում էր «Դրօշակ»ի խմբագրատանը և իր խստամ-  
բերութեամբ ու իւրայատուկ կեցւածքով դաստիարակում էր  
մեզ: Ճամբին մենք աւելի նրանով զբաղւեցինք քան՝ Ռոստո-  
մով ու Դրօյով: Միծաղից թուլացել էինք ուսանողութեան  
վերաբերմամբ նրա արած արտայայտութիւններից (բոլորը  
բացասական):

Ուրախ էր, որ բացակայում էր «գրպանահատ»ը, պարս-  
կաստանցի միակ դաշնակցական ուսանողը: Այդ ժամանակ-  
ներում ժընկում մօտ 15 պարսկաստանցի ուսանողներ կա-  
յին, բոլորն էլ սոցիալ-դեմոկրատ, կամ անկուսակցական:

Բոլոր ուսանողներին էլ ցույց տւինք ռումբ նետելու ձևը: Երբ հերթը հասաւ Անտոն-Գոշին, նա այնպես մի բացականչութիւն արեց, որ ինչպէս ասում են «մեռանք ծիծաղից»:

Դրանով էլ վերջացան մեր փորձերը: Մի քանի օր յետոյ իմացանք, որ ժընկէի ոստիկանութիւնը տեղեակ է մեր փորձերին և իհարկէ՝ անհանգիստ էր: Խաշատուր Մալումեանը (Ակնունի) փարատեց այդ կասկածները:

Դրօշին հիւանդանոց փոխադրեցին գործողութեան համար, տառապում էր մի ինչ-որ հիւանդութեամբ: Գործողութիւնը յաջող էր անցել: Մենք անհանգիստ սպասում էինք նրա վերադարձին: 7—8 օր մնալով հիւանդանոցում, մի կիրակի, Դրօն թափով ներս մտաւ խմբագրատուն, նայեց աջ ու ձախ և գօտեմարտի բռնեց հետս: Այս ու այն կողմից զգուշացրին Դրօշին, որ վերջ տայ գօտեմարտին, վախենում էինք, որ օպերացիայի տեղը կպայթի:

Մասնակցեց ուսանողների բոլոր հաւաքույթներին ու ժողովներին և մի օր, առանց մնաք բարև ասելու՝ անյայտացաւ ժընկից:

Երկրորդ անգամ Դրօշին հանդիպեցի Թիֆլիսում, մի հիւանդանոցում, որտեղ նա պառկած էր Կալրէ-Շամէի ճակատամարտում ծանր վիրաւորելու պատճառով:

Այցելութեան գնացինք մեծ եղբօրս (2-րդ պետական Դումայի անդամ) և Զումշուդի (հետագայում. Զումշուդ-խան, պարսկական բանակում) հետ միասին: Գրկախառնեցինք հետը, իսկ Զումշուդը համբուրեց ձեռքը: Դրօն վիրաւորած ձեռքը յետ քաշեց (չէր սիրում ցուցամոլութիւնը):

Խնդրեց ինձ, որ հերքեմ Թիֆլիսի հայկական շրջաններում պատող լուրը՝ իբր թէ Նիկոլայ Զ-րդը սեղմել է նրա ձեռքը և հարցրել, թէ «Ո՞րտեղ է սովորել զինւորական արհեստը» և որին նա իբր թէ պատասխանել է. «Ը. Յ. Դաշնակցութեան շկօլայում»:

Ինձ շատ խնդրեց, որ հերքեմ այդ շինծու լուրը: Նիկոլայ Զ-րդը հիւանդների ու վիրաւորների ձեռքը չէր սեղմում, նոյնիսկ եթէ նրանք բարձր խաւերին պատկանելիս լինէին: Հնարաւոր էլ չէր հազարաւոր վիրաւորների ձեռքը սեղմելը, բայց միշտ մխիթարական խօսք էր գտնում ամէն վիրաւորի համար, անցնելով միւս հիւանդին:

Սրբէք նա հիւանդանոցներում շէր նստում հանգստանալու համար, թէ նոյնիսկ այդ այցելութիւնները ժամեր տևէին:

Ցարին Դրօյին ներկայացնող Ալ. Խատիսեանն էր եղել (Թիֆլիզի քաղաքագլուխ, հետագային Հայաստանի վարչապետ):

Բաժանւեցինք, խոստացայ Դրօյին՝ նորից այցելել իրեն: Էլ չկարողացայ այցելել:

Ամբողջ Կովկասում և մանաւանդ Թիֆլիսում, ծայր էր տւել վախը: Իրարանցումը աննկարագրելի էր էնվեր փաշայի արշաւանքի պատճառով: Նա Սարիղամիշի ու Արդահանի ճակատներում յարձակողականի էր անցել և ամէն տեղ էլ յաջողութիւն ունէր: Պետերբուրգի զինւորական մարմիններն այն կարծիքին էին, որ Թիւրքիան կը խուսափի պատերազմի մէջ մտնել իրենց դարաւոր բարեկամների՝ Անգլիայի, Ֆրանսիայի և նրանց դաշնակից Ռուսիայի դէմ: Զոհ՝ իրենց այդ մտածելակերպի: Նրանք Կովկասի երեք կատաղի զօրաբանակներին արևմտեան ճակատն էին շարտել, կովկասեան ճակատում թողնելով նրանցից մի քանի բեկորներ, 19-րդ զօրաբաժինը, Կարսի բերդի գարնիզոնը (բերդապահ զօրամասը) և կովկասեան մի քանի հրացանաձիգ գումարտակներ, թէև ուժեղացրած պահեստի ոյժերով, բայց համեմատած տաճկական զօրքի քանակին, շատ թոյլ: Իհարկէ, տաճիկները գիտէին թէ ինչ է մնացել կովկասեան ճակատում (նրանց լրտեսական գործը կատարեալ էր Կովկասում ապրող թիւրքերի և նոյնիսկ վրացիների միջոցաւ):

Կովկասեան ճակատի պատասխանատու բարձրաստիճան զինւորականները, որոնք Թիֆլիս էին գտնւում, վարանցով Դաշկովի (Կովկասի փոխարքայ) հետ միասին, կորցրել էին գլուխները, սառնարիւնութիւնը և համարեա թէ փախուստի ճանապարհը բռնել իրենց հերթին: Շշուկներն անպակաս էին, թէ նոյն իսկ փոխարքան կասլում է իր ճամսւրուկները:

Իսկ դրա դիմաց՝ հայերը Թիֆլիսում շտապ-շտապ հաւաքում էին զանազան տեղերից այնտեղ եկած հայ կամաւորներին, նրանց կարգի բերում և խմբապետ Վարդանի (Մեհրաբեան) հրամանատարութեան տակ ճակատ (Սարիղամիշ) ուղարկում:

Կովկասեան գլխաւոր սպայակոյտի պետ զօր. Շատիլովի կարգադրութեամբ ու հրամանով, ես նշանակել էի զինւորական հրահանգիչ՝ (ինստրուկտոր) և Վարդանի շտապ կազմած խմբի հետ միասին ճանապարհւեցի ճակատ:

Դրօյին էլ երկրորդ անգամ շկարողացայ այցելութեան գնալ:

Բարեբախտաբար, տաճկական ոյժերը ջարդուել էին, փախուստի ճամբան բռնել և մենք ճակատ հասնելու տեղ, ճակատի հրամանատարութեան կարգադրութեամբ, մնացինք Ալեքսանդրապոլում և ամբողջ ջ ամիս մնացինք այնտեղ:

Կամաւորների մեծամասնութիւնը նոյնիսկ զէնք բռնել չգիտէր: Մարտին կովկասեան դաշտային շտաբի նոր դիւլոկացիայի (պլան, հրաման) բերումով հայ կամաւորական բոլոր խմբերը՝ 2-րդ, 3-րդ, 4-րդ և Վարդանի 5-րդ խմբերը պիտի կենտրոնանային Երևանում: Զինւորական նոր դասաւորումներ էին կատարւում ամենուրեք. արևմտեան, ինչպէս և կովկասեան ճակատներում, Այդ պատճառով, մեր կամաւորները՝ 2-րդ, 3-րդ, 4-րդ և Վարդանի 5-րդ նորակազմ կամաւորական խմբերը անցան Երեւան: Անդրանիկի կամաւորական առաջին խումբը Պարսկաստանում էր: Նրան ձեռք շուին, այդտեղ էլ թողեցին, զօր. Նազարբէգեանի հրամանատարութեան տակ:

Դրօն առողջացած, նոյնպէս եկել էր Երևան և ընդունել իր խումբը:

Կովկասեան գլխաւոր շտաբի հրամանով, ես շարունակ շփման մեջ էի կովկասեան երրորդ զորաբանակի (corps d'armee) շտաբի հետ, որին ենթակայ էինք այնուհետև: Հետաքրքրւում էինք մեր նոր անելիքի մասին:

Ապրիլի սկզբներին, յանկարծ անսպասելիօրէն լուր ստացանք Վանի ապստամբութեան մասին: Գնացի շտաբը, ստուգելու համար այդ լուրը: Այնտեղ արդէն պատրաստ տեօայ հրամանը՝ մեր կամաւորական խմբերը շտապ մեկնելու էին Վանի ճակատը:

Մեզ թոյլատրել էին որոշ ինքնավարութիւն ունենալ ներքին կեանքում, ըստ մեր հայեցողութեան դասաւորել մեր խմբերը: Հաւաքւեցինք, ժողովներ շարունակ, անհամաձայնութիւններ — այդ բոլորը ձանձրոյթ էին պատճառում, մա-

նաւանդ ինձ: Մեր խմբապետները շարունակ 4արցեր էին տալիս ինձ ու շէին բաւարարում իմ պատասխաններով:

Վերջապէս, Դրօյի առաջարկով ու ծրագրով՝ երեք խումբ կազմեցինք: Վարդանի 5-րդ խումբը բաժանեցինք Դրօյի 2-րդ և Համազասպի 3-րդ խմբերի մէջ: Վարդանին նշանակեցինք (նորեն Դրօյի առաջարկով) երեք խմբերի ընդհանուր հրամանատար, շարժեցինք էջմիածնի վրայով դէպի Իգդիր, ճանապարհին ստանալով Ամենայն Հայոց Կաթողիկոսի օրհնութիւնը:

Իգդիրում մնացինք ամբողջ 3 օր, լրացնելու համար մեր զինուոր՝ կովկասեան 3-րդ զօրաբանակի պահեստներից:

Իգդիր հասնելու 4-րդ օրը ճամբայ ընկանք Վան: Ռուստոմը մեզ հետ եկաւ մինչև Արարատի ստորոտը, յաջողութիւն մաղթեց մեզ ու վերադարձաւ Իգդիր, իսկ մենք դէպի Ղզըլ — Դիզա, մեր արշաւի առաջին նպատակակէտը, որտեղ հասանք նոյն օրը երեկոյեան, անշափ յոգնած:

Այնտեղ էր զօր. նիկոլայեր, մեր նոր հրամանատարը, իր մի ձիաւոր (ոչ լրիւ) գնդով, մէկական դաշտային ու լեռնային մարտկոցներով և մի հետևակ գումարտակով:

Մեզ ընդունեց հայրաբար, բարևեց, մերոնք դեռ լաւ վարժած շէին ռուսական զինւորական բարևին, բայց և այնպէս պատասխանեցին — հազար բարևով, ռուսերէն իմացողներն էլ ռուսերէնով:

— Նու, նու, ես շատ գոհ եմ ձեր կեցւածքից ու տղամարդութիւնից, տեղեկութիւն ունեմ ձեր քաջագործութիւնների մասին — ու դառնալով ինձ, — կապիտա՛ն, թարգմանեցէ՛ք:

Օրը տաք, արևոտ, կատարելապէս հրաշալի, յանկարծ փոխւեց: Յրտեց ու սկսեց քուլա-քուլա ձիւն գալ, ձիւնի հետ քամի. վախ կար, որ շկարողանանք մեր արշաւանքը շարունակել:

Զօրավարը մեզ յայտնեց մի ուրախ և մի տխուր լուր՝ միաժամանակ: Առաջինը՝ հայ զօրավար Նազարբէգովը (Նազարբէգեան) Անդրանիկի հետ միասին, մեծ յաղթութիւն էր տարել Դիլմանի ճակատամարտում և երկրորդ տխուր լուրը՝ Վանը մեն-մենակ ինքնապաշտպանութեան օրհասական կռիւ է մղում տաճիկ ոյժերի դէմ — ու խնդրեց, որ շտապենք (խընդրանքը հրաման է զինւորական կեանքում):

Զիւնն ու սաստիկ քամին շարունակեցին ամբողջ գիշերը:

Վաղ առաւօտեան շարունակեցինք մեր արշաւանքը: Համազասպի ու Վարդանի խմբերը միացած զօրավարի ոյժերին, Քափառիսի բարձունքով յառաջացան դէպի Աբաղայի դաշտը, Դրօյի ու Քեռու խմբերը ուրիշ ճանապարհով՝ դէպի նոյն դաշտը:

Զիւնի շերտը անանցանելի էր, տեղ-տեղ խորութիւնք անսպասելի, 2—3 մեթրի էր հասնում որոշ տեղերում, որը մեր ձիերի կուրծքով էինք ճեղքում և կտրում այդ անկարելի ճանապարհը (կածան):

Զօրավարը շտիրեց Վարդանին: Իսկոյն հասկացայ, որ մեր և մանաւանդ Վարդանի վերաբերմամբ այդ բացասական տեղեկութիւնները նրան տւողը Վարդանի շտաբի պետ՝ կապիտան Օսէփեանցն է եղել, օձաբարոյ մի մարդ, որ հետագայում էլ բացասական դեր խաղաց հայ կամաւորական խումբերի կեանքում, համարձակեց էջմիածնում Դրօյին մենամարտի հրաւիրել մի ինչ որ հարցի առթիւ, բայց երբ Դրօն նրա հրաւերն ընդունեց, իրեն մերձիմահ հիւանդ յայտարարեց և մի ծակ մտաւ: Զեմ յիշում, թէ ինչով վերջացաւ նրանց այդ մենամարտը, այնքանն իմացայ միայն, որ Դրօյին պատահելիս, նա շարունակ հիւանդ էր ձեւացնում իրեն:

Քրդական խառնիճաղանջ ոյժերի կրակի տակ, շարժեցինք դէպի Բերկրի-Ղալա: Մենք 3 սպանւած ունեցանք, կոզակները Բերկրի հասան կէսօրւայ մօտ: Կարճ ճամբով մեզանից առաջ, այնտեղ էին հասել Դրօն և Քեռին իրենց խմբերով, առանց կորստի: Դրօն նորից կարճ ճանապարհով անմիջապէս շարժւել էր դէպի Վան: Քեռին նոր էր շարժւել, երբ մենք ուշացած հասանք Բերկրի-Ղալա (քրդերի հետ կուխ բռնւելու պատճառով):

Այնտեղ պատահեցինք Առիւծ Աւագին (ազգանունը լաւ չեմ յիշում), որից իմացանք, որ Վանը ազատագրւած է, ցնծութեան մէջ է, տաճիկ ոյժերը փախուստ են տւել: Քարգմանեցի զօրավարին:

— Նու, փա՛ռք Աստուծոյ, կապիտան, այժմ էլ շտապելու կարիք չկայ, գնանք այդ առթիւ մի բաժակ օղի խմենք: Մօտս Գեորգիևակի շքանշան չկայ, յիշեցրէք ինձ Վանում, որ այդ սուրհանդակին վարձատրեմ Գեորգիևակի շքանշանով:

Զօրավարը տխուր տեսքով, իրականին մէջ անշափ ուրախ  
ու զւարճախօս էր: Նրա ամէն մի բառից շրջապատը ծիծաղի  
էր բռնոււմ, ես էլ նրանց հետ միասին:

Մի շիշ օղի խմեցինք, ապա մի երկրորդը: Նրա թիկնա-  
պահը բերեց երրորդ շիշը:

— Բաւական է, մնացածը կը խմենք Վանում, — դարձաւ  
նա իր թիկնապահին, պատրաստեցէք, որ շարժւենք: Մոռա-  
ցայ ձեր ֆրանցուզին էլ (Վարդանին), մի բաժակ օղի առա-  
ջարկեմ, թող ինձ ների: Շարժեցինք:

Մօտեցայ Վարդանին, Համազասպին, որոնք Առիւծ Աւագի  
հետ մի ինչ որ բանի համար վիճում էին բարձր ձայնով: Իմա-  
ցայ թէ ինչումն էր բանը: Առիւծ Աւագի տւած տեղեկութիւն-  
ները, որ լճի ափին դեռ տաճկական ոյժեր կան և պէտք է  
լճի ափը մաքրելով շարժւենք դէպի Վան, Վարդանն ու Հա-  
մազասպը համաձայն չէին նրա հետ: Այդ էր վէճի առարկան:  
Առանց նրանց համաձայնութիւնը խնդրելու, վազեցի զօրա-  
վարի մօտ: Խնդրեցի, որ հրաման արձակի: Լճի ափը մաք-  
րելով, շարժեցինք դէպի Վան: Խնդրեցի նոյնպէս, որ լեռ-  
նային կէս մարտկոց (4 լեռնային թնդանօթներ), տրամադրի  
մեզ այդ նպատակի համար: Զօրավարն շ մարտկոց ունէր  
հետը. մէկը դաշտային, միւսը՝ լեռնային: Մերժեց, «չեմ  
կարող» ասելով:

— Ես դանդաղ կը շարժւեմ Դրօշի ու Քեռիի գնացած  
ճանապարհով, ձեզ տրամադրում եմ մի «զվինօ» (13 հեծեալ  
կազակ), ինձ հետ կապ պահելու համար, անհրաժեշտ դէպ-  
քում միայն օգնութեան կը գամ: Դէ՛հ, շարժեցէք, հրամայում  
եմ, և ինքը ձին նստելով, ճանապարհուց դէպի Վան:

Վարդանն ու Համազասպը չէին կարողանում զսպել իրենց  
զայրոյթը, խռովեցին հետս, իմանալով, որ այդ ուղղութեամբ  
շարժելը ես եմ պահանջել զօրավարից:

Մինչ այդ, ես խմբապետների հետ շէի ընդհարուել (հետա-  
գայում շատ անգամ և շատ սուր), բայց հրամանը հրաման  
էր, շարժեցինք տրւած հրամանի ուղղութեամբ, Առիւծ Աւագն  
ուրախ-ուրախ քայլեց հետս, շարունակ կպած ինձ:

Շարունակ քայլեցի ոտքով, Առիւծ Աւագի հետ, նրանից  
անհրաժեշտ տեղեկութիւններ քաղելով:

Առաջին հերթին մօտեցանք Ամկու բերդին (Ամուն), որի

զագաթին մեծ ամբոխ էր երևում: Արևի տակ պսպղում էին նրանց զէնքերը:

Երեք պատւիրականեր ուղարկեցի դրօշակներով, և ևս Արամ-եանի գլխաւորութեամբ: Տեսանք, որ բերդից մի քանի հոգի ցած իջան:

Մեր երեք պատւիրակաները տաճիկ երեք պատւիրակաների հետ մօտեցան ինձ, հանդարտ (սմիրնօ) դիրք ընդունեցին ու բարեւեցին: Երեքն էլ ենթասպաներ էին:

Երկու ժամ ժամանակ տւի տաճիկ պատւիրականերին, որ անձնատուր լինեն: Նրանք գունատ, բայց ուշադրութեամբ լսեցին ինձ ու հեռացան:

Բանակցութիւնը վարում էի ոռւսերէն լեզուով: Թարգմանս և ևս Արամեանն էր: Տեսանք ինչպէս բարձրացան բերդի գլուխը և, ի զարմանս մեր, ամբոխը շտապ ցած իջաւ: Մօտ 350 տղամարդ և 100 կին անձնատուր եղան:

Առանց երկար կանգ առնելու, շարունակեցինք մեր ճանապարհը:

Մտանք հայկական Ալիւր գիւղը: Ամենուրէք դիակներ, օղջ անշնշելի, մորթոտւած կին, երեխայ, անգլուխ մարդկանց դիակներ... Առիւծներ, անգղեր ու ագռաւներ, որոնք կռինչով բարձրանում ու նորից ցած էին իջնում դիակների վրայ...

Երկու պատերազմների եմ մասնակցել, ահաւոր տեսարանների եմ ականատես եղել, բայց նմանը չէի տեսել:

Համազասպն իր ձիաւորներով մեզանից շուտ էր մտել գիւղը և խօսում էր տաճիկ սպայի հագուստ կրող մի երիտասարդի հետ: Մօտեցայ, անշափ գեղեցիկ էր սպան, շատ մաքուր հագնւած, կարծես թէ պարերեկոյի համար էր այդքան մաքուր և ճաշակով հագնւել: Մի ձեռքից սպիտակ ձեռնոցը հանած, շարունակ շտկում էր իր մի աչքին դրած մօնօկլը (միաչքանի ակնոց): Համազասպը սպային ներկայացրեց:

Անսխալ և առանց ակցենտի ֆրանսերէն էր խօսում: Յայտնեց, թէ ինչ միսիայով էր այդտեղ մեն-մենակ մնացել: Խօսում էր հանգիստ, ժպտալով, փորձում էր նոյնիսկ սրախօսութեան ձև տալ մեր զրոյցին:

Չուշացաւ յայտնել ինձ, որ բախտաւոր է ֆրանսիախօս մի ոռու սպայի հետ բարեկամանալու առթիւ:



Մի շատ անհրաժեշտ հարցի առթիւ տեղեկութիւններ տւեց. ճայնը ցածրացնելով և ուղղելով մօնօկը, ինձ ասաց, թէ ինչ տաճկական ուժեր են գտնուում լճի ափին և որտեղ:

Յանկարծ մազերը թափթփուած մի կին, վայ, վայ անելով, Յիսուս-Քրիստոս ասելով, վազելով, գետին ընկնելով և նորից բարձրանալով մօտեցաւ մեզ: Գեղեցիկ սպան, որ ժպտում էր շարունակ, ականոցն ուղղելով՝ ծիծաղեց այդ տեսարանի վրայ:

Հայուհի էր, բայց նկատելով գեղեցիկ «ջենտլմեն»ին, ճշաց ու յետ փախաւ: Տղերքը կանգնեցրին նրան ու յետ բերին: Նա շէր կարողանում խօսել, մատով ցոյց տւեց պատահաբար կանգուն մնացած մի տուն, որի շուրջ փլատակներ էին միայն:

Ես լուռ նայում էի գեղեցիկ սպայի երեսին, որը յանկարծ գունատւեց: Համազասպը մի քանի զինւորների հետ միասին վազեց դէպի այդ տունը: Մի քանի բոպէ անցած, գլուխը բռնած, այլայլւած դուրս պրծաւ այնտեղից և դողալով յառաջացաւ մեր կողմը: Այդ միջոցին ես հետաքրքրուում էի տաճիկի միսիայով, այնտեղ մնալով, հարցեր էի տալիս նրան ու պատասխան ստանում:

Այդ կնոջ մատնացոյց արած բնակարանում Համազասպը գտել էր 12—13 աղջիկներ լացի ու դողի մէջ... Մօնօկը կրող տաճիկ սպայի հարեմն էր այդ...

Այստեղ-այնտեղ, տներում, մեր զինւորները 7—8 տաճիկ զինւորներ էին բռնել: Նոյնչափ քրդեր ու շերքեզներ, բոլորը լաւ զինւած, բայց նրանք չէին կրակել մերոնց վրայ: Տաճիկ սպան էր հրամայել, որ չկրակեն մեզ վրայ:

Առիւծ Աւագի առաջնորդութեամբ շարժւեցինք դէպի Զէյ-վայ, ուր թրքական ուժերի հանդիպեցինք: Իրիկնադէմին էր, երբ հասանք այնտեղ. շրջապատեցինք գիւղն ու մնացինք դիրքերում՝ մինչև առաւօտ: Աննման, գեղեցիկ, տաք գիշեր էր, երկինքը պարզ, աստղերը փայլում էին անշնչացած, ամայի դարձած հայոց աշխարհի վրայ:

Առաւօտեան շուտ սկսեցինք յարձակողականը: Մայիսի 5-ն էր, համազարկ տւինք ու առաջ շարժւեցինք: Դեռ համարեա մութ էր: Կապ պահող կողակներից 3 հոգի ուղարկեցի զօրավարի մօտ, նրան համոզելու՝ որ գէթ 1—2 թնդանօթ

տրամադրի: Պատասխանը մոտ 3 ժամից յետոյ ստացայ, այն էլ բացասական: Արդէն լաւ լոյս էր: Զօրավարը խօսք էր տւել, որ օգնութեան կը գայ միայն այն ժամանակ, երբ մենք մեծ դժւարութիւնների մէջ կընկնենք:

Մօտ մի գումարտակ տաճիկ ոյժեր կային այնտեղ, թէև ոչ լրիւ, ըստ Ալիւրում «մեր բարեկամ» տաճիկ սպայի տւած տեղեկութիւնների, մնացածը լեզգիներ էին: Հարիւրից աւելի տուն կար Զէյվայում:

Մինչև կէսօր շկարողացանք թշնամուն հանել իր դիրքերից, բայց ժամը 3-ի մօտ դիրքերից փախչողներ երևացին, վիրաւորներ էին, թէ սարսափից փախուստ տւող զինւորներ, — դժւար էր որոշել:

Ժամը 5-ի մօտ դիրքերը թողնողների թիւն աճեց:

Զօրավարին մի գրութիւն յղեցի, խնդրելով որ օգնութեան գայ միայն 2 թնդանօթով:

Ժամը 7-ին դիրքերը սևացան փախստականներով: Կրքնկակոխ հետապնդեցինք նրանց ու գիւղը մտանք, որտեղ մօտ մէկ ժամ տներում պատսպարւածների հետ կուելուց յետոյ, մեր յաղթանակը լրացրինք:

Արևը մայր էր մտնում, երբ թշնամի վերջին գնդակի ձայնը անցաւ մեր գլխի վրայից: Վիրաւոր շատանք, նրանց կանանցից տեղեկացանք, որ իրենք էին կոտորել իրենց վիրաւորներին (նորից և նորից պատերազմի դաժան օրէնք): Մօտ 500 կին ու երեխայ յանձնեցին մեզ, որոնց հենց նոյն գիշերը ճանապարհեցինք Վան:

Միւս օրն առաւօտեան ճանապարհ ընկանք Վան, մեզ հետ տանելով Զէյվայի կուում ընկած մեր նահատակների դիակները (27 հոգի) և մօտ 90 վիրաւոր: Վիրաւորւել էին նաև 2 կողակներ:

Մեզ ընդառաջ էին եկել Արամ փաշան՝ մի մեծ բազմութեան հետ:

Վան մնացինք միայն 2 օր: Դրօն ու Քեռին այնտեղ շէին: Մեր Վան մտնելու օրը նրանք իրենց խմբերով, Զօր. Նիկոլաևի կարգադրութեամբ ու հրամանով անցել էին Ոստան: Երկու օր մնալով Վանում, մենք հետևեցինք նրանց՝ նոյն ուղղութեամբ:

Ոստան հասանք հենց նոյն օրը իրականադէմին: Դրօն այն-  
տեղ շէր:

Նա անցել էր Շատախ, իսկ մենք շարժւեցինք երկու, Հա-  
մազասպի ու Քեռիի խմբերով դէպի Ախթամար, Սուրբ Յա-  
կոբ ու Սորփի ուղղութեամբ:

Դրօյին միայն 4 ամիս յետոյ պատահեցի, նորէն Երևա-  
նում:

Իրերի բերմամբ, մենք զանազան ճակատներում կուեցինք:  
Վասպուրականում էլ իրար շպատահեցինք:

Դրօն սիրում էր երգը, ինքը շէր երգում: Ես նրան ոչ եր-  
գելիս եմ տեսել, ոչ էլ շշուաջնելիս: Տարօրինակ էր այն, որ  
նա գերադասում էր թուրքերէն երգած երգերը, մեղեդիները,  
մեր Ղարաբաղի «Սեդահներ»ը, «Զարգահներ»ը և կարճ երգ-  
ած Սեօլլա Բիրգետօրում»ը և մանաւանդ «Ախշամ օլդի վայ  
հէյ»ը: Երբ որ այս վերջին մեղեդին երգէին նրա մօտ, ան-  
պատճառ կը խնդրէր, կը պահանջէր որ կրկնեն: Մանաւանդ  
երբ թառ նւագող կար:

Մի դրւագ նորից Դրօյի մասին, նրա անմահ մահւան  
առթիւ և դրանով էլ վերջ կը տամ իմ յուշերին, հայ մեծ  
ազգայնի, աննման մարտիկի, յաւիտենականութիւնն անցած,  
մեզ անհունօրէն տխրութեան և յուսահատութեան մատնած  
Դրօյի մասին, քանի որ դժւար է թւում ինձ, որ կարողանանք  
նրան փօխարինել մօտ ապագայում, մի ուրիշ նոր Դրօյով:

Դրօյին «Մեղադրում» են, որ նա եղաւ «Մաուզերիզմի»  
հիմնադիրը:

Այդ մի բանը, որ Դրօն էր «Մաուզերիզմի» հիմնադիրը,  
ճիշտ է, կատարելապէս ճիշտ: Ես էլ եմ Դրօյի ընկերն ու  
երկրպագուն, յայտարարում ու հաստատում եմ, որ Դրօն  
էր, որ կովկասահայութեան, խոր մրափի մէջ ընկած շրջա-  
նում, «Մաուզերիզմ»ը հիմնադրեց: Ահա թէ ինչպէս եղաւ  
այդ, ինչո՞ւ Դրօն «Մաուզերիստ» դարձաւ:

Ձեզ բոլորիդ էլ՝ զէնք շսիրող, զէնքի արժեքը ժխտողներիդ  
յայտնի է, որ մեր դժբախտութիւնը, մեր կորուստները, մեր  
ամենաարժէքաւոր մասսայի — հայ գիւղացիութեան վախկո-  
տութեան կամ այլ պատճառների շպիտի վերագրել, այլ գեր-  
րազանցօրէն ներքին այն պատճառներին, որոնք են՝ զէնք  
շսիրելը, զէնքի արժէքը ժխտելը:

Մինք դժբախտացանք, թանկագին, անփոխարինելի կո-  
րուստներ ունեցանք:

Գոյութեան կռիւը ճիմնւած է միայն զէնքի վրայ, այլ ոչ  
թէ մորալի, շիտակութեան, մարդասիրութեան, արդարութեան  
սկզբունքների վրայ:

Ինքը Արարիչ—Աստվածն իր բոլոր ստեղծածներին և՛  
ասուններին և՛ անասուններին զինել է ինքնապաշտպանու-  
թեան զէնքով:

Ցոյց տւէք, որ Արարչի մի որևէ ստեղծագործութիւն զրկ-  
ւած լինի ինքնապաշտպանութեան զէնքից կամ հնարաւորու-  
թիւնից և այն ժամանակ միայն դատապարտեցէք մեզ, մեր  
արտայայտած կարծիքի համար, որ գերազանցօրէն Դրօյինն  
է միևնոյն ժամանակ:

Ուրեմն, բոլոր ժողովուրդներն ու Արարչի ստեղծածներն  
ինքնապաշտպանութեան համար զինւած են, գոյութեան  
կռի մէջ:

Եթէ մեր միջից, մեր ժողովրդի ծոցից յանկարծ, ան-  
սպասելիօրէն, ծնունդ է առնում մի այլ օրէնքի, այլ ապրում-  
ների տէր մարդ, առանց կանգ առնելու, առանց «երկար-  
բարակ» մտածելու, առանց խղճի խայթ զգալու, շտապում  
ենք նորածինի համար նոր տիտղոսներ, նոր ընդունելի ու  
անընդունելի կոչումներ ու որակումներ տալ, և եթէ սիրտ հո-  
վացնող մի դարձւածք շենք գտնում, գոնէ «Մաուզերիստ»  
բացազանշութիւնով մեզ, անպէտքներիս մխիթարում ենք:

Ուրեմն՝ Ֆրանսիան որովհետև զինւած է լեբէլ հրացա-  
նով — լեբէլիստի, կամ լեբէլիզմով: Գերմանիան մաուզե-  
րիստ, որովհետև զինւած է մաուզեր հրացանով: Աւստրո —  
Հուգարիան Մանլիխերիստ և Ռուսաստանը Մօսինով, այ-  
սինքն, մօսինիստ, մօսինիզմով:

Եւ երբ Հայաստանն ու Դրօն համաձայնեցին իրենց հա-  
մար էլ մի զէնք գտնել գոյութեան կռի համար և մաուզեր  
ատրճանակն ընդունեցին առաջին հերթին, անիրաւ, զէնք  
չսիրող, զէնքի արժէքը ժխտող հայն ուրիշ բան չգտաւ և մխի-  
թարեց իրեն մեզ համար նոր տիտղոս գտնելով՝ «Մաուզե-  
րիստներ»:

Ոճրագործ տարրը անպակաս է բոլոր ժողովուրդների մէջ,  
լինեն քաղաքակիրթ, հետամնաց թէ վայրենի, որոնք ի շարն

են գործ դնում, կամ գործ ւժժում իրենց ինքնապաշտպանութեան համար հնարած կամ ձեռք բերած զէնքը:

Քաղաքակիրթ Անգլիան, առաջին համաշխարհային պատերազմին, միայն Ֆրանսիայում գտնուող իր ուժերից 144 սպայ և զինուոր դատապարտեց մահուան՝ զէնքը տեղին շգործածելու համար:

Ձեզ՝ ընթերցող, շեմ ուզում յոգնեցնել այս տողերով, այս պատմութիւններով: Պարտք եմ զգում միայն ասել, թէ գոյութեան կուի համար, պետական պատասխանատու մարդիկ, ի՞նչ միջոցների շեն դիմում, ապրեցնելու համար իրենց ժողովուրդը:

Գոյութեան կուի համար, Արարիչ Աստուածը, վայրի այծին, կխտարին, անտիլոպին ու նրանց տարրեր ցեղի պատկանողներին երկար ու արագընթաց ոտներ է տւել՝ թշնամուց ազատելու համար, փղին՝ ծանր, պողպատէ ոտեր՝ կոխկրտելու համար իր թշնամիներին, օձին՝ թոյն, կովին, ոչխարին, այծին արուճ անելու հնարաւորութիւն, որ կերածը մարսեն միայլ տեղ:

Անմեղ աղանուն, ծիծեռնակին արագընթաց թռիչք կատարելու համար առանձնայատուկ, առանձին ձև ունեցող թևեր:

Մեղւին, ճանճին, մրջիւնին իսկ, առանձին առանձին ինքնապաշտպանութեան զէնք՝ թոյներ, խայթեր ու կծոտող զէնք:

Աննշան բոյսերին, եթէ նրանք գտնուում են ցուրտ վայրերում իւղոտ, ցրտից պաշտպանող կազմաւածք, տաք տեղի բոյսերին՝ լայնատարած տերևներ, որ շաք անելով, իրենց կենդանութիւն անելով, իրենց կենդանութիւն տւող գետնի խոնաւութիւնը կարելիին շափ երկար պահեն:

Քարերին իսկ, որոնք սառնամանիք տեղեր են գտնուում, ծածկում է մամուռով, իրենց կեանքը երկարացնելու համար:

Մարդուն էլ խելք է տւել արարչագործութիւնը, որ մտածի իր գոյութեան համար, սև օրւայ համար՝ համաճարակներից, ցրտից ու տաքից ապահովելու համար և մանաւանդ իրեն նմաններից՝ գազանաբարոյ մարդ-արարածից անկախ, ազատ ապրելու համար: Քանի որ մարդը ամհնակարողն է,

ամենագիտունը — համարձակում է նոյնիսկ իրեն փնտռատուք-  
ների մէջ, մրցել հենց իրեն ստեղծող, իրեն պատկերի նման  
Արարիչ-Աստուծոյ հետ և Աստուած զգոյշ է նրա վերաբեր-  
մամբ:

Եւ փնտռատուքների ճանապարհին մարդը Պասաւ մինչև  
աթոմիք ոյժին, ջրածնային ոյժին և տուն քանդող, տուն  
փոշիացնող քորալթի գիւտին և դեռ նորից փնտռատուքների  
մէջ է, ով է իմանում, վաղը ինչ պիտի գտնի:

Բայց այդ բոլորը գտնելուց յետոյ, նա նորից փնտռատուք-  
ների մէջ է, իր գոյութիւնը պաշտպանելու համար, նոր և  
նոր զէնքեր է հնարում նոր միջոցներ խորհում:

Եւ այս իրողութիւնները շտեմանողներն ու տեսնել շուզող-  
ները՝ Դրոյին ու նրա զաղափարակիցներին անւանել են մաու-  
զերիստ:

Դրօն անմահ է և անմահ էլ մնում է մեր սրտերում, մեր  
պատմութեան մէջ:

Եւ իրօք խելագար, խոհեմութիւնից ու զգացմունքներից  
զուրկ, դահճապետներ փառաբանող ու պաշտող, նրանցից  
միայն փրկութիւն հայցող ու սպասող «հայ» հատուածին, շի  
յաջողւի հանել մեր սրտից յաւիտենականութեանն անցած,  
անմահ Դրոյին ու Դրոյականներին:

1905 թ. Մայիսի վերջերին կովկասահայութիւնը մի Դրօ-  
յեադա ապրեց, մի ժամանակաշրջան, որի օրհներգւած անու-  
նը — Դրօյեադա կնքւեց:

Այդ Դրօյեադան շարունակեց ու ապրեց նաև այն շրջա-  
նում, երբ հայ հայրենիքի դռները փակւեցին մեր առաջ,  
բայց դրօյեադան մնաց ու մնաց:

Մնաց մինչև այսօր էլ, կը մնայ նաև վաղը, նոյնիսկ մինչև  
աշխարհի վախճանը, և այդ վախճանից յետոյ էլ:

Յարգա՛նք, բիւր յարգա՛նք քո յիշատակին:

Անմահ Դրօ, հայ մօրից, հայ հողից, Մասիսի ստորոտնե-  
րում ծնւած, Մայր Արաքսի սուրբ ջրերում մկրտւած Դրօ.  
հայի դարդերով ծանրաբեռնւած, ծնւած օրիցդ մինչև մահդ  
անմահ՝ մեզանից յաւէտ ու անհետ հեռացած Դրօ:

Գեղ. ԵԳՈՐ ՏԷՐ-ԱԻԵՏԻՔԵԱՆ

1919 թ. Յունիս ամսից Ղարաբաղի ներկայացուցիչներն անընդհատ դիմում էին Երևան Հ. Հ. կառավարութեան՝ խընդրելով պաշտպանել Ղարաբաղը, Ազերբեյջանի նւաճողական քաղաքականութեան դէմ:

Ի վերջոյ ազգ. հաս. տրամադրութիւնների ճնշման հետեւանքով և գաղտնօրէն, Հ. Հ. կառավարութիւնն Զանգեզուրի միջոցով սկսեց օգնել Ղարաբաղին, — թէ դրամով և թէ գիւանագիտական ճամբով:

Հ. Հ. կառավարութիւնը Դրօյին նշանակում է զինւորական հրամանատար Զանգեզուրի բովանդակ ոյժերի, որին ենթարկում էին նաև զինւորական և քաղաքացիական իշխանութիւնները:

Դրօն մի պատժիչ զօրամասով 1919 թ.ի վերջերին ուղևորւում է Զանգեզուր. նա, անուղղակի ճանապարհով պիտի օգնէր Ղարաբաղի ժողովրդին: Իր հերթին Ազերբեյջանի կառավարութիւնը արտակարգ միջոցառումներով ուժեղացնում է իր ռազմական ոյժերը Ղարաբաղում:

Դրօն իր սպայակոյտով գտնւում էր Գորիսում և հետևում Ղարաբաղում զարգացող քաղաքական դէպքերին...

Հ. Յ. Դ. Բիւրոյի կողմից նշանակւած «արտակարգ գործեր»ի ղեկավար Արսէն Միքայէլեանը կապ է հաստատում Դրօյի հետ և պարբերաբար, սուրհանդակների միջոցով, տեղեկութիւններ է հաղորդում նրան: Դրօն գիտէր, որ պատրաստ չէ գործօն կերպով Ղարաբաղում ռազմական գործադաւթիւնների գիմելու որովհետև ո՛չ համապատասխան կազմակերպութիւն կար ոչ էլ զէնք ու ռազմամթերք:

Դրօն իր նամակների մէջ Ա. Միքայէլեանին գրում և խոսիւ հրահանգում է, ո՛չ մի դէպքում նախայարձակ չլինել, զգուշութեամբ կազմակերպել տեղական ոյժերը և սպասել, իսկ եթէ Ազերբեյջանի ուժերը յարձակման անցնեն դաշտավայրում գտնւող ժողովրդին տեղափոխել լեռնային մասը և զբաղւել միայն և միայն ժողովրդի ինքնապաշտպանութեամբ, մինչև որ ինքը գնայ Երևան, կառավարութիւնից զէնք և ռազմամթերք ստանայ ու փոխադրի Ղարաբաղ:

Փետրւար 14-ին, 1920 թ., Դրօն և Զ.-ն մեկնեցին Երևան:

Փետրուար 19-ին, 5-օրեայ ճամփորդութիւնից յետոյ հասանք  
Երևան: Այստեղ ես լաւապէս ճանաչեցի Դրօշին, այդ երկաթէ  
մարդուն:

Փետրուարի 22-ին Նախարարների Խորհրդին ներկայաց-  
րինք մեր զեկոյցը Զանգեզուրի և Ղարաբաղի քաղաքական  
ու ռազմական կացութեան մասին և շեշտեցինք, որ անխու-  
սափելիօրէն գարնանը խոշոր դէպքեր տեղի կունենան Ղա-  
րաբաղում: Դրօշի կողմից պահանջ դրեց՝ զէնքեր և փամփուշտ  
առաքել Զանգեզուրի և Ղարաբաղի համար:

Դրօն յայտարարեց, որ ինքը գիտի գաղտնի մի պահեստ  
Քանաքեռում՝ ուր «սե օրւայ համար» պահոււմ է կէս միլիոն  
Մոսինի փամփուշտ: Դրօշին թոյլատրեց բացել այդ պա-  
հեստը և փամփուշտները փոխադրել Զանգեզուրի և Ղարա-  
բաղի ռազմական պէտքերի համար: Դրօն անմիջապէս գոր-  
ծի անցաւ, հայթայթեց փոխադրական միջոցներ և առաջին  
հերթին 200,000 փամփուշտ փոխադրեց Նոր-Բայազէդ, որ-  
տեղից հնարաւոր շէր փոխադրութիւնը շարունակել սայլերով,  
որովհետև ձիւնի խոր շերտը, որ հասնում էր 1 մետրի և  
Սէլիմ-Գեաղուկի փակած լինելը, փոխադրութիւնը դէպի  
Դարալագեազ, դարձնում էին անհնարին:

Դրօշի կարգադրութեամբ, ինչպէս և Նոր-Բայազէդի իշ-  
խանութեան որոշմամբ յայտարարեց պարտադիր աշխա-  
տանք: Իւրաքանչիւր քաղաքացի պարտաւոր էր մէկ թիթե-  
ղեայ արկղ փամփուշտ շալակով տանել Սէլիմ-Գեաղուկ լե-  
ռը և յանձնել Քարազլուխ գիւղի պահեստը՝ ստանալով հա-  
մապատասխան ստացական: Այսպիսով, 200,000 փամփուշտ  
փոխադրեց Դարալագեազ, որտեղից Զանգեզուր գնացող  
կարաւանը աննախընթաց դժարութիւններով, փամփուշտնե-  
րը փոխադրեց Գորիսի պահեստը:

Սուրմալուում քրդերի հետ տեղի ունեցած կռիւների պատ-  
ճառով՝ Դրօն Զանգեզուր հասաւ հազիւ Ապրիլի 10-ին, ուր  
իմացաւ, Շուշի քաղաքի հայոց հետ պատահած աղէտի մա-  
սին:

Հասնելով Զանգեզուր, Դրօն ձեռնարկեց նրա ինքնապաշտ-  
պանութիւնը կազմակերպելու գործին, Առաջին հերթին իր  
զօրամասով շարժեց դէպի Զուլ մեծ գիւղը, որտեղ հաւաք-  
ւել էին մեծ թւով թաթարական զինւած ուժեր, որոնք զբաղ-



ւած էին Չայ գիւղերի թալանով ու սպանութիւններով: Դրօն որոշեց ոչնչացնել Նախիջևանցի թաթարների համար ուղմագիտական մեծ յենակ ծառայող այդ կէտը: Մի քանի օրուայ ուժեղ դիմադրութիւնից յետոյ, թաթար ոյժերը պարտուցին ու փախան դէպի Նախիջևան, Դրօյի զօրամասերը փախչու թշնամուն կրկնկակոյ հետապնդեցին մինչև Նախիջևանի մօտերքը:

Դրօն ուզում էր գրաւել նաև Նախիջևանը, սակայն Երևանից ո՛չ մի պատասխան շատացաւ այդ առաջարկի մասին:

Նախիջևանի ղեկավար խաները նախազգալով քաղաքի անկումն և նրա հետևանքով իրենց համար ստեղծելիք ծանր ողբերգական վիճակը, մի պատղամաւորութիւն ուղարկեցին Երևան գնդապետ Քերբալի խանի ղլխաւորութեամբ Հ. Հ. կառավարութեան հետ բանակցելու՝ Հայաստանի իշխանութեան ենթարկելու մասին: Ի վերջոյ Հայաստանի ղինւ. նախարարից մի հրաման յղեց ըստ որում, Դրօյի զօրամասը ուր որ գտնոււմ է, այնտեղ էլ պիտի կանգ առնի: Դադարեցւեցին ուղմական գործողութիւնները:

Ա. ԱՇԽԱՏՈՒՆԻ

## ԿՈՂՈՒԱԿ

(Անմահ Դրօյի յիշատակին)

... Հայ Յ. Դաշնակցութեան շարքերը՝ հին սերունդից նօսրանում են: Դեռ երկէ էր, երբ հողին յանձնեցինք ընէ Հ. Տէրտէրեանին, և խմբապետ հայդուկ Մուշեղին: Իսկ այսօր, շկայ այլևս անմահ, աննման Դրօն: Անողորհ հիւանդութիւնն նրան էլ զգետնեց:

Ճիշտ է, հայ ժողովուրդն ընդունակ է եղել Դրօներ ծնելու, բայց, այս մէկի տեղը՝ երկար ժամանակ բաց պիտի մնայ: Նա ծնւել էր հազար երկունքով, լուսաշող արևի տակ: Մասիսի ստորոտին, իսկ անշնչացաւ հեռաւոր Ամերիկայում:

Յանդուզն էր, թիկնեղ, և ազդեցիկ հայեացքով, բայց փրկորուն սրտի տէր: Գործի ժամանակ խիստ էր, պահանջկոտ, բայց ընկերական յարաբերութիւնների մէջ՝ մտերիմ:

Նա ծնւել էր հայդուկ, առաջնորդ և ղեկավար լինելու համար, այդ բխում էր իր ներքին էութիւնից նա «խաղաղ» մարդ չէր, այլ գործի: Իր անարեկումները, յատկապէս հայատեաց և հայակեր նակաշիճէների վրայ, իր ժողովրդականութիւնը շատ բարձրացրին:

Այնտեղ, ուր հայի կեանքը սպառնալիքի տակ էր, այնտեղ էր Դրօն՝ իր խիզախ կորովի յանդգնութեամբ, առաջին նետուողը, կազմակերպողը:

Այդպէս էր նա հայ թրքական ընդհարումների ժամանակ. այդպէս էր նա մեծ պատերազմին՝ կամաւորական բանակի մէջ և այդպէս էր նա երկրորդ համաշխարհային պատերազմի ժամանակ, երբ նրա շնորհիւ՝ Գերմանիայի սպառնալիքի տակ գտնւող հարիւր հազարաւոր հայերի կեանքը փրկւեց:

Եւ այդ օրերին, գտնվեցին հայ անունը արժանօրէն կրող անձինք, որոնք ոգի ի բռնի կեղծ նկարներ հրատարակելով, ուզեցին արատաւորել մեծ հայի պայծառ դէմքը:

Մեծ դէմք, մեծ հայ, կորովի և տաղանդաւոր առաջնորդ՝ Դրօն իր ազգային պարտքը կատարեց և պատմութիւնը կը գնահատի նրան ըստ արժանւոյն: Նա բնաւորութեամբ անհանգիստ էր մէկ տեղ նստել չէր կարող. կարօտ էր գործի, ծարաւի էր կենդանի գործի:

\* \* \*

1947 թիւն էր: Պատահմամբ ընկերոջս հետ գտնւում էինք Կահիրէ, այնտեղ էր նաև Դրօն: Նա ցանկացաւ մեզ հետ տեսնել և մի օր երբ բոլորը հանգստանում էին, նա երկուախ կանչեց իր մօտ, պառկած էր, մեզ ընդունեց ժպիտը դէմքին, առաջին անգամն էի նրան տեսնում, անձնապէս ծանօթ չէի:

— Հը, դէ պատմէք տեսնեմ, ինչ կայ Ձեզ մօտ: Եւ մենք ինչ որ գիտէինք պատմեցինք նրան:

Նրան հանգիստ էր պէտք, ուստի 15 րոպէից դուրս եկանք նրա սենեակից՝ թողնելով նրան մենակ իր խոկումների հետ: Պիտի ասեմ, որ մի խնդրի կապակցութեամբ նա դժգոհ էր ինձնից: Այդ իմ հոգու վրայ շատ վատ էր ազդում:

Սակայն երբ նրան տւի անհրաժեշտ բացատրութիւնները, նրա դէմքը բացւեց, գժգոհութիւնն անցաւ, աւելի մօտեցաւ

ինձ, շատ խօսքեր ասաց, խրատներ տուց և հայրական գորովանքով ականջներս քաշելով ասաց.

— Գնա՛ և մեղքդ քաւիր, անելիք շատ Ունենք: Դաշնակցութիւնը այդպես է, գիտէ պատժել և յարգել ընկերներին:

Իմ այն հարցին թէ ինչո՞ւ չի գալիս Իրան, նա պատասխանեց.

— Այդ էլ կը լինի, կը գամ Թեհրան, կուտեմ ձեր յայտնի կոլոլակը (քուֆթա) և յետոյ կը շենք դէպի մեր հայրենիքը:

Սիրելի ընկ. Դրօ, դու շկաս այսօր, բայց դեռևս ականջիս հնչում է քո կախարդական խօսքերը՝

«Կոլոլակ կուտենք և կը շենք դէպի մեր հայրենիքը»:

Երանի այն ընկերներին, որոնք քեզնից իրենց վերջին կարօտն առան:

Սիրելի Դրօ, հեռւից հեռու հոգեպէս քո շիրմին այցի ենք գալիս և շրթունքներս հպում քեզ ծածկող հողակոյտին կրկին երդւելով, որ քո լուսաշող ճամբով պիտի քայլենք մինչև վերջ:

Մի գեղեցիկ օր քո աճիւններդ, որոնք սրբացել են մեզ համար, կը տանենք մայր հայրենիք յանձնելու հողին՝ Մասիսի հովանու տակ քո յաւիտենական հանգիստը ապահովելու համար:

ԱՍՏՂՈՒՆԻ

## ՆՆՂԵՑ ԴՐՕՆ, ԲԱՅՑ ՑԱՒԷՑ ԱՆՄԱՀ Է ԴՐՕՆ

Անագորոյն մահն եկաւ ու ամենից քաջարի, ամբողջ հայութեան համար այլևս դիւցազնացած զօր. Դրօյին առաւ ու տարաւ. սակայն Դրօն այն անմահներից է, որ իր անձնւէր ու բեղուն գործերով միշտ կենդանի պիտի մնայ հայութեան սրտում սերնդէ-սերունդ:

Դրօյի շքեղ ու պայծառ անունը հայոց արիւնքտ պատմութեան ծալքերում ոսկէ տառերով պիտի գրւի. նրա գործը լուսաշող ճառագայթներով պիտի առաջնորդի ապագայ սերնդին դէպի լաւն ու գեղեցիկը:

Դրօն հայոց Արարատեան բնաշխարհի ճակատի (Սիւրմալու) գաւառի ծնունդն է. այն գաւառի, որտեղից եկած աւան-

ցած ին զուլումի զոհերը, «Խայ»երն ու որդեկորոյս մայրերը, «փշուր ըմ խացի» կարօտ, մերկ ու բոկոտն, թալանւած ու բզկտւած հայորդիները:

Դրօն դեռևս իր մանուկ օրերից շատ ու շատ անգամ տեսաւ ու լսեց զուլումի աշխարհից փախստական, ազատութեան ճամբայ որոնող արիւնլայ հայ գաղթականների հեծեծանքները:

Այդ պայմաններում կազմակերպեց Դրօյի վրիժառու կամքն ու կորովը. նրանց հառաչանքներից ծլեց ու զօրացաւ Դրօյի անվախ սիրտը: Այդ իսկ պատճառով նրա՝ ըմբոստ ու բողոքող ոգու համար նեղ էր, անտանելի դպրոցական կեանքը: Դրօն օր առաջ շտապում է պայքարի դաշտն իջնել: Հազիւ գիմնազիոնի 4-րդ դասարանը հասած, նետւում է դէպի փշալից ճամբարներ. պատանի օրերից անդամագրւում է Հ. Յ. Դաշնակցութեան և դառնում ուխտեալ, վրիժառու, հաւատարիմ, քաջ ու հմուտ զինուոր:

Դրօն մտնում է զինուորական դպրոց, սակայն նա ևս կիսատ թողնելով, մեկնում է Կովկաս, ծառայելու իր ժողովրդին:

Դրօն Հ. Յ. Դաշնակցութեան կարգադրութեամբ 1903—1905 թւերի եկեղեցական կալւածների գրաւման և հայ-թաթարական կռիւների օրերին, ուրիշ նոյնքան քաջ ու պաշտելի ընկերների հետ ու նրանց գործակցութեամբ, կատարեց մի շարք կառավարական պարտօնեաների և յեղափոխութեան թշնամիների ահաբեկումները: Այդ շրջանին էր, որ ահաբեկեցին Գանձակի փոխ նահանգապետ Անդրէկը, Իգդիրի գաւառապետ Բոգոսլաւակին, Կարսի ժանդարմական թարգման Դրողտովը, Շուշիի ոստիկանապետ Սախալովը և հարկային տեսուչ Շչերբակովը, Գուրիայի ջարդարար զօր. Ալիխանովը և որ գլխաւորն է Բագուի նահանգապետ իշխան Նակաշիձէն՝ Բագուի հայոց ջարդերի գլխաւոր պատասխանատուն, որի ահաբեկումով Դրօն դարձաւ՝ հայ ժողովրդի պաշտելի քաջերից մէկը: Եւ այսպէս ուրիշ շատ ահաբեկումների մէջ, Դրօն իր քաջարի և հմուտ մասնակցութիւնը բերեց որպէս առաջին կարգի փորձ ու իիզախ ահաբեկիչ:

Եկեղեցական կալւածների գրաւման, և հայ-թաթարական կռիւների տարիներին, հայ ժողովրդի արգար իրաւունքները և

նրա՝ ֆիզիքական գոյութիւնը պաշտպանողների շարքում, որպէս հարւածող բռունցք, Նիկոլ Դումանի, Դաշնակցական խէչօնների, Սաքօների, Մուրադների և այլ աննման քաջերի հետ Դրօն կանգնած էր առաջին դիրքերում:

Ահա նման հերոսական գործերի հետևանքով էր, որ ցարական կառավարութիւնը, լծինի դատավարութեան օրերին, շատ հետապնդեց ահաբեկիչ Դրօյին, որնէ ստոյգ մահւան դատապարտեալ տեղորիստ, սակայն Դրօն արհամարհեց ստիկանութեան սպառնալիքները և նրաց սէինների արանքից թռիչք գործեց ու անցաւ Արևմտեան Հայաստան, այնտեղ Սուրէն ծածկանունով հայ ժողովրդին ծառայելու նպատակով:

Առաջին մեծ պատերազմն սկսւած է. Արևմտեան Հայաստանից աղեկտուր հառաչանքներ են լսուում: Նրանց օգնութեան փութալու նպատակով Արևելեան Հայաստանում, ցարական կառավարութեան գիտութեամբ, հայկ. առանձին կամաւորական գումարտակներ են կազմւած: Աչքի ընկնող, բոլորից սիրւած, հմուտ ղեկավար ու քաջարի կուռղ Դրօն 2-րդ բանակի ընդհանուր հրամանատարն է: Դրօն էր, որ իր բանակով, առաջինն օգնութեան հասաւ հերոս վանեցիներին ու հայակեր Զէւդէթ փաշային փախուստի մատնեց:

1917 թւի Հոկտեմբերից ուս զինուորը Կովկասեան ճակատը թողած շտապեց տուն. իսկ տաճկական բանակը արշաւեց դէպի Կովկաս: Կովկասի հայութիւնը բնաջնջւելու վտանգի տակ էր: Անհրաժեշտ է այստեղ նշել, որ երբ Կովկասեան լայնածաւալ ճակատը ուսական աւելի քան 200 հազարանոց բանակից լքեց, Օսմանեան հսկայ բանակն իր դիմաց միայն հայ ժողովրդին գտաւ: Բնական է հայկական նորակազմ ու փոքրաթիւ բանակը շպիտի կարողանար ու շատ դժւար էր, միայն լայն ու մեծ ճակատում ուժեղ թշնամու առաջխաղացքը կանգնեցնել:

Այս ահաւոր վտանգը իր ժամանակին և ամենից շուտ զգաց Դրօն և առաջարկեց, առ որ անկ էր, օր առաջ Արևմտեան Հայաստանի ժողովուրդն ու հայկական զօրամասերը յետ քաշել մինչև 1914 թւի սահմանը և այնտեղ հարւածող բռունցք կազմել, թշնամու յարձակումին դէմ դնելու համար: Զօրավար

Նազարբէկեանն ու այլ ոռւսական դպրոցի զօրավարներ այս առաջարկին դէմ գնացին, թէև յետոյ զղջացին ու դէպքերն էլ ցոյց տւին, որ Դրօն աւելի հեռատես էր: Այս անհեռատեսութեան զոհ գնացի և Կարսի բերդը:

Ինչպէս գիտենք տաճկական բանակը Կարսն անցաւ ու եկաւ դէմ առաւ Արարատեան դաշտին և ճակատեց Սարդարաբադի, Աբարանի և Ղարաքիլիսայի դէմ: Այսպիսով ճակատը շատ փոքրացաւ, Դրօյի պահանջից էլ շատ աւելի և հայկական փոքրաթիւ բանակն ինքն իր մէջ խտացաւ, ամրացաւ և դարձաւ անխորտակելի պատնէշ և տեղին հարւածող բռունցք, որով և թշնամուն ծունկի բերեց Արարատեան ճակատամարտում:

Դրօն Աբարանի ճակատի ընդհանուր հրամանատարն է. ամբողջ բանակը առանձին սիրով ու յարգանքով է կապւած խիզախ, յանդուգն ու հմուտ ռազմագէտ՝ Դրօյի հետ:

Թշնամին մեծ ուժերով Ալեքսանդրապօլից յարձակում է Աբարանի ճակատի վրայ, այն նպատակով, որ այնտեղից խուժի Արարատեան դաշտը և հայկական աջ ու ձախ թևերի, այսինքն Սարդարաբադի և Ղարաքիլիսայի դիմադրական թափը թուլացնի:

Մայիսի 23-ից սկսւած են ահեղ ճակատամարտերը: Աբարանի ճակատի հրամանատար Դրօն իր աննման ռազմախաղերով, ոչ միայն թշնամու ահեղ ուժերի յարձակումն է կանգնեցնում, այլև շափազանց մեծ թւով զոհեր է խլում թշնամուց: Սակայն թշնամին յամառ է և ճիգ է գործ դնում անպայման Աբարաններից Արարատեան դաշտը թափանցել: Նոյնքան ու աւելի յամառ է Դրօյի ղեկավարած հայկական բանակը: Դրօն ամէն տեղ է, խրախուսում և ռազմական ոգի է ներշնչում զինւորներին: Աբարանի ճակատի մասին խօսում եմ որպէս ականատեսի:

Այլևս մահւան կամ ազատութեան վերջին գուպարն է թշնամին կատաղած, մեծ ուժերով նետւում է դէպի Աբարան.— լուր է ստացւում որ Ալեքապօլից տաճկական նոր զօրամասեր իրենց ուժերին օգնութեան են շտապում:

Դրօն աշալուրջ է. թշնամուն անակնկալի պիտի բերել: Մայիս 26-ի երեկոյեան շտապ կարգադրութիւն է անում և

խիստ հրաման տալիս: Մայիս 27-ի լուսաբացին ամբողջ Աբարանի հայկական զօրամասը ուժգին հարւածով պիտի թուշի դէպի թշնամին-դէպի Ալեքսոյ:

Իրօք, Մայիս 27-ի վաղ առաւօտից, Արագածի հիւսիսային լանջերից մինչև սպիտակ-լեռնաշղթայի հարաւային փէշերում փուած Շիրակի դաշտը՝ երկու հակառակորդ բանակները իրար են խառնւած. զէնքերի գոռ թնդիւնից ու շաշիւնից լեռ ու ձոր թնդում են: Դրօյի կարգադրութեամբ հայոց այրուձին մի քանի կողմերից այլևս թշնամու թիկունքումն է: Դրօն գլխաւոր բանակն առած Նորաշէն-Արխիվալի գիւղերից առանց նւազ ինչ ընկրկելու արշաւում է դէպի Ալեքսոյ: Հայկական բանակի հարւածը ուժգին է ու վճռական:

Զօրամասից-զօրամաս լսւում է Դրօյի խիստ հրամանները, հայոց ֆաջե՛ր, յառաջ ու միշտ յառաջ: Եւ իրօք հայկական բանակը անսահման ոգևորութեամբ, անսալով իր քաջարի հրամանատար Դրօյին՝ մահն արհամարհած նետւում է դէպ յառաջ, դէպի Հայոց Գիւմրին:

Թշնամին հայոց վճռական զարկից շփոթւած խուճապի է մատնում և սկսւում է խառնի խուռն նահանջել: 27-ի երեկոյեան Դրօյի ղեկավարած հայկական բանակի յաղթութիւնը կատարեալ է. թշնամին շարաշար պարտւած է ու ճակատը լքած: Մահը՝ հայոց բանակի վճռականութեան առաջ մեռաւ և 500 տարւայ կորսւած ազատութիւնը վերածնւեց:

Սարդարապատ, Արարան ու Ղարաքիլիսա ճակատամարտներում հայկական ամբողջ բանակը յաղթական է, թշնամին ծունկի է եկել, բռնութեան տակ հեծող հայ ժողովուրդն անսահման ցնծութեան մէջ է. 1918 թւի Մայիս 28ի յաղթութեամբ վերածնւում է Հայաստանի ազատ, անկախ հանրապետութիւնը: Ահա թէ ինչու այսօր ու ընդմիշտ հայ ժողովուրդը սերնդէ սերունդ հպարտութեամբ պիտի գոչէ. — Դրօները բերին 500 տարւայ կորսւած ազատութիւնը: Թէև ֆիզիքապէս մեռան Դրօն ու Դրօները բայց հայոց սրտի մէջ ընդմիշտ կենդանի են ու կապրեն Դրօները: Դրօյի բազմաթիւ հերոսական գործերից պիտի նշւի և հայ վրացական պատերազմը: 1918 թւի Դեկտեմբերին էր, երբ հայկական բանակը, նորից քաջարի Դրօյի ղեկավարութեամբ յաղթելով վրա-

ցական անհամեմատ աւելի պարենաւորած, զինւած ու թւով էլ հայկականից երկու անգամ աւելի բանակին, մօտեցաւ Թիֆլիսի դռներին: Ու Թիֆլիսն ազատեց շնորհիւ դաշնակիցների միջամտութեան:

Յարգանք քեզ ընդմիշտ անմահ ու պաշտելի Քաջարի Դրօ:

Յ. ԱՒ. ՔԶ. ՀԱՃԵԱՆ

## ԱՆՎԵՀԵՐ ՌԱԶՄԻԿԸ

Հայ ժողովրդի ամէնաընտիր զաւակներէն մէկն ալ գերեզման իջաւ:

Խիզախ, յանդուգն, անվեհեր ու անձնէր հայդուկը՝ Դրօն՝ ոչ ևս է:

Դրօ՛... Եսուն ու անհանդարտ ռազմիկ մը, որ հայրենիքի ճակատագրական բոլոր վայրկեաններուն ժայռի պէս կեցած էր: Մեր ազատագրական պատմութեան մէջ միշտ պիտի հանդիպինք իր անբասիր անւան: Այս մտաւորական հայդուկը իր զէնքէն անբաժան մնաց: Օր մը ռազմի դաշտին մէջ, օր մը ցարական հայատեաց գործակալներու պատուհասման գործին մէջ, օր մը պետական մարդու կամ բանագնացի դերին մէջ: Ամէնուրեք, ո՛ր որ իր ներկայութիւնը անհրաժեշտ էր: Հայրենի երկրին մէջ իր անունը կարձագանգեն Հին Պայազիտ, Բագու, Դիատին, Ալաշկերտ, Վան, Շատախ, Տարօն, Սարիղամիշ, Բաշ-Ապարան, Ղարաբաղ, Զանգեզուր, Դարալագեազ, Պէյիւք-Վէտի և այլն: Հայաստանի Հանրապետութեան անկումէն ետք՝ խորհրդային դժոխք, աքսոր և փախուստ: Գաղթաշխարհի մէջ դարձեալ պատասխանատու դիրքերու վրայ, յանուն հայ մնացորդացի փրկութեան: Դուլ ու դադար չունէր, հակառակ իր խախտւած առողջութեան:

Դրօն, որքան ընկերական ու պարզ, սրտաբաց ու կենսուրախ, նոյնքան վճռական էր և անընկճելի գործի ժամանակ: Կովկասեան բոլոր ժողովուրդներուն մէջ անգամ առասպելական դէմք մըն էր դարձած, պողպատէ բազուկ մը հայ ժողովրդի ցասման խորհրդանիշը:



Ահա քանի մը դրւագներ յոյզի ու յոյսի, խանդավառութեան ու յուսաբեկութեան օրերէն, իր անջնջելի անւան հետ կապուած:

\* \* \*

Արարատեան գունդը, Խանասորի վարդանի հրամանատարութեամբ, 18 Ապրիլ 1915ին, Քանաքեռէն և Երևանէն, անօրինակ ցնծութեան մէջ, ճամբայ ելաւ դէպի վան: Իրեն կրնկերանային Երկրորդ գունդի հրամանատարներ Դրօ, Արմէն Գարօ, Խէչօ, Երրորդ գունդէն Համազասպ, Եգոր և Վ. Վալադեան, Չորրորդ գունդէն Քեռի, Զալլադ, Ուսուլ Խէչօ և ուրիշներ: Հասան էջմիածին: Ամենայն Հայոց Կաթողիկոսը՝ Գէորգ Ե. պիտի օրհնէր մեր քաջամարտիկները, որպէսզի իրենց սուրը հատու և բազուկները հուժկու ըլլային: Ի՞նչ ծաղկեփունջեր ու ովսանաններ, ի՞նչ յուզիչ տեսարաններ ու կեցցէներ... Ծերուկները կարտասուէին, երիտասարդները կը խայտային:

Արարատեան գունդը գիշերը անցուց էջմիածին: Երգ ու պար, ցնծութիւն:

Առաւօտեան, Գէորգեան Ճեմարանի հարաւային բակի մէջ կատարեցաւ դրօշներու օրհնութիւնը: Այրուծի և հետևակ, զէն ի ձեռին, պատւի էին կեցած, երբ վեհափառը, շրջապատւած եպիսկոպոսներով և վարդապետներով, յամրաքայլ մօտեցաւ պատուոյ սեղանին, ուր դրօշակիրներն էին կանգնած: Արարողութիւնը սկսաւ խուռներամ բազմութեան ներկայութեամբ, խորհրդաւոր լռութեան մէջ: Վեհափառը օրհնեց դրօշակները և հրամանատարներուն ուժ ու կարողութիւն մաղթեց: Ճեմարանի ուսուցիչներէն Մեսրոպ վրդ. Մաքսուտեան, հռետորական սքանչելի թռիչքով, բարի ճանապարհ մաղթեց Արարատեան գունդին: Կարծես պատմութիւնը կը կրկնէր, Աւարայրի նոր դաշտ մը կը բացւէր ուրիշ վարդանի մը առաջնորդութեամբ: Ո՞վ կրնար համբերել... Մեր արիւնը կեռար: Մանաւանդ որ սահմանէն անդին, մեր հարազատներու և արիւնակիցներու խողխողման շարագուշակ լուրերը շրջան կ'ընէին բերնէ բերան:

Կամաւորները շարժեցան դէպի Իգդիր: Հեռէն, Արարատեան դաշտի մշուշի մէջէն, իրենց երգերը կարձագանդէին մեր ականջներուն մէջ... Անկարելի էր հանգիստ նստիլ և դաս պատրաստել: Երեք ընկերներ, Հայկակ Քաջունի, Փանոս Գրիգորեան և ես, որոշեցինք ձգել Ճեմարանը, կամաւոր գրելի և «փրկել ազգը»: Զուգեցինք վշտացնել մեր այդ օրերու բարի տեսուչը՝ հանրածանօթ գիտնական Ստեփան Մալխասեանը, և առանց թոյլտուութեան փախուստ տւինք: Տարակոյս չունէինք, որ ընդհանուր հրամանատարը մեզ սիրով պիտի ընդունէր...

Քալելով հասանք Իգդիր և ներկայացանք Վարդանին:

— Հը՛, ճեմարանցիներ, ի՞նչ էք անում այստեղ:

— Պ. Վարդա՛ն, եկեր ենք խնդրելու, որ մեզ ալ կամաւոր արձանագրէք, մենք ալ կուզենք զոհիլ մեր ազգին համար...

Հայրական ականարկ մը նետեց մեր վրայ և հանդարտ ու անխռով, սկսաւ խրատական մը կարդալ մեր գլխուն այն իմաստով, որ մենք տակաւին «անշափահաս» ենք, «բանակը» մեր տեղը չէ և թէ ուրիշ մարզերու մէջ հետագային շատ աւելի օգտակար պիտի ըլլանք, և այլն, և այլն: Եւ յորդորեց վերադառնալ էջմիածին:

Գլխիկոր դուրս եկանք և գացինք ներկայացանք Դրօյին: Ատրճանակը կողքին, փափախը ետ հրած, մօրուքը ցցած, արգոսեան աչքերով կանգնեցաւ մեր առջև: Դեռ մենք բերան չբացած և խնդրանք չներկայացուցած, սկսաւ մեզ «ոմբակոծել»:

— Ի՞նչ գործ ունիք հոս, մենք բաւական չե՞նք: Շո՛ւտ, վերադարձէք Ճեմարան, աչքիս շերկիք այլևս...

Դրօն պաղ ջուր լեցուց մեր գլխին: Մենք ինչե՛ր կերևակայէինք... Կը կարծէինք, թէ մեզ «սիրով» պիտի ընդունին և քաջալերեն, թէ մեր օրինակը վարակիչ պիտի ըլլար մեր միա ընկերներուն համար և ահա՛ կը մատնւէինք յուսախարութեան: Եթէ վերադառնայինք, ի՛նչպէս պիտի հեզնէին մեզ մեր ընկերները:

Որոշեցինք յամառօրէն շարունակել մեր դիմումները և

ներկայացանք Վալադ Վալադեանին: Ան ալ «զորս դու պատ-  
փրեցիր» լաց մեզ և ցոյց տուաւ էջմիածնի ճամբան:

Քեռիէն ամէնքը կը վախնային իր խստամբեր բնաւորու-  
թեան պատճառով: Բայց շներկայացանք իրեն և գացինք  
գտանք Համազասպը:

Մեր դատը այս անգամ «պերճախօս» ձեւով պաշտպանե-  
ցինք և կրցանք մեղմել իր ընդիմութիւնը:

— Է՛հ, բալանե՛րս, եկէ՛ք, բայց ձի շեմ կրնար տալ:  
Մինչև Վան պիտի քալէք: Ձեզի մէկ-մէկ հրաշտն ալ կուտամ  
քանի մը փամփուշտով, մինչև որ վարժվիք:

Մեր ուխտը կատարուած էր:

\* \* \*

1918 Մարտին, Կարինէն նահանջելով հասած էինք Սա-  
րիղամիշ: Ճակատի ընդհ. հրամանատարն էր զօր Արէշեան,  
թոյլ և անջիղ մէկը: Դասալիքները օրէ օր կը շատնային: Հա-  
կառակ Մուրատի և Սեպուհի կորովի միջամտութեան, անկա-  
րելի էր զօրամասերու ռազմական ոգին բարձրացնել և կարգ  
կանոն մտցնել: Կանոնաւոր բանակը կը դառնար անկանոն,  
անկանոնը կը դառնար կանոնաւոր: Օր մը, շուրջ տասը տաս-  
նըհինգ հոգի բերին մեր զօրանոցը: Յանկարծ, Մուրատ և Սե-  
պուհ ատրճանակները քաշած գուրս խոյացան: Սիրտս սկսաւ  
տրոփել: Չըլլա՞յ թէ սպանեն: Դասալիքներ էին: Սեպուհ  
սկսաւ կրակել ճիշդ իրենց երկու ոտքերուն մէջտեղը, գետնին:  
Դեփ-դեղին կտրած էին ամէնքն ալ: Մահացու էր սարսափը:  
Շարք-շարք կանգնեցուցին և հրամայեցին անմիջապէս միա-  
նալ իրենց զօրամասերուն: Ռուս զօրամասերու «դէպի տուն»  
նշանաբանը պարարտ գետին էր գտած: Գերբնական ճիգեր  
էին պէտք կասեցնելու համար դէպի տուն նահանջը: Այդ  
տազնապալից օրերուն, Ազգային Խորհուրդին կողմէ ճակատ  
էին եկած ընկերներ Ս. Վրացեան և Վ. Նաւասարդեան: Ապա-  
հովութեան Խորհուրդին կողմէ ալ՝ ընկ. Վ. Փափազեան: Ուրկէ՞  
ուր յանկարծ Դրօն մէջտեղ ելաւ իբրև զինւորական կոմիսար:  
Իբօք, Դրօն անմիջապէս գործի անցաւ: Արտակարգ ատեան  
մը կազմուեցաւ Դրօյի մասնակցութեամբ և երեք խոռվյալ դա-

սայիքներ մահուան դատապարտեցան: Դրոյի անունը բերնկ  
բերուն շրջան կրնէր և սարսափ կազդէր:

Հետագային, ճակատագրական դէպքեր տեղի պիտի ունե-  
նային Սարգարապատի, Ղարաքիլիսէի և Բաշ-Ապարանի մէջ,  
և Դրօն դարձեալ բախտորոշ դեր պիտի կատարէր:

\* \* \*

Անցան տարիներ, և ի՛նչ տարիներ... Գաղթ, սով, արիւն-  
արցունք: Եւ ահա՛ Հայաստանի Հանրապետութիւն: Աւա՛ղ, ոչ  
երկարատև: Ինկանք դարձեալ տարագրութեան փոշիներուն  
մէջ, հողմացրիւ:

1925 Յունւարին, Փարիզի մէջ տեղի ունեցաւ Հ. Յ. Դ. Ժ.  
Ընդ. Ժողովը: Ռումինիայէն պատգամաւոր էր եկած նաև  
Դրօն: Յաճախ կերթայի քովը:

Մեր պատգամաւորներէն խնդրած էինք հրապարակային  
զեկուցումներ տալ իրենց շրջանի հայկական «մնացորդաց»ի  
մասին: Կարգը եկած էր Դրօյին: Դեռ «Յառաջ»ը գոյութիւն  
չունէր, հարկադրւած էինք մասնաւոր յայտարարութիւններ  
տպագրել: Գրած էինք, թէ կը խօսի «Զորավար Դրօ»... Հա-  
զիւ յայտարարութիւնները տպագրած՝ կուզէինք ցրել, շեմ  
գիտեր ինչ առիթով մօտը գացի և, ի միջի այլոց, ցոյց տւի  
յայտարարութիւնը:

Արդար զայրոյթով գոռաց երեսիս:

— Գի՞ժ էք դուք, ի՛նչ էք, զօրավարս ո՞րն է: Շո՛ւտ,  
ջնջեցէք այդ բառը, այլապէս շեմ գար խօսելու: Ես Դրօ եմ և  
ո՛չ զօրավար:

Իմ բոլոր բացատրութիւններս զուր անցան: Եւ յայտարա-  
րութեան մէջ ջնջեցինք զօրավարը:

Համեստ էր մեր աննման Դրօն, Եւ ո՛վ աւելի իրաւունք  
ունէր կրելու զինւորական այդ բարձրագոյն աստիճանը, քան  
ինքը, Բաշ-Ապարանի անվեհեր ռազմիկը:

ՎԱՀԱՆ ՀԱՄԲԱՐՉՈՒՄԵԱՆ

2. Յ. Դաշնակցութիւնը մի խորհրդաւոր կազմակերպութեան կերպարանք է ստացած, որովհետեւ շնորհիւ իր արտասովոր գործունէութեանը, նա դարձած է մի անձնաւորւած, անհաստականացած (իբրև միաւոր) նկարագիր:

Մեր՝ ներկայ սերնդի ամենամեծ սխալներից մեկն այն է, որ ամբողջ եօթը տասնեակ տարիներ անօրինակ ինքնամոռացութեամբ, անհաւասար խիզախութեամբ, սովորական տրամաբանութեան շենթարկւող հաւատքի լաւատեսութեամբ, ընկրկելու, յուսահատելու բացարձակապէս անտրամադիր կամքով մեր ցեղի ազատագրութեան, ո՛չ, վերապրելու արիւնոտ ծառայութեանը լծւած այս կուսակցութեան էութիւնը, գործին ու ընթացքին ուղղութիւն տւող ոգին հասկանալու լուրջ փորձեր չկատարեց: Դա միանգամայն մի համազգային տկարութիւն է:

Անկախ այն բանից, թէ հեռուից դիտողներն ի՞նչ եզրակացութիւններ են հանում Դաշնակցութեան այս կամ այն գործից կամ տրամադրութիւնից, մէկ բան արեւի պէս պարզ է — այն, որ նա (2. Յ. Դ.) անբաժանելիօրէն միս և արիւն է դարձած ողջ հայութեան կեանքին ու խոշոր շափով ընթացք տւել և շարունակում է դեռ տալ նրա առօրեային, անգամ ընդհանուր պատմութեանը, լինի դա քաղաքական, հասարակական, մշակութային թէ կրօնական մարզում:

Սա մի անհարկի կամ անպատեհ արտայայտութիւն չէ իմ կողմից՝ մեր կուսակցութեան անհատականութեանը վերաբերմամբ: Տեղը չէ մանրամասնութիւնների մէջ մտնելու: Առիթը մեր նորագոյն հերոսական շրջանի ամենաարժանաւոր և որոշ բաներում՝ բախտաւորագոյն զաւակներից Դրօն է:

Անկախ իր անհատական—մարդկային արժանիքից, Դրօ կանայեանը՝ կուսակցօրէն նկարագրային անհատականութեան հասած 2. Յ. Դաշնակցութեան լաւագոյն ստեղծագործութիւններից մէկն էր, և հէնց դրա համար էլ արժանի է շատ լուրջ ուշադրութեան—յատկապէս մեր՝ սկեպտիկացած, կրքից ցաւալի շափով կուրացած օրերին:

Դրօյի մասին մտածելիս, ասէք բնազդօրէն, միտքս է գալիս Հոմերական Ոդիսևսը: Իր բնածին ընդունակութիւնը, ար-

կածալի կեանքին հանդէպ ունեցած իր անտարբերութիւնը, փոփոխուող պայմաններն արագօրէն ըմբռնելու և ըստ այնմ իր դիրքը որոշելու իր կարողութիւնը, հասարակաց գաղափարականի համար զոհողութեան առաջ կանգ շառնելու իր վճռականութիւնը, հաւաքական աշխատանքի համար՝ կազմակերպուած քաղաքականութեան հանդէպ ցուցաբերած իր հնազանդութիւնը, մարդկանց ճանաչելու և համապատասխան կերպով նրանց գործի լծելու իր շնորհքը, աստիճանաւորին և ստորադասին, իրենց տեղում, վստահութիւն և հնազանդութիւն պարտադրելու իր հմայքը, և, վերջապէս, ճակատագրական վայրկեանին ուղիղ կերպով մահուան լարուած բիբերի ուղիղ կենտրոնին յառնելու իր անայլայլ կեցւածքը, Դրօ Կանայեանին դարձնում են մեր նորագոյն դիւցազնական շրջանի իրապէս վիպական դէմքերից մէկը և դեռ երկար նա կը շարունակի գնահատուել և սիրուել որպէս այդպիսին. սիրել նրա համար, որ նրա յայտնաբերած առաքինութիւնները ասպետական են և հէնց այդ պատճառով էլ բուն կերպով աղերս են անում ասպետութեան մէջ մարդկային փրկութիւնն ու յառաջադիմութիւնը փնտռող երիտասարդ սրտերին, մտքերին և երեակայութեան:

Ես Դրօյին տեսայ ընկերական շրջանակում, ուր նա իր հոգու բովանդակ թափով ջան էր անում և ջան լսում, առաջ բերելով անխառն, սրտագեղ ոգևորութիւն: Ես նրան տեսայ Կողբի ճակատի վրայ (նախքան հայ-տաճկական պատերազմը, 1920 թ.), ուր իր անակնկալ երևումը, կիսամերկ ու կիսաքաղց մեր զօրքի մէջ, առաջ բերաւ պաշտամունքի տանող խանդավառութիւն: Ես նրան տեսայ իր հայրենիքի յարկի տակ, շրջապատուած բարձրագոյն կրթութիւն ստացած և ռազմական փառք վաստակած սպաներով, որոնք ո՛չ միայն սիրում էին նրան, որպէս մարդու, այլև սրտանց, այո՛, անվերապահօրէն արժէք էին տալիս նրա ռազմական կարողութիւններին: Ես նրան տեսայ Հայաստանի Խորհրդարանի Դաշնակցական Ծրակցիայի նիստում, ուր նա, լեռնահայաստանից վերադարձածին, զեկուցում էր իր տեսածների և կատարածների մասին: Եւ ի՞նչ—այդ ընտրուած մտաւորականներն ու քաղաքական գործիչները ունկնդրում էին նրան պաշտկառու

և գնահատում նրա կշուած, համադրուած մտքերը որպէս  
արժէք:

Հայ-տաճկական պատերազմի (8 Սեպտ. — 18 Նոյ.  
1920 թ.) օրերին մօտ լինելով մեր ճակատին (Կարսի) և  
պանդխտութեան բազմամեայ կարօտը դեռ սրտումս, ես ուշի-  
ուշով հետևում էի մեր ճակատների հրամանատարների ռազ-  
մավարական ընթացքին: Մեր բարձր սպայութեան մէկ կարևոր  
մասը շէր սիրում ժողովրդական խաւերից դուրս եկած, ռազ-  
մական արժանիքի հասած, բայց խմբապետ անունով ճանաչ-  
ւած դասակարգին: Մենք շատ մեծ վնաս կրեցինք այդ թիւ-  
րիմացութիւնից: Հակառակ այդ ամէնի, սակայն, երբ հարցը  
վերաբերում էր խմբապետ Դրօյին, անգամ մեր ամենաբարձր  
սպայութիւնը, զգուշութեամբ էր նրա անունը բերան առնում:  
Եւ հէնց այդ թարմ ու յստակ տրամադրութեան տակ, սրա-  
նից երեք տասնեակ տարիներ առաջ աշխատասիրած իմ ան-  
տիպ «հայ-տաճկական-պատերազմ» անուն կրող հատորին  
մէջ արձանագրեցի. «եթէ այդ ճակատագրական օրերին (Հոկ-  
տեմբեր, 1920 թ.) Դրօն Կարսում լինէր, թերևս մեր ճակա-  
տագիրը մի տարբեր բան դուրս գար»:

\* \* \*

Դեռ շատ է մօտ մեր հերոսական անցեալը, դեռ շատ  
են սուր մեր արիւնազանգ կրքերը, դեռ խիստ շատ են մեզ  
զրջապատող սպառնալից փորձութիւնները՝ առարկայական ակ-  
նոցով վերագնահատութեան նիւթ դարձնելու համար մեր  
երէկի կեանքը, որի մէջ մէկ անգամ էլ, լուսաշող կերպով,  
վերապրեցին մեր ցեղային առաքինութիւնները, մեր անթեղ-  
ւած կարողութիւնները, մեր անկախ ապրելու արժանիքները:  
Շատ ենք մօտ այն օրերին և մեծ մասով դեռ մասը նրանց՝  
վայել կերպով ներկայացնելու համար այն, ինչ որ մեր աշ-  
խարհն անգամ քիչ տեսաւ՝ իբրև խորք ու իբրև բովանդակու-  
թիւն: Բայց անկասկած է, որ կգայ օրը նաև, երբ մեր պատ-  
մութիւնը կը գրի իր պատուաւոր պատանդանին վրայ: Մինչ  
այդ սակայն, շմոռանանք միշտ յիշել, որ իմ՝ վերը յիշած

անձնաւորաժ, անհատականութեան նկարագիրն ստացած  
Դաշնակցութեան շարքերից դուրս եկան բազմաթիւ անձնու-  
րացներ, որոնց ինքնամոռացութիւնը բաւական եղաւ, որ  
իրենք երևան բերէին ասպետական առաքինութիւններ, ցե-  
ղային սքանչելի յատկութիւններ, ռազմական ընդունակու-  
թիւններ և որ աւելին է՝ Աքիլէսեան դարուն յատուկ ինքնա-  
ժխտումով ամբողջապէս խորասուզէին իրենց ցեղի ցաւերի  
ու երազների մէջ եւ մոմի պէս վառւէին անտրտունը:

Դրօ Կանայեանը Դաշնակցական կուռ շարքերում պահեց  
իր անհատականութիւնը, ապրեց կուսակցական լոյալութիւնը,  
երևան լերաւ ռազմական բարձր կարողութիւն և այդ ամէնով  
արժանւոյաւ մեր անմահների Պանթէոնին:

ՎԱՀԷ ԱՐԾՐՈՒՆԻ

## ՄԵՐ ՕՐԵՐԻ ՍԱՍՈՒՆՑԻ ԴԱԻԻԹՂ

Երկրաշարժով ու փոթորկով աշխարհ եկաւ եւ ձիւնամրրի-  
կով հեռացաւ աշխարհից պայծառ ու անջնջելի հետք թող-  
նելով հայոց երկնակամարում — Դրօն — հայ դիւցազնավէպի  
հերոսը, նոր ժամանակների Սասունցի Դաւիթը:

Դրօն ոչ եւ է... Մահը միակ բանն էր, որ շէր հաշտուել  
ու ներել Դրօյին, որ համակ կեանք էր շարժում: Ասում են՝  
«մեռել է», մեզ համար նա ողջ է, ապրում ու շնչում է մեզ  
հետ, մեր մէջ: Հայոց պատմութեան համար նա անմահ է:

Մեծութիւններն ու գեղեցկութիւնները տեսնելու, հաս-  
կանալու եւ լիովին գնահատելու համար ժամանակ է պէտք  
եւ որոշ տարածութիւն: Չէնք կարող տեսնել եւ գնահատել  
Մասիսի վեհութիւնը նրա ստորոտից: Հեռացէք նրանից եւ  
դիտեցէք Քանաքեռի բարձունքից: Կարո՞ղ եք շարքենալ նրա  
վեհասփառ գեղեցկութեամբ:

Դրօ մարդը դեռ շատ մօտ է, մեր մէջ, մեզ հետ է,  
մեզ պէս՝ մարդկային երեւոյթով: Ժամանակ պէտք է  
անցնի, որպէսզի լիովին տեսանելի լինի ու գնահատւի, որ-  
պէս ազգային հերոս՝ իր բազուկի եւ իմացական զօրութեամբ,  
իրբեւ պատմութիւն կերտող անհատ:



Մարտիկ ծնեց եւ անվախ բազուկով պատուհասեց հրէշաժին նաէաշիճէներին ու Ալիխանովներին, բանակներ վարեց արիւնոտ մարտի դաշտերում, եւ պատմութիւնը նրան արձանագրեց մեծանուն ահաբեկիչների ու հայդուկների շարքին:

Հայդուկն ու ահաբեկիչը, սակայն, դուրս եկաւ մարտիկի նեղ սահմաններից եւ որպէս պետական մարդ էլ, ազգային եւ պետական ուժեղ գիտակցութեամբ ու պայմանների խորաթափանց ըմբռնումով, դարձաւ քաղաքական եզակի մի դէմք:

Իր կեանքի վերջին շրջանում Դրօն արդէն իրաւ առաջնորդ էր իր ժողովրդի եւ իր կուսակցութեան՝ Գամբէտեան իմաստով — «Ես առաջնորդում եմ իմ ժողովորդը, որովհետեւ ես նրա յետեւից եմ գնում»:

Իրական առաջնորդները նրանք չեն, որոնք յոխորտ աղմուկով ամբոխի առջեւից են վազում, իրական առաջնորդը, որպէս հովիւ քաջ, ժողովրդի յետեւից է քայլում՝ միշտ ականջը ժողովրդին ուղղած, ունկնդիր նրա սրտի բաբախումներին եւ մտքի ելեւէջներին՝ ո՛չ իր անձնական փառքի, այլ ժողովրդի բարօրութեան համար:

Դրօն երբեք փառք չփնտռեց — միշտ փառքը վազեց նրա յետեւից: Երբեք յաջողութիւն չը մուրաց, յաջողութիւնը ընկերացաւ նրան ողջ կեանքում: Բախտաւոր աստղի տակ էր ծնել Դրօն, եւ հայ ժողովուրդը բախտաւոր է, որ նրա նման զաւակ ունեցաւ:

Պատմութիւնը ժամանակի փոշում կը թաղէ հորիզոնի վրայ փայլփլող շատ անուններ, բայց Դրօյի լուսապայծառ անունը յաւէտ կապրի հայ ժողովրդի հոգում:

Փոթորիկով աշխարհ եկաւ եւ ձիւնամրրիկով հեռացաւ աշխարհից, բայց յաշխարհի էր եւ, կարող ենք ասել, աշխարհ ժանեաւ զնա — հայ նոր դիւցազնավէպի հերոսը, մեր օրերի Սասունցի Դաւիթը — ԴՐՕՆ...

Թեհրան

Ս. ՎՐԱՅԵԱՆ

Որքա՛ն տարբեր բոլոր անուններից. թէև պարզ, սովորա-  
կան հայ մարդու անուն:

ԴՐՕ... Առանձի՛ն, մե՛ծ, ամբողջական. ամբողջ մի պատ-  
մութիւն: Անխրաււած մի փոքր ազգի կեսդարեան արիւնոտ  
պայքարների խորհրդանշան. պատմութիւն կերտող գագաթ-  
ներից մէկը. պատմութիւնը իր աւելցող դրողներից մէկը ու  
մի՛շտ թշնամու դիակների վկայագրութեամբ:

Նեմեզի՛ս... Որքա՛ն իրական ու որքա՛ն ընդհուպ, հար-  
ւածը ժամանակին հասցնող:

Նեմեզի՛ս... Օրհնեալ ձեռք:

Զա՛րկ, Դրօ ջա՛ն,

Նակաշիձէ՛ մէկ:

Ալիխանով՝ երկու:

Յետոյ՝ երեք, շորս... Զա՛րկ, Դրօ ջան...

\* \* \*

Նոյն օրերին զարնում է Երևանը, Զանգեզուրը... Եզրայ-  
րասպան կռիւ են գցել հարևանների մէջ... ու տգէտ-գողաց-  
նաբարոյ հարևանը կրակը ձեռին ընկել է հայ շէններն ու քա-  
ղաքները, Զա՛րկ, Երևան ջա՛ն...

\* \* \*

Համաշխարհային առաջին սպանդն է սկսւում... Հայոց  
պատմութեան ահաւոր պահը... արևմտեան Հայաստանը հո-  
գեվարքի մէջ... Կեանքի ու մահւան օրհասական պայքար  
վանում... Ու Սպիտակ Ձիաւորը փոթորկի պէս հասնում է  
վան. գալիս է ճի՛շտ ժամանակին... Զա՛րկ, վա՛ն, վասչ-  
պուրական ջա՛ն...

Իսկ յետոյ, աւելի ուշ, բովանդակ հայութեան լինել շի-  
նելու ճակատագրական պահը... Արևը հորիզոնից թեքւելու

վրայ է... Պիտի մթնի հայոց աշխարհը... Բորենու տաք շուն-  
չը այնքան մօտ... և սակայն... Զա՛րկ Սարգարաբատ ու...  
Զա՛րկ Բաշ Աբարան... Զա՛րկ հայ ժողովուրդ...

...Մեր Սուրը լեռան ու քառագագաթ Արագածի երկնա-  
կամարում տեսա՞ք բոցերի ու արեան միջից բարձրացող  
ՄԱՅԻՍ 28ը... Տեսա՞ք հսկաների դէմքերը... ԴՐՕՅԻՆ տեսա՞ք:  
Տեսա՞ք իր շալակին Մայիս 28-ի վէճ քարերի խոշորագոյննե-  
րից մէկը, որ Բաշ Աբարանից Երևան էր տանում...

Օ՛ր ԴՐՕ... Ո՞ր գուպարին, ազատագրական պայքարի ո՞ր  
էջին, հայ ժողովրդի նեղ օրերի ո՞ր ժամին ներկայ շեղար  
դու քո բոլորանւեր զոհաբերութեամբ: Օրհնեալ լինի ծնունդդ  
ու անունդ և փառաւոր անջնջելի յիշատակդ ո՛վ քաջերի մէջ  
առաջիններից՝ անզուգական ԴՐՕ:

Քեհրան

ԵՐ. ՆԵՏՔԵԱՆ

### ՓՈՒՆԱՆ ԾԱՂԿԵՊՍԱԿԻ

1914-ին, Առաջին Աշխարհամարտի հետ, Հայոց Աշխար-  
հում կարծես ծագեց Մեծ Երազի լուսացնցուղ այգաբացը:

Մթնոլորտը յագեցել էր ապերասան արբեցումով և ար-  
շալուսող Ապագայի բոցավառ յոյսով: Հայ յեղափոխական  
համաստեղութեան հսկաները, որոնք լծել էին խաղաղ ստեղ-  
ծագործ աշխատանքի, թողնում էին մաճն ու բրիչը, դաբ-  
բինի մուրճը, բահն ու մկրատը պարտէզի, գրիչն ու տետրա-  
կը և հապշտապ փութկոտութեամբ վազում էին դէպի մար-  
տադաշտ, որպէս թէ պատերազմի որոտը ռազմահրաւէրի  
ղօղանջն էր: Աշխարհի շորս ծագերից եկել և Արևմտահայաս-  
տանի սահմանի վրայ խմբել էին արիւնահեղ կուռ մոլեռանգ  
ուխտաւորները, լուսապսակ ախոյեանները ազատագրական  
փառապանծ կռիւների: Կամաւոր էին եկել նաև շարանը հա-  
զիւ շափահաս դպրոցականների, որոնց զրասեղանի վրայ դեռ  
մեղանը թաց էր:

Անդրանիկ, Քեռի, Համազասպ, Աւօ, Դաշնակցական Խէ-  
չօ, Իշխան, Վարդան, Սմբատ... կախարդական հոյլը հայ  
հայդուկային աստեղատան, փառաշուք քուրմերը հայ Յեղա-

փոխութեան տաճարի, իրենց առաքելութեան հմայքով մագնիսել էին արիւնոտ բախումների մէջ թրծւած համայն երիտասարդութիւնը:

Անըմբեր ոգևորութիւնը եռում էր սաստիկ թափով: Շուտով կազմւեցին կամաւորական շորս գունդեր մարտական կարկառուն համբաւների գլխաւորութեամբ:

Այդ լուսաշող դէմքերի մէջ հնչում էր զօրեղ՝ անունը մի երեսնամեայ երիտասարդի, որի արժէքը քչերին էր միայն ծանօթ:

Դա Դրօն էր:

Հանդիպեցի այն ժամանակ անտեղեակների, որոնք ապշանքի և շարանքի էին մատնւել, որ այս դեռատի և «անփորձ» մարտիկին էր վստահւած ու յանձնւած՝ կամաւորական Բ. գունդի հրամանատարութիւնը, իր ձեռքի տակ ունենալով Արմէն Գարօյի նման հին յեղափոխական մի տիտան և Դաշնակցական Խէշոյի նման ճարտար ու յանդուզն մի խմբապետ:

Կային ընկերներ, որ լսել էին իր փայլուն հռչակը, իբրև խիզախ, ճապուկ, արագոտն և հնարագէտ ահաբեկիչ, որի դիպուկ և մահացու հարւածից ազատում շէր ունեցել յեղափոխական դատավճռի ենթարկւած ոչ մի մեղապարտ:

Քսան տարեկանին իսկ, իրեն վերապահւած «գործը» կատարել էր անթերի և անսպասելի ճշտութեամբ: Հետագայ յատուկ ձեռնարկներում, Դրօն ցուցաբերել էր կազմակերպելու արտակարգ կարողութիւն, դժւարին և անկարելի ժեստեր իրագործելու բացառիկ հմտութիւն և գործըղներին վարելու տիրական հեղինակութիւն: Եւ այս ամենը՝ հոգեզրաւ վեհանձնութեամբ, անմեղների հանդէպ բարեզուծ բժախնդրութեամբ և բարոյական բարձր սկզբունքների պաշտպանութեան համար՝ դաժան խստութեամբ:

Քչերը՝ իր գինակիցները և մարտական շարժումի ղեկավարները միայն իմանում էին, որ Դրօն՝ այս վարպետ, յանդուզն ու ձեռներէց ահաբեկիչը, օժտւած էր ռազմավարի ընդոծին ձիրքով: 1905—6-ի Կայ—թաթարական կռիւներին, նախ իբրև սոսկ զինւոր, բայց շուտով իբրև խմբապետ, Դրօն առարկան դառաւ զինւորական հանձարեղ ղեկավարներին՝ նիկոլ Դումանի բարձր գնահատանքին: Դրօն կարկառում

մարտիկի և ներհուն ռազմագէտի անուն շահեց: Նիկոլ Դու-  
մանը Դրօյի մէջ նշմարեց ու գտաւ նրբազգաց հոտառութեամբ  
հետախոյզը, ռազմախաղերի բանիբուն գիւտարարը, թշնամու  
դիտաւորութիւնները նախատեսելու ընդունակ հայդուկը և ճա-  
կատամարտերի գաղտնիքին ու իմաստին դիւրաւ թափանցող  
տաղանդը: Սրանց վրայ աւելացրէ՛ք իր պայծառ իմացակա-  
նութիւնը, իրադարձութիւնները յստակ տեսնելու և դատելու  
իւրայատուկ քանքարը, և հասկանալի պիտի լինի այն բարձր  
համարումը, որին իրաւամբ արժանի էր Դրօն:

Ականատես եմ եղել Սորբից մինչև Դատոան ու Դրգուռ  
կամաւորական շորս գունդերի, Անդրանիկի, Դրոյի, Քեռիի  
և Համազասպի մղած ճակատամարտերին: Ես տեսայ և խոր  
յուզումով տեսայ, թէ ի՞նչպէս Սորբի յաղթանակից անմի-  
ջապէս յետոյ, Անդրանիկը բաղեղի պէս փաթաթեց Դրոյին,  
համբուրեց նրան ու իր վաղեմի ընկերոջ, աննման հայդու-  
կին՝ Քեռիին ուղղելով խօսքը, ասաց.

— Ասլան է Տերօն, Ասլան:

Անդրանիկը Տերօ էր արտասանում՝ Դրօյի անունը: Բայց  
այդ հնչիւնին մէջ մէկտեղւած էին հիացում, խանդաղատանք,  
բերկրանք և հպարտանք: Չկար ռազմական մի խնդիր, մի  
դժուար հանելուկ, որի լուծման համար Անդրանիկը շորոնէր  
Դրօյի կարծիքը: Քեռիի հանդէպ Անդրանիկը պատկառանք և  
հիացում ունէր որպէս քաջարի հայդուկ, հմուտ ռազմավար  
և հանդարտ ու պաղարիւն դատող մարդ: Ձիաւորների խում-  
բապետ Աւօյի հանդէպ տածում էր անհուն սէր և խոր յար-  
գանք, իբրև անսահմանօրէն յանդուգն և խիզախ հայդուկ և  
մաքրամաքուր հոգի: Միմիայն Դրօյին էր նկատում միակ  
հրամանատարը, որի հետ խորհրդակցութեան նստելը իրեն  
համար հոգեկան անյետաձգելի պահանջ էր: Անդրանիկը իր  
հրամանատարների ժողովը բաց շէր անում առանց Դրօյի ներ-  
կայութեան:

Ա. Աշխարհամարտին կամաւորական Բ. գնդի մէջ, իր  
շուրջն էր բոլորել հայ — թրքական կռիւններին՝ կրակով մկրրտ-  
ւած երիտասարդ մարտիկների ընտիր փաղանգը: Ոգեպինդ  
և աշխոյժ, անհամբեր և անհանդարտ վաշտերը յաղթապանժ  
անցնում են սահմանը, անկորուստ յառաջխաղացում են կա-  
ցարում և իրենց արագ ու շեշտակի հարւածներով ջշմեց-

նում թշնամուն: Անզուսպ մոլեգնութիւնով սպասում էին վճռական այն պահին, երբ մի մահառիթ դղրդիչ գրոհով խորտակեն թշնամուն և մէկ ոստումով իջնեն Աբաղայի դաշտը՝ Վանի բաց դուռը:

Հասնում է այդ բախտորոշ և վճռական րոպէն Կաուրշմայի առջև: Դրոյի ճարպիկ ռազմախաղոր, մերոն ջախջախում են թշնամու յառաջապահ շարքերը և ստիպում նրան նահանջել՝ շար ու դասալիք:

Կամաւորների շարքերի մէջ եռ ու զեռ ու բոցավառ ցրնծութիւն է: Բայց կարճատև է լինում դա: Սև լուրը հովի թևերով հասնում է զինւորներին, թէ հրամանատարը՝ Դրօն, ճակատամարտի ամենատաք պահին, կրծքից վիրաւորել է, սակայն այս եղելութիւնը թագցրել է: Թշնամու գնդակը փորել է ձախ կուրծքը և թաղել է թոքի մէջ: Դրօն միայն այն ժամանակ խելամուտ է եղել իր լուրջ վիճակին, երբ ջղաձգական հագի հետ, մի բուռ արիւն է թքել:

Դրոյին անմիջապէս փոխադրում են Թիֆլիս: Սպաներին յատկացւած զինւորական մասնաւոր հիւանդանոցում դարմանում է մօտ երկու ամիս:

Այդ օրերին, Ռուսաստանի վերջին վեհապետը՝ ցար Նիկոլայը այցի է գալիս Կովկաս: Գալիս է իր օրհնաբեր անձի ներկայութեամբ կուռղ և շարշարուզ զինւորի բարոյական կորովը բարձրացնելու, իր գովական խօսքով խրախուսելու վարանողներին, որ աւելի առատօրէն արիւն զոհեն, ի փառս հայրենիքի և արքունիքի, և միաժամանակ գալիս է վարձատրելու արիւնների և քաջագործների հերոսութիւնը, նրանց պարգևատրելով Ս. Գէորգի Խաչով:

Ցարը այցելում է հիւանդանոցի բոլոր վիրաւորներին: Թերթերը բարձրաձայն աղաղակով յայտնում են, որ բարեհամբոյր գահակալը մեծահոգի առատաձեռնութեամբ ժպիտ և սիրալիր խօսքեր է բաշխում: Նա յատկապէս կանգ է առնում սնարի առջև մի քանիսի, սրոնք ակնառու են գառել իրենց սխրագործութիւններով: Նա ջերմօրէն սեղմում է հերոսների ձեռքը, ներբողներ է շռայլում նրանց կատարած գործերի համար և հայրենիքի երախտիքը մատուցում: Եւ որքան շոյած էր ոուս մարդու ինքնասիրութիւնը, որ մեծ կայսրութեան մեծ միապետը զիջում էր և հաճում՝ այց տալ իրենց:

Յարը մօտենում է նաև Դրօշի սնարին: Նա ուշադիր և հիացական հայեացքով լսում է իր համհարզի բերնով հայ կամաւորական Բ. գունդի հրամանատարի ողիսականը: Լսում է սեւեռուն և խանդավառում զզլխիշ այդ պատմութիւնով: Հաւանաբար ցարը ինքն իրեն հարց է տալիս.— Այս մարտական փառապանծ սխրագործութիւնների հերոսը արդեօք ո՞ւմն է պարտական իր բանիբուն ռազմագէտի տաղանդը:

— Հրամանատա՛ր, բերկրանքով ռնկնդրեցի քո մեծագործութիւնների նկարագրութիւնը: Շատ ապրիս. սակայն քո զինւորական ուսուցումը ո՞ր դպրոցում ես ստացել, հարցնում է ցարը ժպտաշուրթն և գոռոզ ինքնագոհութեամբ.

— Վեհափա՛ռ,— պատասխանում է Դրօն բառերը յստակ և մէկիկ մէկիկ արտասանելով.— Հայ Յեղափոխական Դաշնակցութեան դպրոցում:

Երևակայեցէք բռնակալի դէմքը այդ բոպէին:

## Բ

Լեզրանի համաձայնագիրը հազիւ երեք օրւայ կեանք ունեցաւ: Հէնց որ Ռեկոմը Հայաստան ժամանեց, յայտանառութիւնները, այլ և վատօրէն և անարգօրէն թքեց իր ստորարեց համաձայնագիրը ապազօր և հրապարակով ուրացաւ իր ներկայացուցչի ստորագրութիւնը և գրծեց իր բոլոր խոստումները: Բոլշևիկի համար խոստումը բուրժուական նախապաշարում է, դրամատիրական շղթայ, որ անցնում են թշուառ պրոլետարիատի վզին: Իսկ ստորագրութիւնը ուրանալ, դա առաքինութիւնների գերագոյնն է, եթէ այդ պիտի ծառայէ որոշ մի նպատակի:

Բոլշևիկեան Յեղկոմը՝ Յեղափոխական Կոմիտէն՝ ոչ միայն լյարգեց իր պատւիրակութեան պետի հանդիսաւոր յանձնառութիւնները, այլ և վատօրէն և անարգօրէն թքեց իր ստորագրած պայմանագրի վրայ:

Սկսեց անլուր հալածանքներ, հանրային գործիչների, մտաւորականների և պետական դէմքերի ձերբակալութիւնները և հայ զինւորականների աքսորը:

Անբեկելի և անվերաքննելի սրոշում էր կայացրել Յեղկոմը՝ բոլոր հայ զինւորականներին անխտիր հեռացնել Հա-

յաստանից և տարագրել նրանց ոռւսական հեռաւոր տափաստանները: Գուցէ արդարացում կարելի լինի տարազել քաղաքական անձնաւորութիւնների նկատմամբ ձեռնարկած խիստ միջոցների համար, իբրև քաղաքական շարժառիթներից մըղւած նախազգուշութիւն, սակայն դոյզն իսկ պատճառ չկար սպայութիւնը զանգւածօրէն ենթարկելու դաժան, անխիղճ ու վայրագ այդ պատուհասին: Հայրենի երկրից խաբէութեամբ տեղահանել պարկեշտ, պարտաճանաչ ու հայրենաւնէր ոազմիկներին, զօրականներին, որոնք Հայաստանի ամէն մի թիզ հողը պաշտպանել են իրենց կուրծքով, քրտինքով ու արիւնով, և աքսորել նրանց օտար մի երկրի խուլ ու անյայտ խորշերը, տմարդի արարքից աւելի, նենգօրէն նիւթւած մի դիւային սադրանք էր: Աքսորը, այս բարբարիկ դաւը, ոչ միայն միտում էր հայ սպայութիւնը զրկել իր հայրենիքից, այլ և մանաւանդ մայր հողը պարպել իր հարազատ զաւակներից, արթուն և բոլորանէր պահակներից, անվեհեր ու անձնուրաց պահապաններից:

Այդ հրէշային ծրագիրը գործադրեց նաև Դրօյի՝ հայ ժողովրդի պաշտելի հերոսի, Բաշ-Աբարանի դիւցազնական ախոյեանի նկատմամբ: Յեղկոմը կտրուկ և վերջնական ազդարարութիւն էր յղել Դրօյին պատրաստ լինել և անմիջապէս մեկնել:

Այս վրդովիչ լուրը շուտով տարածեց ամէնուր: Երևանի և շրջակայքի հայութեան մէջ առաջ եկաւ իրարանցում և շփոթութիւն: Ժողովուրդը խորապէս մտատանջ էր, թէ ի՞նչ պիտի լինի իրենց պաշտելի հերոսի ճակատագիրը: Հազար ու մի շարաշուք գուշակութիւններ խուժում էին խռոված ուղեղների մէջ: Ոչ ոք ուզում էր հաշտւիլ այն խիստ, անողորք ու դժնէ կարգադրութեան դէմ, որին Դրօն անարդար կերպով ենթարկւած էր: Ժողովուրդը ատամները կրճտելով, զսպում էր իր իրաւացի ցասումը, որովհետև երկիւղ էր կրում որ, յախուռն ու անխոհեմ մի արարք կարող էր վտանգել Դրօյի կեանքը:

Ձերբակալութիւններից զերծ մնալու և խոյս տալու նպատակով, մեծաթիւ մտաւորականներ, զանազան կուսակցական գործիչներ, աշքառու և ականաւոր մարդիկ և պատասխանատու դէմքեր պահւել էին թագստոցների մէջ, մինչև բոլշևիկեան



այսահար մուլուցքը իր թափը կորցնէր: Դրոյի աքսորի վճիռն ու հրամանը ցնցել էր նրանց:

Աքսորի նախօրեակին կարկառուն դէմքերը մէկիկ-մէկիկ գողունի մտնում էին Դրոյի բնակարանը՝ ստեղծւած նոր կացութեան մասին խորհրդակցելու: Դրօն բոլորին յանձնարարում էր պահել պաղարիւնը, համակերպել եղելութեան: Իր մտերիմ ընկերներից մէկը՝ Վ. Ն. հիացումով նկարագրում էր Դրոյի հոգեկան բարձր կորովը: Մինչ Դրոյի բարեկամները մտահոգութեամբ և շարագուշակ գալիքով տագնապում են, նա լիովին պահում է ոչ միայն իր հաւասարակշռութիւնը, այլև եռուն կենսուրախութիւնն ու լաւատեսութիւնը:

Այս գիծը Դրոյի նկարագրի և խառնւածքի ամենից ցայտուն և զօրեղ նիշն էր: Դրօն պարտութիւնից ընկճւողն ու փուլ եկողը չէր: Պատտութիւնը ձախողանք էր նկատում. արդիւնք կա՛մ թերացումի, սայթաքումի և կամ թիւը դատողութեան: Մինչև պարտութիւնը արթուն էր, զգոյշ, հաստատակամ և բոլորանւէր: Գործի համար միշտ մտածող, շրջահայեաց, կշռադատող և անվախ էր: Խստապահանջ էր և անզիջող՝ պարտականութեան հանդէպ: Սակայն ձախորդութեան դէպքում, երբ պարտութիւնը մինչևիսկ հետևանքն է իր նախազգուշութիւնների և հրահանգների անտեսումին ուրիշների կողմից, մեղքը ուրիշի վրայ չէր բեռեցնում: Կը ճշտէր սխալները, կը մանրամասնէր ձախողանքի բոլոր մեքենականութիւնը, նրանից դաս առնելու դիտումով: Բայց երբեք չէր խորտակում պարտութիւնից, որովհետև ա՛յնքան հզօր էր իր յաղթելու կամքը, որի խոր գիտակցութիւնը ունէր. ա՛յնքան աներեր էր իր հաւատքը հայ ժողովրդի մեծութեան և յաւերժութեան վրայ, որ ոչ մի դժբախտութիւն չէր կարող իր լաւատեսութիւնն ու կենսուրախութիւնը սարսել: Փոխանակ հայ ժողովրդի տառապանքը ողբալու, խորաթափանց իմացութեամբ ըմբռնում էր տառապանքի աղբիւրը, էութիւնը և ներիմացումով գտնում էր դարմանը:

Եւ բնաւ զարմանալի չէր, որ Դրօն աքսորի նախօրեին իսկ, ակնի եռանդուն, զւարթախոհ և կորովի էր, քանի իր այցելուները: «Եղածն ի՞նչ է, որ խուճապի էք մատնւել, պիտի ասէր Դրօին բոլոր վլվլուկ հանողներին. փոփոխութի՛ւն. փո-

փոխութիւն է տեղի ունեցել. փոփոխութիւնը կայունութիւն չի նշանակում. նա էլ պիտի ունենայ իր փոփոխութիւնը:

Դրօն լաւ էր իմանում որ աքսորը իրեն համար պարտութիւն էր: Հանդուրժում էր դրան առայժմ, բայց իսկի շէր կարող համակերպիլ: Նա իր ուղեղում տևարար որոճում էր այդ պարտութիւնը յաղթանակի վերածելու մասին: Նա յայտնում է իր մտածումները Վ. Ն.ին: Իր հաստատ համոզումը փոխանցում է իր ընկերոջ, թէ երկուսով կարող են հրաշքներ գործել հայ դատի համար:

— Արի՛, դու էլ միացիր իմ աքսորին:

Եւ պարզում է իր ծրագիրը:

Երբ խօսակցութիւնը աւարտում է, Վ. Ն.-ը, օգտւելով գիշերւայ մութից, ուզում է մեկնել բայց Դրօն նրան չի թողնում:

— Տնաշէ՛ն, ասում է Դրօն, ընկերդ էգուց աքսոր է գնում. ո՞վ է իմանում, գուցէ մէկ էլ շտեմանես նրան. առանձին պիտի թողնես ու մեկնե՞ս: Նստի՛ր, մի՛ գնա:

Երկար խօսքից ու զրոյցից յետոյ, Վ. Ն. համաձայնում է ոչ միայն շմեկնել, այլև մինչև իսկ միասին գիշերել:

Կէս գիշերւայ խոր ու անշշուկ լռութիւնը պատում է ինքնաշարժների ազմուկով: Բնակարանի փողոցում անիւները կանգ են առնում և ասպարէզ տալիս մարդկանց ժխորին: Մի քանի րոպէ անց դուռը թակում են: Վ. Ն. ուշադիր նայում է Դրօյին, որի դէմքի վրայ ուրազժւում է գոհունակութեան մի թեթև ժպիտ: Նա խորհրդածում է այն անսովոր և տարօրինակ երևոյթի առջև. կա՛մ այն է, որ Դրօն չի ըմբռնում վերահաս վտանգի լրջութիւնը, ի լուր և ի տես Չեկայի ներխուժումի, և կամ նորահնար մի ելք է գտել:

Դուռը բացւում է և ներս են մտնում ուրախ զւարթ կատակներով Յեղկոմի անդամները, Չեկայի բարակներ, բանակի ոռւս զօրավարներ և բարձրաստիճան սպաներ: Դրօն հարևան սենեակը բաց է անում և իր խայտաբղէտ հիւրերին ներս է հրամցնում: Սրահի մէջտեղում սարքած է երկար մի սեղան, ընթրիքի համար պատրաստած: Կոշուներ է, մտերմական խրախճանք և գինարբուր: Դրօն ոչինչ չի խնայել, որ կեր ու խումը լինի ճոխ, ըմպելին գերընտիր և ուտելիքը՝ համադամ:

Դրօն ունևոր և լայն միջոցների տէր ընտանիքի զաւակ էր: Հայոց նահապետական առաքինի աւանդութիւնները՝ տանը արիւնն ու աւիշն էին: Հարուստ կամ շքաւոր, արհեստաւոր կամ շինական, բոլորն էլ նախամեծար հիւրն էին Կանայեանների: Դրօն պատմում էր, թէ շի անցել մի կիրակի կամ տօնօր, ուր հօր տանը հիւրամեծարանք տեղի շունենայ, ու բոլորին էլ անխտիր նոյն քաղցրահամ խորտիկները, խմորեղէնը, քաղցրեղէնն ու մրգերը: Դրօն սրբութեամբ և բժախնդրութեամբ պահել էր այդ շքնաղ բարեմասնութիւնը: Նա սրտանց հաճոյք էր զգում, երբ իր տան մէջ սեղանակից էր ունենում: Հոգեկան պահանջ էր դա, ամենօրեայ աղօթք էր և սրտաբուխ, նւիրական պարտականութիւնը: Հիւրասիրել՝ աղօթել էր Դրօյի համար:

Կերուխումի տենդավառ պահին, Ասքանաղ Մուսևանը, որ հետագային, հիասթափ եղած բոլշևիկեան անկարելի շեղումներից և անմարդկային վայրագութիւններից, իր կեանքին վերջ տւաւ անձնասպանութեամբ, ոտքի է կանգնում և ռուսերէն մի կենաց առաջարկում Դրօյի համար:

— Դրօ՛, մենք լաւապէս գիտենք զնահատել քո արժանիքները որպէս զինւորական, կարգապահ անձնաւորութիւն, ներհուն ռազմագէտ և ժողովրդասէր մարդ: Քեզ շնք նկատում սովորական խմբապետ, ապա թէ ոչ՝ մենք կը վարէինք քեզ հետ այլ կերպ: Եթէ մենք այսօր սիրայօժար տունգեկանք քո հացն ու գինին ճաշակելու, դա նշանակում է, որ մենք քեզ համարում ենք բացառիկ յատկութիւնների տէր և թանկագին կարողութիւններով օժտւած մէկը: Վաղը դու պիտի մեկնես համաշխարհային Մեծ Յեղափոխութեան օրրանը: Բարի ճանապարհ եմ մաղթում քեզ. բայց պարտք եմ զգում նախազգուշացնել քեզ. այն երկիրը, ուր ոտք պիտի դնես, մի հրեղէն, բոցավառ գետին է, որ կարող է քեզ այրել և մրրկել:

Բոլորը լուռ են. լուռ է նաև Դրօն, որ անբաժան ժպիտը դէմքին, կարծես ուզում է հասկացնել, թէ «ըմբռնում եմ թէ ասածիդ իմաստը և թէ շասածիդ գաղտնիքը: Հայ ժողովուրդը թէ՛ ինձ է ծնել և թէ՛ քեզ: Քո սիրտը թէ՛ օտարի լեզուվ է խօսում և թէ՛ օտարի բերնով: Իմ սիրտը հայ ժողովրդի սիրտն է,

ուր օտարը չի կարողացել նստել: Դո՛ւ, խղճուկ վարձկան, ձայնդ բարձր է հնչում միայն քու ականջին»:

Հասկանո՞ւմ են, կռահո՞ւմ են կոշականները՝ Դրօյի հոգում եռացող մտորումները: Թւում է թէ այո՛:

Մի քանի բոպէ յետոյ, ծանր լռութիւնը խզում է Սաշա Բէզզատեանը. նա՛ որ հետագային իր գլուխը վրայ տուաւ և անհետ ու անանուն կորաւ ընդմիշտ:

Բէզզատեանը յայտարարում է.

— Ուղիղ է Մուսեանը: Ռուս հողը համակ կրակ է. սակայն մի մոռանալ, որ Դրօն ինքը՝ համակ կրակ է: Կրակը կրակով չի այրւի:

## Գ

Դրօ՛ժ Մոսկւա հասաւ մեծ պատիւներով և արժանացաւ արտասովոր ընդունելութեան: Ճամբորդեց գնացքի մէջ իրեն յատկացած առանձին ու մասնաւոր բաժնեակով: Բոլշևիկ կուսակցութեան վաղեմի, փորձառու և գաղափարապաշտ պարագլուխները, որոնք լաւապէս տեղեակ և իրազեկ էին Հ. Յ. Դաշնակցութեան անցեալին, մարտական և ահաբեկչական գործերին ու գործունէութեան, ճանաչում էին Դրօյին և կամ իմանում էին, թէ ինչ արժէք և արժանիք է ներկայացնում նա: Նրանց ճիգն ու ջանքն էր մեծարանքներով սիրաշահել Դրօյին՝ օգտւելու համար նրա տաղանդից, կարողութիւնից և բացառիկ ձիրքերից:

Բոլոր գլխաւոր կայարաններում, ուր Դրօյի գնացքը կանգ էր առնում, տեղացի հայութիւնը հոծ ու խուռն բազմութեամբ խուժում էր դէպի կառաչարը, դիմաւորելու մեծանուն հերոսին: Ականատեսները վկայում են, որ ցուցաբերած հիւրընկալութիւնը, ընծայած մեծարանքը և հրճւանքի խօլական բացադանշութիւնները կատարւեցին այնպես ջերմութեամբ, անկեղծութեամբ և յորդ սրտազեղումով դիմաւորողների կողմից, որ Դրօյի աքսորը ստացաւ շքեղ ու հանդիսաւոր երթի բնոյթ ու կերպարանք:

Հակառակ այն իրողութեան, որ Դրօն էր վարիչը հայ-վրացական սահմանային վէճի առիթով յառաջացած դինաբախումի, որ վրացական բանակին ցնցիչ հակահարած տւեց,

սակայն վրացի բուշակները սիրալիր վերաբերում յայտնաբերեցին նրա հանդէպ: Նրանք շէին մոռացել, որ Դրօն այն անվրէպ բազուկն էր, որ վրացիների վրէժը լուծեց: Ալիխանովը՝ Վրաստանի գիւղացիութիւնը կեղեքող և զուլումի ենթարկող ճիւղն էր, որի դէմ անէծք և լուտանք էին տեղացնում վրացիք, սակայն որին անզօր էին արժանի պատիժը տալու: Դրօյի ձեռքով կատարած ահաբեկումը երախտիքով, գոհունակութեամբ և շնորհապարտութեան զգացումով լցրեց վրացիների հոգին:

Մի օր, Ստալինը, որ արդէն տէր էր դառել Պոլիտբիւրոյի, և Զերժինսկին՝ Չեկայի ընդհանուր պետը, տեսակցութեան են հրաւիրում Դրօյին: Սրտդողած և մեղադրանքի տեղատարափով, նրանք յայտնում են Դրօյին, թէ Դաշնակցութիւնը, անգլիական իմպերիալիստների փողով վարձել է երկու ուսնների, որոնք սպանել են Զեմալ փաշային Թիֆլիսում՝ Չեկայի պաշտօնատան առջև: Դրօն անտեղեակ էր այս ահաբեկումին:

— Անգլիական փողով... ո՞վ, Դաշնակցութի՞ւնը, — հարց է տալիս Դրօն, տարակոյսով և խայթիչ հեզնանքով:

Դրօն դաշնակցական էր իր ուղն ու ծուծով: Նա թրծւած էր Դաշնակցութեան վեհ աւանդութիւններով և բարոյական մաքուր սկզբունքներով: Անկարելի էր, որ Հ. Յ. Դաշնակցութիւնը օտարից փող ստանար իր նպատակները իրագործելու համար: Օտարից փող ստանալ նշանակում է գերի դառնալ: Օտարը ձրի փող բաշխողը չէ: Նա մի գրոշ իսկ չի զոհի, եթէ տւածի դէմ մի քանի պատիկը ապահոված չլինի: Դաշնակցութիւնը, թէկուզ ամենալաւ նպատակի համար, եթէ փող ընդունի օտարից, պիտի խորտակւի այդ օտարի նպաստի ու երախտիքի տակ, որովհետև պիտի կորցնի ընդմիշտ գործելու իր ազատութիւնն ու անկախութիւնը և խաղալիք դառնայ նրա քմայքին ու կամայական պահանջներին: Դաշնակցութիւնը երբ փողի կարիք ունենայ, կը դիմի իր ամենահարուստ ակունքին՝ հայ ժողովուրդին, որ 65 տարի անընդհատ իր սիրտն է տւել այս կազմակերպութեան:

Դաշնակցութեան հիմքը, իր բարոյական հմայքը, իր զօրութեան բանալին զոհաբերութեան և նւիրումի ոգին է: Դաշնակցականը մի՛միայն պիտի տայ, առանց փոխարինութեան և առանց առնելու ակնկալութեան: Ուր առնելու մտածում

կայ, ուր հատկացումի և վարձատրութեան դիտում կայ, այն-  
տեղ զոհաբերութեան ոգին բացակայ է իսպառ: Եթէ դաշ-  
նակցականը վարակի դրամի և շահի, նիւթապէս օգտւելու  
մտայնութեամբ, շահամոլութիւնը տիրական ախտ կը դառ-  
նայ, կապականի նրա հոգին սատանայի նենգ ու վարնոց  
հնարքներով, իսկ Դաշնակցութիւնը կը մեռնի: Դաշնակցու-  
թիւնը հարուստ է, որովհետև անարժաթ է: Դաշնակցութիւնը  
անսասան է, որովհետև իր էութիւնը զոհաբերութիւնն է:

Դրօն, Դաշնակցութեան բարոյական առաքինութիւնների  
խստասիրտ աւանդապահը, իրաւամբ շէր հաւատում Ստա-  
լինի և Զերժինսկու պատմութեան:

— Զեմ իմանում ո՞վ է սպանել Զեմալ փաշային, — յա-  
րում է Դրօն անկեղծութեամբ և պարկեշտօրէն:

— Դաշնակցութիւնը երբ մահապատժի է դատապարտում  
որեւէ դաւաճանի, հարւածը տալիս է առանց դրամի և առանց  
միջնորդի: Նրա բազուկը այնքան ուժեղ է, որ մահապարտին  
տապալելու համար ուրիշի օգնութեան երբեք պէտք չէ ունե-  
ցել: Ասում էք, թէ Զեկայի կենտրոնի առջև սպանել են Զեմա-  
լին: Ամբողջ Ռուսիայում չէք գտնի մի անձ, մի կազմակեր-  
պութիւն, որ յանդգնութիւնը ունենայ այսպիսի վտանգաւոր  
և արկածալից ձեռնարկ ստանձնելու: Միայն մէկ ուժ գոյու-  
թիւն ունի, որ կարող է այս գործը յաջող և անվտանգ գլուխ  
հանել: Դա Հայ Յեղափոխական Դաշնակցութիւնն է: Մնաք է,  
որ այդ երկու ռուսներին բանտարկել էք: Նրանք ապահովա-  
բար անմեղ են, և անգիտակ անցուղարձին: Թիֆլիսում ձեր  
Զեկան ապիկար է դուրս եկել և չի կարողացել ահաբեկիչնե-  
րի հետքը գտնել: Շշմած ու ամօթահար, նա իր անզօր զայ-  
րոյթը թափել է այս երկու անտեղնների վրայ: Եւ ծածկելու  
համար իր ապիկարութիւնն ու խաղբութիւնը, յերիւրել է ան-  
գոյն և կեղծ ապացոյցների ու փաստերի մի թղթածրար: Ես  
կարող եմ այդ կեղծիքը քօղազերծ անել:

Դ

Ստալինն ու Զերժինսկին ուշադիր և անբթիթ ունկնդրու-  
են Դրօյի ինքնավստահ, համարձակ և անսեթևեթ բացատրու-  
թիւնները:

— Այս խնդիրը մէկ լուծում ունի, առաջարկում է Դրօն: Արտօնեցէք ինձ մեկնել Թիֆլիս: Կը տեսակցեմ այն դաշնակցականների հետ, որ բանտում արգելափակւած են: Երեւան կը հանեմ ճշմարտութիւնը և ձեզ կը ներկայացնեմ գործի ծաւրերը: Կը գործադրեմ այս դաժան ու ծանրակշիռ առաքելութիւնը հետևեալ պայմանով, — իմ տեսութիւնը կալանատը ընկերներիս հետ պէտք է լինի գլուխ գլխի, առանձին և ազատորէն: Ձեր մարդկանցից ոչ ոք պէտք է ներկայ կամ միջամուխ լինի մեր խօսակցութեան: Ոչ միայն ազատ պէտք է արձակէք տասնեակներով անմեղներին, որոնց զանգւածօրէն ձերբակալել և բանտ էք նետել, այլև խօսք պիտի տաք ահաբեկչի կամ ահաբեկիչների կեանքը խնայել:

Խոստումը ստանալուց յետոյ Դրօն գնացքով մեկնում է Թիֆլիս, պաշտպանութեանը տակ Չեկայի գաղտնի մի ոստիկանի:

Բազու շհասած, Դրօն գաղտագողի իջնում է գնացքից ու հետիոտն հասնում Բազու: Իր ճամբրուկը թողնում է գնացքի մէջ, որպէսզի ուղեկիցը չկասկածի, թէ փախուստ է տւել: Ցարաբերութեան մէջ է մտնում երկու յայտնի ընկերների հետ, նրանցից քաղում՝ հարկ եղած տեղեկութիւնները ահաբեկումի առնչութեամբ և հետևեալ օրը մեկնում է Թիֆլիս:

Թիֆլիսում նրան ընդունում է Վրաստանի Կոմկուսի առաջին դէմքը՝ Լավրետի Բերիան: Մոսկւան նախօրօք հաղորդում էր այնտեղ Դրօյի ժամանումի ջարժառիթը:

Անհաճ, անտեղի և պատահական խոչընդոտներից Դրօյի մուտքը զերծ պահելու զգուշաւորութեամբ, Բերիան մինչև բանտ ընկերանում է նրան: Բանտի դարբասից ներս մտնելիս, գաշնակցական բանտարկեալները անակնկալի են գալիս: Բեփան նկատում է այդ և դառնալով Դրօյին, դառն հեզութեամբ ասում է.

— Ընկերներդ, որ ինձ հետ տեսան քեզ, պիտի մտածեն, թէ արդէն դու էլ ծախւած ես բոլշևիկներին:

— Ո՛չ, պատասխանում է պատրաստախօս Դրօն իւրայատուկ տրամտութեամբ, — ընկերներս ինձ հետ տեսան քեզ, կեանքդ ապահովագրւած է:

Ահաբեկիչները Դրօյին պատմում են ամբողջ ճշմարտութիւնը առանց գաղտնիքը ծածկելու և առանց վերապահու-

թեան: Եւ իր հաւարած վաւերական և մեկին տւեալներով քո-  
ղազերծ է անում Թիֆլիսի Չեկայի յերիւրած գրպարտութիւն-  
ները, դարբնած շինծու պատմութիւնը և նիւթած դաւը:

Աննշա՞ն բան էր դէմ յանդիման կանգնել Չեկայի նեն-  
գամիտ, յիշաշար և դաժան դահիճներին: Յանդգնութիւն չէ՞  
ձեռնոց նետել պատմութեան ամենից արիւնառուշտ կազմա-  
կերպութեան և նրա խարդախութիւնները մերկացնել: Ո՞չ,  
Դրօյի համար անհրաժեշտ չէր ճիգ թափել յանդուգն լինելու  
համար: Դա՞ իր բնաւորութեան ինքնաբուխ զեղումն էր: Ուրիշ  
կերպ չէր կարող վարւել: Սուտի, կեղծիքի, խաբէութեան չէր  
հանդուրժում: Այս էր իր քաջութեան, խիզախութեան աղբիւրը:  
Ըմբոստ էր անարդարութեան դէմ, պարկեշտ էր իր կարծիք-  
ների մէջ և անխնայ՝ հացկատակների ու փարիսեցիների հան-  
դէպ:

\* \* \*

Անզուգական էր Դրօն իբրև հայ: Տարագիր էր, բնակւում  
էր օտար երկրում, բայց ապրում էր Հայաստանում, իր մայր  
երկրում: Հայաստանն իր բնութեամբ, իր լեռներով ու գետե-  
րով, իր լոյսերով, գոյներով և սուերներով, որպէս կենդանի  
և յարաշարժ ոգիներ ապրում էին իր արեան գնդիկների և  
մարմնի հիւսկէնների մէջ: Մաճի տակ քրքրւող հողի դղր-  
դիւնը, մուրճի տակ հեծող երկաթի ճռինչը, յուշիկ թաւալող  
ջուրերի մրմունջը և ծիծղուն և հասուն մրգերի խայտանջը,  
հայրենի հողի մունջ բնութիւնը համօրէն, իբրև հզօր ու ան-  
դուլ մի մեղեդի, թրթռում էին իր հոգու մէջ: Նա նոյնացել  
էր Հայաստանի հետ: Դրօն և Հայաստանը Մեծ Երազի իրա-  
կանացման զօրութիւնն ու կարելիութիւնները ծծում էին նոյն  
տկունքից, նոյն յաւերժական ուժից, որ կոչւում է Ոգի: Եթէ  
փորձենք տրամաբանական տարազների վերածել, եթէ ջա-  
նանք իմացականութեան տւեալները վերլուծելով գտնել այդ  
ոգին, շենք կարող ըմբռնել, ընդհակառակն, կը կորչենք ան-  
վախճան խարխափանքի բաւիղի մէջ: Ցեղի հոգին միայն ապ-  
րելով կարելի է հասկանալ:

Մի անգամ, խօսքն ինձ ուղղելով, հեզնանքով հարց տւեց:

— Ի՞նչ է քո արժէքը, ի՞նչ է քո արժանիքը:



Սա էլ նրան խորտակելու, իր հեզնանքը կոտրելու դիտու-  
մով, պատասխանեցի.

— Եթէ մինչև իսկ ոչինչ արժեմ, քո վրայ գէթ մէկ առա-  
ւելութիւն ունեմ. ֆրանսերէն և անգլերէն եմ իմանում:

Չպատասխանեց, լուռ մնաց: Բայց ինքն իրեն կրկնում էր  
մի յանկերգ «ֆրանսերէն և անգլերէն է իմանում»: Ուզում էր  
ասել, «ի՛նչ մեծ արժանիք է անգլերէն և ֆրանսերէն գիտե-  
նալը»: Հաւանաբար մտովի ասում էր. «Մարդիկ եմ ճանա-  
չում, որ տասը լեզու գիտեն. տասը համալսարանի վկայա-  
կան ունեն, տասը կաճառից տիտղոս են ստացել, այնուամե-  
նայնիւ մնացել են անբան անասուն»:

Ուղիղ էր Դրօն: Կարելի է մտային զարգացման գագաթին  
հասնել, կարելի է քաղաքաբրթական բարձրագոյն գիւտերը,  
ստեղծագործութիւնները օգտագործելու շափ ճատրտր լի-  
նել, բայց մնալ նախնամիտ վայրենի: Որովհետև մարդ էակը  
մարդ անողը ոչ թէ գիտութիւնն է, ուսումն է, քաղաքակրթու-  
թեան բարիքներն են, այլ հոգեկան այն արժէքները, զգալու  
և կենսագործելու այն թափը, հաւատքով ապրելու այն արտը-  
շական կարողութիւնը, որ որակում ենք ասուածային:

Դրօյի մէջ այդ գոյութիւն ունէր իբրև յարատև ապրում:  
Նա յարաշարժ ու անհանդարտ մարդ էր: Կորովն իր մէջ  
եռում էր և եփում էր նրան: Նրա ճիգը, նրա աշխատանքը  
դուրս էր պարտականութեան, ձևականութեան սահմաննե-  
րից: Ներքին մղումով էր նա գործում և նրա ճիգը ստեղծա-  
գործութիւն էր, յօրինում, բանաստեղծութիւն:

Դրա համար էր, որ բանակոիւ, վիճարանութիւն, կու-  
սակցական պայքարում արձակւած պարսաւանքները մի նշա-  
նախեց իսկ շէին ազդում իր վրայ: Խորապէս գիտակից էր  
իր կարողութիւններին և փառատենչութիւնը ունէր այդ կարո-  
ղութիւնները արժանաւոր ու բաղմարդիւն կերպով ի սպաս  
գնելու հայութեան և Հայաստանի համար:

## Ե

Մի երիտասարդ դաշնակցական, որ հմայւել էր հայ հե-  
րոսների փառքով, հարց տւաւ Դրօյին.

— Ի՞նչպէս կարելի է երբեք վախ չունենալ, մշտապէս  
անվախ լինել:

Դրօն իր խորաթափանց հայեացքը սևեռեց երիտասարդի աչքերի մէջ, ուր կարդաց անկեղծութիւն և հոգեկան վերացում:

— Բալիկս, ասաց Դրօն, հայրական քնքուշ հոգածութիւնով, մարդ էակը ստեղծել է վախի զգացումով: Արարչութիւնն այդ բնազդով օժտել է նրան՝ ինքնապաշտպանութեան համար: Դա բարիք է: Բայց շարիք է դառնում այդ, երբ փախուստ է տալիս նրանից: Որքան փախչես, այնքան պինդ կը կպչի քեզ: Համարձակ նայի՛ր նրա աչքերի մէջ. երբ ճանաչես նրան, նա զինաթափ կը լինի:

Ինձ զտրջմացրեց Դրօյի այս ինքնատիպ բացատրութիւնը, որ հոգեբանական վերլուծումներով չէ, որ գտել էր, այլ փորձառութեամբ, մանաւանդ ներիմացումով:

Հերոսը նա չէ, որ իր կեանքը վտանգելով, արտակարգ ու հրաշապատում գործեր է կատարում, ինչպէս աւազակները, յելուզակները և գանգրստրները: Հերոսը նա չէ, որ ներքին անզուսպ մղումով, դէպի մահ է սլանում, ինքնուշնչացումի, քայլ է առնում, անձնասպան է լինում, ինչպէս անմխիթար սիրահարը, անբուժելի յուսահատը և խելագարը: Սրանք վախկոտներ են, որոնց համար կեանքը շարշարանք է, տառապանք և անտանելի բեռ: Սրանք անարի, եղկելի վատեր են, որոնք, սարսափած կեանքի դաժան փուլերից, անզօր են զգում դիմագրաւելու վտանգը և փախուստի այս ուղին են ընտրում: Սրանք ինքնամոլներ են, որոնց անյազուրդ եսը պարտութեան է մատնւած, կեանքի խոշընդոտները անյաղթելի գտնելով:

Հերոսը՝ անվեհեր մարտիկն է, նա պայքարում է կեանքի թիւրի և ծուռի դէմ: Նա կուռն է յաւիտենական արժէքների համար. ազատութեան, անկախութեան, ճշմարտութեան, արդարութեան համար: Այդ նպատակին հասնելու համար, նա ոչ մի զոհողութեան առջև կանգ չի առնում: Հերոսի եսը տիրական չէ. նա սոսկ ծառայ է: Հերոսը ամէն օր իր եսից մէքան է մեռցնում, որպէսզի վեհ սկզբունքները իշխեն ամենուրեք և միշտ:

Դրօն հերոս էր:

Նա շէնշող, լաւատես և կենսուրախ էր: Ձախողանք և դժբախտութիւն չէին կարող խորտակել նրան, չէին կարող խաթարել իր սիրտը, որովհետև անսպառ կերպով ունէր մա-

քառելու և յաղթելու: Կեանքը մի ելևէջ է. նա ունի իր մութ և պայծառ երեսները, տխուր և զւարթ կողմերը:

«Ձախորդ օրերը ձմրան նման կը գան ու կերթան,  
Վհատելու չէ, վերջ կունենան, կը գան ու կերթան»:

Հերոսական, յաւերժական հայութեան փիլիսոփայութիւնն է սա կեանքի մասին, որ Դրօշինն էր միաժամանակ: Պէտք է պայքարել, անդուլ պայքարել, իսկ պայքարը յաջողութեամբ պսակելու համար, պէտք է զոհել, միշտ զոհել, և զոհել ամէն բան իր անձից, անգամ իր կեանքը:

Մահ իմացեալ անմահութիւն է:

Հերոսի համար կեանքը՝ առկայութիւն և մահը նրա բացակայութիւնը չէ: Կեանքն ու մահը իրարյաջորդ տևողութիւն են: Մարդն իր կեանքով ու մահով բնութեան յայտնութիւնն է: Բնութեան, որ բեղմնաւորող, ստեղծարար արգանդ է, արարիչ ոգիների եռուն աշխատանոցը: Հերոսը մշտապէս այդ ոգիների հետ է ապրում և զգում է իրեն բնութեան մի անքակտելի մասնիկը: Կեանքն ու մահը հերոսի մէջ, նրա էության խորքում լուծւել են, իբրև դաշնաւոր և ներդաշնակ միութիւն:

«Հող էիր և ի հող դարձիր»: Հերոսը իր մահով չի անհետանում, այլ վերադառնում է բնութեան: Դրանից է բխում իր անմահութիւնը:

\* \* \*

Աննման Դրօ՛ւ, անշունչ մարմինդ, նիւթեղէն անօթը քո Ոգու, յանձնեցինք հողին, իսկ գողից սլացաւ միանալու հայոց հոյակապ ու փառաշուք պանթէոնի պաշտելի հսկաներին:

Քո սիրտն ու քո թոքից հանւած թշնամու գնդակը պիտի պահենք իբրև յուշք և յիշեցում գալոց հայ սերունդներին:

Քո սիրտը խորհրդանշանն է այն բոլոր առաքինութիւնների, որ գու ժառանգել են յաւերժական հայութիւնից:

Քո թոքում թաղւած գնդակը խորհրդանիշն է Հայ Դատին, անիրաււած քո ժողովրդի իրաւունքներին, որին կեանքդ

նւիրեցիր և որի մարտական յարածածան դրօշը ամրակուռ  
բազուկովդ միշտ բարձր բռնեցիր:

Վշտակոծ ենք, բայց ողբ չենք արձակում: Արցունք էլ չենք  
թափում, որովհետև արցունքը ընկրկումի, տկարութեան նշան  
է, ինչպէս դու սովոր էիր մեզ ասել: Չենք ողբում, որովհետև  
հաւատացած ենք, որ մեր ժողովուրդը, որ քեզ է ծնել, կարող  
է Դրօներ նորէն ծնել:

Այսօր, քո աճիւնի առջև կանգնած, գլուխներս բարձր, նո-  
րոգում ենք մեր ուխտը: Ուխտում ենք բարձր բռնել այն պաշ-  
տելի դրօշակը, որ մեզ փոխանցեցիր, և ընթանալ այն նւիրա-  
կան ճանապարհով, որ դու ցոյց տւիր:

Դու անմահացար, որովհետև հայ ժողովուրդն անմահ է:

ԲԺ. ԵՐ. ԽԱԹԱՆԱՍԵԱՆ

## ՍԱՐԸՂԱՄԻՇՈՒՄ 1918-ԻՆ

(Հատած)

Սարըղամիշը գտանք քառսային վիճակի մէջ: Քաղաքը  
դատարկել էր: Բնակիչները թողած տուն ու տեղ՝ հեռացել  
էին: Մնացել էին կասկածելի մարդիկ, որոնք գիշեր ու ցերեկ  
թալանով էին զբաղւած: Զինւորական պահեստները մնացել  
էին անպաշտպան. անհաշիւ հարստութիւն էր ամբարւած —  
զէնք ու ռազմամթերք, զինւորական և քաղաքացիական հա-  
գուստ, երկրագործական գործիքներ և մեքենաներ, խճուղի-  
ների և կամուրջների շինութեան մեքենաներ, անսպառ դեղօ-  
րայք, ալիւր, շաքար — տասնեակ միլիոնների արժէքով հա-  
րստութիւն: Ռուս բանակը լքել ու հեռացել էր խուժանացած:  
Տէր չէր մնացել: Զօր. Արէշեանը հազիւ կարողանում էր իր  
զինւորական անմիջական պարտականութիւններին հասնել:  
Ռուս բանակի փայլուն զինւորականի համբաւ ունէր, բայց  
այժմ խեղճացել, ջղայնացել, թրջւած հաւ էր դարձել. բոլո-  
րովին անհամապատասխան էր իրեն վիճակւած դերին: Սրտի  
հիւանդութիւն էլ ունէր — ոմանք ասում էին՝ հիւանդութիւն  
էր ձևացնում — և ծանր վայրկեաններին կորցնում էր գլուխը:  
Նրան օգնելու կոչւած, ճակատի հրամանատարը՝ գնդ. Բէյ-

Մամիկոնեանը նոյնպէս ցաւագար ու վախկոտ մէկն էր: Հակառակ իր արտաքին պատկանելի տեսքին և երևութական լըրջութեան՝ իրապէս շրջուն խուճապ էր և ո՛չ մէկ վստահութիւն չէր ներշնչում իրեն ենթակայ զինւորներին ու սպաներին:

Յիշողութեանս մէջ ո՛չ մէկ լուսաւոր գիծ չի մնացել և Արէշեան-Բէյ-Մամիկոնեան շրջապատից: Ո՞րտեղից էին հաւաքւած այս միջակութիւնները և ի՞նչ կարող էին անել ձևի բերելու Սարըղամիշի անձև քառսը, որ օրէցօր աւելի էր ծանրանում, մանաւանդ, գաղթականական հոսանքի պատճառով: Ամէն օր Սարըղամիշ էին թափւում փախստականներ պատերազմի վայրերից, որոնց անհրաժեշտ էր տեղաւորել, կերակրել և երկաթուղիով ուղարկել դէպի հիւսիս:

Աշխատանքը բաժանեցինք մեր միջև հետևեալ ձևով.— Վահան Փափագեանը ստանձնեց գաղթականական գործը: Վահան Նաւասարդեանը դարձաւ զօր. Արէշեանի խորհրդական. մի տեսակ շտաբի պետ: Ինձ բաժին ընկաւ Սարըղամիշի պարէտի պաշտօնը — զինւորական կոմենդանտ: Եւ երեքով անցանք գործի:

Ռազմաճակատից շարունակ մոայլ լուրեր էին ստացւում. թշնամին աւելի և աւելի յանդուգն յարձակումներ էր գործում, Մեր ուժերը բաւական չէին և արագ կերպով տկարանում էին՝ հիւանդութեանց, դասալքութիւնների, կարգապահութեան խանգարման և, մանաւանդ հրամանատարական հեղինակութեան բացակայութեան հետևանքով: Անդրանիկը իր զօրամասերով հեռացել էր կուի դաշտից, իբրև կարգախօս թողնելով իր ետևը. «Թրքահայութիւնը կոտորեց, թո՛ղ ոռւսահայութիւնն էլ կոտորւի»: Այդպես չէր ասւած իր խօսքը, բայց ամբողջ այդ իմաստով հասկացաւ:

Օրւայ հրատապ պահանջն է՛ր կանգնեցնել թշնամու յառաջխաղացումը: Դրա համար, առաջին հերթին, պէտք էր ուժեղացնել ճակատի զօրամասերը օգնական ուժերով: Սարըղամիշում պահեստի մասերը գրեթէ սպառւած էին. մնացածները ո՛չ մէկ վստահութիւն չէին ներշնչում: Զօր Արէշեանի դիմումները Ալեքսանդրապոլ զօր. Նազարբէգեանին ո՛չ մի արդիւնք չէին տալիս: Սկսեցինք ուղիղ հեռագրաթելով ոմբակոծել Հայոց Ազգային Խորհուրդը Թիֆլիսում: Հետևանքը եղաւ նոյնը:

Մարրղամիշում և, առհասարակ, ճակատի մերձաւոր թիկունքում սուր կարիք կար մտաւորական ղեկավար ուժերի, որոնցով լեցուն էր Թիֆլիսը: Մեր դիմումները Հայոց Ազգային Խորհրդային այս գծով էլ արձագանք չէր գտնում:

Ռազմաճակատից պահանջում էին կտրուկ միջոցներով վերջ տալ դասալքութեան: Բանակի կարգապահական ոգին կատրողները մնում էին անսպառիժ: Անհրաժեշտ էր ղինւորական դատարան կազմել պատժելու համար դաւաճաններին ու դասալիքներին: Զօր. Արէշեանը յարմար ուժեր չէր գտնում դատական կազմի համար և իզուր բախում էր ընդհանուր հրամանատարութեան և Ազգ. Խորհրդի դռները: Մեր թախանձանքի խնդրանքներին էլ պատասխանելով՝ Թիֆլիսից յորդորում էին սեփական ուժերով բաւականանալ: Փորձեցինք «սեփական ուժերով» կազմել ղինւորական ատեան, Բան դուրս շեկաւ: Երկու վահանները վճռական կերպով մերժեցին ղինւորական դատարանի կազմի մէջ մտնել. նրանց խիղճը թոյլ չէր տալիս մահւան դատավճիռ արձակել: Երբ ղեկավարները իրաւունք էին համարում «խղճով» առաջնորդել, բնական էր, որ ստորադասներն էլ նոյնպէս ապաւինէին խղճին: Օրեր տևող խօսակցութիւններից ու վէճերից յետոյ, կարելի շեղաւ ղինւորական ատեան կազմել, և դասալիքները անսպառիժ վխտում էին թիկունքում:

Մի օր էլ ըմբոստացաւ և մերժեց ճակատ երթալ Մարրղամիշում գտնւող 101-րդ ձիաւոր հարիւրեակը. Արէշեանի բոլոր ջանքերը կարգի բերելու՝ անցան անօգուտ: Մարդիկ ուզում էին հետևել դասալիք՝ ռազմաճակատից հեռացած ռուս զօրամասերին:

Զօր. Արէշեանը սիրտը բռնած՝ շարշարւում էր ցաւից քանկարողութիւնից՝ շարշարելով նաև մեզ: Նստած մռայլ՝ ելք էինք որոնում անել և անտանելի կացութիւնից: Եթէ այս դրութիւնը շարունակէր, կարճ ժամանակամիջոցում ռազմաճակատը փուլ կը գար, և թշնամին անարգել կը յառաջանար դէպի Կարս և Ալեքսանդրապոլ:

Մէկ էլ — հրա՛շք: Վագներեան հերոսի պէս՝ ներս մտաւ Դրօն: Ո՞րտեղից որտեղ և ի՞նչ օրհասական վայրկեանի: Կարծես լոյս բերեց հետը: Նոյնիսկ Արէշեանի գէմքը պայծառացաւ: Դրօն բանակի կոմիսար էր:

Բախտաւոր աստղի տակ ծնւած մարդիկ կան, որոնց համար անկարելի բան գոյութիւն չունի: Հող առնեն՝ ոսկի կը դառնայ: Յաջողութիւնը անբաժան ընկերն է նրանց:

Դրօն յայտնեց, թէ եկել է Երևանից զէնք ու ռազմամթերք հայթայթելու Արարատեան դաշտի զօրամասերի համար: Կարսից ստացել և ուղարկել է որոշ քանակութեամբ փամփուշտ և հրացաններ ու գնդացիրներ: Հիմա ուզում է Սարըղամիշի պահեստներից զէնք ու փամփուշտ ուղարկել Երևան:

Բոլոր պահեստները, իբրև պարէտի, իմ տրամադրութեան տակ էին: Ես, իհարկէ, առաջարկեցի ինչ որ հնարաւոր է փոխադրել: Արէշեանը անմիջապէս հաւանութիւն տւեց.

— Տարէք ինչ որ ուզում էք և ինչքան որ ուզում էք: Միայն թէ, սիրելի պարոն Դրօ, մնացէք մի քանի օր օգնելու մեզ:

Դրօն շտապում էր վերադառնալ Երասնի նահանգը, ուր արիւնահեղ քաղաքացիական կռիւներ էին տեղի ունենում և ուր ինքը շրջանի հրամանատար էր: Միայն ստիպողական հարկադրանքի տակ անձամբ եկել էր զէնք ու ռազմամթերք տանելու: Բայց զօր Արէշեանի և մեր խնդրանքը այնքան բուռն էր, որ ստիպւած եղաւ տեղի տալ: Իր զինւորական բացառիկ բնազդով նա արագ կերպով ըմբռնել էր կացութեան ահաւոր լրջութիւնը և անմիջական դարմանումի անհրաժեշտութիւնը:

Առաջին հերթին անհրաժեշտ էր վերջ տալ 101րդ հարիւրեակի ըմբոստութեան, որ քարոյշուքում ու կազմալուծում էր բանակը: Մարդիկ զինւած՝ նստել էին զօրանոցում և մերժում էին ենթարկւել հրամանատարութեան՝ ցուցական կերպով:

Իբրև բանակի կոմիսար, Դրօն արագ կերպով պատրաստեց վստահելի զինւորական ոյժ և հրամայեց, որ ըմբոստները դուրս գան զօրանոցից: Հարիւրեակը դուրս եկաւ և շարեց հրացաններ ձեռքներին: Դրօն մի կարճ ճառով դիմեց նրանց հայրենասիրութեան՝ յորդորելով, որ մեկնին ռազմաճակատ հայրենիքի պաշտպանութեան համար: Աջ ու ձախից լսեցին տրտուեղներ, մերժումի բացազանչութիւններ: Դրօն մի պահ լուռ դիտեց և, յանկարծ, վազրի ոստիւնով ատրճանակը ուղղեց հարիւրեակին ու գոչեց.

— Հանդա՛րտ:

Անկնկալի եկած զինւորները արագ կատարեցին հրամանը:

— Տասը քայլ առաջ, պռոաց Դրօն:

Առանց վարանումի զինւորները առաջ անցան տասը քայլ:

— Հրացանները դնել գետին, հրամայեց Դրօն:

Մի պահ տատանումից յետոյ, ամենքը հրացանները վար դրին: Քիչ անդին կեցած էր Դրօյի պատրաստած վաշտը՝ գլխափակներով զինւած: Զինւորները տեսնում էին այդ:

— Սուրերը դնել գետին, նորից հրամայեց Դրօն:

Զինւորները սուրերն էլ դրին վար:

— Տասը քայլ յետ, գոչեց Դրօն:

Հարիւրեակը մէկ մարդու պէս քաշեց յետ, նախկին տեղը:

Դրօյի կարգադրութեամբ եկան, արագ կերպով հաւաքեցին ու տարին հրացաններն ու սուրերը: Ապա Դրօն պահանջեց, որ անմիջապէս յանձնեմ ըմբոստութեան պարագլուխներին: Առանց դժարութեան յանձնեցին երեք հոգի:

Հարիւրեակը զղջում ու հնազանդութիւն յայտնեց: Լուրջ կայծակի արագութեամբ հասաւ ռազմաճակատի զօրամասերին և ցնցող տպաւորութիւն գործեց նրա վրայ:

Այնուհետև արագ կերպով կազմեց պատերազմականատեան, դատելու համար խռովարարների երեք պարագլուխներին:

Առանց ձգձգումի զօր. Արէշեանը հրաման արձակեց.— կազմում էր զինւորական դատարան, նախագահ՝ Ս. Վրացեան, անդամ՝ Դրօ, դատախազ՝ սպայ... ամսո՛ւս, մոռացել եմ անունը, քարտուղար՝ տեղակալ Պետիա Բէգզադեան: Դատարանին յանձնում էին վերև յիշւած երեք ըմբոստները:

Դատը տեղի ունեցաւ զօրանոցներից մէկում: Սւինաւոր պահակների հսկողութեան տակ ներկայացան երեք ամբաստանեալները: Երկուսը գորշ և աննշան տեսքով մարդիկ էին, նախկին բանւորներ, որոնք անմիջապէս խոստովանեցին իրենց յանցանքը և ամբողջ պատասխանատուութիւնը ձգեցին երրորդի վրայ. նա էր գրգռիչ ճառեր ասել և ըմբոստութեան դրդել զինւորներին. իրենք հետևել էին նրան, անմեղ զոհեր էին... Գործից, սակայն, շէր հետևում, որ նրանք անմեղ զոհեր եղած լինէին:



Երրորդը՝ նախկին անտառապահ, քառասունի մօտ, վ՛թ-  
խարի հասակով, երկար, սուր ոլորած բեխերով, խոշոր և  
թափանցող աչքերով, պատկառելի արտաքինով, լեզւանի մի  
տղամարդ էր: Իսկական հերոս իր տեսքով:

Քննութիւնից — հրամանատարական տեղեկատուութիւնից  
և վկաների ցուցմունքներից պարզեց, որ երեքն էլ հաւասար  
րապէս յանցաւոր էին. ամէն առիթով դժգոհութիւն էին սեր-  
մանում շուրջը, շէին ենթարկւում կարգապահութեան, խուսա-  
փում էին պարտականութիւնից, ընկերակիցների մէջ գրգռիչ  
քարոզչութիւն էին անում, դրդում էին թողնել դիրքերը և հե-  
տեւել ռազմաճակատից հեռացած ռուս զօրամասերին: Ակն-  
յայտնի կերպով ձգտում էին կազմալուծել բանակը, որպէսզի  
շուտով կարողանան տուն վերադառնալ...

Պատկերը ցնցող էր: Մի կողմից հրամանատարութեան  
անճարակութիւնը, միւս կողմից՝ ծայր աստիճան բարոյա-  
լքում: Այս երեքը բացառութիւն չէին. բոլշևիզմը պղծել էր  
բանակի հոգին. հայրենիքի գաղափարը արագ կերպով ցըն-  
դում էր մարդկանց մտքերից՝ տեղ տալով անասունի նախ-  
կին բնազդին:

Դատախազը երեքի համար էլ պահանջեց մահապատիժ:  
Այսօրւայ հոգեբանութեամբ ոմանք թերևս մեղադրեն դա-  
տախազին. ինչու ա՛յս երեքը պէտք է մեռցւէին, երբ իրենց  
նման ուրիշներ և աւելի մեծ յանցաւորներ, աւելի բարձր  
դիրքերում, պտըտում էին անպատիժ — «Զաշկա Զայ»ի և  
թիկունքային զանազան հիմնարկութիւնների հերոսներ: Ի՞նչ-  
պէս հաշտել նման անարդարութեան հետ: Հապա «մարդկա-  
յին խիղճը» կամ «սոցիալիստական գիտակցութի՛ւնը»: Հապա՝  
«մի՛ սպանաներ»ը: Հապա՝ մեր դաւանանքը մահապատիժի  
դէմ...

Դիւրին է շարատաւորել պատմութեանները՝ նստած կանաչ  
սեղանի շուրջ: Տէր Մարգարեանի շքեղ դահլիճում, Գոլովին-  
սկիի վրայ: Դժւար չէ «մաքուր» պահել խիղճը և սուրբի կեր-  
պարանքով ներկայանալ ամբոխին ուրիշների վրայ ձգելով  
«աղտոտ» գործերը: Սեփական պատմութեանի և սեփական  
խղճի մասին հոգացող ազնիւ մարդը պարտաւոր է մտածել և  
ուրիշի պատմութեանի ու խղճի մաքրութեան մասին...

Բայց նման նուրբ խորհրդածութիւններով զբաղւելու ժամանակ շկար. մեր առջև կանգնած էին երեք ապացուցւած ծանր յանցաւորներ, որոնց համար դատախազը մահւան պատիժ էր պահանջում: Եւ ամէնքի հայեացքը ուղղւած էր մեր կողմը. անպարտ արձակել պիտի նշանակէր քաջալերել դասալքութիւնը հիմնապէս քայքայելով ռազմաճակատը: Դատարանը միաձանութեամբ որոշեց գնդակահարել երեքին էլ, անմիջապէս, առանց վերաքննութեան իրաւունք տալու...

Երկուսը լսեցին դատավճիռը լուռ, համարեա անտարբեր, բայց անտառապահի վրայ շշմեցնող տպաւորութիւն թողեց: Նա մի պահ կարծես շրմբունեց կարդացւածի իմաստը, ապացնցւեց, սուր ճիշ արձակեց, սկսեց պոռալ... Անհասկանալի խօսքեր էր արտասանում: Լալիս: Եղկելի էր երևոյթը. այդքան մեծ մարմնի մէջ այդպիսի փոքր հոգի...

Մի քանի ժամ ժամանակ տրւեց ձեականութիւնները լրացնելու և ամբաստանւածների պատրաստութեան համար. կարող էին նամակ գրել իրենց ազգականներին: Երեկոյեան դէմ գործադրւեց մահավճիռը:

Զօրանոցներից քիչ անդին, վարը, փոքրիկ հարթավայրի վրայ կանգնած էր հրացանաւոր մի ջոկատ: Փոքրիկ սեղանի շուրջ կեցած էին դատարանի անդամները՝ նախագահ, Դրօ, դատախազ՝ Պետիա Բէգզադեանը — Հազիւ 20 տարեկան — աղաչեց, որ իրեն ազատեն մահապատժի գործադրութեան ներկայ գտնւելու պարտականութիւնից: Անդին, բարձունքի վրայ խռնւած էին դիտողները, որոնց մէջ, անշուշտ, ամաքուր խղճով մարդիկ էլ...

Արևը մտնեցում էր մայրամուտին: Յո՛ւրտ: Սարըղամիշը ծածկւած էր ձեան հաստ շերտով, որ սըրսութում էր կօշիկների տակ:

Սւինաւոր զինւորներով շրջապատւած երեք դատապարտեալները յամբ քայլերով մօտեցան ու կանգ առին հրապարակի մէջտեղ՝ գլուխները կախ:

Սարըղամիշը կարծես դադարել էր շնչելուց. քա՛ր լռութիւն էր տիրում:

Մի ակնթարթ, և նախագահը կարդում է դատավճիռը... Գերմարդկային մի աղաղակ, ապա, կարծես, վիրաւոր գազանի

ոռնոց՝ անտառապահը տապալում է գետին ու գլուխը կտրում  
հաւի պէս թպրտում, անիմաստ բացագանչութիւններով ճան-  
կրոտում է սառած հողը... Պահակները հանում են ոտքի: Միւս  
երկուսը կանգնած են անտարրեր, կարծես իրենց շվերաբերէր  
մահավճիռը...

Ու մի վայրկեանի մէջ կապում են աչքերն ու ձեռքերը,  
կանգնեցնում շարքով... Մէկ, երկու, երեք — որոտում են  
հրացանները... Հեռախօսը շտապում է հաղորդել առաջաւոր  
դիրքերը:

— Երեք հայրենիքի դաւաճան խոռվարարներ մահւան են  
դատապարտւած զինւորական ատեանի կողմից: Մահավճիռը  
գործադրւած է...

Նոյն երեկոյեան, ուղիղ հեռագրաթելը հաղորդում է Թիֆ-  
լիս:

— Զինւորական ատեանը Սարըղամիշում գնդակահարու-  
թեան դատապարտեց երեք շարամիտ դասալիքներ: Մահա-  
պատիժը գործադրւած է անմիջապէս:

Վաղը առաւօտեան, Տէր Մարգարեանի դահլիճում, Գոլո-  
վինսկիի վրայ, կանաչ սեղանի շուրջ, անուշ թէյ խմելիս,  
Հայոց Ազգային Խորհրդի անդամները, գլուխները օրօրելով  
պիտի կարդան հեռագիրը...

Եւ օրեր վերջը, Շորագեալի գիւղերից մէկում, լացով ու  
վայնասունով պիտի կարդացւի այն նամակը, որ «հայրենիքի  
դաւաճան, դասալիք» անտառապահը, մահից առաջ, գրել էր  
իր կնոջ ու զաւակներին:

Ա՛հ, այդ նամակը... Մինչև այսօր էլ, երբ գիշերը քունը  
փախչում է աչքերիցս, անտառապահի վիթխարի հասակը  
ցցւում է առջևս և մեծ, թափանցող աչքերը ծակում են սիր-  
տըս: Եւ տեսողութեանս պատկերանում է արցունքով թրջւած  
թղթի կտորը, որի վրայ մահապարտը իր կոպիտ ձեռքով շա-  
րել էր սրտի այնպիսի քնքոյշ զեղումներ, այնպիսի սրտա-  
ռուչ խօսքեր...

Նամակը ուղղւած էր կնոջը և երեք մատաղ զաւակներին,  
որոնք անհամբեր սպասում էին հօր վերադարձին: Սկսում  
էր աղաչանքով, որ ներեն իրեն, ինքը Աստծոյ առաջ իրեն  
զգում էր մեղաւոր: Իր կամքից անկախ էր գործել յանցանքը:

Վախի ազդեցութեան տակ: Չէր ուզել մեռնել թշնամու գրնդակից, բայց ահա քիչ վերջը, պիտի մեռնէր, իբրև դաւաճան, հայի գնդակից...

Ներողութիւն, հազար ներողութիւն: Աստուած այսպէս է կամեցել և Աստուած կը ներէ իրեն, ինքն այդ համոզունով էլ կը մեռնի: Եւ հետը կը տանէ սրտի անհուն սէրը կնոջ և զաւակների հանդէպ... Ապա՝ թախանձագին յորդոր կնոջ, որ պատուով պահէ զաւակներին. թող նրանք յարգեն յիշատակը ապաբախտ հօր, որ այնքան սիրում է նրանց: Եւ փաղաքշական անպաճոյճ խօսքեր, կարօտ ու գուրգուրանք զաւակներին, ամէն մէկին առանձին-առանձին... Եւ անէծքի կամ թշնամանքի ո՛չ մէկ խօսք իշխանութեան կամ դատաւորների հասցէին: Միայն արցունք և անհուն սէր հարազատներին...

Թղթատարին յանձնելուց առաջ կարդացի մէկ, մի քանի անգամ: Եւ ինչ որ մի ձեռք ամուր սեղմում էր սիրտս, Սիրտս ճմլում է և այսօր, երբ անքուն գիշերին պատկերանում է աշքերիս անտառապահի մահւան սարսափից սառած հայեացքը... Եւ երևակայում եմ անտառապահի կնոջ և զաւակների վիշտը հօր նամակը կարդալիս իրենց որբացած խրճիթում...

Դատաւարութիւնից յետոյ Դրօն մեկնեց ճակատ, վարելու համար կռիւները թշնամու դէմ: Ճակատը Խոնդէրէի ձորում էր, Սարըղամիշի մօտերը: Թնդանօթների որոտը հասնում էր մեր ականջներին...

Քիչ վերջը Թիֆլիս մեկնեց Վահան Փափազեանը: Սարըղամիշից հեռացան և բժշկա-առողջապահական ու խնամատարական խմբերը: Սուր անհամաձայնութեան հետևանքով զօր. Արէշեանի հետ, ռազմաճակատից հեռացան նաև Մուրադն ու Սեպուհը իրենց մարտիկներով: Մենք մնացինք մենակ, համարեա կտրւած դրսի աշխարհից. Դրօն՝ Խոնդէրէի առաջաւոր դիրքերում, որտեղից Թնդանօթների որոտը աւելի և աւելի սպառնական՝ մօտենում էր մեզ. Վահան Նաւասարդեանը՝ դայեակի դերում զօր. Արէշեանի մօտ և ես՝ «գլխուշորական կոմենդանտ» ամայացած Սարըղամիշի...

1926-ին ես հիւր էի Դրօյի մօտ, Փլոէշտիում, Ռումանիա: Գնացել էի մօտը մի քիչ հանգստանալու, «հոգեշահ» խօսակցութեան համար:

Դուք գիտէ՞ք, ինչ է նշանակում հիւր լինել Դրօյի մօտ: Եթէ չգիտէք, ասեմ:

Նախ՝ կայարանից մինչև տուն, ամբողջ ճանապարհին, ինքնաշարժի մէջ, աղմուկ և իրարանցում. ի՞նչպէս ճամբորդեցիր, հանգի՞ստ էիր, ի՞նչ կայ-չկայ: Ու ոստոստուն խօսքեր մէկ նիւթից միւսը. կարօտի և սիրոյ զգացումներ ընկերների հանդէպ...

Ապա, տուն հասնելուդ, հոգուդ մատաղ, երկար ճամբայ ես կտրել, պէտք է բաղնիք առնես: Տունը ամբողջ ոտքի կը հանէ, որպէսզի բաղնիքը պատրաստ լինի: Ու սեփական ձեռքերով քեզ ջուրը կը կոխէ ու վերջը ամբողջ աշխարհի առջև խայտառակ կանէ, թէ այնքան աղտոտ ես եղել, որ ջրի խողովակները փշացել են...:

Ապա՝ նախաճաշ. «մի պատառ հաց» պիտի ուտես և չի հանգստանայ, մինչև որ հաւի, կովի, ցամաքի ու ծովի բոլոր արտադրութիւնները ստամոքսդ շուղարկես:

Ապա՝ ճաշ: Ապա՝ ընթրիք: Փլոէշտիի ամբողջ շուկան կը փոխադրէ տուն: Ամբողջ քաղաքը հիւր կը հրաւիրի, սպասատրներին վազէվազ՝ հագի վը հանի, որպէսզի քեզ «մի պատառ հաց» կերցնէ:

Ու անվերջ իրարանցում, գուրգուրանք, ընկերական ջերմութիւն: Խօսք ու զրոյց մինչև երեկոյ, երեկոյից մինչև առաւօտ:

Այցելութիւններ ընդունել և այցելութիւններ գնալ:

Գնացել ես մօտը մի քանի օրով հանգստանալու և հիւրասիրութիւնից աւելի յոգնած կը վերադառնաս տեղդ: Ու շեռնկատի, թէ ինչպէս անցաւ ժամանակը...

Մի խօսքով՝ ես հիւր էի Դրօյի մօտ, Փլոէշտիում: Գնացել էի մօտը մի քիչ հանգստանալու և թարմանալու: Եւ չզգացի թէ ինչպէս անցաւ ժամանակը: Եւ երբ վերադարձի օրը հասաւ, դեռ մեր խօսելիքների կէսը չէր սպառած: Մինչև կայարան էլ, ինքնաշարժի մէջ, դեռ շարունակեց մեր «խորհրդակցու-

թիւնը»։ Գնացքը քթիս տակից պիտի փախչէր, եթէ մի վայրկեան էլ դանդաղէի և շնեաւէի առաջին իսկ վագոնի մէջ։

Եւ երբ արդէն Բուքրէշից բաւական հեռացել էինք, սուկումով լսեցի տոմսակս քննող պաշտօնեայի յայտարարութիւնը։

— Պարոն դուք սխալ գնաց էք նստել։

Ս. ՎՐԱՅԵԱՆ

## ՆԻՐՈՒՄԸ

1905—906 տարիները...

Դեռ չէր ցամքած Սասունի և Տարօնի նահատակ ժողովրդի և յեղափոխական մարտիկներու արիւնը. դեռ չէր դադրած մորմոքը թիւրքահայու կրծքին վրայ բացւած վէրքին. մանաւանդ ցաւագնօրէն թարմ էր դեռ Կովկասէն Սասունին օգնութիւն փութացող խումբերու բնաջնջման կսկիծը, բնաջնջում՝ ուս և թիւրք զօրքերու կողմէ միաժամանակ...։ Այդ շրջանին էր, որ ցարական Ռուսաստանը, շնական պատրաստակամութեամբ ընդառաջ կեքթար հարեան Թուրքիոյ բոլոր պահանջներուն։ Տնտեսական և ռազմական մեծ ակնկալութիւններ ունէր Ռուսաստանը ի հաշիւ Թուրքիոյ. Գերմանիայէն կուզէր խլել անոր գերակայութիւնը և համեղ պատառները...

Ռուսաստան ունէր նաև ներքին պահանջներ անհաշտ աչքով նայելու Կովկասի հայութեան վրայ։ Հայութիւնը, յանձին Գաշնակցութեան, որդեգրած էր պայքարի ուղին նաև ռուսական բռնապետութեան դէմ։

Կովկասեան հայութիւնը իր ձեռքը առած էր երկրին բովանդակ արդիւնաբերութիւնը և վաճառականութիւնը. ստեղծւած էր մշակութային հարուստ կեանք, — հայ դպրոցներ, հրատարակչական, բարեգործական և նման քաղաքակրթիչ հաստատութիւններ։ Անհանդուրժելի էին այս ամէնը, երբ մանաւանդ այդ շրջանին, հայ տարրը դաշնակից կը դառնար Ռուսաստանի յեղափոխական կուսակցութիւններուն։

Մտածեց և յղացաւ անմիջապէս ազգամիջեան կռիւներ յարուցանելու դիւային գաղափարը, — հայ-թաթարական երկարամեայ պատերազմը եղաւ անոր արդիւնքը։

Թուրք-թաթար բէգերը և աղաները յարմար տարրեր էին այդ ձեռնարկին համար: Եւ ուս իշխանութեան քթին տակ, կողակներու բարոյական — երբեմն նաև ուղղակի — օժանդակութեամբ, թաթար խուժանը յանկարծակիի բերաւ և խուժեց հայ քաղաքներ ու գիւղեր: Ահաւոր էին գազանացած թաթարներում շահատակութիւնները, — ջարդ, թալան, հրդեհ և աւերում: Կատարւած բարբարոսութիւնը հասաւ հոն, որ իրենց դուռներուն ետին պահւրտած, ուռկաններով հայեր կորսային և ներս կը քաշէին մորթելու համար...:

Բագուն հայերու արդիւնաբերական ձեռակերտն էր. Գանձակը, Թիֆլիսը, Ղարաբաղը և Երևանեան նահանգը հոժ հայութեամբ բնակւած էին. հարւածները գլխաւորապէս այդ կէտերուն էին ուղղւած: Հարիւրավոր հայ գիւղեր օրհասական ճգնաժամ ապրեցան:

Սարսափելի անակնկալ մըն էր ուս-թաթարական այս հարւածը:

Բայց հայութիւնը արագ ուշաբերեցաւ: Հ. Յ. Դաշոսպօցութիւնը շուտով ըմբռնեց վայրկեանի ահաւորութիւնը, Անմիջապէս ինքնապաշտպանութեան և ապա յարձակողական խումբեր ստեղծեց, կազմակերպեց և ղեկավարութիւնն իր ձեռքըն առաւ: Հայ ժողովուրդը կեցաւ Դաշնակցութեան կողքին և լծեցաւ կեանքի ու մահուան պայքարի:

Արտակարգ գերմարդկային ճիգերով զինւեցաւ մեր ժողովուրդը. կազմւեցան դիմադրական ճակատներ, պատժիչ խումբեր և զօրակոչի ենթարկւած մեծէն մինչև փոքր, ինչպէս և բոլոր փորձառու հին մարտիկները:

Տարօն աշխարհի և Սասունի «հուրէ ու սուրէ» անցած հրաշք մարտիկները Վասպուրականէն և միւս նահանգներէն կովկաս գտնւող հին հայդուկները ստանձնեցին շրջաններու ղեկաւարութիւնը: Ծոռուզեռ, եռանդ, ինքնուրացում: Այնուհետև շրջանցուցիչ սարսափելի հարւածներ տրւեցան Թուրք և թաթար խուժաններուն:

Հարւածը այնքան ծանր էր և ահաւոր, որ թաթար Դեաները ու պետերը հաշտութեան ձիթենիներով կը փորձէին մօտենալ և կոկորդիլոսեան զղջումով «շէյթան»ին (ոուսերուն) կը վերադարձին ստեղծւած դժոխքը...:

Երևանեան լայնատարած նահանգի ինքնապաշտպանութեան ընդհ. հրամանատարը Նիկոլ-Դումանն էր, մէկը մեր մարտական մեծագոյն ղեկավարներէն:

Անխնայ էր ան ծայրայեղօրէն՝ թշնամիին նկատմամբ. հրամանները՝ դաժան, զորս կարճակէր առանց մկան մը իսկ շարժելու իր դէմքին վրայ. «այս բարբարոսներուն միայն սարսափով կարելի է խելքի բերել», կըսէր յաճախ, խստօրէն արգիլած էր ձեռք դպցնել կանանց և երեխաներու: Բայց երբ դաւադրօրէն հայ մը սպաննէր, մէկի տեղ 3—5 թուրքեր պիտի իյնային:

Մանր ճգնաժամեր ունեցան մասնաւորաբար Ղարաբաղը, Բաղուն: Հին-Նախիջևանը և Շարուրը: Զգալի էր պակասը փորձառու և կորովի ղեկավարներու:

1906-ի սկիզբները, կռիւները զիրար անխնայ յօշոտելու աստիճանին էին հասած:

Նիկոլ-Դուման, լարւած մեքենայի մը պէս, գիշեր-ցերեկ հրամանատարական ղեկին գլուխն էր: Անախորժ կամ վտանգաւոր որևէ տեղեկութիւն կամ սպառնական վիճակ շէր խախտեր անոր հանդարտ, պաղարիւն վճռականութիւնը, այդպիսի պարագաներու՝ մեղէն կելլէր, կը քալէր անկիւնէ-անկիւն և յանկարծ՝ բութամատն ու ցուցամատը միացուցած՝ հատու և որոշ կուտար իր հրամանները, — ոչ մէկ առարկութիւն. պէտք էր անպատճառ կատարել այդ հրամանները:

Օր մը Զանգեզուրէն սուրհանդակ մը կը հաղորդէր իրեն, թէ թուրքերը նեղը դրած էին շեմ յիշեր ո՛ր շրջանը: Մեր ուժերը բաւարար էին հոն, բայց կը պակսէին գործօն և կորովի ղեկավարները:

Դուման, իր սեղանին վրայ, ռազմական քարտէսին քով (որուն վրայ կարմիր-կապոյտ անհամար կէտեր էր գծած) ունէր տրամադրելի ղեկավար ուժերու ցուցակը:



Ճիշտ այդ օրը, գաւառական քաղաքի մը մէջ, օգտուելով իր արձակուրդէն պիտի ամուսնանար երիտասարդ, յանդուգն և Դումանի կողմէ սիրւած մարտական նոր ղեկավարներէն մէկը:

Գաւառական այդ քաղաքը մեծ խրախճանքի մէջ էր: Խրաքապետը տեղի յայտնի ընտանիքէ էր և սիրւած ողջ երիտասարդութենէն:

Պսակը պիտի կատարուէր իրիկունը: Եկեղեցին լուսաւորւած, տեղացիները տօնական հագուստներով խռնւած էին եկեղեցիի մուտքին մօտ:

Ահա՛ և փեսան եկեղեցի կը մտնէ իր զինակից ընկերներով շրջապատւած:

Կուգայ նաև հարսը հարսնետրներով: Արարողութիւնը կը վերջանայ. հարսն ու փեսան դանդաղ կը յառաջանան դէպի ելքը. այդ վայրկեանին մարդ մը արագ քայլով կը մօտենայ փեսային և թուղթի կտոր մը կը յանձնէ անոր:

Հեռագիր մըն էր (գրւած պայմանական լեզուով). Նիկոլ-Դումանը կը հրամայէր՝ անմիջապէս մեկնիլ Զանգեզուր...:

Խմբապետ փեսան, վայրկեան մը շշմած, կարճանանայ. շուրջիները իրար կանցնին, բայց շփոթութիւնը ակնթարթ մը միայն կը տևէ: Խմբապետը՝ անվրդով և դանդաղ՝ կը շարունակէ իր երթը հարսին քովէն, բայց երբ տուն կը հասնին և ընտանիքի հարազատները կը բոլորին նորապսակներու շուրջը, նոր փեսան կը մօտենայ իր հօրը և կըսէ.

— Հայրի՛կ, հրաման է եկեր Դումանէն, պիտի երթամ անմիջապէս... կինս քեզի կը յանձնիմ, պիտի պահես ինչպէս քո զաւակը...

Հայրը, աւանդապահ, ծանրագլուխ իշխանաւոր, կը շփոթի, կարծես շրմբունելով իմաստը տղայի խօսքերուն, ապա կը մըմնջէ.

— Աղաք չէ՛, բալէս... մեղք է... վա՛ղը կերթաս:

— Չէ՛, հայրի՛կ ջան, չի՛ ըլլի, հրամանը հրաման է, կռիւ է... և դառնալով իր զինակից ընկերներուն.

— Դէ՛, տղերք ջան, ձիերը թամբէք:

Ապա արագ կը մօտենայ հօրը և մօրը, ջերմօրէն կը համ-

բուրէ անոնց դողդոջ ձեռքերը, կը շոյէ հարսին գլուխը և դուրս կուգայ...:

Պսակէն ուղիղ դէպի մահ կերթայ անխռով: Այսպէս էր սերունդը այն ատեն:

— Այդ փեսան մեր անմոռանալի բնկերն էր՝ Դրօն:

ՎԱՀԱՆ ՓԱՓԱԶԵԱՆ

(ԿՈՄՍ)

## ՄԵՍ ՔԷՆԸ

(Հատուած «Աւարայրի ոգեշնչումը» յօդուածաշարի համանուն գլխից)

1918 թ. Մայիսի 21ին, Զաջուռի՝ զօր. Նազարբէգեանի գլխաւոր շտաբից տեղեկացւեց. «Առաւօտեան շատ կանուխ, թուրքերն առանց նախազգուշութեան, հակառակ զինադադարին, անցան Ախուրեան և ոմբակոծեցին քաղաքը. որոշել է նահանջել Ղարաքիլիսա, Անկասկած, թուրքերը միւս կողմից պիտի շարժեն դէպի Երևան»:

Դէպի Նոր-Բայազէտ փախչելու ձայները բազմացան ուշա-կորոյս ամբոխի մէջ. մասնաւորապէս ունեւոր դասը ու հայ-կական թշուառ խանութպանութիւնը ճւաց տենդահար խուճա-պով:

(Ազգային (Երևանի) Խորհրդի նիստերը յուզումնալի էին, կրքոտ: Առաջարկ կար Նոր-Բայազէտ խոյս տալու):

Ահա այդ վայրկեանին ոտքի է կանգնում Արամը իր պար-թե հասակով, զահմոտ կերպարանքով, թաւ յօնքերը սև կայ-ծակների պէս գալարուն, շրթունք ու ակռաները իրար սըղ-մած, ուժգնօրէն հարւածում է սեղանին, թէ «Երևանը չե՛նք դատարկի, և պէ՛տք է կուենք, դիմադրենք թշնամուն, մինչև մեր վերջին կաթիլ արիւնը, մինչև վերջին գնդակը»:

Բռունցքի իր հուժկու հարւածը, իր ահեղ ձայնն ու իր վճռական խօսքերը Ազգային Խորհրդի անդառնալի վճիռն է:

(Քաղաքի բոլոր ճամբարներին պահակներ են դրում: Թշ-նամին դէպի Երևան է խուժում Բաշ-Աբարանի և Սարդարա-պատի վրայով:)

Զօր. Սիլիկեանն առանց վայրկեան կորցնելու՝ իր փոքրաթիւ բանակը շարժման մէջ է դնում: Արդէն առաջացած տարիքով, համակ մազ ու միրուքով այդ փոքրիկ, ջլուտ, բայց դիւրաշարժ և հմուտ զինւորականը կուի ձայն դառնում է բոց ու կրակ, իր նպատակը ինքնապաշտպանութիւնը չէ, այլ յաղթանակը. հակառակ արտաքոյ կարգի դժւարին, եթէ ոչ անյոյս պայմաններին, թշնամու ոյժերը շարաշար խորտակելու իր հաւատը վարակիչ ու սրտապարար է ամէն տեղ, ուր յայտնւում է այդ ալեհեր, անվեհեր ու կորովի ծերունին: Այդ հաւատի խոշոր սիւնն է Արամը, որ կազմակերպում է թիկունքը մի խստութեամբ ու արագութեամբ, որ հասնում է մոլեգնութեան: Ամէն կողմ եռուզեռ է, ամէն ոք, մեծ ու փոքր, ծեր թէ տղայ, կին թէ մարդ, թիկունքում շարժման մէջ են բանակին օգնելու, ով ինչով կարող է:

Ազգային Խորհրդի հետ միակամ, զօր. Սիլիկեանը Սարդարաբադը յանձնում է զօր. Փիրումեանին և Բաշ-Աբարանը Դրօյին:

Այս հնչուն, կոշտ, գրեթէ նախնական յորջորջումը—ԴՐՕ—որ մետաղեայ արկղի վրայ՝ բռունցքի ուժգին հարւած ասես, յաճախակի արտասանւեց և համաժողովրդական դարձաւ այս պատերազմի ընթացքին, որպէս մեր կամաւորական գնդերից մէկի խիզախ, աներկիւղ գլխաւոր:

Հապա նրանից առա՞ջ...

Ամրան տաք օրերին, Իգդիրի փոշոտ փողոցներով, տարիներ առաջ, ամէն երեկոյ, առանց թամբի և իսպառ մերկ և անսանձ ձիու վրայ՝ մի վեց-եօթ տարեկան ջլուտ ու նիհար մանուկ էր սլանում, նոյնպէս մերկ՝ ինչպէս իր երիվարը:

Փոքրիկ Դրօն էր... Դրաստամատը, իսկական անունով:

Օրւայ այդ պահին, իր հօր՝ քաջածանօթ Մարտիրոս Կակոյի ձին ջրելու և զովացնելու համար Իգդիրի մեծ առուն էր առաջնորդում, ինքն էլ լողանում կենդանու հետ, նրա թիկունքին ցատկելով, մերկ սրունքներով նրա կողերին պլլւած և ձեռքերով բաշին կախւած, սիրում էր արշաւել փողոցներով գէպի շուկայ. շորս կողմից բարձրացած ծիծաղին ու կատակին պատասխանում էր վրանբաց թշնամանքներով և շարունակում իր անօրինակ արշաւը, որսկան բազէի լիչս՝ ամեհի երիվարի թիկունքին թաւած:

Փոքրիկ Դրօն շէր սիրում, որ խաղն ու զւարճութիւնն իսկ, անլուրջ սրախօսութեան ու ծիծաղի նիւթ դառնար: Այդպէս էլ մնաց միշտ. ամենէն վտանգաւոր, ամենէն յանդուզն ձեռնարկներն իր գերագոյն հաճոյքներն եղան: Ուսման օրերին Օրեանի գիմնազիտներ շատ շուտ լքեց, հեռացաւ, վասնզի դասարանի պատերը ճնշում էին և կարգապահութիւնն անտանելի էր իր յախուռն, ազատասէր խառնւածքին:

Հազիւ երիտասարդ, կատարեց իր ծննդավայրի ամենէն աղմկալի, ամենէն գեղեցիկ ամուսնութիւնը, սիրահարուեց իր հօր մահացու հակառակորդ ազատատոհմի՝ Աւագեանների աղջկայ՝ գեղանի Նւարդի վրայ. սէրը փոխադարձ էր ու երկու կողմի շկամութեան, գեղջուկ դաժան բռնութեան մէջ, մի նոր Ռոմէօ և Զուլիէտայի դրամա հիւսեց, մինչև որ երկու թայֆաների յամառութիւնը փշրուեց և Իգդիրի այս ամենէն կտրիճ ու խենթուկ տղայի և ամենէն գեղեցիկ աղջկայ սէրը յաղթանակեց:

Եւ այնուհետև, ինչպէս և նրանից առաջ էր, նա Հ. Յ. Դաշնակցութեան ռազմիկ խմբերի էն անձնուրաց, առասպելական անվնահերութեան և ճարպիկութեան հասնող քաջարի վարիչն էր, որի անունից դողում էին ցարական մեծ ու փոքր պաշտօնեաները, վասնզի իր հարւածները միշտ շեշտակի էին, անխաբ ու արդար: Եւ իր ամէն մի այդպիսի հարւածից յետոյ, քանի՛-քանի՛ հայ մայրեր կրկնեցին... «Օրհնեալ լինի քո բազուկը և քո ծնունդը»:

Իր զարմանալի և միշտ մահասարսուռ արկածներով հարուստ կեանքը տակաւին չէ պատմւած — թո՛ղ այդ կատարե՞ն մեր հետագայ սերունդները. և որքան շուտ՝ այնքան լաւ, վասնզի անհատական հերոսութիւնների թողած իր օրինակները միշտ կը մնան բարձր ներշնչումների աղբիւր այնքան ժամանակ, որ մեր բախտի անիւր իր ճամփան չի գտել:

Դրօն մեն-մենակ վարանոտ ու անջիղ բազմութիւնների համար մի հզօր ու բեղուն դաստիարակութիւն է:

Հազիւ միջահասակ, կուռ ու թիկնեղ կազմւածքով, առնական գեղեցիկ գլուխը հաստատօրէն նստած կարճ պարանոցին, շատ մեղմ, գրեթէ նուրբ դիմագծերով այդ երիտասարդը ամբողջապէս իր զոյգ աչքերի մէջ է. նրանք խորունկ են, իմացական և ուժեղ. իր հայեացքի դիւթիշ զօրութիւն ունի

անգամ իր հանդարտութեան մէջ և երբ մռայլում էր, յօնքերը կիտում և նուրբ շրթունքները ջղայնօրէն կծկում, այդ փոքրիկ մարդը դառնում է մի ահաւոր ու սասանեցնող հսկայ:

Իր ցասումի տարերային պոռթկումը միշտ վտանգաւոր է, վասնզի երբէք առանց հետեանքի չի անցնի:

Մասնաւոր կամ մտերմական յարաբերութիւնների մէջ և նամանաւանդ ընկերական շրջանում անուշ, քաղցրախօս, կատակասէր. նա խստասիրտ է և անողորմ ստանձնած գործի պարտականութեան ճամբին: Անզիջող ու անվարան, յամառ և հետևողական, նա դադար չի առնի մինչև շիրագործի թէկուզ և ամենավտանգաւոր, և մահառիթ ձեռնարկը: Ոչ մի արգելք կարող է նրան իր գծած ուղուց շեղել:

Եւ որչափ համեստ, ինքնամփոփ:

Ոչ ոք գիտէ իր ծածուկ և յայտնի խիզախութիւնների մանրամասները: Ընկերների համար հազար ու մի զւարճալի զրոյցներ ու պատմութիւններ ունի, բայց իր հերոսական կեանքի ու գործունէութեան, այնքան անգամ հաստատ մահը թեակոխ իր արիութեան մասին ոչ մի խօսք. մի՛ հարցնէք, կը ձանձրանայ և լուռ կը մնայ:

Իր հեզ, քաղցր և ընկերասէր բնաւորութեամբ յիշեցնում է անզուգական Նիկոլ Դումանին, որի աջ բազուկն եղաւ միշտ յեղափոխական գործունէութեան մէջ և որ նրան սիրեց միշտ, որպէս իր կորիւնը:

Մեր կամաւորական կռիւների օրերից, կարծեմ 1916-ից, ծանրապէս վիրաւորւած ճակատում, հազիւ ճողոպրած է մահից և մինչև այսօր գնդակը իր կրծքումն է թաղւած: Եւ անիծւած արճիճի ծանրութիւնը թոքերի մէջ, յաճախ արիւն թքելով, Դրօն ամբողջ պատերազմը տևողութեանը կռիւների մէջ է և երբէք չի պարտւել:

Թէ ինչպէս գաղտնի, անհատական ու դաւադրական գործունէութիւնից դուրս եկած նա դարձաւ ռազմագէտ, աննման հրամանատար, դա իր գաղտնիքն է. փաստն այն է, որ մեր ամենածանր օրերին արևմտեան Հայաստանում կուելուց յետոյ, նրա գունդը 1918-ի գարնանը պայքարում էր Արարատեան աշխարհում: Բարդողեան լեռնաշղթայի և Մասիսի փէշերի իւրաքանչիւր բլուր ու ժայռ նրա հերոսութիւնների լուռ վկաներն են:

Ահա գորավարը, հայ ժողովրդի ծոցից ելած աննման մարտիկը, որին վիճակած էր այնքան վճռական դեր կատարել 1918 թվի Մայիսի վերջերի կռիւներում, Սարդարաբադի յաղթանակի մէջ:

\* \* \*

Եւ այսպէս, Մայիսի 21-ին կռիւն սկսւած է Սարդարաբադում և Բաշ-Աբարանում: Վերջինիս պաշտպանութիւնը ամենէն վտանգաւորն է. այդտեղի ձախողանքը պիտի անդրադառնայ ոչ միայն Սարդարաբադի, այլև Ղարաքիլիսայի բախտին, ուր նոյնպէս սկսւած է մեծ ճակատամարտը:

Դրօն է Բաշ-Աբարանում, անյաղթելի Դրօն:

Եւ մինչ Դրօն կուում է յաղթականօրէն, յանկարծ լուր է հասնում Երևանում, թէ Սարդարաբադի բանակը նահանջում է: Ի զուր զօր. Սիլիկեանը բացատրում է, համոզում, թէ բնաւ վտանգ չկայ, որ եղածը պարզ ռազմագիտական խաղ է (մանեովր) թշնամուն բաց դաշտը քաշելու և վճռական ճակատամարտը տալու համար: Ի զուր Ազգային Խորհրդի պատշգամբից Արամը ճգնում է հանգստացնել յուզւած, ալեկոծ ամբոխին:

Սպառնալիքով ու հայհոյանքով, կատարեալ ժողովրդական ապստամբութիւն: Արամի կեանքն իսկ վտանգւած է, ինչպէս և Ազգային Խորհրդի անդամների: Եւ յանկարծ պատշգամբից լսում է Արամի որոտածայն հրամանը.

«Կրակեցէք ահա այս երկու սրիկաների վրայ»:

Վարում կանգնած պահակները կրակում են խոռվարար երկու գլխաւորներ վրայ, և ըմբոստացած խուժանը ցրիւ է գալիս, մինչ միւս կողմից բարձրանում են «Մեր Հայրենիք»ի գոռ հնչիւնները, «Կեցցէ՛ Արամը, կեցցէ՛ Ազգային Խորհուրդը» աղաղակները:

Որպես մեր հին հերոսական օրերի մի հզօր արձագանգ, բարձրացաւ հրամանատար զօր. Սիլիկեանի կողը՝ հայ ժողովրդի:

Այս սրտաշարժ կոչը և Արամի հուժկու կամքը ապարդիւն չանցան. ճակատը թարմ ուժերով անընդհատ ամրացաւ:

Այո, Դրօն սեղմել է թշնամուն և հալածում է անխնայօրէն. բայց Սարդարաբա՞ղը, Սարդարաբա՞ղը...

Եւ այն գիշեր Հայոց Աշխարհի երկու հսկաները, Մասիս և Արագած, մէկը մոայլ ու ահարկու, միւսը՝ պառաւ կաթոգին մայր, նայում էին իրենց ոտքերի տակ յեղյեղուկ անցքերին: Դարերից ի վեր առաջին անգամն էր իրենց զաւակների այս մրրկշաշունչ ընդվզումը թշնամիների դէմ: Հին քէնը թանձրացել էր, Այրարատեան դաշտը թնդում էր ահեղ բախումներից, Արաքսը փրփրուն նժոյգի պէս ծառս ելած ալիքներով կատաղօրէն իր կուրծքն էր ծեծում ու հաւար կանչում. Մասիսի այրերից սանձակոտոր հողմերը դուրս էին պրծել ու սուրում էին դաշտերի վրայ մտրակելով խաւարը, ոռնում էին ու ճշում սրտապատառ. Արագածի կատարին մի ամպ էր խտանում, և աստղերը երկնքում մեղմիւ շշնջում էին իրար Հայոց Աշխարհի հէքիաթն անծայր: Եւ վարում՝ կռիւ էր անողորմ ու արիւնահեղ, երկու բանակները իրար պլլւած որպէս երկու վրիժածարաւ վիշապներ:

Մայիս 28-ի երեկոյեան հասաւ վերջապէս այնքան տենդով սպասւած լուրը: Ազգային Խորհրդի պատգամի առջև հազարաւոր ամբոխը հելում էր անհանգստութիւնից ու անհամբերութիւնից: Ցաղթութեան ձայներ էին շշնջում իրար: Հաւատա՞լ... յոյսի ու երջանկութեան դողոցք ամէն կողմ: Արամը երևաց պատշգամբում շրջապատւած գործակիցներով. հայեացքները դարձան նրան: Հեռագիր կայ ձեռքին, յուզմունքից գունատ է, բայց ժպիտ կայ երեսին: Այդ մոայլ մարդը ուրախ է իր ձեռքի խորհրդաւոր թերթիկով, որպէս մանուկըն իր բռնած թռչնիկով: Քար լռութիւն: Բազմութիւնն ասես շնչելուց իսկ դադարել էր, ամբողջ այդ գորշ, եռուն զանգւածը դարձել էր մի հատ աչք և լսողութիւն: Մովսէսը Սինա լեռից աւելի մեծ պատգամ չէր բերել Իսրայէլին...

«Ժողովո՛ւրդ հայոց, լսեցէք մեր քաջարի հրամանատար զօր. Սիլիկեանի հեռագիրը».—

«Հինգ օրերից ի վեր տևող ճակատամարտը վերջացաւ թշնամու կատարեալ պարտութեամբ»:

## «ԿԱԽԱՐԴՕՐԷՆ ՔԱԶ»-Ը...

1956 Մարտ 8-ին, երեկոյեան ժամը 8.45-ին, հեռաւոր Ամերիկայի մէջ, փակւած վերջին էջը յիսուն և աւելի տարիներում գործօճ պատմութեան, որուն առաջին էջին վրայ գրւած էր կարճ անուն մը—ԴՐՕ:

Դեռ մինչև երէկ կեանք էր. հիմա դարձաւ պատմութիւն:

Դեռ մինչև երէկ գործ էր. հիմա դարձաւ ոգի:

Մահուընէն քառորդ ժամ առաջ մահկանացու մարդ էր. մահուընէն քառորդ ժամ ետք դարձաւ, եղաւ խորհրդանիշ մը:

Աշխարհէն հեռացաւ՝ մտնելու համար այն Ոսկեմատեանին մէջ, որ կը կոչւի Հայոց Նորագոյն Պատմութիւն:

Սերոբ, Գէորգ Զաւուշ, Քեռի, Խէչօ, Մուրատ, Անդրանիկ, Սեպուհ, Դրօ և ա՛յնքան ուրիշներ,— զինւորեալներ հայրենի հողին և հայրենի ժողովուրդին,— ասոնք բոլորը իրենց ձեռքով գրեցին Հայկական Դիւցազներգութիւնը վերջին 60-ամեակի ընթացքին:

Վաղը, Մարտ 18, յիսուն տարւան անգիր պատմութիւն մը կը յանձնւի հողին, հեռաւոր Ամերիկայի մէջ:

Շրջան մը կը փակւի իրմով, ուրիշ շրջան մը կը բացվի դարձեալ իրմով:

Հսենք տակաւին.— Այս Մէկը մարմինով մեռաւ դուրսը, բայց հոգիով մնաց ներսը: Մարմինը թաղւեցաւ հիւրընկալ, այս օտարի հողի մէջ, բայց սիրտը մնաց հայրենի երկրին մէջ:

Հայ էր. քառասուն հազար եղբօր սիրով կը սիրէր իր ժողովուրդը:



Հայ էր. «այս նիւթին վրայ պատրաստ էր մրցել սրա նրա հետ, մինչև թարթիչներն այլևս շարժւեն», ինչպէս որ կըսէր Շեքսպիր՝ Համլետի բերնով:

Հայ էր: Ո՛չ այն հայերէն, որոնց ներկայութեան կարելի է վատաբանել հայութիւնը, այլ այն հայերէն, որոնց մօտ ոչ ոք կը համարձակի աննպաստ բառ արտասանել հայութեան դէմ:

Յովհ. Թումանեան առիթով մը կը գրէր Ալեքսանդր Խատիսեանի մասին. «Այնքան հայ էր, միակը ամբողջ հայութեան մէջ, որ ես իսկ նրա ներկայութեանը վախեցում էի վատ խօսք ասել հայ ժողովուրդի հասցէին»:

Եթէ «այսքան» հայ էր Ալեքսանդր Խատիսեանը, առաւել հայ էր Դրօ Կանայեանը, որուն ո՛չ թէ ներկայութեան, այլ բացակայութեան իսկ կարելի չէր «վատ խօսք ասել հայ ժողովուրդի հասցէին»:

Հայ էր և Մամիկոնեան, թերևս վերջին շառաւիղներէն Մամգուններու առասպելական տոհմին, որ «արութեան գործեր» արձանագրեց Հայոց Պատմութեան մէջ:

Դրօ Կանայեան. ո՛չ, Դրօ Մամիկոնեան, — խիզախ, յանդուգն, ձեռքը միշտ սուրին վրայ, ամէն վայրկեան պատրաստ մեռնելու «վասն հայութեանց»:

Ո՛չ միայն ասպետական շունչ էր, այլ և բարախուն սիրտ: «Շատերէն մէկը» չէր, այլ «շատերուն մէջ Մէկն» էր: Մեծ էր՝ երբ ողջ էր. կարծես աւելի՛ մեծցաւ՝ երբ ողջ չէ այլևս:

Իր բազուկը խնայել չէր գիտեր թշնամիին, բայց կը դառնար գուրգուրոտ ձեռք՝ հարազատին ու բարեկամին համար:

Քանի՛ անգամ բարձրացած էր իր անվեհեր բազուկը՝ անխնայ պատուհասելու համար հայատեաց, հայաջինջ ու հայադաւ իշխանաւորները, պարզ ոստիկան ըլլային թէ իշխան կամ փոխարքայ:

Իր կեանքը, մրրկայոյզ ու ալեծուփ, անվերջ նւիրում եղաւ, անվախճան զոհաբերութիւն իր ժողովուրդին և հայրենիքին համար:

Համեստ էր, խոնարհ, գրեթէ միշտ բացակայ, երբ իր մասին խօսէր:

Կը դառնար սակայն խօսուն, առատաբան, գրեթէ ճարտասան, երբ խօսք ըլլար ուրիշներու մասին:

Քաղցր էր առօրեայ կեանքի մէջ, մեղր ու կարագով ծեփւած շաքարահացի պէս քաղցր էր, բայց խստասիրտ ու դաժան՝ անոնց հանդէպ, որոնք կրնային, որոնք կուզէին ո՛չ թէ «վատ գործել» իր ժողովուրդին համար, այլ «վատ խօսել» անոր հասցէին:

Համակ ժպիտ էր հարագատներուն հետ: «Կը մարի՛մ կոր», կըսէր կատակով կամ անմեղ հեզնանքով, երբ ունկնդիր ըլլար, — ակամա՛յ ունկնդիր, — քաղցր զգացումի մը արտայայտութեան իր անունին, հմայքին, համբաւին կամ անցեալին մասին: Եւ խօսքը կը դարձնէր ուրիշ կողմ:

Իր աշխարհը հայրենիքն էր, երկիրը, իր զինակիցները: Անխառն հաճոյքով, անսահման հիացումով կը խօսէր մանաւանդ իր «մեծ ուսուցիչ»ին՝ Նիկոլ-Դումանի մասին:

Նիկոլ-Դումանը կուռք մըն էր իրեն համար, ինչպէս որ ինք կուռք մըն է հիմա մեզի և այլոց համար:

Ռազմիկ էր: Իր նկարագրին, իր խառնածքին, նախասիրութիւններուն, կարողութիւններուն, տաղանդին, թերևս նոյնիսկ հանճարին տիրական գիծը տւած կըլլանք այս երկու բառերը անդամ մը ևս կրկնելով. — «Ռազմիկ էր»:

Պիտի շնորհանինք ըսելու, թէ այդ «գիծը» կրնար մարազախտի գաւազան մը շահեցնել իրեն, եթէ ապրած ու գործած ըլլար ուրիշ ժողովուրդներու մէջ և ուրիշ ժողովուրդներու համար: Բայց նախընտրեց «զինւորն ըլլալ իր ժողովուրդին, քան «մարազախտ» ուրիշներու համար:

Կը հաւատանք սակայն, թէ մեր խօսքը ո՛չ կաւելցնէ, ո՛չ կը նւազեցնէ հերոսին փառքը: Որովհետև փառքը, որուն հասաւ ան իր ողջութեան, որուն կը հասնի ահաւաստիկ նաև իր մահէն ետք, աւելի է, քան մարազախտի գաւազանը, աւելի՛ քան տրւած կամ ստ՛ւած շքանշանները:

Մեզի համար, իր ընկերներուն և բարեկամներուն համար, զինք սիրողներուն և շփրողներուն համար, Հայոց Աշխարհին և Հայոց Ժողովուրդին համար, Դրօն՝ հիմա բացակայ, բայց միշտ ներկայ, յիսուն տարւան պատմութիւն մըն է, յիսուն տարւան դիւցազներգութիւն մը: յիսուն տարւան յւղթերգութիւն մը:

Ինչ որ հողեղէն էր իր մէջ, պիտի երթայ միանալու հողին: Ինչ որ ոգեղէն էր իր մէջ, պիտի մնայ և պիտի երկարաձգւի իրմէ անդին, ժամանակին և տարածութեան մէջ:

Ան յաղթեց ժամանակին և տարածութեան:

Եւ այս է փառքը, մեծ, իրական, անկորընչելի փառքը:

Հիմա որ փակւած է դագաղը, և փակւելու վրայ է նաև հողակոյտը, մեզի կը թւի, թէ իր հին գինակիցները, որոնք միասին կուեցան, բայց միասին չմեռան, պիտի ըսեն իրեն.

Պե՛տք է, որ դո՛ւն մեռնէիր, մանաւանդ դո՛ւն, երբ մե՛նք ողջ ենք դեռ...»:

«ՅՈՒՍԱՔԵՐ»

### ՅԻՇԱՏԱԿԻՆ ԱՌՋԵՒ

Մեր ողբեցեալ մեծանուն ընկերոջ՝ Դրոյի մարմինը «Հայրենիք»-ի Սրահը փոխադրւեցաւ, ուր մնաց Շաբաթ և Կիրակի, պատեհութիւն տալու համար հայ ժողովուրդին, որ գայ ու իր վերջին յարգանքը ընծայէ:

Եկաւ ժողովուրդը, արցունքն աչքերուն, կսկիծը սրտին, խոնարհելու համար հայութեան դիւցազն զաւակին առջև, որ պիտի շմոռցւի: Կարելի չէ բացատրել այն յուզումը, որ կը համակէր հայ բազմութիւնները, որոնք, յանձին Դրոյի, հայ ժողովուրդի հինաւուրց ոգին և քաջութեան ու զոհարարութեան պաշտելի առաքինութիւնները կը պանծացնէին:

Ահաւոր է մահւան գաղափարը և անընդունելի վերջնական ոչնչացման զգացումը: Մարդկային միտքը չը կրնար հաշտւիլ երբեք այս ահռելի վարկածին հետ:

Ի՛նչպէս հաւատալ, որ Դրօն, մէկը մեր ժողովուրդի դիւցադուններէն, որ հայուն թշնամիները գետին փռած է, արիւնատենչ վիշապները «քաղած» է, ինչպէս առասպելական Վահագնը, մէկը՝ որ բանականեր շարժման մէջ դրած և յաղթանակներ շահած է, հայութեան անունը պանծացնելով, մէկ էրէն միւսը անէութեան մէջ իյնայ, Մե՛ծ Ոչինչին ամենակուլ գոգը:

Ուրեմն ամէն բան վերջացա՞ծ է. ուրեմն փոշի՞ կը դառնայ մեծ ու շքեղ այն մարդը, որ հայութեան նոր ժամանակներու

փառքը հանդիսացաւ և հայոց պատմութեան շքեղագոյն էջերէն մէկ քանին գրեց իր քաջութեամբ ու արիւնով:

Ի՞նչպէս հաշտուիլ այս ահաւոր ու ցուրտ իրականութեան հետ:

Մահը անխուսափելի է, որուն շուշին առջև կը խամրին կեանքի գեղեցկագոյն ծաղիկները, մարդկային դիւցազնական դէմքերը, ստեղծագործ հանճարները, աննւաճելի խառնուածքները, անբեկանելի կամքերը:

Ի՞նչպէս հաւատալ...

Վէճ չկայ սակայն այս մասին, ո՛չ ալ դարման. ո՛չ ալ խուսափումի որևէ միջոց:

Յաղթական է մահը, անողոք, անճողոպրելի՝ իր շնական քրքիջով, իր մահասփիւռ խորշակներով, մարդկային ամենէն շքեղ և դիւցազնական արարքներուն հանդէպ: Խաւար է կեանքը ամենէն փաղփուն լոյսերուն հանդէպ:

Դառն, կծու իրականութիւն մը, որուն երկաթէ մագիլներուն տակն են բոլոր արարածները, կեանքի բոլոր արտայայտութիւնները և հետևաբար, արարչագործութեան գեղեցկագոյն ստեղծագործութիւնը՝ մարդը, իր հանճարով, իր երազներով և գերմարդկային թւող իր նւաճումներով:

Ճիշդ՝ այս ամէնը, անվիճելի ու վերջնական:

Սակայն այս բոլորը մէկ երեսն են միայն խորհրդասքող իրականութեան, կեանքի ու մահւան միջև տեղի ունեցող մեծ գօտեմարտին:

Ամենազօր է Մահը, անընկճերի և անպարտելի. սակայն կեանքը իր կարգին պակաս չէ իր զօրութեան, գոյութեան, նաև իր գաղափարական յաղթանակներուն մէջ:

Դրօնները յաղթական ու դիւցազնական, կը մեռնին, բայց շեն կորսւի: Փոշի կը դառնան բայց շեն անհետիր իբրև բուրմունք. կապրին՝ իբրև յուշք ու յիշատակ, իբրև անշէջ կրակ, իբրև անդրշիրիմեան յաւերժական Առաջնորդ:

Մահը, մեծ Անծանօթը, իր զօրութիւնը և իր ճիրանները կրնայ տարածել մարդոց միայն մարմիններուն վրայ. նիւթեղէն գոյութեան, վրայ, սակայն անզօր է ան կեանքին հանդէպ, շօշափելի, փխրուն և առժամանակ գոյացութեան որ կը ծաղկի միշտ ու կը ծլարձակի և յաւիտենական է: Նոր Դրօններ

կը յառնեն, նոր դիցազուններ կընծիւղին հին արմատներուն, անկորնչելի կոճղերուն վրայէն:

Մահն անգոր է անշօշափելի արժէքներուն հանդէպ, որոնք շեն հպատակիր Մահւան իշխանութեան:

Դրօշի դագաղին առջե՛ մարդիկ արցունքն աշքերուն մէջ, կրնան հառաչել, թէ «մեռա՛ւ Դրօն». սակայն կրնան բացագանչել նաև «կեցցե՛ն նոր Դրօները», որոնց պիտի գան, Դրօշի ոգիէն ծաղկելով, անոր գաղափարներէն յափշտակած, անոր յիշատակին կեանքին ու գործին կրակներէն տաքցած:

Մարդը և անոր շքեղագոյն տիպարները աննւաճ կը մնան իրենց ոգիովն ու գաղափարներով: Կը մնան անմահ, յաւիտենական:

Չեն մոռացւիր և շեն մեռնիր:

Հրացանի այն գնդակը, որ աւելի քան քառասուն տարիներ առաջ խոցեց ռազմադաշտին վրայ մեր աննման հերոսին կուրծքը, շկրցաւ մեռցնել զայն: Քառասուն տարի մնաց ան իր թոքերուն մէջ, և նոր, իր մահէն ետքը միայն հանւեցաւ: Գնդակը, կապարի կտոր մը, այսօր մետաղի բեկոր մը շէ այլևս. նւիրական աւանդ մըն է, պատմական մասունք մը, անմահ վկայութիւն մը՝ վախճանաւոր Դրօշի անվախճան գոյութեան. անոր անվեհեր քաջութեան: Պիտի յիշելի ան դարէ դար. հայկական թանգարաններուն մէջ պիտի ապրի, ապրեցնելով Դրօշի յուշքը, որքան ատեն որ ապրի հայ ժողովուրդը:

Գնդակին հետ պիտի ապրի Դրօշի փառքը, որ հայունը պիտի ըլլայ. յանդուգն խոյանքն ու զոհաբերութեան թափը, որոնցմով ապրած է մեր ժողովուրդը:

Յաւիտենական փա՛ռք հայ հերոսներուն և պատի՛ւ հերոսածին հայութեան:

«ՀԱՅՐԵՆԻՔ»

Դ Ր Օ

Այս անունով ծանօթ է ան, Դրաստամատ Կանայեանը, եւ հայ ժողովուրդի յիշողութեան, ինչպէս Հայոց Պատմութեան մէջ՝ այս անունով պիտի մնայ, կայծակի մը ուժովն ու փայլովը:

Դժուար է, անկարելի նոյնիսկ հաւատալ, թէ Դրօն, հայ հերոսներու պանծալի փառագին ամէնէն շքեղ ու վերջին անգամներէն մէկը՝ մեզի հետ շէ այլեւս:

Այս կեանքէն հետու է, շատ հեռու, յաւերժօրէն...

Անողորմ մահուան շունչը հասած է նաեւ Անոր, որ կը թուէր անմահ ու անխոցելի, Մահուան դէմ ճակատած էր, մէկէ աւելի անգամներ:

Այնքա՛ն ուժ, այնքան դիւցազնութիւն, գաղափարական ու գործնական այնքան յանդգնութիւն՝ մէկ մարդու մէջ, դժուար է գտնել պատմութեան մէջ:

Եւ հազուադէպօրէն այնքան բարութիւն ու գուրգուրագին սիրտ՝ արիւնէն ու արկածներէն շվախցող այս արտասովոր մարդուն մէջ:

Նախախնամութիւնը շատ քիչ անգամ ստեղծած է նման դէմքեր, ուր մարդկայինն ու աստուածայինը միաձոյլ՝ ներդաշնակուած էին իրարու հետ:

Դրօ, իր լայն ու ամուր ճակատով, կլոր ու համակրելի դէմքով եւ բարի այլ խորաթափանց աչքերով ու անուշ նայուածքով, բացառիկ ստեղծագործութիւն մըն էր. գերազանցօրէն հայկական տիպար մը, ժողովրդական բարքերով ու կենցաղով, այլ հոգեկան ազնուականութեամբ:

Ուժի, զօրութեան եւ անսպառ հաւատքի բիւրեղացած խտացումն էր ան, որ յարգանքի զգացում կ'արթնացնէր իր շուրջը, առանց պարտադրութեան արուեստական ճիգերու:

Երիտասարդ տարիքէն, կէս ձգած դպրոցական կեանքը, նետուեցաւ ան Հայկական Յեղափոխութեան կրակէ ալիքներուն մէջ, եւ, անընդհատ, գործեց ու պայքարեցաւ, զարմանք ու հիացում ստեղծելով իր շուրջը:

Լքելով բարեկեցիկ ընտանիքի մը շնորհած կեանքը, նուիրուեցաւ ան իր ժողովուրդին ծառայութեան, անոր Ազատութիւնը պահանջելով, արիւնի ճամբաներուն վրայ:

Խառնուածքով գաղափարական եւ հոգիով զգայուն ու վսեմ, Դրօ Հայկ. Յեղափոխութեան բոցերուն մէջ թրծուեցաւ, իր կազմակերպութեան՝ Հ. Յ. Դաշնակցութեան գաղափարական դրօշին տակ:

Առանձին չէր ան իր նուիրումին ու ծառայութեան մէջ. իր հետ կային դիւցազնածնունդ ուրիշ դէմքեր, սակայն, ան

գիտցաւ առանձին պատմութիւն մը ստեղծել, իրե՛ն յատուկ միայն, իր քաջութեամբ, յանդուզն արարքներով, զինւորական բացառիկ ընդունակութիւններով:

Դրօշի կեանքը, ինքնին առանձին ու շքեղ դիւցազներգութիւն մը եղաւ, հրեղէն վէպ մը, վիպագրութիւն մը, դասական սլացքներով եւ անօրինակ խոյանքներով:

Իր երիտասարդութեան, յեղափոխականի իր առաջին օրերուն, հալածեց ան հայ ժողովուրդի դաւաճանները եւ անոր թշնամիները. հայ կեանքի հրձիգները, որոնցմէ երկուքը, հայակեր նակաշիճէն, Բագուի զինւորական հրամանատարը, եւ զօրավար Ալիխանով, Ալեքսանդրապոլի նահանգապետը, գետին փռեց, օր ցերեկով, որովհետեւ թաթարական հորդաները գրգռած էին անոնք հայ ժողովուրդին դէմ, արիւնի մէջ խեղդել փորձելով զայն:

Հայ-թաթարական կռիւներուն ընթացքին, արի ու հարուածող բազուկներէն մէկն եղաւ ան Լ. Յ. Դաշնակցութեան, որ հայ ժողովուրդի պատմական ինքնապաշտպանութիւնը կազմակերպեց, ղեկավարութեամբ հերոսատիպ ուրիշ դէմքի մը, անմոռանալի Նիկոլ Դումանի:

Աւելի ուշ, իբրեւ հրամանատար կամաւորական Բ. Գունդին (1914—16), եւ, յետոյ, երկու տարի ետք, Հայաստանի Անկախութեան ստեղծման անհաւասար կռիւներուն ընթացքին, իբրեւ հրամանատար Բաշ Աբարանի ճակատին, մնաց անընկճելի եւ յաղթանակէ յաղթանակ առաջնորդեց իր բանակը:

Անվեհեր դրօշակներէն եղաւ ան Հայկական Ազատամարտին եւ հաւատաւոր դարբիններէն՝ Հայկ. Անկախութեան:

Վահագնատիպ այս հերոսը պարտութիւն չտեսաւ երբեք, ոչ իսկ ձախողանք՝ իր գրոհներուն մէջ, որովհետեւ իրմով իր բանակները կը կերպարանափոխուէին դիւցազնական գաղափարներու:

Համաշխարհային Երկրորդ պատերազմին, իր գերագոյն մտահոգութիւնը եղաւ հայրենիքի հայութեան պաշտպանութիւնը, բախելով անհուն դժուարութիւններու, Առաքելութիւն մը՝ զոր տարաւ պատուով, գնահատուելով հայ ու օտար բարձրագոյն շրջանակներէ:

Խաղաղութեան օրերուն, շմնաց խաղաղ, շարունակեց իր

նուիրական գործը, հետապնդելով Հայկական Դատը, իր պայծառատեսութեամբ ու զոհաբերութեան ոգիով, յարգանք պարտադրելով բոլորին:

\* \* \*

Իր ներկայութիւնը Սփիւռքի մէջ, Միջին Արեւելքէն Եւրոպա ու Ամերիկա, վառ կը պահէր բազմութիւններու մէջ հայրենիքի սէրն ու կարօտը եւ հպարտութեան զգացումներով կը լեցնէր հայկական զանգուածները:

Հայրենիքէն բեկոր մըն էր իր գոյութիւնը, հայրենի լեռներէն հզօր արձագանք մը, բազմահազար մեր մարտիկներէն շքեղ աւանդ մը:

Այսօր, իր մահով, սուգ են բոլորը, տարագիր հայութենէն մինչեւ հայրենիքի մէջ ապրող հայութիւնը, սգաւոր՝ հայրենի լեռներն ու դաշտերը, որոնք իր խոյանքներուն արձագանգը կը պահեն դեռ եւ իր սպիտակ երիվարին վազքերուն դոփիւնը:

Առօրեայ կեանքի մէջ համեստ, ընկերական ու քաղցրաբարոյ այս դէմքը, գործի ընթացքին վճռական միշտ, շարունակեց պայքարը, որ իրը շէր միայն, այլ իր ժողովուրդինը: Խրատեց ու խրախուսեց հայկական բոլոր կազմակերպութիւնները, հայութեան բոլոր ջանքերը՝ մնալու եւ տոկալու: Իրմով ոգեւորուեցաւ ազատատենչ հայութիւնը, եւ, յատկապէս հայ երիտասարդութիւնը, որոցմէ առաջինին՝ փառքը դարձաւ, երկրորդին՝ դիւցազնական մտատիպարը:

Իր երկարատեւ եւ տաժանագին հիւանդութեան օրերուն, պահեց ան հերոսական իր կեցուածքը: արհամարհելով մահը եւ քաջութեամբ դիմագրաւելով ճակատագիրը, այն միակն, այն խոր կսկիծով՝ որ մահը կը գտնէր զինք ոչ թէ ռազմաճակատներու վրայ, այլ հիւանդանոցներու մէջ...

Վրիպած, աննուաճելի այդ Երազին առջեւ, արցունքը կը կախուէր իր անուշ աչքերէն, որոնք փակուեցան ընդմիշտ, իրենց հետ փակելով նաեւ հայոց պատմութեան ամէնէն փառաւոր էջերէն մէկը:

Զգա՞ց արդեօք, ունեցա՞ւ անկարելի պատրանքը, վերջին պահուն, ճակատամարտի մը մէջ իյնալու հպարտութեան, իր սպիտակ ձիուն վրայ նստած:



Ո՛վ կրնայ գիտնալ հերոսի մը հոգեվարքին վերջին ող-  
բերգութիւնը:

Կորսնցուցիներ աննման Դրօն:

Հեռացաւ այս աշխարհէն, մտնելու համար հայոց պատ-  
մութեան էջերուն մէջ. բնակելու համար հայ ժողովուրդի

Ուժի, զօրութեան եւ անսպառ հաւատքի բիւրեղացած  
սրտին, հոգիին մէջ:

Յարգա՛նք ու համբոյր իր մեծ ու յաւիտենական յիշա-  
տակին:

Իր քաղցր ու անմոռանալի պատկերին, որ կ'ընկղմի յա-  
ւերժութեան մութ ալիքներուն մէջ:

Փա՛ռք իրեն, իր սգաւոր ընտանիքին, իր դիւցազնակերտ  
Կազմակերպութեան եւ իր դժբախտ ժողովուրդին:

«ՀԱՅՐԵՆԻՔ»

## ՔԱԶՆ ԴՐՕ ԱԶՔԵՐԸ ՓԱԿԵՑ ՊՈՍՔՐՆԻ ՄԷՋ

Ո՛րքան յաճախադէպ դարձան գուժկան լուրերը: Խոնարհ-  
ներու հետ, կաղնիներ են որ կը տապալին, իրենց ետին ձգե-  
լով սուգ և ամայութիւն:

Անհուն կսկիծով կը գուժենք վերջինը, անփոխարինելի  
կորուստը առիւծասիրտն ԴՐՕՅԻ Պոսթրնի մէջ, տաժանելի  
ճիւղանդութենէ մը ետք:

Շաբաթ օրւան թերթը տպագրութեան յանձնւած էր, երբ  
ստացանք հետեւեալ երկու հեռագիրները.—

Գահիրէ, 9 Մարտ.— Ընկեր Դրօ մեռաւ Մարտի 8ին,  
իրիկան ժամը 8.45ին, Պոսթրնի մէջ:

Պոսթրն, 9 Մարտ.— Ընկեր Դրօ մեռաւ հինգշաբթի, 8  
Մարտ, ժամը 8.45ին:

Անակնկալ մը շէր այս դառն հարւածը: Բժիշկները քանի  
մը շաբաթ ի վեր ամէն յոյս կտրած էին և անխուսափելի կը  
համարէր վախճանը: Ամէն անգամ որ ցրիշը երևար հե-  
ռագիր մը ձեռքը, դող մը կը համակէր մեզ:

Քանի մը տարի առաջ վիրաբուժական գործողութեան մը  
ենթարկեցաւ Փարիզ, մեծ յաջողութեամբ, Ամերիկայի մէջ

ալ ամէն վտանգ անհետացած կը համարէին: Վերջերս կը նեղւէր պարբերական տագնապներէ և Դեկտ. վեցին Պէյրութէն Պոսթըն գնաց, բժշկական քննութեան մը ենթարկուելու համար:

Նախապէս լուրերը յուսատու էին և բժիշկները լաւատես կերևային: Դժբախտաբար, փետրուարի առաջին օրէն իսկ շարաղէտ հիւանդութիւն (խլիրդ) սաստկացաւ, օրէ օր ծանրացնելով իր կացութիւնը:

Հակառակ իր յուսահատական վիճակին, Դրօ նոյն քաջութեամբ կը տոկար, յոյս և կորով ներշնչելով իր շրջապատին, Արդէն հիւանդանոց փոխադրուած էր, և ընկերները կարգով կը հսկէին իր սնարին վերև, մինչ գիտութիւնը ամէն միջոց կը փորձէր, վախճանը յետաձգելու համար:

Այդ անհնարին տագնապին մէջ իսկ, երբ այլևս անդամ մանելի կը համարուէր, Դրօ ընկերներուն դառնալով կըսէ.— «Պէտք է հպարտ ըլլալ, որ Դաշնակցութեան նման կազմակերպութեան մը անդամներ ենք»:

\* \* \*

Անոգոք հարւածին ազդեցութեան տակ, գրիչն անգամ դժւար կը սահի թուղթին վրայ, քանի մը բառով պատկերացնելու համար կորուստին խորութիւնը և կորուսեալին կեանքն ու գործը:

Ա.ռ այժմ քանի մը համառօտ տեղեկութիւններ.—

Դրօ, իր բուն անունով Դրաստամատ Կանայեան, ծնած է 1884 Մայիսի 31-ին, Իգդիր, Արարատի ստորոտը, Աւետիս Ահարոնեանի հայրենակիցն էր և Կակոյենց ծանօթ ընտանիքի զաւակ: Աշակերտած է Երևանի ուսական գիմնազիոնը: Խորապէս ազդուած է իբրև յեղափոխականի ու զինւորականի՝ Նիկոլ Դումանէն, զայն միշտ որակելով «Իմ ուսուցիչը»:

էջմիածնի կալւածներու գրաւման շրջանին տեղի ունեցած համաժողովրդական բողոքի ատեն, մահափորձի կենթարկւի Իգդիրի հայատեաց գաւառապետը, որու հետևանքով Դրօ կանցնի Բագու: Երբ կը սկսին 1905ի հայ-թաթարական կռիւները, նաւթային մեծ կեդրոնին մէջ, Դաշնակցութիւնը կորոշէ մահափորձի ենթարկել նահանգապետ Նակաշիձէն:

Այդ պարտականութիւնը պատիւով կատարեց Դրօն: Անցեալ տարի, գարնան, մտերիմ ընկերներու սեղմ շրջանակի մը մէջ, ան կը յիշեցնէր այդ յիսնամեակը ու կը պատմէր, թէ ինչպէս կատարած էր այդ ահաբեկումը:

Աւելի ետք, ցարական հալածանքներէն խուսափելու համար, Օսմ. Սահմանադրութեան շրջանին Դրօն Պայագլիտ հաստատուեցաւ «Սուրէն» անունով:

Առաջին համաշխարհային պատերազմը երբ պայթեցաւ, վերադարձաւ Կովկաս, կամաւորական շարժման գլուխը անցաւ և առաջիններէն եղաւ որ մտաւ Վասպուրական ու ազատեց բազմահազար ժողովուրդ: Նախ քան Վասպուրական մուտքը, Դրօն ծանրապէս վիրաւոր կը գտնւէր Թիֆլիսի հիւանդանոցը ուր ցար Նիքոլան անձամբ այցելեց և Ս. Գէորգի պատւանշանը տւաւ:

Ռուս յեղափոխութեան շրջանին մեծ դեր կատարեց Երեւանի և Թիֆլիսի մէջ:

Մայիս 28ի նախօրէին Սարտարապատէն Ղարաքիլիսէ երկարող պաշտպանութեան գիծին կեդրոնը, Բաշ Աբարանի լեռնային շրջանին մէջ, Դրօն հերոսական պաշտպանութիւն մը կազմակերպեց, ազատելով Հայաստանի ժողովուրդը բնաջնջման վտանգէն:

Հայաստանի Հանրապետութեան շրջանին, Դրօ շուզեց նախարար դառնալ, բայց մնաց միշտ հայ զինւորին ու զինւորականներուն կողմէ ամէնէն աւելի յարգւած ու սիրւած անձնաւորութիւնը և փնտռւած գործակիցը զօրավարներ Նազարբէկեանի, Սիլիկեանի և Հախվերտեանի: Հայաստանի ներքին խաղաղութիւնը ամրապնդելու և օտար գրգռիչ տարրերէ ազատելու համար լուրջ աշխատանքներ կատարեց լուռ ու մունջ: Մասնաւորաբար մշտապէս ապահովեց Երևանի ու Զանգեզուրի շրջանի հաղորդակցութիւնը, հիմնովին վերցնելով արգելքները:

Հայաստանի խորհրդայնացման նախօրէին ստանձնած էր Զանգեզուրի պաշտպանութիւնը և կը պատրաստւէր Ղարաբաղ մտնել, երբ քեմալական բանակը Հայաստան արշաւեց բուշեհիկներու օգնութեամբ:

Այդ օրերուն Դրօն ստանձնեց Սուրմալուի (Իգդիր) շրջանին պաշտպանութիւնը և կատաղի կռիւներ տեղի ունեցան,

առանց թիզ մը նահանջելու: Կարսի անկումը հարկադրեց որ Դրօն քաշւի Սուրմալուէն:

Զինւորական պարտութիւններու հետեանքով, Հայաստանի Հանրապետութեան կառավարութիւնը քաշւեցաւ իշխանութենէն և նոր կառավարութեան մէջ զինւորական նախարարութիւնը ստանձնեց Դրօն որ Լըկրանի հետ կնքեց 1920 Դեկտ. 2-ի ծանօթ համաձայնութիւնը: Խաղաղ պայմաններու մէջ, շնորհիւ Դրօյի ուշիմութեան ու անձնական հեղինակութեան, իշխանութիւնը փոխանցւեցաւ կարմիրներուն:

Հակառակ այդ ուղղամիտ վերաբերմունքին, բոլշևիկները առաջին անգամ Դրօն իր խումբ մը սպաներուն հետ աքսորեցին Ռուսաստան: Յետոյ սկսան զանգւածային ձերբակալութիւններ ու հալածանք Հայաստանի մէջ:

Երկու տարի ետք, Թիֆլիս, Զեկայի շէնքին մօտերը, Դաշնակցական ահաբեկիչներ պատժեցին Ճէմալ փաշան: Այս դէպքին հետեանքով ձերբակալւեցան մօտ երկու հարիւր Դաշնակցականներ: Դրօն այս դէպքի առթիւ հրապարակ եկաւ իբրև միջնորդ: Թոյլ տրւեցաւ իրեն երթալ Թիֆլիս և իբրև հարկադրական տուրք յայտարարութիւն մը ստորագրելով գոհացում տալ խորհրդային բռնակալներուն և բանտերէն ազատեց իր զինակից ընկերները:

Այս ձեռնարկին համար ալ իրեն թոյլ տրւեցաւ հեռանալ Խ. Միութենէն: Դրօ հաստատուեցաւ Պուքրէշ և երկար տարիներ զբաղեցաւ անձնական գործով, իրեն համար տնտեսութիւն մը ստեղծեց, միշտ օգնութեան հասնելով բազմաթիւ տարագիր մտաւորականներու, գործիչներու և հայդուկներու:

«ՅԱՌԱՋ»

## ՍՈՒԳԻՆ ԱՌՋԵՒ

Մեզմէ առ յաւէտ բաժնւողներու գործն ու վաստակն է որ կը փառաւորենք, ու անոնց հետ կորսւող հոգեկան և բարոյական արժուանիքներն են որ կողբանք:

Ռուբէն Տէր Մինասեանները, Լևոն Շանթերը, Նիկոլ Աղբաշեանները, Գնդապետ Բաղդասարեանները և Դրօները՝ մեր

այդ փառաբանանքին պէտք շունին. կրնանք ըսել և ընդգծել նոյնիսկ, որ անոնց անձը վեր կը մնայ մարդկային մեր այդ տուրքէն: Սակայն, մարդկային մտքերու և հոգիի ազնւագոյն արտայայտութիւնները պէտք է ցայտուն դարձին, ոգեկան այդ արժանիքներու ճամբով թրծելո՛ւ, ներշնչելո՛ւ համար յետևորդ սերունդները, ու մա՛նաւանդ պատմութեան առջև՝ վկայութեան մեր բաժինը վերածելու համար «արժանաւորներուն ընծայւած պատիւի» մը:

Պաշտամունքի հաւասար սէր և համակրանք կը վայելէին Դրօները, որովհետև անձնուրացներու փաղագին կը պատկանէին, ուր իրենց կեանքը կապրէին մե՛ր հաշւոյն: «Անձ»եր շէին՝ այլ «մենք»եր: Կը սպառէին իրենց՝ ժողովուրդի՛ն համար, ու իրենց առօրեայ այդ մաշումին մէջ կը վերանորոգէին իրենց ժողովուրդո՛ւ:

Մեր ողբացեալ ընկերը առաքելատիպ դէմքերէն մէկն էր այն կազմակերպութեան, որ ծանօթ է Լ. Յ. Դաշնակցութիւն անունով, և որուն գաղափարական և ոգեկան կառոյցով խորհրդանշող բոլոր բարոյական և հոգեկան արժանիքները կը մարմնաւորէր իր անձին մէջ, — վաղ պատանութեան տարիներէն միևչև ծերութիւն: Ասոր համար էր, որ, ամէն բանէ առաջ, իր անհատականութեան մէջ կողջունէինք ո՛չ թէ մէկը, ո՛չ թէ մարդ մը, — այլ, շրջա՛ն մը, մեր պատմութեան մէկ է՛ջը, կարելի է ըսել՝ ամէնէն փառահեղ էջե՛րը: Ասոր համար էր, նաև, որ տարիքի ծանօթութիւնը կը կորսնցնէինք իր ներկայութեան, ու մեր դէմ կը գտնէինք խանդավառ երիտասարդ մը, յաւիտենապէս նորոգելու, թարմանալու, բազմապատկելու պատրաստ մարմնեղէն անօթ մը:

Հիմա որ շկայ իր շօշափելի ներկայութիւնը, անգամ մը ևս կը հաւատանք մահւան վատութեա՛ն, ու, նո՛յնքան, մահւան տկարութեա՛ն: Չունինք զինք, երբ ամէն ատենէ աւելի պէտք ունէինք իրեն, — սակայն՝ որքան ալ շունենանք իր ներկայութիւնը, ունինք իր գործին պատմական շքեղութիւնը և իր գաղափարական էութեան աննիւթ երկարաձգումը մեր մէջ: Մեռնողները ապրեցնել՝ մե՛ր ձեռքն է որոշ շափով, — անշուշտ եթէ կրցած ենք անհետ կորսւողներու հոգիէն ու մտքէն բաժին մը ստանալ, երբ անոնք բաշխա՛ծ են իրենց պատւածութիւնը մեզի. իրենց կեանքով ու գործով իսկ փաս-

տած են՝ թէ աւելի՛ են քան մարդիկ, իրենց տրած ժամանակը ապրող մահկանացուներ:

Այդ անմահներէն մէկն էր մեր ընկերը, ազգային հերոս մը և մարդ մը՝ միաժամանակ: Մանուկ հոգիով, մանկանալու մեծութիւնը իր վերաբերումն, խօսքին, ձայնին ու շարժումին մէջ անդիմադրելի հաղորդականութեան մը վերածող մարդը. մանաւանդ՝ խոնարհներուն համար նւիրելու, անոնց ցաւն ու վիշտը բաժանելու, անսակարկ ծառայելու յօժարակամ մարդը. — «ամէնուն զինքը տուող, ամէնուն բաժանուող և սակայն նշխարքին պէս անբաժան մնացող «լոյսին նման. «Մեծութեան և զոհագործումի համար փայլող» Լոյսին նման զոհելու համար զրկած առաքեալին նման. ինքն իրեն շպատկանող առաջնորդին պէս:

Եւ այդպէ՛ս ապրեցաւ մեր ընկեր Դրօն: Պատանութեան տարիներէն մինչև իր մահը, երբեք ինքն իրեն համար շապրեցաւ. ինքզինք տուաւ հայրենիքին, ժողովուրդին, զինւորին ու քաղաքացիին, մեր հաւաքական գոյութեան: Չպատկանեցա՛ւ իրեններուն, — իր ընտանիքին: Պատկանեցաւ մեր ամբողջի՛ն: Անսահմա՛ն հարստութեան հնարաւորութիւններ ունէր. սակայն, ինչ որ ունեցաւ, բաժանեց միշտ. տուա՛ւ առանց որևէ ակնկալութեան, ու երջանիկ եղաւ միշտ այն գաղափարով, որ երբ իրենները կունենան, երբ իր ժողովուրդի զաւակները կը սփոփւին, երբ իր շուրջ ցաւն ու կարիքը կը մեղմանան, ինքն իր օրերը կրնայ անցընել անփոխարինելի հոգեկան գոհունակութեամբ:

1903—1953, ամբողջ յիսուն տարի, ճակատեցաւ նիւթական և աննիւթական բոլոր այն շարիքներուն դէմ, որոնք մեր ժողովուրդը իր գոյութեան խարխսխներէն ցնցելու հակամիտութիւնը ցոյց կուտային: Եղաւ պատուհասիչ բազուկ և ներշնչեալ մարտիկ, կուի կախարդ մը, քաջերուն մէջ ամէնէն քաջերէն, խռովիչ ըլլալու շափ աններող՝ Հայուն բոլոր տեսակի դահիճներուն դէմ: Ժամանակակից մեր պատմութիւնը շափազանցութիւն մը գործած պիտի չըլլայ, եթէ 451-ի Վարդանին հետ զուգահեռ մը ստեղծէ 1918-ի Դրօյին միջև: Աւարայրն ու Արարատեան դաշտը, գոյութեան երկու պատերազմներու մէջ, 451-ին և 1918-ին, ճանշցան հայութեան հաւատ-

քի և հայրենիքի երկու լուսաճալատ մարտիկներ: Բաշ-Արա-  
րանի յաղթական զաւակը, այն նո՛յն ոգիով և այն նո՛յն  
անկարելի կռիւը մղելու վճռականութեամբ կախարդած էր  
իր զինւորեալները, որքան Վարդանը:

1903-ի բախտորոշ և խռովայոյզ օրերուն, երբ ցարական  
իշխանութիւնը եկեղեցական կալւածներու գրաւումին կը  
ձեռնարկէր, և 1905ին, երբ հայ թաթարական կռիւները մեզ  
մեր բոլոր նւիրական և սրբազան իրաւունքներուն մէջ խեղ-  
դելու կը ձգտէին, Դրօշի շանթահարիչ բազուկն էր՝ որ անգամ  
մը ևս մեր ցեղին առուգութիւնն ու ապրելու կամքը մը պատ-  
գամէր... Մենք շենք որ պիտի գրինք պատմութիւնը. սակայն  
կրնանք վստահ ըլլալ, որ անցողիկ պղտորութիւններու սա-  
շրջանէն ետք, օր մը, Հայոց Պատմութիւնը հպարտութեամբ  
պիտի քանդակէ անոր անունը՝ անմահներու Պանթէոնին մէջ:

Ոգեկոշումները, սուգն ու վշտի զանազան արտայայտու-  
թիւնները իմաստ ունենալէ կը դադրին, եթէ անհետացող  
դէմքերու կեանքն ու գործը ուղեցոյց շղառնան եկւորնե-  
րուն:— Ա՛յս գիտակցութեամբ կողբանք մեր մեծ ընկերոջ  
անդառնալի կորուստը:

«ԱՐԵՒԵԼՔ»

## ՄԵԿՆՈՂՆԵՐԸ ԵՎ ԵԿԻՈՐՆԵՐԸ

Դրօններու անդադձ մեկնումը՝ անգամ մը ևս մեզ կը կեցնէ  
յաւիտենական հարցականին առջև.— Ո՞վ պիտի լեցնէ ան-  
հետացողներու շիջումով գոյադած պարապը:

Այս հարցումը տարւէ տարի ելերաշեշտ կը դառնայ կար-  
ծես: Մեզմէ ամէն մէկը կը թւի հաւատացած ըլլալ, թէ եկ-  
ւորները պիտի շկարենան ըլլալ մեկնողներու պէս, տարբեր  
խօսքով, այնքա՛ն ջատագոված նւիրումի և զոհաբերութեան  
զգացումը պիտի շշարունակի նորերուն մէջ և ասիկա, ո՛չ  
թէ անոր համար՝ որ Հայութիւնը կը պարպւի այդ առաքինու-  
թիւններէն, այլ որովհետև կեանքի մեր նոր պայմանները  
անձնասէր ու նւազ հաւերանէր կը դարձնեն մեզ:

Անշուշտ որոշ ճշմարտութիւն մը կայ այս տրտում եզրակացութեան մէջ: Մասնաւորաբար Դրօներու պարագային, մենք աւելի անխա՛րօրէն կրնանք հաստատել, որ հոգիի ու ազգայինի աշխարհահայեացքի այդ կառուցւածքով մարդիկ սակաւ կը հասնին արտաշխարհի մէջ: Եւ ինչո՞ւ առարկայական ըլլալ մեր դատումներուն մէջ, աւելացնելու համար՝ որ անբնական ոչինչ կայ այս երևոյթին մէջ: Անոնք հայրենի հողը ունեցան իրենց ոտքերուն տակ, ու մեր լեռներու օդով լեցուցին իրենց թոքերը. հայութիւն շնչեցին, հայութեամբ թրծեցան և հայութեան պաշտամունքը իրենց երիտասարդական տարիներու մեծագոյն սէրը եղաւ: Հիմա տարբե՛ր պայմաններու մէջ հասակ կառնեն մեր սերունդները, և որքան ալ հիներու և երէց սերունդի օրինակը կենդանի ըլլայ նորերու մտքին ու աչքերուն առջև, ակնկալելի չէ՛ որ նո՛յն և հաւասար՝ նւիրումով մեր դատին ծառայելու պատրաստ մարդիկ գտնենք մեր շուրջ բոլորը:

Ասիկա ընդհանուր ճշմարտութիւն մըն է, և մենք ցնորքներու շէնք ուզեր յանձնելի, հաւատալու համար՝ թէ եկւորները կրնան մեկնողներու տիպարով ու շափանիշով մարդիկ դառնալ, մեր ներկայ ու ապագայ հաւաքական կեանքին մէջ:

Այսուհանդերձ, ճիշտ չէ այս արդար հաստատումը վերածել ամբողջական յոռետեսութեան մեկնակէտի մը, և նահանջական հոգեբանութեամբ եզրակացնել՝ թէ մեկնողներուն հետ կամայանայ նաև հանրային մեր կեանքը:

Չենք հաւատար ասոր: Ընդհակառակն, կուզենք շեշտել մեր խորունկ համոզումը, որ նոր սերունդին մէջ ևս նո՛յնքան խորունկ հայրենասիրութեան մը հոգեյատակ կայ, — և եթէ միջավայր ու մթնոլորտ ստեղծւի անոնց հողի, ազգի և ազգային սրբութեանց պաշտամունքը վերածելու հաւատքի և գիտութեան, մենք կունենանք ա՛յլապէս վստահելի և ամբօրէն գիտակից երիտասարդութիւն մը, — վաղւան մեր յոյսն ու ապահովութիւնը միաժամանակ: Անշուշտ դիւրին չէ նոր սերունդները խանդավառել անյայտացող ու երազական կարգախօսներով, գոց սովրւած կամ կաղապարատիպ բանաձեւերով: Բայց, որքան ատեն կայ Դաշնակցութեան գաղափարական դպրոցը, կրնանք ակնկալել՝ որ հայութիւնը ունենայ



Դրօններու, Ռուբէններու, Բաղդասարեաններու և Աղբալեան-  
ներու նւիրումով և խորունկ գիտակցութեամբ այս ժողովուր-  
դին ծառայելու պատրաստ նոր արժէքներ: Մեր դժբախտու-  
թիւնը կամ դժւարութիւնը կը սկսի հոն՝, ուրկէ օտարամուտ  
ու խորթ բարքեր կամ մե՛ր իսկ ծոցին մէջ սնուցւած ու մեր  
հոգիին հակադիր քաղաքական համոզումները կը թունաւո-  
րեն մեր զանգւածներու միտքը ու զանոնք պատրաստ գետին  
կը դարձնեն խաթարիչ վարդապետութիւններու: Մեր ներքին  
մթնոլորտի ապականութիւնը կը սկսի հո՛ն, ուր մեր պատմու-  
թենէն և հայրերէն մեզի փոխանցւած ցեղային ստորոգելի-  
ները կը դժգունէին՝ դարավերջիկ համոզումներու և կեանքի  
հանգանակներու անդրադարձումով, — կրաւորականութիւն,  
անհաւատութիւն, վեհերոտութիւն, ստորագասութեան զգա-  
ցում և ստրկամտութիւն: Ա՛յս դառն իրողութեան մէջ պէտք  
է փնտռել ցաւը, որ կը գալարէ մեզ և ամուլ կը դարձնէ հաս-  
նող սերունդներու մէկ մասը: Եկեղեցին և Հայրենիքը ամէնէն  
մեծ նւիրականութիւններն էին մեզի համար, որքան ատեն որ  
մենք այդ երկու իրականութիւնները կը մբռնէինք իրենց ան-  
խարդախ ըմբռնումին մէջ: Այսօր, առաջինը թէ երկրո՛րդը  
պատրւակ դարձած են՝ քան նպատակ, ու անոնց անունով  
մեր բազմութիւններուն ներկայացող կարգ մը ոյժեր՝ կը  
շահագործեն մեր միամտութիւնը ու մաքուր հաւատքը:

Կրնենք այս հաստատումները, ու կը բաղձանք՝ որ մեր  
ժողովուրդի բացարձակ մեծամասնութեան և որակին մէջ  
անայլայլ այս զոյգ նւիրականութիւնները պահեն իրենց ազ-  
գային և հոգևոր նշանակութիւնը անաղարտ: Չենք հաւա-  
տար յոռետեսութիւններուն, որոնք լսելի կըլլան յաճախ, մեր  
երիտասարդութիւնը կրթոտ ու անհաւատ տեսնելու հակամի-  
տութեամբ մը: Անոնք որ շփում ունին 15—30 տարու մեր  
տղոց ու աղջիկներու հոժ զանգւածներուն հետ, շեն կրնար  
շահատատել՝ թէ նոր սերունդը թանկագին և անփոխարինե-  
լի արժանիքներ ունի, — հոգեկա՛ն աշտանիքներ, զոր զար-  
գացնել և գործի վերածել անկարելիութիւն մը չէ, հակառակ  
մեր օրերու քաղաքակրթութեան փորձիչ զառիթափերուն: Կրն-  
դունինք, թէ հայ ապրիլ անկարելիութիւն մըն է, տառապանք  
է և երբեմն տաժանք: Եւ սակայն, հայ երիտասարդութիւնը  
գիտէ՛ այդ տառապանքը, երջանկութեան վերածել, եթէ կիր-

քի մը կարենանք փոխակերպել հայրենիքի ու ազգի իսկական ըմբռնումը:

Դրօներու անդարձ մեկնումը նոր խթան ու մեկնակէտ թող ըլլայ՝ գօտեպնդելով՝ այս հաւատքին մէջ, ու աւելի քան երբեք փարած մնալու անոնց գաղափարական դրօշին:

## ՀԱՍՏԱԲՈՒՆ ԿԱՂՆԻՆ ՏԱՊԱԼԵՑԱԻ

Գուժկան հեռագիր մը՝ երկէկ առտւան դէմ, Պոսթընէն, հինգշաբթի, 8 Մարտ թւականով (ժամը ծին քաշւած).— ԴՐՈՆ ՄԵՌԱԻ:

Հակառակ այն իրողութեան, որ վերջին քանի մը օրերու ընթացքին, մտերիմներու շրջանակին մէջ մահազուշակ լուրեր շրջան կրնէին մեր անփոխարինելի ընկերոջ առողջական վիճակի ծանրացման մասին, այնու ամենայնիւ, անսպասելի էր այսքան շժմեցուցիչ հարւած մը, մէկ անգամէն, մէկ օրէն միւսը: Գուժկան հեռագիրը կուգար միանգամ ընդմիջտ փարատելու ամէն լաւատես ենթադրութիւն, բարելաման մը հաւանականութեան մասին: Անողորք և անբուժելի նկատւած հիւանդութիւնը, որ բաւական երկար ժամանակէ թ վեր կը տանջէր՝ իր կեանքի ընթացքին մարմնական ու հոգեկան բազմատեսակ տառապանքներու արիաբար կուրծք տւած անըման հայդուկը, կըզգետնէր զինքը, անվերականգնելի կերպով: Վիթխարի կաղնին էր որ կը տապալէր մեծաշառաշ փլուզումով մը և արձագանքը, արագօրէն կը տարածւէր Սփիւռքի ամէն կողմը, խոր սուզով համակելով բովանդակ հայ ժողովուրդը՝ ընդհանրապէս, և իր սիրելի ընկերներու և բարեկամներու բազմութիւնը՝ մասնաւորապէս:

Սև լուրի շժմեցուցիչ տպաւորութեան տակ, անկարելի է մեզի համար լայնօրէն անդրադառնալ կեանքին ու բազմաբեղուն գործունէութեան մասին անձնաւորութեան մը, որ տիրական դեր ունեցաւ Հայոց ժամանակակից պատմութեան վերջին յիսնամեակի ընթացքին, յեափոխական, ռազմական, քաղաքական և ազգային բոլոր մարզերու մէջ: Սիւնակներ, էջեր, գիրքեր կարելի պիտի ըլլայ լեցնել, արժանապէս ներ-

կայացնելու համար անփոխարինելի յեղափոխականը, մարտիկն ու քաղաքական գործիչը, որ Դրօն եղաւ իր ամբողջ կեանքի ընթացքին և հայ կեանքի այնքան դաժանօրէն ճակատագրական երկարամեայ շրջանին:

«ԱԶԴԱԿ»

## ՆԵՐՇՆՁՈՒՄԻ ԱՂԲԻՐ

(Անվեհեր Դրօյի յիշատակին)

Դիւցազնական շրջանի ամէնէն կարկառուն ներկայացուցիչներէն մէկը եւս բաժնուեցաւ մեզմէ: Հեռաւոր Պոսթընի մէջ, հայրենի լեռներէն ու դաշտերէն հորիզոններ անդին, հայ ազատագրութեան նուիրեալներէն մէկը եւս փակեց իր աչքերը՝ շքեղ կեանքի ու գործի տապանակ մը ձգելով յետնորդ սերունդներուն:

Իր կեանքի ամբողջ տեւողութեան, Դրօ եղաւ ներշնչումի աղբիւր մը, թէ իր քաջարի մարտիկներուն, որոնք սրբազան գործին համար, գնդակներու սուլոցին մէջ, կռուի դաշտ նետուեցան շքեղօրէն կերտելու համար մայիսեան արևշող առաւօտը, եւ թէ այն բոլոր դաշնակցական հայորդիներուն, որոնք այս ժողովուրդին ծառայելու նւիրական ուխտը կատարեցին:

Դրօ, անվեհեր ռազմիկը, որուն համար գուցէ շատնուի ուրիշ աւելի վսեմ որակում քան «քաջ» մակդիրը, որ այնքան արժանաւորապէս կը խորհրդանշէ իր յեղափոխականի եւ մարտիկի առաքինութիւնները, ապրեցաւ ու գործեց մեր նորագոյն պատմութեան ամէնէն դժնդակ ու նոյն ատեն հրաշալի օրերուն, երբ հայութիւնը կենաց մահու կռիւ կը մղէր դարաւոր թշնամիներուն դէմ, Դրօ, իր անհամար քաջերուն հետ, որոնք ինկան նահատակութեան ճամբուն վրայ, կամ իրենց զօրավարին պէս, իրենց վերջնական հանգիստը գտան անհարազատ երկինքներու տակ, տարիներ շարունակ կուրծք ցցեց Հայաստանի թշնամիներու դէմ եւ կատարեց արութեան գործեր, որոնք իրենց խիզախութեամբ առասպելական դիւցազուններու հոյլին մէջ արժանի տեղ մը կուտան Այրարատեան դաշտի զաւկին:

Դրօ մէկն եղաւ այն քիշերէն, որոնց կեանքն ու գործը կատարեալ ներդաշնակութիւն մը եղան: Պատանին, որ 21 տարեկանին ռումբով ահաբեկած էր Բազուի հայատեաց քաղաքապետ Նակաշիձէն, մարտունակութեան եւ հայուն վրիժառու բազուկին խորհրդանիշը հանդիսացաւ մինչեւ իր կեանքին վերջին օրերը, նաեւ իր հրաբորբ ճառերով, որոնք անտաշ անկեղծութեան բնույթն ունէին եւ ուժի ու անօրինակ կորովի վկայութիւններն էին:

Ու այսօր, իր մահէն ետք, որուն բօթը սուգի մատնեց բովանդակ հայութիւնը, սկսած Արաքսի ափերէն մինչեւ հեռաւոր Ամերիկաները, կաղնիի մը հանգոյն, ահաւոր դղրդիւնով մը, կարծէք մեռած չէ:

Ներկայութիւններ կան, ուժի, կորովի, կենսունակութեան եւ խանդավառութեան, որոնք կը շարունակեն մնալ մահէն ալ անդին: Ու մարդուն, մարդոց բախտաւորներուն անմահութիւնը այդ յաւիտենական ներկայութեան մէջն է: Դրօն այդ բախտաւորներէն մէկն է: Միշտ ներկայ իր հնչեղ ձայնով, իր դիւցազնական պոռթկումներով եւ յաճախ բիրտ անկեղծութեամբ:

Ներկայ էր Դրօն հայ ժողովուրդի սրտին մէջ, որ այսպէս ալ պիտի մնայ յաւիտեան, որովհետեւ եղաւ այդ ժողովուրդին ամէնէն հիմնական ցանկութիւններուն խորհրդանիշը: Տարիներով պայքարեցաւ ու կռուեցաւ իր հայրենիքի ազատութեան եւ անկախութեան համար, միշտ պատնէշին վրայ, իր անձին պերճախօս օրինակով ոգեւորելու համար թէ՛ իր զինւորները եւ թէ՛ բազմութիւնները:

Բոլոր սերունդներուն համար, անիկա պիտի մնայ տիտանեան դէմք մը, եկած Հայոց Պատմութեան դիւցազնական օրերէն, ընկճուած ու նուաճուած ժողովուրդի մը կեանքը յեղաշրջելու եւ անոր շղթայուած հայրենիքը իր փառքին ու մեծութեան վերադարձնելու համար:

Դրօյէն պիտի մնայ՝ ինչ որ ան ստեղծած էր իր փոթորկոտ կեանքի մարտնչումներով, ու պիտի շարունակէ ներշնչել գալիք բոլոր սերունդները, ինչպէս ներշնչուած էին իր ռազմի ընկերները եւ բազմութիւնները, երբ տապալած չէր տակաւին վիթխարի կաղնին:

## ԸՆԿ. ԴՐՕ ՈՉ ԵՒՍ Է

Երէկ, Ուրբաթ իրիկուն, խմբագրութեանս հասած հեռագիր մը կը գուժէր մահը հայ ժողովուրդի ԱՆՋՈՒԳԱԿԱՆ և ՔԱՋ զաւակին, մեծանուն յեղափոխականին և Զ. Յ. Դաշնակցութեան ուխտեալ զինւորին՝ ընկեր Դրօյին (Դրաստամատ Կանայեան), որ իր աչքերը յաւիտենապէս փակած է, 8 Մարտ, հինգշաբթի առաւօտ ժամը 8,45ին, հեռաւոր Ամերիկայի մէջ, ուր գացած էր վերջերս Միջին Արևելքէն, անողորմ հիւանդութենէն մը դարմանելու յոյսով:

Գոյժին առաջին ազդեցութեան տակ, գրիչը կը դողայ մեր մատներու արանքին, երբ կը գրենք այս տողերը:

Կսկիծ կը կրծէ մեր սիրտը և սուգը կը պատէ մեր ամբողջ էութիւնը, երբ կը մտածենք մանաւանդ՝ որ ամբողջ կէս դար հայ ժողովուրդի ազատագրական պայքարներու առաջին գծերուն վրայ «ներկայ» արտասանած այս մարտիկն ալ իր վերջին քունը մը գտնէ օտար հողերու տակ, հեռու իր պաշտած հայրենիքէն, որուն հողն ու քարը թիզ առ թիզ շափեց տասնեակ տարիներով, իբր հայդուկ, իբր թշնամիի ահաբեկիչ, իբր անվախ հրամանատար ու նաև պետական դէմք:

Սգաւոր է այսօր ազատատենչ Հայութիւնը: Սգաւոր է մանաւանդ Դաշնակցութեան ընտանիքը, որուն յարկին տակ սնաւ, մեծցաւ և գործեց այս փոթորիկ-մառդը, անցնելով ահեղ և տարերային փոթորիկներէ, որոնք ալեկոծութեան մատնեցին հայ կեանքը, վերջին վաթսունհինգամեակին:

Իր կեանքին ու գործին մասին, լայնօրէն պիտի անդրադառնանք յառաջիկային, մինչ այդ, խոր յուզումով մը խոնարհինք իր դազադին առջև և կուխտենք շարունակել այն սրբազան պայքարը, որուն Դրօ նվիրեց իր ամբողջ կեանքը:

«ԱԶԱՏ ՕՐ»

## ԶՕՐԱԻԱՐ ԴՐՕ ՈՉ ԵՒՍ Է

Հիւսիսային Ամերիկայի մէջ, անողոք հիւանդութեան մը հետևանքով, Հինգշաբթի՝ Մարտի 8-ին, մահկանացուն կընքեց զօրավար Դրօ:

Մնած է Իգդիր, ուսումը ստացած է Երևանի Գիմնազիոնին մէջ, ապա յաճախած է զինւորական վարժարան: Պատանի տարիքէն մտած է Դաշնակցութեան շարքերը: Եղած է մարտական խումբի անդամ և յայտնի ահաբեկիչ: Առաջին անգամ ահաբեկած է Գուլիցիներ, որ հայ եկեղեցւոյ կալւածներու գրաման միջոցին օգնած էր ցարական կառավարութեան:

1905-ին ահաբեկեց Բագրի հակահայ նահանգապետ Նակաշիձէն: Նոյն տարին ահաբեկեց նաև զօր. Ալիխանովը: Քեռիի հրամանատարութեան տակ մասնակցեցաւ հայ թաթարական ազգամիջեան կռիւներուն՝ Զանգեզուրի մէջ:

1914-ին դարձաւ կամաւորական Բ. գունդի հրամանատար: 1917-ին վարեց Արամ Մանուկեանի հետ Հայաստանի ինքնապաշտպանութեան գործը և նշանակեցաւ Արարատեան շրջանի զինւորական հրամանատար:

1918-ին, իբրև Երևանի շրջանի զինւորական հրամանատար, վարեց Բաշ Աբարանի յաղթական ճակատամարտը: 1920-ին հայ թրքական պատերազմին ստանձնեց Սուրմալուի ճակատին հրամանատարութիւնը:

1921-ին համայնավարներու կողմէ աքսորեցաւ Մոսկւա, ուր 4 տարի մնալէ ետք անցաւ Եւրոպա և հաստատուեցաւ Ռումինիա:

Երկրորդ աշխարհամարտէն ետք հաստատուեցաւ Վիբանան, ուր կուսակցական եռուն գործունէութիւն ցուցաբերեց:

Մեր խոր. ցաւակցութիւնները՝ հանգուցեալ զօրավարի ընտանիքին և իր կուսակցութեան:

«ԱՅԳ»

(ԱՆԿԱՆ ՕՐԱՔԵՐԲ)

## ՀԵՐՈՍԻՆ ՄԱՀՔ

Իսկ Դրօն, Իգդիրցի այդ խմբապետը  
Որ եղել է հերոս, անվախ տեղորոշ...  
ԵՂԻՇԷ ԶԱՐԵՆՑ

Վերջին կէս դարու Հայոց Պատմութեան կերտիչներէն,  
որ իր ծանր ու կարծր անձին ճնշումով դրոշմեց մէկէ աւելի  
էջեր, ու երբեմն միակը լեցուց ամբողջ ժամանակաշրջանի,

մը պարապը: Խիզախութիւնը իր տարերքը եղաւ, և նւիրումը կազմեց իր անհանդարտ ներաշխարհը ոճաւորող միակ անխախտ զգացումը: Փոթորիկը սիրեց, փոթորիկը փնտռեց, որովհետև իր էութեամբ իսկ մարմնացեալ փոթորիկ մըն էր արդէն, ու խտացեալ ուժականութիւն մը:

Եթէ ապրէր Քրիստոսի դարուն, Յիսուսը խաշող զինւորներուն մէջ շատնէր հաւանօրէն, բայց ապահովաբար խաշեալին արիւնն իսկ դժւար յաջողէր խախտել զինք, հեթանոսական իր հաւատքէն: Մեր դարուն մէջ՝ իր հաւատքը Հայութիւնն էր, հայ հայրենիքը, իր ամէնէն նախնական ու նոյնատեն գերագոյն առումին մէջ:

Պատմութիւն չէր գիտեր, հայ մշակոյթի աւազանէն չէր անցած իր հոգիին մկրտութիւնը, բայց կրնար արի՛ւն թափել, փրկելու համար հայ մշակոյթի կոթող մը, յիշատակարան մը, թանկագին մատեան մը: Կրօնասիրութեամբը չէր փայլեր, բայց կրնար դժո՛ղքը վար բերել, պաշտպանելու համար հայ եկեղեցին, իր ոգեղէն կերպարանքէն մինչև նիւթական կալւածներուն յետին փշրանքը: Հայութիւնը, հայկականութեան ապրումը մնայուն վիճակ մըն էր իր մէջ, արդէն իսկ ուժեղ իր խառնւածքը տւաբար եռուն պահող ու խոյանքի պատրաստ ընող:

Լոկ քաջութեան արարքներով և պարագայական առիթներու մէջ չէր որ կազմեցաւ ճշմարտապէս հերոսական իր դիմագիծը, այլ ինքն իսկ յաճախ ստեղծեց դէպքերը, իշխելով անոնց վրայ և իր կարճ անունին մեծ շուքը տարածելով ամենուրեք, շրջապատին մէջ և հեռուները, ոչ նւազ արժանաւոր շատ մը դերակատարներ սուերի մէջ ձգելու աստիճան: Ինչ որ էր Անդրանիկ արեւմտահայ ժողովուրդին սրտերուն մէջ, նոյնը եղաւ Դրօ՝ Կովկասի համար: Երկուքն ալ ծնունդ ազգային անկրկնելի պահի մը, արիւնով ու փառքով ծանր շրջանի մը, ուր ապրող և մեռնող բոլոր լուսաւոր դէմքերուն, Մուրատներուն, Քեռիներուն, Սեպուհներուն և Մուշեղներուն ոգին առաւել փայլով մը իրենց վրայ ճառագայթեց երկուքին ալ արժանիքներուն անվիճելի ձգողութեամբը անշուշտ, բայց և երկուքին ալ յասուկ բախտաւորութեան մը շնորհիւ, վերածնելու համար զիրենք այլաբանական դէմքերու և անուննի-

րու, գաղափարական խորհրդանիշներու, բոլորէն աւելի հնչեղ անուններով, ու բոլորին տիրապետող սաւառնումով:

Իբրև մարդ՝ բարեմոյն հրեշտակ մը շէր անշուշտ, բայց և շատ հեռու էր տեսանելի դաժանութեան և վայրագ բռնկումներուն տիպարը ըլլալէ: Օր մը առաջ իր զայրոյթին և կրքոտ որակումներուն ենթարկած մէկը, զարմանալի շէր որ օր մը վերջ արժանանար ժպիտի և հաշտարար գուրգուրանքի շարժումի մը: Գիտէր ատել ծայրագոյն կատաղութեամբ, բայց անվթար էր իր մէջ սիրոյ զգայարանքը, այլ մանաւանդ սիրելու հմայքը, Վագրի կեցւածքը և մոնշիւնը իր ոճն էր, բայց այս պարագային ոճը ամբողջովին և անպայման մարդը շէր:

Մեծատունի զաւակ, փարթամ կեանքը կը սիրէր: Հայդուկի շարքաշ ասպարէզը թրծած էր մարմինը և հոգին, բայց շէր յաջողել խամրեցնել շքեղութեան իր բնածին ճաշակները: Ընդհակառակը, այդ հակումները աւելի շեշտուած էին, հակադրութեան օրէնքով: Կրնար քա՛ր մը բարձ ընել ու շոր գետինը անկողին՝ երբ լեռն էր, բաց պալատականի կենցաղն էր որ կը խօսէր սրտին երբ քաղաք իջնէր: Չոր հացով ապրելը զրկանք մը շէր համարեր իր անձին համար, բայց խորապէս դժբախտ էր, եթէ ամէն օր հիւր շունենար և կոշունքի սեղանը առաւելագոյն ճոխութիւնը շպահէր:

Ցուցամուլ շէր, բայց երևիլը կը սիրէր: Պերճանքի հետամուտ շէր, սակայն իր պարզութիւնը գիտէր խնամել: Մարդ մըն էր, որ կը յաջողէր միշտ իրմով լեցնել միջավայրը, ու երկրորդական անկիւններու սահմանուած պահել ուրիշները: Իրմէ ոչ նւազ արժանաւոր և մտացի անհատներ յաճախ գտնւեցան իր շուրջ և իրեն հետ, բայց տիրակալը միշտ ինք մնաց, իր անհուն հեղնակութեամբը և կշիռով, երբեմն նոյնիսկ շալկելով պատասխանատուութիւններ, որոնք իրը շէին միշտ, բայց աւելի կը յարմարէին իր յաղթ ուտերուն, և որոնց տակ բուն տէրերը կրնային կքիլ:

Ռազմիկ էր ծնունդով, հետևաբար անմիջական, պարզ ու շիտակ նկարագիր մը, բայց դիւանագիտական ոլորուն ու դաւադիր ճամբարները անժանօթ շէին իրեն, և ինք բոլորովին խորթ շէր անոնց: Ունէր սուր հոտառութիւն մը և թափանցող իրատես աչքեր, բառին յատուկ և փոխաբերական առումներ:



րով: Վերջին տասնամեակներու գաղութահայ կեանքի խեղ-  
ճուկ պայմանները, բաւարար ասպարէզ մը չէին անշուշտ  
արձակ տարածութիւններու վարժ և թռիչքի ծարաւ իր հոգիին  
համար, մանաւանդ հերոսութեան և խոյանքի պատեհութիւն-  
ներ շատ քիչ կային, բայց իր փայլուն աստղը մէկէ աւելի  
անգամներ կրկին շողաց, ոչ անպայման դիւցազնական արար-  
ներու վրայ, բայց էապէս հայրենասիրական արարքներու  
և գերզանցօրէն ազգօգուտ ձեռնարկներու մէջ:

Կարգ մը մարդոց համար շատ դիւրին եղաւ վճռել, թէ  
հայրենադաւութեան համազօր գործ մըն էր գերման սպայի  
տարագ կրել և դէպի Կովկաս արշաւող գերման բանակնե-  
րուն հետ առաջ քալել: Բայց նոյն մարդոց համար՝ քիչ մը  
աւելի դժւար պիտի ըլլայ բացատրել, թէ ի՞նչպէս եղաւ, որ  
ամբողջ պատերազմի տևողութեան, գերման կրունկներուն  
տակ հեծող գրաւեալ Եւրոպայի մէջ, հարիւր հազարաւոր հա-  
յութիւնը խաղաղ ապրեցաւ: Ամբոխավարական դարձածք-  
ներով և զգացումներու շարաշահութեամբ, կարելի է անշուշտ  
դաւաճան հռչակել մէկը, որ օտար բանակի մը հետ իր հայ-  
րենիքին դէմ կարշաւէ, բայց մեր եղերական ճակատագիրը և  
ահաւոր պայմանները հաշի առնող որևէ լուրջ մարդ, շի կըր-  
նար անգիտանալ, թէ պողպատի և վառօդի հեղեղի մը մէջէն  
թաւալող շորս միլիոննոց բանակի մը թիկունքին, քանի մը  
հարիւր հայ երիտասարդներու ներկայութիւնը, հայդուկի մը  
գլխաւորութեամբ, ո՛չ կրնար արշաւող գերման բանակը թիզ  
մը աւելի առաջ մղել, և ոչ ալ թոպէ մը կասեցնել անոր տա-  
րերային ընթացքը: Բայց երբ տեսանք, թէ յաջորդական ձա-  
խողանքներէն հետզհետէ ջղային, և օրէ օր աւելի վայրագ  
գերմանական մոլուցքը ինչպէս կը կոտորէ հրեան, բոլոնիա-  
ցին, սերպը, յո՛յնը՝ բայց մէկ հատիկ հայու մը քիթը շարիւ-  
նիր, ապագայ պատմաբանին վճիռին սպասելու պէտք չու-  
նինք այլևս, որ կը բաւէ որ իմաստականութեան հետ դաշինք  
չունենանք, որպէսզի ընդունինք, թէ այս մարդը ա՛յդ գնով  
միայն կրնար փրկել, ու փրկե՛ց, Եւրոպայի հայութիւնը:

Քաղաքականութիւնը իր բնոյթովն իսկ ապերախտ և պըղ-  
տոր բան մըն է արդէն, ու քիչ անգամ փառք պսակ ունի նոյ-  
նիսկ անոնց համար, որ յաջողած են իրենց առաքելութեան  
մէջ: Ու տեսանք նաև մեր աչքերով, թէ Ֆրանսայի պէս մեծ

ժողովուրդ մը անգամ, իր ցեղին պարծանքներէն համարուող մարաջախտ Փեթէնը ինչպէ՛ս դատապարտեց, Համաշխարհային Առաջին Պատերազմի իր մեծ հերոսը, ազգային պարծանքը, Երկրորդ Պատերազմին դաւաճա՛նը հռչակելով, բայց գեռ տասը տարին շքուորած, այսօր ազգովին կը խոնարհի անոր շիրիմին առջև ու անբասիր զինւորականին փառքը կը մնայ անաղարտ:

Այո՛, պղտոր է քաղաքականութիւնը, և հերոսներն անգամ շեն կրնար անվնաս առաջանալ անոր լպրծուն ճամբարներէն: Եւ կրկնապէս պղտոր ու դժբախտ է հայ կեանքի ներկայ շրջանը, ուր յստակութիւնը կը պակսի և ողջմտութիւնը հրապարակաւ կը դատապարտւի: Բայց կայ, բարեբախտաբար, գերագոյն դատաւորը, անկաշառ և անկաշառելի ժամանակ որ մը հասնի ուշ կամ կանուխ արդարութեան իր կշիռքով:

Դաժանօրէն անողոք բարքեր ունի մեր ժամանակը: Մայրայեղական ու այլամերժ գաղափարաբանութիւնները, խախտած են բոլոր շափանիշները, բարոյական ըմբռնումներու ամբողջ կառոյցը: Այլապէս, ազգային հերոսի մը մահը ազգովին սգալու տարրական առաքինութիւնը պիտի չպակսէր մեզի: Կարգ մը հայ թերթեր Դրօշի մահը ծանուցեին իրենց վերջին էջին վերջին սիւնակին վերջնագոյն անկիւնէն, ընդամէնը քանի մը տողով: Գէշ բան մը չգրեցին — երախտապա՛րտ ենք... — ու անպայման պզտիկութիւն մը չէ գուցէ հակառակորդի մը մահը անտեսելը: Բայց մեծնալու առիթ մը կար այդտեղ, որմէ շուզեցին օգտւիլ, ափսո՛ս: Որքա՛ն հեռու ենք այն օրերէն, երբ պահպանողական «Բիւզանդիոն»ները յարգանքով կը խոնարհէին Զաւարեաններու դագաղին առջև, ու կարձանագրէին ամէնէն ջերմ գնահատանքը անոնց գործին և նւիրումին համար, շնորհակալով նաև իրենց տարակարծութիւնները անոնց ուղիին և գաղափարներուն հանդէպ:

Դաժան ու անողո՛ք ժամանակ մը, արդարև, երբ հայ ժողովուրդի քաջութեան դրօշակիր հերոսները, հայ հաւատքին խորհրդանիշ կաթողիկոսները անգամ շեն յաջողիր կիրքերը մեղմել ու սիրտերը կակուղցնել, իրենց մահով, իրենց կեանքով:

Շատեր, իրենց կեանքին երկրորդ կէսը կանցնեն առաջին կէսին վրայ զղջալով, կամ հիւժելով, նահանջելով, լրջանալով և պզտիկնալով: Իր մէջ, թռիչքին թափը զօրեղ մնաց միշտ, ու եօթանասունին՝ եթէ միակ ցաւ մը ունէր, քսան տարեկանի խոյանքներուն պակասող պայմաններն էին: Ասպարէզին սահմանափակութիւնը, բայց երբէք կորովն ու ոգին, զարնելու և զարնելու ծարաւը, թոքերուն մէջ պահած գրնդակը թշնամիին շկարենալ վերադարձնելու դառնութիւնը:

Շատ բան պիտի ըսի և գրի իր մասին, արդար և անարդար շատ դատումներ պիտի ըլլան իր անունին ու գործին շուրջ, բայց ինք այլևս պիտի չլսէ, որովհետև, թօթափած այլևս մարդկային մարմինը, մեզի՛ թողած մեր կիրքերն ու հաշիւները, հայոց պատմութեան դժւար ճամբարներէն վերջին խոյանքով մը իր սպիտակ ձիուն վրայ, մտած է, շիտա՛կ, Արքայութիւն...

«ՆԱՇԻՐԻ»

## ԴՐՕՅԻ ՄԱՀԸ

Արտասահմանի հայ թերթերը գլոժեցին Դրաստամատ Կանայեանի մահը, որ տեղի ունեցեր է Մ. Նահանգներու մէջ, 8 Մարտին:

Վերջին յիսուն տարիներու հայոց կեանքին մէջ՝ Դրաստամատ Կանայեան կը գրաւէ իր յարգելի տեղը, իբրև զինուորական և քաղաքական դէմք: Այդ զոյգ հանգամանքներով ան գործեց ի սէր հայ ազգին ազատութեան: Պատմիչները պիտի քննեն անշուշտ, և գծեն անոր հարազատ պատկերը:

Դրաստամատ Կանայեանը, որ ծանօթ էր առհասարակ Դրօ անունով, ծնած էր 1884-ին, Իգդիր, ուսած էր Երևան, ստացած էր զինուորական կրթութիւն: Իր մարտական գործունէութեան առաջին օրերուն իսկ ահաբեկած էր Նակաշիձէն (Բազուի նահանգապետը), հայատեաց զօրավար Ալի-խանովը: Փրկած էր կորուստէ՝ Զանգեզուրի հայ բնակչութիւնը, կուելով թաթարներու գէմ, Քեռիի կողքին: Հայթայ-

թած էր զէնք՝ մարտնշող ուժերուն, Հին Բայազիտէն, ուր  
կապրէր իբրև նաւթի վաճառական, Ս. Գէորգի Խաչով պատ-  
ւած Նիկոլայ Բ. Յարին կողմէ, համաշխարհային առաջին պա-  
տերազմին ընթացքին իր ցոյց տւած քաջութեան համար:

Եղած էր Փետրուարական Յեղափոխութեան վարիչներէն  
մին: Նշանակւած էր Արարատեան շրջանի կոմիսար: Վա-  
րած էր կռիւները՝ վրացիներու դէմ: Ընտրւած էր հրամանա-  
տար՝ Երևանի շրջանին: Յաղթութեամբ պսակած էր Բաշ-  
Աբարանի ճակատամարտը: Կուած էր թուրքերուն դէմ՝ Սուր-  
մալուի մէջ: Եղած էր զինուորական նախարար: Լ. Տէրտէրեա-  
նի հետ ստորագրած էր Լզրանի մատուցած հայ-ուրա դաշ-  
նագիրը: Աքսորւած էր բոլշևիկներուն կողմէ Մոսկւա: 1935-էն  
ի վեր կապրէր արտասահման, Հայ Դատին լուծման ակնդէտ  
սերունդի մը հիացումին առարկայ:

«ՄԱՍԻՍ»

(ՕՐԳԱՆ ԿԱԹՈՂԻԿԷ ՀԱՅՈՑ)

## ԴՐՕՅԻ ՄԱՀԸ

Պոսթրնէն «Յուսաբեր»ի հասած հեռագրէ մը ցաւով կը  
տեղեկանանք մահը ծանօթ յեղափոխական և օգտակար գոր-  
ծիչ Դրօյի (Դրաստամատ Կանայեան), որ տեղի ունեցեր է  
հինգշաբթի օր, 8 Մարտ, երեկոյեան ժամը 8.45-ին:

Մեր ցաւակցութիւնները կը յայտնենք իր շաղափարի ըն-  
կերներուն:

«ԱՐԱՔՍ»

## «ԶՕՐԱՎԱՐ ԴՐՕ ՈՋ ԵՒՍ Է»

(Թարգմանած է ֆրանսերենից)

Դաշնակցութիւնը սուգի մէջ է. երկու հեռագիրներ, մէկը  
Բոստոնից, միւսը Գահիրէից, մեզ տեղեկացնում են սար-  
սափելի և տխուր լուրը.— Ընկեր Դրօն վախճանել է հինգ-  
շաբթի, 8 Մարտ, ժամը 8.45-ին Բոստոնում:

Մի հեռագրի մի քանի շոր բառերը մի հարւածով կարող են սպանել, մեր մանկութեան երազների հերոսին:

Նա մեզ ներկայանում էր, միջին դարերի առասպելական ասպետների ցեղից, միշտ ներկայ, միշտ պայքարի գագաթնակէտին, նա խորհրդանշում էր հայ ժողովրդի ընդդիմութիւնը, քաջութիւնը և հերոսութիւնը:

Մենք գիտէինք, որ նա հիւանդ է, մենք գիտէինք, որ նա ոչ մի յոյս չունի, սակայն մեր մանկութեան երազները մեզ կրկնում էին «նա անմահ է, նա անմահ է»...

Ես լսում եմ տակաւին նրա մեղմ և հաստատուն ձայնը, երբ անկողնում, հիւանդ, ջերմութեան մէջ, հայեացքն հեռուն ուղղած ասում էր. —

«Գաղափարներն են, սկզբունքներն են, ձգտումներն են, որ ապրում են և շարժում մեր գործերը, մնացածը՝ ունայնութիւն է միայն»:

Իր ամբողջ կեանքը օրինակ և արտացոլումն եղաւ այս նախադասութեան:

Դրօ, դու հանգչիր հանգիստ, քո անշեղելի կամքը, քո առասպելական քաջութիւնը, քո ճարպկութիւնը և քո հայրենասիրութիւնը մեզ համար, մնում են միշտ կենդանի:

Դու կենդանի ես ու կը մնաս մեզ համար այն փարոսը, որ տանում է դէպի Ազատ և Անկախ Հայաստան:

Ո՛չ Դրօ, դու մեռած չես մեզ համար:

«ՀԱՅԱՍՏԱՆ»

## ԴՐՕ

Մեր աննման ու անհաւասարելի Դրօներն են,  
որ գծեցին

Ու կերտեցին հայ ժողովրդի պատմական նոր  
ուղին:

ՎԱԶԵԱՆՑ

Եւ գոյժը ծովեր ու ցամաքներ կտրելով, հասաւ մեզ:

Ընկեր Դրօ ոչ եւս է»...

Բիւրաւոր սրտեր կծկւեցին վշտից, որովհետեւ տապալ-  
ւեց կաղնին:

Հողմաշունչ ու խօլական փոթորիկը շէր, որ զգեստնեց հըս-  
կային, այլ շնչին, դաւադիր մի մանրէ թերևս, որ գաղտնօ-  
րէն կրծեց այդ շքեղ կեանքը:

Եւ լուռ, ինքնաբերաբար, առանց պատւէրի մարդիկ «պատ-  
ւի» կանգնեցին, մեծ հայի, հազւագիւտ մարդու և անվեհեր  
յեղափոխականի դագաղի առջև, վշտահար գլուխները հակած  
վար:

Եւ հայոց «զօրավարի» դին, օտարութեան մէջ, սրբազան  
իղձերը սրտում՝ իջաւ գերեզման, առանց «պատուոյ համա-  
զարկերի»...

Դրօն ոչ ևս է:

Թերթերը լոյս տեսան սև շրջանակներով, յետաձգեցին  
հանդէս-ներկայացումները, առկախեցին հաւաքոյթներն ու  
ձեռնարկները...

Չէ՞ որ սուգ է համատարած:

Աշխարհի շորս ծագերից. բազում լեզուներով թռան ցա-  
ւակցութիւնները՝ թռան օդով, ջրով ու ցամաքով, ողբալու  
համար հայութեան կորուստը և մասնակցելու Դաշնակցու-  
թեան մեծ սուգին:

Հայ ժողովուրդը կորցրել էր իր «թուխ» տղին:

Դաշնակցութիւնը՝ իր հերոսներից մէկին, մեծ հերոսնե-  
րից:

Իսկ Կովկասը՝ իր ազատութեան անվեհեր ախոյեանին:

\* \* \*

Իր կեանքը...

Մի ամբողջ պատմութիւն, հայոց պատմութեան վերջին,  
փոթորկոտ յիսնամեակը:

Հերոսական դրագների երկա՛ր շարան, որոնցից իւրա-  
քանչիւրը մեն մենակ բաւական է, իրաւ հերոսի համբաւ  
տալու որևէ մահկանացուի, քանդակելու համար նրա անու-  
նը Հայոց պատմութեան ոսկեղէն էջերում:

Հազիւ երիտասարդ, նետուում է յեղափոխութեան քուրայի  
մէջ և գառնում մարտիկ:

Ցարը դաւ է նիւթել Կովկասի հայութեան դէմ և թաթար  
ամբոխը մոլեգնած, հրդեհում է գիւղերն ու քաղաքները:

Գործի՛, հրամայում է Դաշնակցութիւնը. գործի՛, կրկնում է Ընդհանուր հրամանատարը և Դրօն նետում է կրակների մէջ՝ իր ամուսնութեան գիշերն իսկ:

Զա՛րկ Երևան ջան, զա՛րկ Զանգեզուր... Եւ հողմի պէս խենթ, դիրքից-դիրք միշտ յաղթական, սլանում է նա, պաշտպանելու համար հայ գիւղացու թէ քաղաքացու կեանքն ու պատիւը:

Իր ազգի պատիւը...

Այնուհետև... «Նակաշիձէն պէտք է պատժւի», հրամայում է Դաշնակցութիւնը և հայակուլ հրէշը փռում է գետին՝ Դրօյի ունիւթից բզկտւած...

Քոյր Վրաստանը արիւն է լալիս և Գուրայի շար ոգին՝ գեներալ Ալիխանովը՝ ահաբեկում է Դրօյի ձեռքով: Եւ քանի՛ Ալիխանովներ ու Նակաշիձէներ, բռնակալութեան մեծ թէ փոքր մարդակերներ պատուհասում են նրա ձեռքով կամ մասնակցութեամբ, օրը ցերեկով, հրապարակներում, յաճախ ոստիկանութեան աչքի առաջ, ի խնդիր արդարութեան և վրէժի:

Թնդում է բովանդակ Ռուսաստանը, հրճում յեղափոխական Ռուսիան և մէկը սարսափով ու ատելութեամբ, միւսը՝ սիրով ու հպարտութեամբ կրկնում անվերջ՝

Դրօ...

Այնուհետև գաղտնի գործ, վտանգներ, հետապնդում ու խուսափումներ, կամաւոր աքսոր, ծպտւած կեանք «Նաւթի վաճառական» զէնքի փոխադրութիւն և 1914...

Դրօն նետում է բոցերի մէջ. կամաւորական գնդի հրամանատար է և հազիւ 30 տարեկան, իր մարտիկների գլուխն անցած՝ խոյրնթաց սլանում է սահմանից այն կողմ, փրկելու համար ազգակիցներին իսպառ բնաջնջումից և ապա դարբնելու մեծ երազը՝ ազատ Հայաստանի:

Յառա՛ջ տղաներ...

Դրօն բերնից արիւն է ժայթքում, թշնամու գնդակը քերել է սիրտը ու թաղւել թոքի մէջ, բայց կարո՞ղ ես պահել հիւանդանոցում, համոզել որ մնայ տանը՝ կազդուրւի:

Ու հազիւ սպիացած վէրքը կրծքին, նորից առաջին գծերում, իր սիրելի «տղաների» հետ միասին, ճեղքում է տա...

րածութիւնը տենդագին թափով ու մտնում վան, Շատախ,  
փրկելու համար վասպուրականի վերապրող հայութիւնը:

Յետոյ...

Վերահաս աղէտներ, դաւեր, կռիւներ, ոգորումներ, Սար-  
դարապատ, Բաշ-Աբարան, Ղարաքիլիսէ, անկախ Հայաստան,  
Ջանգեզուր, Երևան, նորից դաւեր, անհնարին հերոսական  
պայքարներ, Դեկտեմբեր 2, Մոսկւա և վերջապէս արտա-  
սահման...

Մի ամբողջ ողիսական...

Եւ ահա Բ. աշխարհամարտը:

Հիթլերի բանակաները յաղթական երթով շափում են բո-  
վանդակ Եւրոպան ու իրենց ծանր գլանի տակ ճզմում ամեն  
ինչ, ազգերն ու պետութիւնները:

Բազմաթիւ ժողովուրդներ յայտարարւած են «օրէնքից  
դուրս» և հրէա արիւնն իր յաւելեալ տուրքն է տալիս նացիս-  
տական նեղմտութեան:

Ճիշտ է գերագոյն ճիգերով հաստատւած է հայ ժողովրդի  
արիական ծագումը, սակայն նա համարւում է անվստահելի  
քաղաքական տեսակէտից և հետևաբար անբաղձալի՝ ըստ  
էութեան:

Վտանգւած է Եւրոպայի հայութիւնը, վտանգւած նոյն իսկ  
Կովկասի և Հայաստանի հայութիւնը, իսկ ուսական բանակ-  
ները նահանջում են «ծրագրւած կարգով» և այդ նահանջին  
վերջ չկայ: Արդէն որոտում են Մեսերշմիդներից նետւած  
ռումբերը Թիֆլիսի շրջակայքում և վտանգը դամոկլեան սու-  
րի պէս կախւում է հայութեան գլխին...

«Լինե՛լ, թէ շինել, այս է խնդիրը».

Լինե՛լ վճռում է Դրօն:

Պէտք է փրկել ինչ որ հնարաւոր է, պէտք է փրկել հայու-  
թիւնը որևէ գնով: Միթէ՞ այդպես չի՞ եղել ինք՝ իր ամբողջ  
կեանքի ընթացքում, մի՞թէ իր պարտականութիւնը չի այդ:

Դէպքերի բերումով կտրւած է ընկերներից և տառապում  
է հոգեպէս, ի՞նչ անել...

Եւ Դրօն նորից նետւում է «Գործի» գերագոյն վճռակա-  
նութեամբ, իր մտքի ու սրտի անսուտ թելադրանքով:

Ու նորից «ձիու» վրայ, մի խումբ նոր «քեալաշների հետ»,  
յոյսով ու երկիւղով լի հայացքն ուղղած դէպի հայրենիք,



քայլում է նա, որպէսզի վճռական վայրկեանին այնտեղ լինի, «իր» ժողովրդի կողքին, ինչպէս միշտ:

Ճիշտ է, հետագային իր մտահոգութիւնները շարդարացան, դէպքերը զարգացան բոլորովին այլ ուղղութեամբ, սակայն Դրօն փրկեց հազարաւոր կեանքեր, յատկապէս հայ կեանքեր, վիրաւորներ, հիւանդներ, գերիներ, անկարներ, որոնք վերապրում են այսօր Դրօյի շնորհիւ:

Այնուհետեւ գորշ, սպասումներով ու կարօտներով լեցուն տարագրի կեանք, երբ շհնչեց նրա ահեղ մարտագոշը, շորոտաց հրամանն ու սաստը, բայց թրթռաց իր հոգին՝ շուրջը խլրտացող նորելուկ հայ «բալա»ներին ի տես: Իր գուրգուրոտ խօսքով վառ պահեց վաղւայ լաւ օրերի կայծը երիտասարդ հոգիներում և հուժկու խօսքով պաշտպան կանգնեց հայ դատին:

\* \* \*

Դրօն մտքի տիտան շէր և ոչ էլ գրշի վարպետ, ազատութեան զինւոր էր և արդարութեան պաշտպան: Հոգու ու սրտի հսկայ, որ կարող էր ընդգրկել ողջ աշխարհը և արդար ատելութեան հրարուխ, անզուսպ ու տարերային ժայթքումներով վտանգաւոր ու զարհուրելի:

Սիրում էր կեանքը և արհամարհում մահը:

Կեանքի իմաստը՝ ծառայելն է իդեալին և առանց իդեալի՝ անիմաստ, ճղճիմ է կեանքը:

Հայութիւնն էր իր միակ իդեալը, նրա ազատութիւնն ու երջանկութիւնը, իսկ իդեալի համար «ամեն ինչ, կամ ոչի՛նչ»:

Եւ նա տւեց ամեն ինչ իր իդեալի համար, ինչ որ հնարաւոր է մարդկայնօրէն:

Ուր բռնութիւն կար ու վտանգ, հալածանք կար կամ մահ, այնտեղ էր Դրօն:

Հայոց աշխարհն իր տունն էր, լեռներն իր մահիճը և ժողովուրդն իր ընտանիքը:

Իր ունեցածը ազգինն էր և ազգի ունեցածը իրենը, ինչպէս որ իր կեանքը ազգինն էր:

Մեր օրերի վարդան զօրավարն էր նա, կամ Սասունցի Դաւիթը: Ժամանակը կը պայծառացնի մթնոլորտը և ժողո-

վուրդը կանմահացնի նրան բոլոր դարերի դիւցազանց շարքին:

Այդպէս է ժողովուրդը, արդար ու իմաստուն, վերին արդարադատը բոլոր ժամանակների:

Դրօները ծնւում են հայութեան ծոցում, մեծանում Դաշնակցութեան յարկի տակ և անմահանում հայոց պատմութեան ոսկեղէն էջերում:

Փառք նրա պայծառ յիշատակին:

«ԱԿՔ»

## ԴՐՕՅԻ ՄԱՀԻԱՆ ՊԱՐԱԳԱՆԵՐԸ ԵՎ ԹԱՂՈՒՄԸ

1954 թւի ամռան, Դրօն Բէյրութից Ամերիկա եկաւ իր ընտանիքի մօտ, խախտած առողջութիւնը վերականգնելու համար:

Յայտնի մասնագէտների մանրակրկիտ քննութիւնից պարզւեց, որ մեր անզուգական հերոսի միզափամփուշտի մէջ քաղցկեղի ճիւղաւորումներ կան: Հոշակաւոր մասնագէտ բժիշկները գիտական վերջին միջոցներով ձեռնարկում են բժշտութեան: Վեց ամսւայ ընթացքում կատարելապէս բժշկւելուց յետոյ, ընկ. Դրօն բժիշկների թոյլտւութեամբ վերադառնում է Բէյրութ, մէկ տարուց յետոյ վերադառնալու պայմանով:

1955 թւի ամառը Բէյրութում թոքերի բորբոքում ստանալով հիւանդանում և բժշկւում է. դեռ կատարեալ շապաքինած, նոյն թւի Դեկտեմբերին գալիս է Ամերիկա և բժշկութիւնը շարունակում մեր ընկերներից՝ բժիշկ Թուզեանի մօտ: Յունւար ամսին զգում է ուսերի ոսկորների ցաւ, ենթադրում է, որ բեմատիզմ է: Այդ ժամանակ արդէն գնացել էր իր մասնագէտ բժիշկների մօտ և քննութեան ենթարկւել: Այդ քննութիւնը պարզում է որ քաղցկեղը կատարելապէս բուժւել է: Սակայն ուսոսկրների ցաւը քանի գնում է զգալի է դառնում: Ընկերների խորհրդով և ուղեկցութեամբ Դրօն գնում է Բոստոնի Լէյի Քլինիկայում քննութեան ենթարկւելու:

Մի քանի հոշակաւոր բժիշկների մօտ քննւելուց յետոյ, ուղարկում են Բոստոնի Տիքնս հիւանդանոցը բժշկութեան համար: Այդ հիւանդանոցում շորս մասնագէտներ քննելով

հիւանդին և օրը երկու անգամ խորհրդակցութեան նստելով,  
թոյլ են տալիս տուն վերադառնալ և իրենց տւած դեղորայ-  
քով ու ցուցմունքներով բժշկութիւնը տանը շարունակել, ի  
հարկէ երկու օրը մի անգամ իրենց մօտ գնալու պայմանով:  
Բայց ուսերի ցաւը քանի գնում սաստկանում է, որի հետեւան-  
քով բժիշկները անհրաժեշտ են համարում ուսի ոսկրները  
բանալ հետազօտելու համար: Աջ ուսը գործողութեան են-  
թարկելով, մի կտոր ոսկոր և ոսկրային հիւթ են հանում քրն-  
եութեան ենթարկելու համար, իսկ իրեն երկու օրից յետոյ  
կրկին տուն են ուղարկում: Քննութիւնը պարզում է որ ուսի  
ոսկրների վրայ տարածւած են վատ տեսակի՝ արագ աճող  
քաղցկեղի ճիւղեր, որոնց ծայրերը հասել են ողնաշարի մի  
քանի ողներին: Գործողութիւնից յետոյ, բժիշկների համար  
պարզում է հիւանդութիւնը, ըստ այնմ էլ տանը շարունա-  
կում են բժշկութիւնը: Հիւանդութիւնը գաղտնի են պահում  
Դրօյից, միայն յայտնում են տիկ. Գայանէին և հիւանդին  
տէր կանգնած կենտ. Կոմիտէի անդամներին:

Երկու շաբաթ, երբեմն թոյլ, երբեմն խիստ ցաւերի մէջ  
տառապում էր մեր աննման հերոսը: Հիւրերի ներկայու-  
թեամբ, երբեմն տխրադէմ նստած, կատակներ էր անում,  
շրջում էր սենեակի մէջ, անկողնու վրայ պառկում, անքուն  
ու անհանգիստ անցկացնում իր օրերը: Մի գիշեր խիստ  
արիւնահոսութիւն է ունենում, ուստի գիշերւայ ժամը 3-ին  
փոխադրում են հիւանդանոց, ուր մնում է մինչև իր մահը:

Հիւանդանոցում տեղի է ունենում նոր արիւնահոսութիւն  
և գէմքը դեզնում է, բժիշկները հարկադրւած են լինում նոր  
գործողութիւն կատարել. նկատւում է որ հաստ աղիքի մէջ  
ուսէր հիւանդութեան վէրքեր կան, պարզւում է որ արիւնա-  
հոսութիւնը դրանից է: Լեարդը անկանոն է և լեղին շի աշ-  
խատում: Այդպիսով հիւանդութիւնները մէկը միւսի վրայ  
բարդելով Մարտի 8-ին, երեկոյեան ժամը 8 45-ին, յաւիտե-  
նապէս փակում է իր աչքերը մեր անզուգական հերոս Դրօն:  
Մահւանից երեք ժամ առաջ զրկւում է խօսելու կարողութիւ-  
նից:

Ինչպէս վերն օսացի, հիւանդին տէր կանգնեց Ամերի-  
կայի Լ. Յ. Դ. Կենտրոնական Կոմիտէն և հնարաւորն արաւ,  
փրկելու համար մեր հերոսի կեանքը:

Հիւանդանոցում Դրօյի սնարի մօտ, ցերեկները հսկում էին տիկին Գայանէն և իր երկու զաւակները, ամուսնացած Օլգան և Մարտիկը, իսկ գիշերը մինչև լոյս հերթապահութեամբ ընկերները, որից շատ գոհ էր մնում Դրօն: Քանի որ հիւանդանոցը ուխտատեղի էր դարձել, ուստի հիւանդանոցի վարչութիւնը ստիպւած եղաւ խիստ արգիլել այցելուների երթևեկը, բացի Կ. Կ. երկու անդամներից և երկու կարգապահ ընկերներից: Մահւանից երկու օր առաջ ինձ յաջողեց տեսակցութեան գնալ, ձեռքս բռնեց և թօթելով ասաց «ղուրբանդ ըլնեմ վահան, կը բարևես ընկերներին, ամենքին, ամենքին»: պարտք եմ համարում այդ բարևը հասցնել հեռաւոր Իրանի ընկերներին: Մահւանից յետոյ առաջարկ եղաւ հրկիզել դիակը և մոխիրը տուփի մէջ պահել Լ. Յ. Դ. թանգարանում, սակայն տիկին Գայանէն շհամաձայնեց և թոյլ տւեց միայն թոքի միջից հանել այն գնդակը, որ 1914 թւից մնացել էր անտեղ:

Յարգելի տիկնոջ ցանկութիւնը կատարւեց. թոքի միջից հանւեց արճիճի գնդակը, որ այժմ դրւած է փոքրիկ սրւակի մէջ, թանգարանում պահելու համար:

Կենտ. Կոմիտէն ընդառաջելով Նիւ-Յորքում եղած տարագիր կառավարութիւնների ներկայացուցիչների դիմումներին, որոշեց երկու օր դադաղը ի ցոյց դնել «Հայրենիքի» սրահում, ապա ութ օրից յետոյ թաղումը կատարել Նիւ-Յորքում: Սակայն նեղ շրջանակում տեղի ունեցած խորհրդակցական մի ժողովում, որոշեց խնդրել Կ. Կ.-ին, թաղումը կատարել Բոստոնում, աչքի առաջ ունենալով մի շարք առաւելութիւններ. Կ. Կ.-ն ընդառաջեց և թաղումը կատարւեց Բոստոնում:

Բոստոնի նահանգում, օրէնքով խստիւ արգիլւած է Կիրակի օրերը որևէ թաղում կատարել. Կենտ. Կոմիտէի ձեռք առած միջոցների շնորհիւ որպէս բացառութիւն, հնարաւոր եղաւ թոյլատուութիւն ստանալ, Դրօյի թաղումը Մարտի 18-ին՝ կիրակի օրը կատարելու:

Քէյմբրիճի նշանաւոր փողոցի վրայ գտնւում է Մաունթ Օպլըրն նշանաւոր գերեզմանատունը, որ հարիւրաւոր տարիների պատմութիւն ունի, ուր թաղւել ու թաղւում են նշանաւոր մարդիկ. Կենտ. Կոմիտէին յաջողեց Դրօյի դին ամփոփել

այդ նշանաւոր գերեզմանատան մէջ, նշանաւոր բլուրի ծոցում:

Համաձայն Կենտ. Կոմիտէի յայտարարութեան, Մարտի 10-ին և 11-ին, Դրօշի մարմինը գեղեցիկ դագաղի մէջ դրեցի ցոյց հասարակութեան, «Հայրենիք»-ի ընդարձակ սրահում: Սրահի բեմի մօտ ծածանում էին ամերիկեան աստղանիշ և հայկական եռագոյն դրօշակները: Ցածում դրած էին բազմաթիւ ծաղկէպսակներ, որոնց մէջ թաղած էր դագաղը, առանց կափարիչի, դէմքը եռագոյն դրօշակով ծածկւած: Երկու օրւայ ընթացքում հազարաւոր ուխտաւորներ արցունք թափելով եկան ու գնացին: Հնարաւոր է մոռանալ հասակաւոր Սահակին որ, մղոններ հեռու մի վայրից եկած, կրթնելով ձեռքի փայտի վրայ, ուրիշների օգնութեամբ դողդողալով բարձրացաւ սրահը և ապա դողդողալով ու արցունք թափելով մօտեցաւ դագաղին, բազկատարած աղօթեց ու մրմնջալով, արցունք թափելով յետ դարձաւ, յուզելով ամենքին:

Երկու օրից յետոյ դագաղը դրեց սառցարանում, իսկ որոշւած օրը Մարտի 18-ին, ժամի 3-ին, Բոստոնի Ս. Թրինիթի (Երրորդութեան) անգլիական եպիսկոպոսական մեծ եկեղեցում, ուր և կատարեց եկեղեցական արարողութիւնը:

Պատուոյ ծոպակիրներն էին Լ. Յ. Դ. Կենտ. Կոմիտէի անդամները, իսկ սգակիրները՝ թեքերին սև կապած, հայրենիքի վարչ. անդամները, վետերան ընկերներ և շրջանի կոմիտէների ներկայացուցիչներ, որոնք առաջնորդում էին դագաղը: Եկեղեցական արարողութիւնը կատարեց գլխաւորութեամբ Նիւ-Եորքի հովիւ Տէր Արսէն աւ. քհ. Միմոնեանի՝ մասնակցութեամբ հինգ քահանաների: Եկեղեցին լցւած էր շրջաններից եկած հազարաւոր ընկերներով և բարեկամներով, ներկայ էր նաև վենետիկի Միսիթարեանների արքահայր արհի. Ուլուհաճեանը: Արարողութիւնից յետոյ, «ի վերին Երուսաղէմը» շատ յուզիչ երգեց տիկին Նաւասարդեանը, ամենքի աչքերից արցունք խլելով:

Այդ եկեղեցում առաջին անգամ Բոստոնի և շրջանի հազարաւոր հայութիւնը ժամանակին դիմաւորել և ընդունել է

Հայաստանի Հանրապետության առաջին վարչապետ Քա-  
ջազնունուն, յուզմունքի և երջանկության արցունքներ թա-  
փելով. իսկ այսօր նույն հայութիւնը, հանրապետության ան-  
վեհեր հերոսի՝ Դրօշի մահւան կապակցութեամբ սգոյ ար-  
ցունքներ էր թափում:

Եկեղեցում խօսեցին արժ. Տէր Սիմէոնեան հայրը, Հ. Յ. Գ.  
Քիւրոյի կողմից ընկ. Կ. Թանտրճեանը, Հ. Յ. Գ. Ամեր. Կենտր.  
Կոմիտ. կողմից ընկ. Մ. Օզանեանը, Ամերիկ. Կոմիտէների  
կողմից Վ. Ահարոնեանը և Ուկրաինաի ժող. պատւիրակների  
ներկայացուցիչ դոքտ. Ս. Վիտվիցկի:

Արարողութիւնից յետոյ, շքերթը նույն կարգով եկեղեցուց  
դուրս եկաւ և հարիւրաւոր մեքենաների առաջնորդութեամբ  
ուղղւեց Մանութ Օպլըրն գերեզմանատունը, ուր հանգուցեալի  
դին յանձնւեց հողին: Գերեզմանատանը խօսեց Բէգլար Նա-  
ւասարդեանը, որը դազադի վրայ ցանեց Հայաստանի մի  
բուն հող, յետոյ բազմութիւնը խորը յուզմով երգեց «Մեր  
հայրենիք»ը:

Թաղումից յետոյ «Հայրենիք»ի սրահում, Կենտր. Կոմիտէի  
կողմից հոգեճաշ տրւեց, որին մասնակցում էին 500-ից աւելի  
ընկեր-ընկերուհիներ: Ճաշից յետոյ Կենտր. Կոմիտէի նա-  
խագահ դոքտ. Տաղլեանը խօսք տւեց ընկ. Գ. Մխիթարեա-  
նին, Վ. Աֆրիկեանին, Յ. Տէր Յովհաննիսեանին, Եդ. Սա-  
հակեանին, Տ. Դէվէջեանին, Զարեհ Զարգունուն, դոքտ. Դար-  
բինեանին (Տիթրոյթից), դոքտ. Թուզճեանին, դոքտ. Բաղ-  
դասարեանին, Ա. Կիրակոսեանին (Պրովիտենս) Վ. Թովմա-  
սեանին (Լոս Անջելոս): Նախագահը փակելով ճաշկերոյթը,  
իր շնորհակալութիւնը յայտնեց ընկ. Հ. Բաղրամեանին և  
ընկ. Կ. Լաչինեանին, իրենց թափած աշխատանքների  
համար և ճաշկերոյթը պատրաստող յարգելի տիկիներին:

Թաղման ամբողջ արարողութիւնը նկարահանւեց:

ՎԱՀԱՆ ԱՅՐԻԿԵԱՆ

Բոստոն, 1956

ՊԱՇՏՕՆԱԿԱՆ ԱԶԴԵՐ

Հ. Յ. Դ. ՄԱՐՄԻՆՆԵՐԻ ԿՈՂՄԻՑ

Ա

Հ. Յ. Դաշնակցութեան Կովկասեան Բ. Կ. Կոմիտեի որոշմամբ՝ Բազւի նահանգապետ իշխան Նակաշիձէ, Փետրուարեան եղեռնի գլխաւոր հեղինակը, Մայիսի 11/24-ին ենթարկւեց տեռորի՝ ռումբի միջոցով: Նահանգապետը սպանւեց տեղն ու տեղը:

«ԴՐՕՇԱԿ»

1905 Յունիս

Բ

Ռումբը խօսեց:

Գազազած հայ ժողովրդի վրէժի որոտաձայն խօսքն էր այն:

Հրէշը, որ քամեց մեր սրտի արիւնը, ողորմելի դիակ է հիմա: Փետրուար 6—9-ին նահատակւած մեր սիրելիների հոգիները թող հանգիստ առնեն այժմ:

Ռումբը դատեր շատ ունի դեռ եւ վա՛յ նրանց, որոնք կը կամենան այսուհետեւ յօշոտել հայ ժողովուրդը:

Կորչի բռնակալութիւնը,

Կեցցէ՛ կովկասեան ժողովուրդների եղբայրութիւնը,

Կեցցէ՛ ազատ Դաշնակցական կառավարութիւնը:

11 Մայիս 1905

Գ

Քաղաքացիներ,

Զորեքշաբթի, Մայիս 11-ին, ցերեկւայ ժամը 3-ին, քաղաքի կենտրոնում, Պարապետի վրայ Բազւի նահանգապետ իշխան Նակաշիձէն մահւտն պատժի ենթարկւեց:

2. 3. Դաշնակցութիւնը նրան դատապարտել է մահուան իբրեւ Փետրւարի 6—9-ի արիւնոտ օրերի գաղտնի կազմակերպիչը եւ հիղինակը: Այս վճիռն իր ժամանակին հաղորդւած էր դատապարտւածին: Սոյն վճիռը արձակւած էր նաեւ Բազում գործող միւս յեղափոխական կազմակերպութիւնների կողմից՝ առանց ազգութեան եւ կուսակցական խտրութեան: Վճիռը ի կատար ածւեց Դաշնակցութեան կողմից, որ այս պարագայում առաւելագոյն իւրատէրն է հասարակական վրէժխնդրութեան:

Իշխան Նակաշիձէի կրած պատիժը թող շշփոթեցնի ոչ ոքին: Դա մի արդար յատուցումն է մի զազիր ոճրի — կանգնեցնել հարեւանը հարեւանի դէմ եւ կազմակերպել մասսայական կոտորած՝ խաղաղ ժողովուրդը ահաբեկելու նպատակով: Իշխան Նակաշիձէն մարդասպան էր եւ դաւաճան: Նա մատնեց իր պաշտպանութեան յանձնւած քաղաքը հրոսակների եւ աւարառուների եւ դրեց մարդասպանների ձեռքը մահացու զէնքեր, եւ այդ զէնքերը թաթախեց հարիւրաւոր անմեղների արիւնով: Մահապարտ Նակաշիձէն պարտաւոր էր կնքել եղեռնալի կեանքը անարգ մահով: Այդ էր պահանջում հասարակական վրդովւած խիղճը եւ 2. 3. Դաշնակցութիւնը դրա արտահայտիչը հանդիսացաւ:

Հրաւիրում ենք ձե՛զ, քաղաքացիներ, խաղաղութեան եւ անդորրութեան:

Մի կորցնէք ձեր սառնասրտութիւնը: Իշխան Նակաշիձէն պատժեց իբրեւ եղեռնագործ, որի ճակատին արդէն դրոշմւած էր հասարակաց անարգանքը եւ որ դատապարտւած էր հասարակական դատարանով:

Պարապետի վրայ պայթած ումբը թո՛ղ շնորշնչի ձեզ երկիւղ վաղւայ համար: Այդ ումբը ուղղւած էր մի սրիկայի դէմ՝ որ սերմանում էր ազգաբնակչութեան մէջ ատելութիւն եւ երկպառակութիւն, որ ձեր եւ մեր թշնամին էր, որ կոտորեց ձեր որդկերանց, հայրերին, մայրերին, եղբայրներին եւ քոյրերին:

Հայ Յեղափոխական Դաշնակցութեան  
Բազուի Կենտ. Կոմիտէ



# ԴՐՈՆ ԵՒ ԻՐ ԳՈՐԾԸ\*

## ԱՆԴՐԱԴԱՐՁ

- «ՅՈՒՍԱՐԵՐ» ՀԱԼԷՊ, ՄԱՅԻՍ 1948, ՏՊԱՐԱՆ Ե Ա Ի Ր Ի

Գրեոյկի մը մէջ ամփոփելով Յուսարեղի խմբագրականներու ներկայ շարքը, որ սպառիչ կերպով կը լուսաբանէ համաշխարհային Բ. Պատերազմի տետղութեան հայ ժողովուրդի մէկ կարեւոր հատուածին վիճակուած նակատագիրը, կը կարծենք հայ մարդուն տուած ըլլալ թանկագին յուշատետր մը, որ ոչ միայն կը բացատրէ իր մօտիկ անցեալը, այլեւ յստակ կերպով կը մատնանշէ ապագայ ուղեգիծը:

**ՀԱՅ ԺՈՂՈՎՈՒՐԴԻՆ ՖԻԶԻՔԱԿԱՆ ԳՈՅՈՒԹԻՒՆԸ ԱՄԷՆ ԲԱՆԷ ՎԵ՛Ր** — ահա՛ այն իմաստուն կարգախօսը՝ որ մէջտեղ նետեց Դաշնակցութիւնը վերջին պատերազմի նախօրեակին, ու հաւատարիմ մնաց անոր ամէն տեղ, բոլոր պայմաններուն մէջ, առժամաբար անտեսելու գնով իր փաղափական ձգտումները, եւ, նոյնիսկ, ընկերային վարդապետութիւնը: Կէս դարու արիւնոտ փորձառութիւն մը, Հայ ժողովուրդին վիճակուած բախտը, իբրեւ փանակ ի սպառ կոտորուելու եւ անդարձօրէն պատմութեան անցնելու մղձաւանջը բերին Դաշնակցութիւնը այս «պահպանողական», այս «յետադիմական» տեսակէտին: Ու անցնող փոթորիկը ցոյց տուաւ, թէ որքան իրատեսութիւն եւ ողջախոհութիւն կար Դաշնակցութեան որդեգրած փաղափականութեան մէջ, ու նաեւ, որքան հայրենասիրութիւն:

Արդ, Դաշնակցութեան փողահարած այս կարգախօսը ոչ մէկ տեղ այնքան հաւատարմօրէն կիրարկուեցաւ, ու ոչ մէկ ատեն այնքան բարեբախտ արդիւնքի յանգեցաւ, քան պատերազմի ընթացքին Գերմանիոյ գրաւած վայրերուն մէջ: Ամբողջ վեց տարի արիւնը հոսեցաւ Եւրոպայի մէջ, քանի վերածելով այդ երկրամասը, Ֆրանսայէն մինչեւ Հիւսիսային Կովկաս: Միլիոնաւոր կեանքեր փնացան, պետութիւններ եւ ազգեր բնաջնջուեցան, ու համատարած աղէտէն անվնաս

դուրս եկաւ ամէնէն տկարն ու խոցելին՝ ցիրուցան ու անպաշտպան Հայութիւնը, որ ոչ միայն ֆիզիքապէս անվթար մնաց սպանդէն ետք, այլեւ շատ մը վայրերու մէջ բարձրացաւ դիրքով ու նարստութեամբ:

Հաշի համագոր այս անհաւատալի յաջողութիւնը հայ ժողովուրդը կը պարտի մարդու մը եւ իր ընկերներուն: Կը պարտի Դաշնակցութեան աննման մէկ զաւակին՝ Դրոյին եւ իր գործակիցներուն: Հայ կեանքի ցեցերը, տարիներ շարունակ, ի զո՛ւր փորձեցին ազարտել մեր մեծ ընկերոջ նակար: Սուտի եւ ֆութեան առասպելներով ի զո՛ւր նգնեցան «շողացող աստղին վարագոյր փաշել»:

Օգտուելով մութ ու խառնակ ժամանակէն, դիւրին էր անշուշտ զրպարտութեան սինակներ շարել անունին տակ մարդու մը, որուն ամբողջ կեանքն ու հերոսութիւնն եղած էր միա՛յն ու միայն հայրենիքին համար. դիւրին էր «դաւանան» որակել ողջ իր էութիւնը պատանի տարիքէն հայութեան նուիրաբերած մարդ մը, բայց քիչ մը դժուար էր՝ ա՛յժմ եւ յափտեա՛նս՝ պատասխանել հետեւեալ հարցումին — ի՞նչ պիտի ըլլար նակատագիրը գերման կրօնկներու տակ ինկող հայութեան, եթէ չըլլար Դաշնակցութեան արթուն պահակը՝ Դրօն:

Իբրեւ դաւանանութեան փաստաթուղթ իրենց թերթերէն գերման սպայի համազգեստներ հօնող բախտախնդիրները, եթէ կրնան, թող պան մը իրենց անհուն ուղեղներէն նարեն պատասխանը այս միա՛կ հարցումին. — Ի՞նչ պիտի ըլլար Եւրոպայի հայութիւնը՝ առանց «Դրօյի դաւանանութեան»...

Վաղուց վերջացած է պատերազմը: Երէկի թշնամիները բարեկամ են այսօր ու բարեկամները թշնամիներ: Վիժած խաղաղութիւն մը իր կարգին թուխս նստած է արդէն, ով գիտէ ի՞նչ հրէշային երկունքի մը համար: Մէկ օրէն միւսը, երկրագունտը կրնայ դարձեալ մտնել ֆառսի մը մէջ: Ու նորէն խունապահար ու շուար հայ մարդը կրնայ գտնուիլ միեւնոյն հարցումին առջեւ. — ի՞նչ ընել, ո՞ւր երթալ, որո՞ւն կառչիլ:

Այս գրեթէ կու տայ պատասխանը բոլոր հարցումներուն: Կը թելադրէ անշեղ հետեւիլ Դրօներու կուսակցութեան ցոյց տուած նամբուն: Որովհետեւ, աշխարհի մէջ չկայ անվի պայծառ հայելի ֆան Դրօներու աչքերը, որոնց մէջ միայն

հայ ժողովուրդը կրնայ տեսնել իր հարազատ պատկերը: Ի՞նչ վշտին համար պահուած արցունքը: Ի՞նչ յաղթանակին համար անհրաժեշտ վնասկանութիւնը: Ի՞նչ շֆեղ անցեալին արժանի հերոսութիւնը: Ի՞նչ մոայլ օրերուն համար անհրաժեշտ յոյսի շողը:

Ամբողջ կէս դար՝ Դաշնակցութիւնը արիւն փամեց ի՞նչ երակներէն ու հայ ժողովուրդին ցոյց տուաւ զոհողութեան ու պայքարի նամբարներ: Քարոզեց՝ մեռնի՛լ գիտնալ հայրենիքին համար: Ու սուրեցուց հայ ժողովուրդին՝ զոհողութիւններուն գերագոյնն ու սրբազանը — մեռնի՛լ հայրենիքին համար: Քսան տարեկան Դրօներ ունէր Դաշնակցութիւնը, որոնք վրէժխնդիր ոռամբերով կը դղրդացնէին բովանդակ Կովկասը ու մեռնիլ գիտցող ու մեռցնել գիտցող մարդո՛ւ կը վերածէին ստրկատիպ հայր: Նոյն Դրօն է ահաւասիկ, միեւնոյն Դաշնակցութիւնը, որ կը պատգամէ այսօր՝ թէ մեռնիլը սուրվել էտք, հարկ է նաեւ ապրի՛լ սուրվիլ հայրենիքին համար, սպասելով լաւագոյն օրերու...

Թող ամէն հայ մասունքի պէս բարձին տակ պահէ այս գրքոյկը որպէս յուշատետր անցեալին եւ ուղեցոյց գալիքին, որպէսզի վաղը, երբ նոր մրրիկներ ապեն երկրագունտը եւ հին ու նոր Դրօներ ցցուին վտանգին դէմ իրենց կուրծքը վահան դարձնելով անտէր հայութեան առջեւ, անանուն ստահակներ շփորձուին այլեւս «դաւանանի» շապիկ հագցնել մինչեւ իրենց արեան յետին կաթիլը հա՛յ ու հայրենապաշտ հերոսներուն...

Կա՞յ անելի մեծ փառք, կա՞յ պատմութեան թողութիւն անելի մեծ երախտիք՝ քան վարպետի ձեռքով ծրագրուած ու գործադրուած այս «դաւանանութիւնը», քառորդ միլիոն հայ կեանքերու փրկութեամբ:

Ապրի՛ն հայութեան խիզախ կորիւնները, որոնք այսպէ՛ս «դաւանանելով» կը ծառայեն իրենց հայրենիքին...

Ապրի՛ իրենց ծնունդ տուող Կազմակերպութիւնը՝ Հայ յեղափոխական Դաշնակցութիւնը:

Ապրի՛ բոլոր հերոսներու եւ հերոսական կուսակցութիւններու Մայրը՝ Հայ ժողովուրդը:

Հ. Յ. Դ. ՅՈՒՐԻՈՅ

Կ. ԿՈՄԻՏԷ

Երկրորդ մեծ պատերազմին հայ կեանքի մէջ ամէնէն անկ-  
ւի աղմուկ ստեղծուեցաւ մեր ընկերներէն Դրօյի անուան  
շուրջ:

Երբեմնապէս հակադաշնակցական մամուլը իր անկման  
մէջ հասաւ մինչեւ անբարոյութեան վերջին ծայրակէտը՝  
ամէ՛ն սուտ յօրինելով և անխղճաբար ամէ՛ն տիղմ թափելով  
հայ ժողովուրդի ամէնէն ազնուական զաւակներէն մէկուն՝  
ընկ. Դրօյի հասցէին:

Երբ այս յարձակումներն ու սուտերը կու գային բոլշեւիկ-  
ներո՛ւ կողմէ՝ մենք չէինք զարմանար, որովհետեւ Մոսկուան  
գիտէ — գիտենք նաեւ մենք — թէ ինչո՛ւ կը հալածէ Դաշնակ-  
ցութիւնը, ինչո՛ւ կը հալածէ դաշնակցական Դրօն:

Սակայն մենք, ծանօթ ըլլալով հանդերձ մեր ոչ-բոլշեւիկ  
հակառակորդներու բարոյականին, այնուամենայնիւ, կը զար-  
մանայինք, երբ նոյն սուտերն ու յարձակումները նոյնու-  
թեամբ կը կրկնէին նաեւ անոնք.

— Մի՞թէ այսֆա՛ն ստորացումի ընդունակ է հայ մար-  
դը, — տազնապով ու խորին դառնութեամբ կ'ըսէինք մենք  
մեզի:

Նիւ Եորքի համայնավար պաշտօնաթերթը՝ «Լրաբեր»՝ իր  
1944 Յուլիս 6ի թիւին մէջ, ամբողջ էջի լայնքին, ազդի մը  
ձեւով, իբրեւ առաջին էջի առաջին տող, խոշորկեկ գիրերով,  
կը յայտարարէր.

— «ԴՐՕՆ, ԴԱՇՆԱԿՆԵՐԸ ՀԱՅ ԱԶԳԻ ԴԱԻԱՃԱՆ:

«էջՄԻԱԾԻՆ Կ'ԸՍԷ.— ՎԱՍԱԿ ԴՐՕՆ ԻՐ ԴԱՇՆԱԿ ՀՐՈՍԱԿՆԵՐՈՎ ԿԸ ԾԱՌԱՅԷ ՀԻԹԼԵՐԵԱՆ ԲԱՆԱԿԻՆ»:

«Լրաբեր»ի ելույթէն երեք օր վերջ, Պոսթընի ռամկավար պաշտօնաթերթը՝ «Պայքար»՝ իր 1944 Յուլիս 9ի թիւին մէջ, «էջմիածին» պարբերականի 1944 Յունուարի թիւէն արտատպելով Սուրէն Ժ. վարդապետի գրութիւնը — «Ուղեւորութիւններ Հիւսիսային Կովկասում» — և այս առթիւ ընկ. Դրօյի դէմ խմբագրական մըն ալ թխելով, թերթի առաջին էջին վրայ, ազդի մը ձեւով ու խոշորկեկ գիշերով, կ'աւետէ՛ր.

— «ԴԱՇՆԱԿՑԱԿԱՆ ԴՐՕ ՀԻՒՍԻՍԱՅԻՆ ԿՈՎԿԱՍ Կ'ԵՐԹՍ. ՆԱՅԻՍՏՆԵՐՈՒՆ ՀԵՏ, ԿԸ ԹԱԼԷ ԱՆՈՆՑ ՀԵՏ, ԿԸ ՓԱԽՉԻ ԱՆՈՆՑ ՀԵՏ»:

Եւ որովհետեւ այսքան ցնծալի լուր մը հաղորդած էր «էջմիածին», ուստի Հիւս. Ամերիկայի «Ազգային Խորհուրդը», ուր համախմբուած էին բոլշեւիկները, ռամկավարներն ու հնչակեանները, Նիւ Եորքէն հեռագիր մը կը քաշէր Մոսկուա՝ «Թզվեստիա»յի, խստօրէն դատապարտելով Դրօյի դաւաճանութիւնը և առ այդ՝ ի քաջալերութիւն Մայր Աթոռի կղերականներու՝ 1000 տուար տրամադրելով «էջմիածին»ի... Եւ «Լրաբեր»ներու ու «Պայքար»ներու այս պիղծ արարքները կ'արձագանգէին գաղութէ գաղութ՝ լայնօրէն տեղ գտնելով բոլոր հակադաշնակցական — բոլշեւիկ, ռամկավար և հրնչակեան — թերթերու մէջ:

Առանց ամենափոքր խղճահարութեան, առանց ցաւի և ամօթի կը քաշքշուէր մարդ մը, որ իր պայծառ ու շքեղ անունով զարդարած է Հայկական Ազատամարտի ամէնէն գիւցազնատիպ էջերը...

Դաւաճան կը հռչակուէր մարդ մը, որուն հայրենապաշտ բազուկի ահեղ հարուածներուն տակ արիւնլուայ գետին փռուած են մեծազօր ու վաւերական դաւաճանները հայ ժողովուրդի...

Թալանճի, Վասակ կ'որակուէր իրա՛ւ անձնուրաց մը — քաջերուն մէջ շքեղօրէն քաջը և հերոսներուն մէջ կախարդօրէն հերոսը — որուն բովանդակ մրրկայոյզ կեանքը անհաշիւ, անկաշառ և անվերջ նուիրում մը եղաւ իր ժողովուրդին և հայրենիքին...

Ի՞նչպէս հրապարակ եկաւ Դրօյի անունը:

Թերթի ժլատ սիւնակները, տարաբախտարար, հնարաւորութիւն չեն ընծայեր մեզ այս հարցի սպառիչ պատասխանը տալու:

Մենք ստիպուած ենք գոհանալ քանի մը սեղմ լուսարանութիւններով:

Երկրորդ մեծ պատերազմին, նախածրագրուած «հանդիսաւորութեամբ» մը, Դրօյի անունը երեւ անգամ հրապարակ դրուեցաւ:

Առաջին անգամ այդ անունը մամուլի նիւթ եղաւ 1943ի Յունուարին, երբ բանաստեղծ Ա. Իսահակեան Երեւանէն արտասահմանեան թերթերու ուղղեց «Արկածախնդիրներ» խորագրով իր ծանօթ յօդուածը:

Երկրորդ անգամ Դրօյի անունան շուրջ աղմուկ ստեղծեցաւ գաղթական մամուլին մէջ 1944ին, երբ Երեւանէն ստացուեցաւ «էջմիածին» պարբերականի 1944 Յունուարի թիւը, ուր սմն Սուրէն ժ. վարդապետ գետեղած էր իր ծանօթ թղթակցութիւնը՝ «Ուղեւորութիւններ Հիւսիսային Կովկասում»:

Եւ, վերջապէս երրորդ անգամ կատաղի արշաւ մը շղթայազերծուեցաւ Դրօյի անունան շուրջ 1945 ամրան, երբ Ազգային Եկեղեցական Համաժողովէն արտասահմանեան պատուիրակները վերադարձան իրենց տեղերը:

Պատահականութեան արդիւնք չեն այս թուականները: Աւելի ուշ՝ մեր կեանքի խուզարկու գրիչը, աւելի խաղաղ պայմաններու մէջ, ի վիճակի պիտի ըլլայ ստոյգ և անվիճելի տուեալներով պարզելու, թէ ինչո՞ւ յատկապէս ա՛յս թուականներուն, 1943 Յունուար, 1944 Յունուար, և 1945 Յուլիս — ՄՈՍԿՈՒԱՆ Երեւանի և էջմիածնի միջոցով արտասահմանեան իր քարոզչական մեքենան լարեց ընկ. Դրօյի դէմ:

Այսօր և առ այժմ — քանի մը խօսք միայն:

1942 Յուլիսի կէսերուն գերման բանակը իր գլխաւոր ուժերը ուղղեց դէպի Սթալինկրատ: Օրհասական կռիւնները պատմական քաղաքի պատերուն տակ շարունակուեցան մինչեւ 1942 Նոյ. 19, երբ սկսաւ ռուսական հակայարձակումը. բուն յաղթանակը եկաւ 1943 Փետրուար 2ին՝ գերման ընտրելագոյն բանակը, աւելի քան 300.000 սուին, իսպառ փոշիացնելով Սթալինկրատի հարթադաշտերուն վրայ:

Սակայն յաղթաանկը եկաւ, ինչպէս ըսինք, 1943 Փետր. 2ին: Մինչեւ այդ թուականը, մանաւանդ Դեկտեմբեր-Յունուարին, բնաւ յայտնի չէր մարտերէն ահեղագոյնի բախտակշիռ ելքը: Կռիւը կրնար վերջանալ նաեւ գերման յաղթանակով: Այս յոռի ենթադրութեամբ ահա, 1942ի Դեկտեմբերի՞ն Չեկան կը թխէ «Արկածախնդիրներ» խորագրով իր յօդուածը, զայն ստորագրել կու տայ Իսահակեանի և շտապ կը յղէ արտասահմանեան բոլո՛ր թերթերուն (որոնց կարգին նաեւ «Յուսարեր»ի):

Յօդուածը Դաշնակցութեան դէմ ուղղուած չէ՛, այլ ուղղուած է սոսկ անոր ծոցին մէջ տեղ գտած «արկածախնդիր»ներու...

Յօդուածով Դաշնակցութիւնը դատախազ կը կարգուի իր «արկածախնդիր զաւակներու նկատմամբ, որոնք դաւաճանած են դաշնակցութեան անցեալին և դաւանանքին»:

Բանաստեղծը, արտասահմանէն Հայաստան դառնալէ ի վեր առաջին անգամ ըլլալով, այդ գրութեան մէջ հանդէս կու գայ իբրեւ դաշնակցական, և իր կուսակցութեան կը խօսի անոր վարկին նախանձախնդիր դաշնակցականի՛ ոգիով:

Ահա այն Հայաստանը, որ Երեւանէն բանաստեղծը կը ներկայացնէ իր կուսակցութեան.

պարտէ՞ անոնց վտանգաւոր քայլերը, անոնց ազգակործան գործունէութիւնը, կը պայքարի՞ անոնց դէմ, կը մերկացնէ՞ զանոնք զանգուածներու առջեւ» (քաղուածքները տեսնե՛լ «Ժողովուրդի Չայն», Պէյրութ, 1943 Յունուար 27-28ի թիւերը):

Պարզ էր, թե ո՛վ է յօդուածին բուն հեղինակը և ի՛նչ է գրութեան հետապնդած բուն նպատակը:

Սթալինկրատի մոայլ վախճանը նկատի առնելով՝ Չեկան քողարկած ճիգ մը կ'ընէր Դաշնակցութիւնը ողորկելու և զայն Դրօյի և իր ընկերներու գէմ հանելու:

Աւելին. այդ նոյն օրերուն Չեկան, որուն խանձող շունչին տակ թօշնած ու դալկացած էր Հայ քնարը, իրեն օգնութեան կը կանչէ հրեղէն զաւակը Լ. Յ. Դաշնակցութեան՝ գիւցազ-նաշունչ Սիամանթօն...

Առաւօտ մը Երեւանի մէջ լոյս կը տեսնէ «Ս. Հայաստան»ը, որու բովանդակ էջը, ամբողջ լայնքին, հսկայ գիրերով, բռնած է դաշնակցական անմահ երգչի բոցեղէն մարտասահրաւէրը — «ԶԱ՛ՐԿ ԿՈՎԿԱՍ»...



Եւ ո՞վ գիտէ, ո՞վ կրնայ ըսել, թէ ինչպէ՛ս թունդ ելաւ տազնապահար Հայրենիքի վառուած հոգին, երբ ան լսեց իր անմեռ, իր հարազատ զաւկի կրակոտ խօսքը...

Այսպէս է Բոլշեւիզմը, այսքան անարի և այսքան վատ...

Երբ Սթալինկրատի գոյամարտը վերջացաւ ուսական զէնքի փառաւոր յաղթանակով՝ այդ յայթանակի հետ միասին լռեց նաեւ Սիամանթոն...

Նոյն յաղթանակին հետ միասին մեռաւ նաեւ Իսահակեանի գրութիւնը...

Բոլշեւիկները այլեւս անյարմար նկատեցին այս վերջին գրութեան անդրադառնալ, կարծես իրենք շրջալին անոր հեղինակները:

Այդ գրութիւնը — նկատենք անցողակի — Հայաստանէն գալով՝ Հայաստանի թերթերուն մէջ երբեք չերեւցաւ:

Այսպէս լուռ անցաւ տարին մինչեւ 1944 Յունուար, երբ մէկէն «էջմիածին» պարբերականը, իր անդրանիկ թիւը հրապարակելով, անոր մէջ հրատարակութեան տուաւ Սուրէն Ժ. վարդապետի ծանօթ գարշելի գրութիւնը՝ «Ուղեւորութիւններ Հիւսիսային Կովկասում» խորարգի տակ:

Անցողակի յիշատակենք, որ նաեւ այս յօդուածի մասին Հայաստանի խորհրդային թերթերու մէջ ոչ իսկ Մէկ ՏՈՂ երեւցաւ:

«Ուղեւորութիւններ»ը, նմանութեամբ «Արկածախնդիրներ»ու, Զեկայի կողմէ պատրաստուած գրութիւն մըն էր, բացառաբար արտասահմանի համար:

Երբ «էջմիածին»ը հասաւ մեզի, գաղթաշխարհի հակադաշնակցական բոլո՛ր թերթերը, գլխաւորութեամբ բոլշեւիկներու, առանց որեւէ կասկածի և կամ վերստուգման ենթարկելու անծանօթ կղերականի մը անարժէք գրութեանը մէջ, ամբողջութեամբ իւրացուցին զայն և բուռն ու ատելալատ պայքար բացին թէ՛ Դաշնակցութեան և թէ՛ ընկ. Դրօշի դէմ:

Սուրէն վրդ.ի բերնով խօսողը կարծես մարգարէ մը ըլլար, որ եկած էր իր հօտին — համայնավար և համայնավարամիտ — ճշմարտութիւններ պատգամելու...

Սակայն երկար շտեմեց այս կեղծ մարգարէի սին փառքը:

Պայքարը մէկէն դադարեցաւ, և դադարեցաւ խորհրդաւոր պայմաններու տակ:

Ձեռագլխա Մայր աթոռը բացած ըլլալով պայքարը (իր պարբերականի էջերէն)՝ ձեռագլխա Մայր Աթոռն ալ զայն փակեց, երբ իր պատուիրակները — պրոֆ. Աշոտ Արրահամեան և Անուշաւան Տէր Գրիգորեան — 1944ի գարնան արտասահման անցան՝ կաթողիկոսական ընտրութեանց համար մերձարեւելեան գաղութներու մէջ՝ Իրանէն մինչեւ Եգիպտոս՝ նախապատրաստական աշխատանքներ տանելու համար:

Դրոյի խնդրին նուիրուած «Մեր պատասխանը» խորագրով խմբագրականին մէջ «Յուսարբեր»ի 1945 Օգոստոս 9ի թիւով կը գրէինք.

«Երբ այս տղայամիտ եւ գրգռիչ գրութեանը առթիւ հարցում ուղղեցինք Երեւանի կարեւոր անձի մը՝ մեզի ըսուեցաւ.

«— ԻՐԱՒԱՑԻ ԷՔ. ՊԷՏՔ ՉԷ, ՈՐ ԱՅԴ ԳՐՈՒԹԻՒՆԸ ՏՊՈՒԷՐ. ՊԻՏԻ ԱՌԱՋԱՐԿԷՒ ՉՊԱՏԱՍԽԱՆԵԼ ԱՅԴ ԳՐՈՒԹԵԱՆ ԵՒ ՀԱՐՅԸ ՓԱԿՈՒԱԾ ՆԿԱՏԵԼ. ԹԻՒՐԻՄԱՑՈՒԹԵԱՆ ԱՐԴԻՒՆՔ Է ԱՆՈՐ ՀՐԱՊԱՐԱԿՈՒՄԸ. ՆՄԱՆ ՅՕԴՈՒԱԾ ԱՅԼԵՒՍ ՉԻ ՏՊՈՒԻՐ»:

Ինչպէս քսինք, պատահական անձ մը շէր այս խօսքերը մեզի ըսողը, այլ լիազօր մը, որ իրաւունք և արտոնութիւն ունէր այս կարգի յայտարարութիւններ ընելու:

Մեր նոյն խմբագրականին մէջ, շարունակելով մեր խօսքը, կը գրէինք:

«Այս յայտարարութիւնը որոջ հաւատք և երջնչեց մեզ հենց այն պատճառով, որ Դրոյի դէմ յօդուածը հրատարակուած էր ոչ թէ «Ս. Հայաստան»ի մէջ (որ կառավարական եւ կուսակցական պաշտօնաթերթ մըն է), այլ «էջմիածին»ի մէջ (որուն կրօնական հանգամանք տեւածէ՛ք կը դարձնէր իր կուսակցական-ֆաղափական ելոյթը):

«Համաձայն մեզ տրուած խորհրդի՝ մենք շղթայափակեցինք, եւ Երեւանն ալ լոնց: Ու լոնց ասիք քան տարի մը: Երեւանի այս վերջին լուրթիւնը տեւեց սու Յունիս 1945, Միւշեւի էջմիածնի Ազգային Եկեղեցական Ժողովը»:

Արդ, ինչո՞ւ Երեւանը «Դաշնակցութիւն-Դրո» երկուօրեակի դէմ պայքարը վերսկսաւ 1944ի Յունուարին և արագօրէն ալ զայն փակեց և մնաց լուռ մինչեւ 1944 Յունիս:

Եթէ վերսկսման շուրջ կրնան տարբեր կարծիքներ գոյութիւն ունենալ, ԳԱԴԱՐԵՑՄԱՆ շուրջ, բոլոր պայմաններու տակ, տարակարծութիւններ պէտք չէ որ ըլլան:

Դադարեցումը որոշապէս ու պարզօրէն կատուած է կաթողիկոսական ընտրութիւններուն:

Մոսկուան իրեն վերապահուած պատճառներով կ'ուզէր նաեւ «հայրենուրաց» ու «հայրենադաւ» Դաշնակցութեան մասնակցութիւնը ապահովել 1945ի կաթողիկոսական ընտրութիւններուն:

Իսկ եթէ անհնար է այս, կ'ուզէր ապահովել Դաշնակցութեան գոնէ բարեկամական կեցուածքը ընտրութիւններու հարցին մէջ:

Նոյնը եղաւ Մոսկուայի վերաբերումը կաթողիկոսական ընտրութեան նաեւ առաջին Համագումարին, 1941 ապրիլ, եւրոքանի մը օրուան մէջ Լիբանանի դաշնակցական պատուիրակի՝ ընկ. Գ. Իփէքեանի վիզէն եկաւ Մոսկուայէն:

Արդ, 1944-1945 թուականներու կաթողիկոսական ընտրութեան այս նախապատրաստական շրջանին կարելի չէր միաժամանակ «կարկանդակը ե՛ւ ուտել, ե՛ւ պահել», ինչպէս որ չինը կ'ըսէ:

Կարելի չէր ե՛ւ Դաշնակցութեան օժանդակութիւնը ունենալ ընտրութեան հարցին մէջ, ե՛ւ Դաշնակցութեան դէմ հայհոյելը:

Այս նենգ նկատումներով խորհրդային վատագի իշխանութիւնը լռեց մինչեւ 1945 Յունիս, երբ կարելի դարձաւ էջմիածնի մէջ գումարած Ազգ. Եկեղեցական Ժողովին կողմէ կաթողիկոսական տեղակալ Գէորգ Զօրէքճեանը հռչակել Ամենայն Հայոց Կաթողիկոս:

Հոտ իսկ, էջմիածնի մէջ, Համաժողովի փակման օրը, 1945 Յունիս 25ին, բացառաբար Սթալինի ուղղուած ուշագրաւ հեռագրով մը — այս հեռագիրը ուսմակավար թերթերը շտուին — հայկական ճակատի վրայ բացուեցաւ այն պայքարը Անգլիոյ և Ամերիկայի դէմ, որ այսօր ծաւալած ու թունաւորած է ամբողջ աշխարհը:

Վստահ, որ այս պայքարի մէջ կարելի չէ Դաշնակցութեան համեմատութիւնը ունենալ, Երեւանը էջմիածինէն արտասահման ճամբեց գաղութահայութեան բոլոր պատուիրակները՝

զանոնք ամէնէր Դաշնակցութեան դէմ զինելով և անոնց ամէնուն ձեռքը ինչ որ լուսանկարներ տալով, ուր Դրօն կը տեսնուի գերման մէկ-երկու զինւորականներու հետ...

Պատուիրակները վերադարձան, նոյն լուսանկարները անթիւ անգամներ, զանազան շափերու վրայ, զետեղեցին հակադաշնակցական բոլոր թերթերու մէջ՝ ահաւոր, խուժողուժ ու անպատկառ ոռնոց մը բարձրացնելով թէ՛ Դրօյի և թէ՛ Դաշնակցութեան դէմ:

Անցողակի դարձեալ շեշտենք հոս, որ նաեւ այս պիղծ պայքարին երկրի խորհրդային մամուլը շանդրադարձաւ ոչ իսկ Մէկ ԲԱՌՈՎ:

Համբաւաւոր լուսանկարներէն ոչ իսկ Մէկ ՀԱՏԸ երեւցաւ խորհրդային թերթերու մէջ:

Զեկայի նաեւ այս ցածրորակ հոգեւոր կերը սահմանուած էր բացառաբար արտասահմանեան հօտի համար:

Այս վերջին պայքարը այդ օրերէն գրեթէ նոյնութեամբ կը շարունակուի մինչեւ այսօր:

Ընթերցողը նկատեց անշուշտ, որ խորքին մէջ պայքարը Դրօյի դէմ չէր, այլ դաշնակցութեան, ըլլա՛յ այն ժամանակ՝ երբ Զեկան Դաշնակցութեան դատապարտանքը կը հայցէր «արկածախնդիր»ներու դէմ, ըլլա՛յ այն ժամանակ՝ երբ Զեկան բուն «արկածախնդիր»ը Դաշնակցութեան մէջ կը տեսնէր:

Ընկ. Դրօն համազգային կշիռով Դաշնակցութեան առաջնորդներէն ըլլալով՝ Բոլշեւիզմը իր պայքարը Դաշնակցութեան դէմ տարաւ առաւելաբար ընկ. Դրօյի գիծով, միաժամանակ նաեւ այս անբասիր հայրենասէրը մրոտելու համար:

Ընթերցողը տեսաւ նաեւ, որ Բոլշեւիզմը յաւիտենական սէրեր և ատելութիւններ շունի, ո՛չ իսկ Դրօյի և Դաշնակցութեան հանդէպ, այլ ունի յաւիտենական շահեր:

Երբ իր շահերը կը պահանջեն, Բոլշեւիզմը քողարկած «դատապարտանք»ի ձեւին տակ մինչեւ իսկ կը բռնի՝ Դաշնակցութեան առջեւ՝ անոր յեղափոխական անցեալը ոգեկոչելով, ինչպէս որ ըրաւ 1942ի դեկտեմբերեան մոռայլ և յուսահատ օրերուն, «Արկածախնդիրներ» ծանօթ յօդուածին մեջ:

Երբ իր շահերը կը պահանջեն, թունաւոր պայքարը կը վերսկսի՝ մէկէն և անակնկալաբար ձայնը կտրելու պայմանով, ինչպէս որ ըրաւ 1944-1945 թուականներուն:

Եւ երբ իր շահերը կը պահանջեն, տիպար վատ մը դառնայ թէ՛ Դրօշի և թէ՛ Դաշնակցութեան նկատմամբ, ինչպէս որ եղաւ 1945 Յունիսէն այս կողմ, մինչեւ այսօր:

Այսքան ոչի՛նչ, այսքան անարժէք է Բուլշեւիզմի խօսքը գաղափարներու, տեսակետներու և հաւատքի լոյսին տակ:

Բայց մի՞թէ նոյնը չէ Բուլշեւիզմը մի՛շտ, ամէ՛ն տեղ և բոլորի՛ նկատմամբ:

1941 Մայիս 19ին, երբ տակաւին իր ուժի մէջ էր 1939 օգոստոս 23ի ռուսեգերման բարեկամութեան ուխտը, երբ Հիթլէր և Սթալին սրտակից եղբայրներ էին տակաւին և երբ այնքան անհաւանական կը թուէր 1941 Յունիս 22ին շղթայազերծուած ռուսեգերման զինաբախումը, Նիւ Եորքի համայնավար պաշտօնաթերթը՝ «Լրաբեր»՝ դժուարացնելու համար Միացեալ Նահանգներու օժանդակութեան գործը Մեծն Բրիտանիոյ, Ապրիլեան ջարդերու առիթով կը նկատէր.

«Ամերիկահայե՛ր, յիշեցէ՛ք այն ընդվզեցուցիչ եւ շարագուշակ փաստը, թէ ի՛նչպէս առաջին մեծ պատերազմին անգլիական կայսերապաշտութիւնը Հայերը իր «փոքր դաշնակից»ը կ'անուանէր, մինչ թէ՛ այդ նոյն պատերազմի ընթացքին եւ թէ այդ պատերազմէն ետքը ան կը գործէր այնպէս, որպէսզի իրագործուի Հայերու իսպառ բնաջնջումը...»:

Աւելի ուշ նոյն «Լրաբեր» իր 1944 Մարտի 9ի խմբագրականով կը գրէր.

«Առաջին համաշխարհային պատերազմի ատեն հայերու զանգուածային բռնագաղթը եւ բնաջնջումը ծրագրուած էր Պերլինի մէջ եւ գործադրուեցաւ գերման զինուորականներու անմիջական ղեկավարութեամբը»:

Երբ Սթալին եղբայրացած էր Հիթլէրի՝ մեզ բնաջնջողը, չստ համայնավար «Լրաբեր»ի, ԱՆԳԼԻԱՆ էր, մինչ ետքէն, երբ Հիթլէր գաւաճանեց եղբայրութեան ուխտին և յարձակեցաւ Սթալինի վրայ, մեզ բնաջնջողը, ըստ նոյն «Լրաբեր»ին, եղաւ-դարձաւ ԳԵՐՄԱՆԻԱՆ...

Վաղը կրկին ԱՆԳԼԻԱՆ պիտի դառնայ, երբ անգլեւոտա տարակարծութիւններն ու ատելութիւնները աւելի խորանան...

«Մենք շատ լաւ գիտենք,— կը գրէր Ալ. Միասնիկեան, «Եռամեայ Խ. Հայաստանի առօրեայ խնդիրները» խորագրին տակ,— որ արտասահմանում պատրաստուած մարտական

կուսակցութեան շարաքաստիկ զինակիրները պատրաստ են կոչելու, ո՛չ, Հայկական Հարց կայ, Թրքահայաստանի խնդիրը մնում է:

«Տանկահայաստանի խնդի՞ր, — լուծուած է... Մեզ համար գոյութիւն չունի ե՛ւ սահմանների հարց»:

Արձագանգելով Միասնիկեանի այս յայտարարութեան, ուրիշ ականաւոր բողշելիկ մը՝ Ա. Կարինեան՝ կը գոչէր,

«Հայաստանի խորհրդայնացումով Հայկական Հարցը միանգամ եւ բնդմիշտ լուծուած է»:

Աւելի առաջ, 1918 նոյ. 29ի ծանօթ «Դեկլարացիա»յի հեղինակները — Ս. Կասեան, Աւ. Նուրիջանեան, Ալ. Բէգզադեան, Ս. Դովլաթեան, Ա. Մոււսեան և Ս. Տէր Գաբրիէլեան — իրենց ստորագրութեանը տակ սրտագին ողջոյն մը ուղղելով Թուրքիոյ՝ կը յայտարարէին.

«Հաւատում ենք, որ իմպերիալիստական լծից ազատագրող ժողովրդական Տանկաստանը մեզ եւս իր հետ Սեւի գաշնագրի հակառակորդ համարելով՝ մեզ եղբայրական ձեռք է մեկնելու...»:

Ստրուկներու այս ամբողջը ունենալով իր առջեւ՝ Քրեմլը Թուրքիոյ հետ կնքած իր զոյգ գաշնագրերու մէջ — Մոսկուայի (1921 Մարտ 16) և Կարսի (1921 Հոկտ. 13) — ուրանալով կ'ուրանար Հայկական Հարցը՝ **ԲՈՎԱՆԴԱԿ ԹՈՒՐԲԱՀԱՅԱՍՏԱՆԸ ԹՐԲԱԿԱՆ ՀՈՂ ՆԿԱՏԵԼՈՎ...**

Այս հերոսական գործերու հեղինակները այսօր մե՛զ կը հռչակեն «Թուրքիայի հողային ամբողջականութեան անձեռնմխելիութեան սկզբունքի կողմնակից» («Լրաբեր», 1948 Հունուար 22), երբ ստոյգ է, որ նաեւ վաղը այս նոյն ազգադաւները նոյնքան դիւրութեամբ հայկական հողերը պարգեւ պիտի տան ե՛ւ Թուրքին, ե՛ւ վրացիին, ե՛ւ թաթարին...

Եւ ինչո՞ւ վաղը...

Երէկ, իր 1944 Փետր. 24ի խմբագրականին մէջ, «ՅՈՐԴԱԻԱՃԱՆՈՒԹԻՒՆՆԵՐ» խորագրին տակ, համայնավար «Լրաբեր» մեր հասցէին կը գրէր.

«Դաշնակները մինչեւ այսօր ալ կը ծառայեն Հիթլերի պատերազմական նպատակներուն. ԱՅՍՕՐ ԱՆՈՆՔ ՆՈՐ ԴԱԻԱԴՐՈՒԹԻՒՆ ՄԸ ԿԸ ՍԱՐՔԵՆ, ՈՐՈՒՆ ԱՆՈՒՆԸ ԴՐԱՄ ԵՆ «ԹՐԲԱՀԱՅ ԳԱԻԱՌՆԵՐՈՒ ԿՑՈՒՄ ՍՈՎԵՏ ՀԱՅԱՍՏԱՆԻՆ»:

Այս տողերուն հեղինակը՝ նոյն «Լրաբեր»ը, իր 1948 Մարտ 13ի խմբագրականին մէջ, դարձեալ մեր հասցէին, կը գրէր.

«Դաշնակցութեան կուսակցապետները անգուսպ կառադութեամբ կը կոուին թրփահայ հողերու ազատագրումին դէմ»:

Ա՛յս է Բոլշեւիզմը, և այսպէս մի՛շտ, այսպէս ամէ՛ն տեղ և ամէնքի՛ նկատմամբ:

Իր բոլոր ամբաստանութիւնները նաեւ ընկ. Դրօյի դէմ նոյն կշիռը, նոյն ազատութի՛ւնը և պարկեշտութի՛ւնը ունին:

Ահա թէ ինչո՛ւ որքան աւելի Բոլշեւիզմը իր բոլոր թմբկահարներով միասին կը շարախօսեն ընկ. Դրօյի հասցէին. այնքան աւելի ոչ միայն իր կուսակցութեան, այլ և համայն հայ ժողովուրդի մէջ կը ծաւալին յարգանք ու սէր Դրօյի անձին շուրջ:

Ասկայն ընկ. Դրօն — ըսէ՛ և կրկնէ՛ — հակադաշնակցական վոհմակի յուրացած խժալուր վայնասունին մէջ զո՛հն է իր կուսակցութեան:

Այս անպարկեշտ և սանձարձակ արշաւին մէջ Դրօն սոսկ պատրուակ է, բայց երբեք պատճառ:

Բուն պայքարը Դաշնակցութեան դէմ է՝ զայն արատաւորելու և զայն զգետնելու համար:

1944 Դեկտ. 28ի գիշերը Ռուսմանիոյ մայրաքաղաքին մէջ, Պուքրէշ, անահնկալարբար զանգուածային խուզարկութիւններ տեղի կ'ունենան և կը ձերբակալուին շուրջ 1200 ուսմանացի լէգէօնականներ:

Նոյն գիշերը, գործակցութեամբ ուսմէն և խորհրդային զինուորական իշխանութեանց, կը ձերբակալուին նաեւ բազմաթիւ անմեղ հայեր, կա՛մ իբրեւ դաշնակցական և կամ իբրեւ Դաշնակցութեան համակիր անձեր:

Ահա քանի մը անուններ համոզելու համար, թէ որքան անմեղ էին այդ մարդիկը, Ռուբէն Իսրայէլեան (առեւտրական), Պէտրգ Ղազարեան (դաշնակցական, շուրջ 75ամեայ ուսուցիչ), Գուրգէն Սարգսեան (ուսուցիչ), Խաչատուր Եզանեան (ուսուցիչ, դաշնակցական), Յարութիւն Աթանասեան (աշայ Մամսլաի նախկին խմբագիր), Վահան Կէմիճեան (փաստաբան), Գէորգ Քէստանեան (առեւտրական), Վարդան Առաքելեան (դաշնակցական, նախկին ուսուցիչ, առեւտրական), Սերոբէ Սուրեան (սուրճի առեւտրական) եւ այլն:

Այս մարդիկ շմեկնեցան երկրէն, գիտակցօրէն մնացին Ռուսանիա, որովհետեւ ոչ մէկ յանցանք գործած էին ո՛չ Կարմիր Բանակի և ոչ ալ Խորհրդային իշխանութեանց դէմ:

Հակառակ այս բացայայտ իրողութեան, անոնք ամէնքն ալ մէկէն և անակնկալաբար ձերբակալուեցան և ետքէն ալ քշուեցան դէպի Ռուսիոյ խորերը...

Ռուսանիոյ բովանդակ հայութիւնը յուզումի մէջ իր այս անխիղճ և տմարդի ձերբակալութեան առիթով:

1945 Յունուար 14ին լոյս կը տեսնէր Պուքրէշի համայնավար պաշտօնաթերթը՝ «Պահակ»՝ ամբողջութեամբ նուիրուած ձերբակալութեանց:

«Դաշնակցական կամ համակիր անձեր՝ զարմանք ու ցաւ կը յայտնեն ձերբակալութիւններու առիթով», — կը յայտարարէր «Պահակ»:

«Հայաստանեան շրջանակները՝ փաստացի դատողութեանց ու հայ պետական ըմբռնումի վրայ կանգնած՝ կ'արտայայտէին իրենց հաւատքը սովետական իշխանութեանց միջոցառումներու նշդութեան եւ արդարամտութեան վրայ» — կը յայտարարէր նոյն բոլշեւիկ պարբերաթերթը:

Այս «արդարամտութեան» թէ՛ ապացոյցը տալու և թէ ցնցուած ռոմանահայութիւնը լուսաբանելո՛ւ և խաղաղեցնելո՛ւ համար, նոյն «Պահակ» իր նոյն թիւով կը գրէր:

«Ո՛րն է հայ պետութեան տեսակետը» (ձերբակալութեանց մասին. — «Յուս.»):

«Ահա պաշտօնական կարծիքը մեր Ընդհանուր Հայրենիքի, Սովետական Միութեան բարձրաստիճան պաշտօնատար Մուրթովի.

«ՈՐՈՒ ՀԱՄԱՐ ԱՅԺՄ ՊԱՐՁ ՁԷ, ԹԷ ՈՎ ՈՐ ԴԵՌ ԻՆՔՋԻՆՔԸ ԴԱՇՆԱԿ Կ'ԱՆՈՒԱՆԷ, ՁԻ ԿՐՆԱՐ ՈՅԻԷ ԱՅԼ ԴԵՐ ԽԱՂԱՎ, ԲԱՅԻ ՍՈՎԵՏԱԿԱՆ ՀԱՅԱՍՏԱՆԻ ԹՇՆԱՄԻԻ ԴԵՐԷՆ, ԱՅՆ ՍՈՎԵՏ. ՀԱՅԱՍՏԱՆԻ, ՈՐ ՈՏՔ Է ԴՐԵՐ ՊԱՆԾԱԼԻ ԱԶԳԱՅԻՆ ՎԵՐԱԾՆՈՒՆԴԻ ՈՒՂԻԻՆ ՎՐԱՅ»:

Ուրեմն խօսքը բացառաբար Դրօյի մասին չէր, այլ ԱՄԷ՛Ն դաշնակցականի, որու մէջ համայնավար կուսակցութեան Պոլիտբիւրոյի անդամը՝ «բարձրաստիճան պաշտօնատար» Մուրթով՝ Հայաստանի ԹՇՆԱՄԻ կը տեսնէր...



«Չեն հասկնար կամ չհասկնալ կը ձեւացնեն, — կը գրէր «Պահակ» անո՛նց հասցէին, որոնք «զարմանք ու ցաւ յայտնած են ձերբակալութեանց առիթով, — թէ ինչքա՛ն պախարակելի, ազգակործան ու հայրենադաւ գործեր կատարեցին դաշնակները, ՄԱՆԱԻԱՆԴ ՎԵՐՋԻՆ 24 ՏԱՐԻՆԵՐՈՒ ԸՆԹԱՑՔԻՆ (ընդգծումը՝ մեզմէ. — «Յուս.»), արտասահմանի մէջ:

«Ի՞նչ ըրին դաշնակները:

Ըրին այն բոլորը, ինչ որ մարդկօրէն շէինք կրնար երեւակայել, որ կրնան ընել աշխարհի մեծագոյն շարագործները: ՄԱՏՆՈՒԹԻՒՆ, ԵՂԲԱՅՐԱՍՊԱՆՈՒԹԻՒՆ Ե... ՀԱՅՐԵՆԱԴԱԻՈՒԹԻՒՆ. ահա՛ թէ ի՛նչ ըրին»:

Ուրեմն խօսքը Դրօյի ունեցած գործակցութեան մասին չէ՛ր — պատերազմի շրջանին նացի Գերմանիոյ հետ — այլ խօսքը Դաշնակցութեան ընդհանուր գործունէութեան մասին էր, թէ՛ մինչեւ 1920ը ու ՄԱՆԱԻԱՆԴ 1920էն այս կողմ, «վերջին 24 տարիներու ընթացքին», գործունէութիւն մը, որ լի է ՄԱՏՆՈՒԹԵԱՆ, ԵՂԲԱՅՐԱՍՊԱՆՈՒԹԵԱՆ և ՀԱՅՐԵՆԱԴԱԻՈՒԹԵԱՆ մարդկօրէն աներեւակայելի շարագործութիւններով...

«Կրկին անգամ յստակ դարձաւ մեզի, — կը գրէինք մեր 1945 Օգոստ. 9ի խմբագրականին մէջ, — որ մեր դէմ ձեռնարկուող նոր արշալի մէջ Դրօյի խնդիրը որոշապէս ՊԱՏՇՐԻԱԿ է, բայց երբեք ՊԱՏՃԱՌ»:

Այո՛, ստոյգ է, օրուան շափ պարզ ու պայծառ, որ բուն պայքարը Դաշնակցութեա՛ն դէմ էր:

Սակայն ինչո՞ւ Դրօյի՛ անուան շուրջ և ինչո՞ւ Դրօյի՛ կապակցութեամբ:

Պարզ էր և այս:

Դրօն վաժա շէր (Սթալինի նման) և ոչ ալ Ֆիւրեր (Հիթլերի նման) — Դաշնակցութիւնը գլխադիր Ղեկավար կամ Առաջնորդ շունի (ինչպէս որ պիտի ըսէր Ռոստոմ), սակայն Դրօն իր կուսակցութեան անվիճելի առաջնորդներէն էր՝ պայծառ, շքեղ ու կախարդիչ անունով: Իրա՛ւ դաշնակցական մը, որու անձին հանդէպ շարքերը լեցուած են անսահման ու խանդավառ հաւատքով:

Դաշնակցութի՛ւնը սպաննելու համար, դաշնակցական շարքե՛րը խորտակելու համար՝ մրոտել, վարկաբեկել ու ոչընչացնել պէտք է — բարոյապէս ու ֆիզիքապէս — Դաշնակցու-

թեան այս պայծառ դէմքերն ու վարիչները և անոնց մէջ առաջին հերթին իր ժողովուրդի և իր կուսակցութեան անմահ զաւակը՝ Դրօն:

Բայց ի՞նչ էին մեր դատախազներուն մեղադրանքները:

Հանրային գործը նիւթ չէ, այլ ոգի առաւելաբար: Եւ այդ իսկ պատճառով հանրային գործի մէջ կարելորը այն չէ միայն, թէ ի՞նչ գաղափարներ կը քարոզուին, այլ և այն, թէ այդ գաղափարները ո՛վ կը քարոզէ և ի՞նչ նպատակներով:

Առանց ստոյգ գիտնալու այս վերջին պարագաները, անկարելի պիտի ըլլար թափանցել քարոզչութեան արժէքին, անոր բուն նպատակներուն:

Օրինակ, Բոլշեւիզմը մեզ կ'ամբաստանէ երկու ծայրագոյն մեղքերով, — հայրենակցութեամբ և հայրենադաւուրութեամբ:

Կը յայտարարէ, որ մենք, հայրենասէր շրջալով, դիւրութեամբ ուրացած ենք մեր հայրենիքը, և, ուրանալով զայն, դիւրութեամբ դաւած ենք անոր դէմ և գործակցած անոր թշնամիներուն՝ նացիստներուն:

Արդեօք անկե՞ղծ է Բոլշեւիզմը իր այս ամբաստանութեանց մէջ:

Արդեօք կը հաւատա՞յ ան իր ըսածին, երբ այնքան կրքոտ բռնեցով ճիգ կ'ընէ իր խօսքին մէջ համոզել նաև ուրիշները:

Եթէ իրօք Բոլշեւիզմը անքաւելի ոճիր կը նկատէ հայրենուրացութիւնը և հայրենադաւուրութիւնը, այդ պարագային կարելի չէ շնաւատալ իր խօսքին անկեղծութեանը: Իր ամբաստանութեանը մէջ ան այդ պարագային կրնայ սխալիլ, սակայն չի կրնար կեղծել: Սխալվելով իսկ, սխալ տեսնելով մեր գաղափարական դէմքն ու մեր կատարած գործը, իր բուն նպատակը կ'ըլլայի ջատագովե՛լ հայրենասիրութիւնը իբրև վսեմ, անմեռ և շքեղ գաղափար:

Իսկ եթէ Բոլշեւիզմին անհաղորդ են հայրենասիրութեան և հայրենադաւուրութեան գաղափարները, եթէ Բոլշեւիզմը՝ իբրև վարդապետութիւն՝ կրնայ ե՛ւ հայրենիք ունենալ, ե՛ւ անոր դէմ դաւել՝ այն պարագային պէտք չէ՛ հաւատալ իր խօսքին, պէտք չէ՛ հաւատալ անկեղծութեանը իր ամբաստանութեանց, այլ, ընդհակառակն, այդ պարագային զանոնք պէտք է առնել

ափի մէջ, ինչպէս Նիցշէ կը խրատէր, շօշափել, պրպտել ու հոտոտել, գիտնալու համար, թէ ինչո՛ւ և ի՛նչ նպատակով կ'ըսէ:

Համայնավար վարդապետութեան հիմնադիրը՝ Լենին՝ որ անսխալական հռչակուած է Խորհրդային Աշխարհին մէջ, տակաւին 1915 Յուլիսին, առաջին մեծ պատերազմի ամենատաք օրերուն, Զուիցերիայէն կը գրէր.

«Ով դէմ է պետական դաւաճանութեան, ով դէմ է Ռուսիոյ քայքայումին... ան կեցած է քաղփենիական եւ ոչ պրոլետարական տեսակէտի վրայ. ԱՌԱՆՑ ՊԵՏԱԿԱՆ ԴԱԻԱՃԱՆՈՒԹԻՒՆ ԳՈՐԾԱԾ ԸԼԼԱԼՈՒ՝ բանուորը շի կրնար ո՛չ դասակարգային հարուած հասցնել իր կառավարութեան եւ ոչ ալ իրական ձեռք կարկանել մեզի դէմ կոռուղ օտար երկրի մը իր բանուոր եղբօր» («Սոցիալ-Դեմոկրատ». 1915, No. 43):

Ինչպէս յայտնի է, Լենին, քրէական օրենքրքի կողմէ պահանջուած «ամուր յիշողութեան և պայծառ գիտակցութեան մէջ», պետական այս ԴԱԻԱՃԱՆՈՒԹԻՒՆԸ գործեց, և, միջնորդութեամբը ծանօթ Փարվուսի և կոմս Պրաքֆորտ-Րանթցաուի, կրցաւ թշնամի երկրի մը՝ Գերմանիոյ վրայէն 1917ին վերադառնալ հայրենիք՝ պատերազմի ամենատազնապոտ օրերուն սեփական կառավարութեան «դասակարգային» մահացու հարուած մը իջեցնելու համար:

Այն միակ տարրերութեամբ, որ Փարվուսի և կոմս Պրոքտորֆ-Րանթցաուի այս միջնորդութեամբ Լենին իր ձեռքը երկարեց ոչ թէ թշնամի գերման երկրի իր «բանուոր եղբօր», այլ Քանցլեր Պետման-Հոլվեկի և գերման բանակի սպայակոյտի պետ զօր. Լուտէնտորֆի...

Եւ գերման կառավարութիւնն ու Հրամանատարութիւնը սիրայօժար անցք տուին Լենինի դէպի Ռուսիա՝ վստահ գիտնալով, որ հոն կ'երթայ սեփական կառավարութեան մահացու հարուած մը հասցնելու համար:

Միամիտներ պիտի կարծեն, որ Լենին այս դաւաճանութեան գնաց ցարականութի՛ւնը խորտակելու համար, մոռնալով, որ նոյն Լենին իր գործակիցները այս նոյն պարտողական-դաւաճանական գործակցութիւնը գերման կառավա-

րութեան հետ շարունակեցին նաեւ Փետրուարեան Յեղափոխութեան օրերուն, երբ ցարական գահը խորտակուած էր արդէն և երբ երկրի իշխանութեան տէրը աշխատաւորութիւնը դարձած էր.

«Այնպիսի ազատութիւն, որպիսին մենք ունինք, — կը յայտարարէր Սթալին 1917ի Օգոստոսին, տակաւին Հոկտեմբերը շեկած, իր կուսակցութեան ճրդ Համագումարին մէջ, — շկայ եւ ո՛չ տեղ. պրոլետարիատը ոչ մէկ տեղ ունեցած է եւ ունի այսօր լայն կազմակերպութիւններ» («Ն. Ժուռնալ», գիրք XVII, նիւ Եորթ, 1947, էջ 151):

Այս խոստովանութիւնը արգելք չեղաւ սակայն, որպէսզի «մահացու հարուած»ի քաղաքականութիւնը շարունակուի նաեւ ազա՛տ հայրենիքի նկատմամբ, միշտ գործակցութեամբ թշնամի ուժերու:

Նոյնը եղաւ նաեւ Պրեսթ-Լիթովսքի մէջ, ուր բոլշեւիկ վարիչները, առաջին առթիւ Հայ Դատը վաճառքի հանելով, անջատ հաշտութիւն կնքեցին Գերմանիոյ հետ, 1918 Մարտ 4/17ին, և այսպէս դաշնակից ընդհանուր ճակատը խորտակեցին:

Եւ այս գաղտնի սիրաբանութիւնները անոնք շարունակեցին իրենց իշխանութեան ամբողջ շրջանին մանաւանդ նացի Գերմանիոյ հետ, մինչեւ 1939 Օգոստ. 23, երբ Սթալին, իր, Ռիպենտրոփի, Մոլոթովի և կոմս Շուլէնպուրկի լուսանկարներով «Պրաւդա»ի և «Իզվեստիա»յի էջերը վարդերով, նացի-բոլշեւիկ բարեկամութեան ուխտը կը ստորագրէր Հիթլերեան Գերմանիոյ հետ:

Այս բոլորին մէջ Բոլշեւիզմի համար ոչի՛նչ կայ արտառոց և դատապարտելի, որովհետեւ Բոլշեւիզմին անհարազատ է հայրենիքի գաղափարը, որովհետեւ ան շ՛րնդունիր, չի ճանշնար զայն:

1922ին Ռուսիոյ ամէնէն մռայլ օրերուն, դաւադրութեամբ Քրեմլի աթոռին տիրացած Լենին՝ անխռով կը յայտարարէր.

«Մենք կը վկայենք, ՈՐ ՀԱՄԱՇԽԱՐՀԱՅԻՆ ԸՆԿԵՐՎԱՐՈՒԹԵԱՆ ՇԱՀԵՐԸ ԲԱՐՁՐ ԵՆ ՄԵՐ ԱԶԳԱՅԻՆ ՇԱՀԵՐԷՆ, ԲԱՐՁՐ ԵՆ ՊԵՏՈՒԹԵԱՆ ՇԱՀԵՐԷՆ» («Ն. Ժուռնալ», գիրք XVII, էջ 153):

Նոյնն է Բոլշեւիզմը նաեւ այսօր:

Իր իշխանութեան մէջ «ընկերվարութիւն» տեսնելով՝ Բոլշեւիզմը այդ իշխանութեան շահերը վեր կը դասէ Ազգի և Հայրենիքի, բոլո՛ր ազգերու և բոլո՛ր հայրենիքներու բոլո՛ր շահերէն:

Այսօր, երբ ան շարունակ «հայրենասիրութենէ» կը ճառէ, այդ «հայրենասիրութիւն»ը տարբեր բան չէ, քան «անզգամի վերջին ապաստանը», ինչպէս որ պիտի ըսէր հանճարեղ Լ. Թոլսթոյ:

Ո՛չ, լենինեան և սթալինեան գաղափարներն ու գործերը քարոզող ու կատարող մարդիկ ԱՆԿԵՂՄ ՉԾ՛Ն, երբ մեզ հայրենուրացութեամբ և հայրենադաւութեամբ կ'ամբաստանեն:

Զիրենք շահագրգռողը երբե՛ք Հայրենիք չէ, երբե՛ք Ազգը չէ, որովհետեւ իրենք մերժելով կը մերժեն այդ գաղափարները և դաւաճանութիւնը անոնց դէմ «պրոլետարական» պարտականութիւն կը նկատեն:

Մովսեսի աթոռին բազմած դպիրներ և փարիսեցիներ են այս մարդիկ, որոնք «ասեն և ոչ առնեն», կը քարոզեն գաղափարներ՝ հիմնովին տարբեր գործեր կատարելո համար:

Ահաւորագոյնը Բոլշեւիզմի բերած բոլոր շարիքներուն մէջ այն է, որ Բոլշեւիզմը նպատակին տանող բոլո՛ր միջոցները սուրբ կը հռչակէ:

Ոչի՛նչ պախարակելի, ոչի՛նչ դատապարտելի Սուտի, կեղծիքի և Խաբերայութեանց այն բոլոր ջահերու մէջ, որ բոլջեւիկեան նպատակին տանող ճամբաները կը լուսաւորին...

«Իրերու արմա՛տը նայէ», — կը խրատէր իմաստուն Կողման:

Իսկ համայնավար ամբաստանութեանց «արմատ»ը պրպրտելով՝ ուշիմ հայը պիտի տեսնէ, որ Մոսկուան դաժանաբար Դաշնակցութիւնը կը հալածէ ո՛չ անոր համար, որ հայրենուրաց է Դաշնակցութիւնը, այլ անոր համար՝ որ հայրենուրաց չէ՛:

Մոսկուան Դաշնակցութեան ոչնչացման վառ երազը կը հետապնդէ, մանաւանդ 1920էն այս կողմ, վերջին 28 տարիներու շրջանին, ո՛չ այն պատճառով՝ որ Դաշնակցութեան մէջ հայրենադաւը կը տեսնէ, այլ այն պատճառով՝ որ անոր մէջ հայրենադաւը չի՛ տեսներ:

Մոսկուան անողորբօրէն հալածած է, կը հալածէ ու պիտի շարունակէ հալածել Դաշնակցութիւնը այն միակ սլատճառով որ անոր մէջ տեսած է ու կը տեսնէ Հայ ժողովուրդին, Հայ Հայրենիքին անշաւաճանօրէն նուիրուած մոլեռանդ ու անկաշառ հայրենապաշտն ու ժողովրդասէրը:

Տեսած է այն ուժը, որուն համար Հայրենիքէն ու ժողովուրդէն վեր, անոնցմէ թանկ ու անոնցմէ նուիրական ոչինչ կայ այս աշխարհին վրայ:

Բոլոր դաւանանքները, ընկերավար ու ոչ-ընկերավար, բոլոր կարգերը, համայնավար ու ոչ-համայնավար, կու գան ու կ'երթան, մինչ Հայ Հայրենիքն ու Հայոց Ազգը կը մնան ու պիտի մնան ընդմիշտ և առյաւէտ, իբրև անմեռ ու մըշտակեաց արժէքներ:

Ահա թէ ինչո՛ւ ազգուրաց և հայրենուրաց Բոլշեւիզմը ատելով կ'ատէ և հալածելով կը հալածէ Հ. Յ. Դաշնակցութիւնը:

Այս նոյն — ու միակ — պատճառով ան փրփրած կը յեղյեղէ շարունակ նաեւ ընկ. Դրօշի անունը:

Ի՛նչ փառքեր ան պիտի շթափէր Դաշնակցութեան այս անզուգական վագրին առջեւ, եթէ երբեք կարենար զայն ՀԱՅՐԵՆՈՒՐԱՅ ու ՀԱՅՐԵՆԱԴԱԻ դարձնել...

Այս ակամայ շեղումը ըրինք լոկ ըսելու համար, որ այն, ինչ որ պիտի գրենք Դրօշի և իր անուան կապուած գործի մասին, երբեք նպատակ չունի ո՛չ Դրօն և ո՛չ ալ այդ գործը բոլշեւիկներու առջեւ «արդարացնելու»:

Պատերազմի ամբողջ շրջանին մենք կտրուած էինք մեր ընկերոջմէն. այդ ամբողջ շրջանին լուր չունէինք — անշուշտ վաւերական աղբիւրէ — ո՛չ իրմէ և ոչ ալ իր մասին:

Այսօր, երբ անհուն երջանկութիւնը ունինք մեր ընկերը ողջ-առողջ վերստին մեր մէջ և մեզ հետ ունենալու, պարտք կը զգանք, զինք լսած ըլլալով, գէթ սեղմ տողերու մէջ տալ մեր ընթերցողներուն պատկերը այն կացութեան, որ պատերազմի շրջանին ստեղծուեցաւ մեր ժողովուրդին համար, ըլլա՛յ Գերմանիոյ, ըլլա՛յ Գերմանիոյ իշխանութեանց ենթակայ երկիրներու մէջ:

1940 Յունիս 22ին Գերմանիա իր իշխանութեան տակ առած էր Ֆրանսան:

1941 Մայիս 28ին, Կրետէն գրաւելով, Գերմանիա իր տիրակալութիւնը հաստատած կ'ըլլար, Իտալիոյ հետ միասին, գրեթէ բովանդակ Եւրոպայի վրայ:

1941 Յունիս 22ին անակնկալաբար Խ. Միութեան վրայ յարձակելով, Գերմանիա արագօրէն յառաջացաւ պէպի Ռուսիոյ խորերը ու հասաւ գրեթէ Մոսկուայի դուռներուն:

Յաջորդ տարին նոյնքան արագութեամբ Գերմանիա իջաւ դէպի հարաւ. եղաւ պահ մը, երբ գերման բանակները Վլադիկաւկազի (այժմ Օրջոնիկիձէ) փէշերէն կը սպառնային Պաքուի և Թիֆլիսի:

«Այս հսկայածաւալ տարածութիւններու վրայ, — կ'ըսէր մեզի Հնկ. Դրօ, — գերման իշխանութեանց տակ կ'ապրէին աւելի քան 500,000 հայեր, որոնցմէ շուրջ 200,000ը՝ միայն Եւրոպայի մէջ»:

Արդ, այս հայ բազմութիւններու ճակատագրով զբաղուիլ պէ՞տք էր թէ ոչ:

Եւ եթէ պէտք էր, այս պարտականութեան մէջ Դաշնակցութիւնը մասնակցութեան իր բաժինը պէ՞տք էր ունենար, թէ՞, ընդհակառակն, Պիղատոսի նման ան իր ձեռքերը կրնար լուալ և քաշուիլ մէկդի:

Եւ եթէ Դաշնակցութիւնը իր ժողովուրդի այս ցրիւ ու տագնապահար մնացորդային ճակատագրով պէ՞տք էր զբաղուէր, ապա ընկ. Դրօ, որ վարիչ և պատասխանատու դէմքերէն է Հ. Յ. Դաշնակցութեան, մասնակցութեան իր բաժինը պէ՞տք էր բերէր թէ ոչ:

Երկրորդ աշխարհաւեր պատերազմը այս հարցերու առջեւ դրած էր մեր Կազմակերպութիւնն ու մեր ընկերները այն միւս հատուածին մէջ — ենթակայ գերման իշխանութեանց — որ պատերազմի գրեթէ բովանդակ շրջանին մեզմէ կտրուած մնաց:

Դժուարութեանց խորապէս թափանցելու համար նկատել պէտք է, որ մեր Մարմիններն ու ընկերները ՏԾՂԵԱ՛Կ էին իրենց Կուսակցութեան բռնած դիրքին պատերազմի մէջ:

Անոնք ԳԻՏԷԻ՛Ն, որ Դաշնակցութիւնը իր որդեգրած քաղաքականութեամբ Մեծ Ժողովրդավարութեանց հետ է:

Գիտէին այս մասին ոչ միայն Եւրոպայի մեր ՄԱՐՄԻՆՆԵՐԸ, այլ և գիտէին ԳԵՐՄԱՆ ԻՇԽԱՆՈՒԹԻՒՆՆԵՐԸ:

Այս ծանր պայմաններու տակ է ահա, որ մեր ընկերները, իրենց կարողութեան և հմտութեան առաւելագոյնը փորձելով, պիտի ջանային, ինչպէս առածը կ'ըսէ, ե՛ւ գերման «գայլը կուշտ պահել», ե՛ւ հայ «գառը ողջ փրկել»:

Առանց պատերազմին մասնակցած ըլլալու — կուսակցաբար և կազմակերպչօրէն — անոնք պիտի աշխատէին, պարզ գործակցութեամբ գերման զինուորական իշխանութեանց հետ, հնարաւորութեան սահմաններու մէջ մեր ժողովուրդին սպառնացող վտանգները մեղմել:

Ի՞նչ խնդիրներ կային պատերազմի առաջին շրջանին, մինչեւ 1941 Յունիս 22, երբ Գերմանիա տակաւին յարձակած չէր Խ. Միութեան վրայ.

1. — Գրաւեալ վայրերու մէջ հակահայ հալածանքներու դէմ անմիջօրէն միջոցներ ձեռք առնել:

2. — Ֆրանսահայ գերիները ազատել:

3. — Անհրաժեշտ աշխատանքները տանիլ՝ միշտ վառ պահելու համար Հայ Դատը:

4. — Հայաստանի դրկից ժողովուրդներու ներկայացուցիչներու հետ շփումներ ունենալ՝ պատերազմի վախճանիմ իրաւախոհութեամբ հարթելու համար անոնց հետ ունեցած մեր սահմանային վէճերը:

Գերմանեռուս պատերազմի բռնկումով՝ մեր ժողովուրդի վիճակը շատ աւելի ծանրացաւ:

Կէտ մը հոս կ'ուզենք առանձնակի յիշատակել՝ նախ քան այս շրջանին անցնիլը:

Նացի Գերմանիան որդեգրած էր ցեղային վարդապետութեան սկզբունքը. գերման ազգը հիւսիսային և արիակամ հռչակելով՝ ան վայրագ և արիւնալի պայքար մը բացած էր ոչ-արիական ժողովուրդներու, մասնաւորաբար սեմական ծագում ունեցող հրէութեան դէմ:

Պայքար բացած էր նաեւ մեր դէմ:

Նացի Գերմանիոյ ցեղային տեսարանները հրէութեան,



չինքրու և մոնղոլներու կարգը դասած էին, մասնաւորաբար  
ռուսահպատակ ազգերու մէջ, նաեւ Հայութիւնը:

Ատուլֆ Ռոզընպերկ՝ ցեղային վարդապետութեան մեծա-  
հմուտ տեսաբանը՝ իր ծանօթ գործի մէջ — որ ճշմարիտ Աւե-  
տարանի հանգամանքը առած էր գերման աշխարհին մէջ —  
կը գրէր.

«Տոսթոեակիի քով գրեթէ կարելի է ձեռքով շօշափել իր  
սրբազան կամքը, որ կը գտնուէր մշտական պայքարի մէջ  
կործանման գօրութեանց հետ: Մինչ ան տակաւին կը դրուա-  
տէ ռուս մարդը՝ իբրեւ ուղեցոյց եւրոպական ապագային,  
Ռուսիան, սակայն, յանձնուած կը տեսնէ արդէն դեւերուն:  
Ան արդէն գիտէ, ո՛վ յաղթող պիտի հանդիսանայ ուժերու խաղին  
մէջ, — «պաշտօնաբափ փաստաբաններ եւ ժպիրհ հրեաներ»:  
Քերենսկիյ եւ Տրոցկիյ մարգարէացուած են: 1917ին «ռուս  
մարդ»ը, վերջապէս, փրկուեցաւ (ակնարկը՝ Հոկտեմբերեան  
յաղթական դաւադրութեան. — «Յ.»): Ան բաժնուեցաւ երկու  
մասի: Հիւսիսային ռուսական արիւնք լինց պայքարը, մինչ  
արեւելեան-մոնղոլականը ուժգնօրէն թռիչք առաւ՝ շինացիներ  
եւ անապատային ժողովուրդներ (վերախմբումի) կոչելով  
հրեաներ եւ ՀԱՅԵՐ (ընդգծումը՝ մեզմէ. — «Յ.») սպրդեցան  
ղեկավարութեան մէջ, եւ դալմուխ-թաթար լենինը տէր դար-  
ձաւ իշխանութեան» A. ROSENBERG — «DER Mythus des  
20 Jahrhunderts», 1939, Միւնիխ, էջ 213—214):

Նացի տեսաբանի խտացած տողերուն մէջ տեղ գտած է  
այն խոր ատելութիւնը, որ նախապէս կար դէպի մեր ժողո-  
վուրդը Հիթլէրեան Գերմանիոյ մէջ:

Այս ատելութեան մէկ այլ արձագանգը կը լսուէր Կէորին-  
կի այն գաղտնի հրամանագրին մէջ — ուղղուած գերման բա-  
նակին — որ բռնուեցաւ ռուսական ճակատին վրայ:

Կովկասում, — ըսուած էր այդ հրամանագրի մէջ, — մեր  
չահերի համար օգտագործել հակասութիւնները, որ կան բնիկ-  
ների՝ վրացիների, հայերի, բուրքերի եւ ռուսների միջեւ  
ՀԱՇՈՒԻ ԱՌՆԵԼ ՀԱՅԵՐԻ ԱՌԱՆՁՆԱՊԷՍ ԱՆԲԱՐԵԱՑԱԿԱՄՈՒ-  
ԹԻՒՆԸ ՄԵՐ ՆԿԱՏՄԱՄԲ, («Սովետ. Հայաստան», 1942  
Ապր. 29):

Այն փաստը, որ Մոլոթով բոլոր պետութեանց ուղղած իր  
1942ի ապրիլեան յուշագրի մէջ — գերման բռնութեանց առի-

թով — այս հրահանգը կը յիշատակէր, ինքնին ապացոյց էր փաստաթուղթի վաւերականութեան:

Աւելութեան և թշնամանքի այս մթնոլորտին մէջ է ահա, թէ ցեղասպաններու և թէ իշխանութեանց, որ կ'ապրէր մեր ժողովուրդը, ըլլա՛յ Գերմանիոյ, ըլլա՛յ անոր ենթակայ երկիրներու մէջ:

Գերման և ուրս պատերազմի հետեւանքով մեր ժողովուրդի վիճակը, ինչպէս ընկ. Դրօ կը վկայէ, շատ աւելի ծանրացաւ:

Նոր թափով մը կրկին վերսկսան ծանօթ մեղադրանքներն ու զրպարտութիւնները հայ ժողովուրդի դէմ:

1. — Հայերը սեմական ծագում ունին:
2. — Հայերը անգլիասէր են եւ ի նպաստ Դաշնակիցներու ամէն տեղ քառազուրթիւն կ'ընեն:
3. — Հայերը անգլիացիներու միանալով՝ կամաւորական զունդեր կը կազմեն Առանցքի պետութեանց դէմ:

Այս մեղադրանքներն ու զրպարտութիւնները զուր շտեղծանք, ասոնց հետեւանքով ստեղծուեցաւ հետեւեալ կացութիւնը, վկայութեամբ միշտ ընկ. Դրօյին.

ա. — Մինչ կովկասեան այլ ազգերու գերիներու հանդէպ թոյլատու վերաբերում ունէին նացիները, հայ գերիներու հանդէպ անոնք դարձած էին դաժան եւ անգութ: Մեր գերիները ամենավատթաւ պայմաններու մէջ կը լծէին բռնի աշխատութեանց:

բ. — Մրագրած էին Ֆրանսայէ եւ Պալեստինէ հայերը փոխադրել Գերմանիա եւ հոն լծել բռնի աշխատանքներու:

Այս նոյն շրջանին տենդագիւնօրէն կ'աշխատէին նաեւ թուրքերը. անոնք կը պատրաստուէին առանցքին միանալ: Նուրի փաշա և Շամիլ, կովկասեան այլ ազգերու պատուիրակութեանց հետ՝ վրացի, ազերի և լեռնականներ, փոխադարձ համաձայնութեամբ եկած էին Պերլին, հոս, Գերմաններու պահանջով, անոնք կազմած էին Ազգային Խորհուրդներ, որոնք ձեւով մը իրենց երկիրներու ապագայ դահլիճները կը ներկայացնէին: Այս Խորհուրդները ոչ միայն ցեղակից գերիներու հոգատարութիւնն էին ստանձնած, այլ և ձեռնարկած էին ազգային բանակներու կազմութեան:

Հայութիւնը ենթացաւ էր մեկուսացման վտանգի:

Այս վտանգը փարատելու համար՝ կ'որոշուի շրջադիմանալ գերման պահանջին եւ թոյլ տալ նաեւ Հայկական Ազգային Խորհուրդ կազմելու, որու անդամները կը նշանակուէին իրենց իսկ՝ գերմաններու կողմէ:

Դաշնակցութիւնը ռեւէ մաս շունք այս գործին մէջ. Ազգային Խորհուրդները բառին բուն տողով ոչ թէ ազգային եւ կուսակցական, այլ գերման կառավարեալ մարմիններ էին:

Գերման պահանջներուն մէջ կար անչի էականը, — *կը յայտարարէր ընկ. Գրօ*, — այն է՝ կազմել ազգային կամաւորական զունդեր. մենք կրցանք դէմ կենալ այդ պահանջին, բայց հանդուրժեցինք — ահամայն եւ հարկադրաբար — որ գերմանները իրենք գերուած կարմիր բանակայիններէ կամաւորական զունդեր կազմեն: Հանդուրժեցինք, բայց շփաշալեւրեցինք: Աւելին: Անպաշտօն ձեւերով խորհուրդ տաինք գերմաններուն՝ խուսափիլ կամաւորագրուելէ: Մեր այս ջանքերու շնորհիւ կարելի դարձաւ կամաւորագրումէ գերծ պահել հայ գերիները եւրոպական բոլոր երկիրներու մէջ, բացառութեամբ Գերմանիոյ: Այսպէս կազմուեցաւ բանակ մը, բաղկացած բացառաբար գերմանաբնակ ութը ինը հազար հոգիներէ, որոնցմէ իւրաքանչիւրը իր թելին ծագոյն դրօշի նշան մը կը կրէր: Այս բանակին հրամանատարական կազմը զուտ գերմանական էր: **ԲԱՆԱԿԻՆ ՄԷՋ**, — շափազանց կարեւոր է նաեւ այս պարագան, — **ԴՈՒՐՍԻ, ԳԱՂՈՒԹՆԵՐՈՒ ՀԱՅՈՒԹՆԵՆԷՆ ԶԿԱՐՈ՛Չ ԻՍԿ ՄԷԿ ՍՊԱՅ ԿԱՄ ԶԻՆՈՒՈՐ**: Կարելի եղած էր նաեւ այս դժուարին գործը գլուխ հանել:

«Ինչպէս ըսինք, բանակին հրամանատարութիւնը ամբողջովին գերմաններու ձեռքը կը գտնուէր: Անոնք շէին հանդուրժեր ոչ մէկ միջամտութիւն ո՛չ մէկու կողմէ, անգամ Ազգ. Խորհուրդներու, պարագայ մը, որ մղեց այս վերջինները իրենց հրաժարականները ներկայացնելու. հրաժարողներու մէջ առաջինը Հայ Ազգային Խորհուրդն էր»:

Այս բանակին համար է ահա, որ գոր. Հիլմիխի կողմէ ընկ. Դրօշի կ'առաջարկուի ընդհ. բննիչի (inspecteur) պաշտօնը, սակայն ընկ. Դրօ կը յաջողի իրեն եղած այս առաջարկը մերժել, առաւելաբար այն առարկութեամբ, որ բանա-

կին մաս կազմող գունդերը ազգային միաւորներ չեն, այլ գերմանական:

Ռուսիոյ գրաւեալ վայրերուն մէջ, մանաւանդ Ուքրաինոյ, ուր խտիր շէին դներ հայի և հրեայի միջեւ, խոր ատելութիւն կար մեր ժողովուրդի հանդէպ: Գերմանները բռնի կը ժողվէին գրաւեալ վայրերու երիտասարդութիւնը, կին թէ տղամարդ, և կը քշէին զանազան տեղեր ծանր աշխատութեանց: Հայութիւնը այս վերահաս վտանգէն փրկելու համար կը յաջողուի, շափազանց դժւարին ճիգերով, գերման իշխանութեանց ընդունիլ տալ, որպէսզի հայերէ 180 հոգիանոց քառք մը կազմուի՝ օժանդակելու համար գրաւեալ վայրերու վարչական կազմակերպութեան:

Այս 180 հոգին կը տեղաւորուին գրաւեալ հողերու հայաբնակ կեդրոններու մէջ և կը ձեռնարկեն հետեւեալ աշխատանքներուն.

1. — կը վերաբանան դպրոցները:
2. — կը բանան եկեղեցիները:
3. — կը կազմակերպեն գաղութները:
4. — կը հիմնեն արհեստանոցներ:

5. — Եւ, վերջապէս, արգելի կ'ըլլան հայերու բռնի տեղանաւորեանց, բռնի կեդրոնացումներու եւ հայահալած քաղաքականութեան:

Գերման զինուորական իշխանութիւնները, — կը յայտարարէ ընկ. Դրօ, — կ'օժանդակէին մեզի: Եւ որպէսզի մենք կարողանայինք անարգել մուտք ունենալ ամէն տեղ ու հանչցով իշխանութեանց կողմէ, մենք որոշ համազգեստ կը կրէինք, որ ցոյց կու տար մեր պաշտօնն ու առաքելութիւնը:

«Մենք ոչ միայն համայնները կը կազմակերպէինք եւ կը պաշտպանէինք, այլ եւ արգելի կ'ըլլայինք վրէժխնդրական որեւէ աֆթի գործադրումին համայնավարութեամբ ամբաստանուած որեւէ մեկու նկատմամբ:

«Հակառակ այն անուրանալի իրողութեան, որ ժողովուրդի մէջ խոր եւ ընդհանուր ատելութիւն կար համայնավարներու եւ կոմերիտներու հանդէպ՝ մենք պաշտպանած ենք զանոնք բոլորը եւ անոնցմէ ե՛ւ ոչ մէկը յանձնած ենք գերմաններու ձեռքը: Ամէն կերպ ջանացած ենք, որպէսզի հայութիւնը իր միասնականութիւնը պահէ»:

Այս բոլոր աշխատանքները տանելով հանդերձ, պատե-  
րազմի ամբողջ ընթացքին, ո՛չ ընկ. Դրօ և ոչ ալ իր գոր-  
ծակիցները.

1. — Ո՛ջ Մէկ Տեղ Ո՛ջ Մէկ ՃԱՌ ԽՕՍԱԾ ԵՒ ԿԱՄ ԲԱ-  
ՆԱԽՕՍՈՒԹԻՒՆ ԸՐԱԾ ԵՆ:

2. — Ո՛ջ Մէկ ԳՐԱԻՈՐ ԿՈՉ ՈՒՂՂԱԾ ԵՆ ԺՈՂՈՎՈՒՐԴԻՒՆ:

3. — ԱՄէն Տեղ ԴԱԴՐԵՑՈՒԱԾ ԵՆ ԴԱՇՆԱԿՑԱԿԱՆ ԹԵՐ-  
ԹԵՐՈՒ ՀՐԱՏԱՐԱԿՈՒԹԻՒՆԸ ԵՒ, ՀԱԿԱՌԱԿ ԳԵՐՄԱՆՆԵՐՈՒ  
ԵՒ ԱՅԼ ԻՇԽԱՆՈՒԹԵԱՆՑ ԱՌԱՋԱՐԿՆԵՐՈՒՆ ԵՒ ՊՆԴՈՒՄՆԵ-  
ՐՈՒՆ, ԱՐԳԵԼՔ ԵՂԱԾ ԵՆ ԱՅԴ ԹԵՐԹԵՐՈՒ ՎԵՐԵՐԵՒՈՒՄԻՆ:

Օրինակ, Յ. Ճ. Սիրունի, իր թերթը փակելով, ամբողջու-  
թեամբ նուիրեցաւ Ռումանիա բերուած աւելի քան 1100 հայ  
գերիներու խնամքի եւ հոգատարութեան գործին. առաւելա-  
բար իր եւ իր ընկերներու ջանքերովն է, որ ռումանահայու-  
թիւնը այս գործին բերաւ նիւթական իր լայն աջակցութիւնը:

Անցողակի յիշատակենք հոս, որ «Հայաստան» անունով  
պարբերականի մը այն երկու թիւերը, որ լոյս ընծայեց Պեր-  
լինի Ազգ. Խորհուրդը, կապ չունին Դաշնակցութեան հետ.  
այդ զոյգ թիւերը սեփականութիւնն են Ազգ. Խորհուրդի, որ  
կարգուած էր, ինչպէս ըսինք, գերման իշխանութեանց կողմէ:

4. — ՏԱՂՍՏԱՆԻ ԱՊՍՏԱՄԲՈՒԹԵԱՆ ՇՐՋԱՆԻՆ ԼՈՒՐ  
ՂՐԿՈՒԱԾ Է ՀԱՅԵՐՈՒՆ, ՈՐՊԷՍՋԻ ԱՆՈՆՔ ՀԵՌՈՒ ՄՆԱՆ ԱՅՍ  
ՇԱՐԺՈՒՄԷՆ:

5. — ԱՐԳԵԼՔ ԵՂԱԾ ԵՆ ԱՆԿԱՐԳԵԼՆԵՐՈՎ ՀԱՅԵՐՈՒ ԱՌԱ-  
ՔՈՒՄԻՆ ՀԱՅԱՍՏԱՆ, ՄԻԱԿ ԵՐԿԻՐԸ ԱՄԲՈՂՋ ԿՈՎԿԱՍԻ  
ՄԷՋ, ՈՒՐ ԱՆԿԱՐԳԵԼՈՐԴ ԻՋԱԾ ՉԷ:

6. — ՀԻՒՍԻՍԱՅԻՆ ԿՈՎԿԱՍԻ ԳՐԱԻՄԱՆ ՇՐՋԱՆԻՆ, ԵՐՔ  
ԳԵՐՄԱՆՆԵՐԸ ԱՌԱՋԱՐԿԱԾ ԵՆ ԸՆԿ ԴՐՕՅԻՒ ԱՊՍՏԱՄԲՈՒ-  
ԹԵԱՆ ԿՈՉ ՈՒՂՂԵԼ ՀԱՅԱՍՏԱՆԻ ՀԱՅՈՒԹԵԱՆ, ԸՆԿ. ԴՐՕ  
ՄԵՐԺԱԾ Է ԱՅՍ ԱՌԱՋԱՐԿԸ:

7. — ՅԱՏՈՒԿ ՄԱՐԴ ՂՐԿՈՒԱԾ Է ՀԱՅԱՍՏԱՆ, ՀՐԱՀԱՆ-  
ԳԵԼՈՎ ՀԵՌՈՒ ՄՆԱԼ ԱՊՍՏԱՄԲԱԿԱՆ ՈՅԻԷ ՉԵՌՆԱՐԿԻ ԽՈՐ-  
ՀԸՐԴԱՅԻՆ ԻՇԽԱՆՈՒԹԵԱՆՑ ԴԷՄ:

8. — Ո՛ջ ԸՆԿ. ԴՐՕ ԵՎ ՈՉ ԱԼ ԻՐ ԳՈՐԾԱԿԻՑՆԵՐԸ ՈՉ  
ՄԻԱՅՆ ՈՅԻԷ ԿՌՈՒԻ ՄԱՍՆԱԿՑԱԾ ՉԵՆ, ԱՅԼ ԵՒ ՄԱՍՆԱԿ-  
ՑԵԼՈՒ ՈՅԻԷ ԽՈՍՏՈՒՄ ՏՈՒԱԾ ՉԵՆ, ԵՒ ՈՉ ԻՍԿ ՄԷԿ ԳՆԴԱԿ  
ԱՐՁԱԿԱԾ ԵՆ:

9. — Ամբողջ պատերազմի ընթացքին ընկ. Դրօ միայն մէկ ու կէս ամիս եղած է գրաւեալ վայրերու մէջ:

10. — Ընկ. Դրօ Ազգ. Խորհուրդի անդամ եղած չէ, սակայն նշանակուածներու խորհուրդ տուած է համակերպիլ եւ հանդուրժել այս զիջումին՝ յանուն մեր ժողովուրդի Ֆիզիքական գոյութեան:

11. — Ռումանոյ մէջ որոշած էին Նանսէնեան անձնաթուղթ ունեցողները մեկուսացնել եւ կեդրոնացնել համբարներու մէջ: Շնորհիւ ընկ. Դրօյի միջամտութեան, գօր. Անտենեսկու ջնջեց այս որոշումը եւ ռումանահայութիւնը շարունակեց իր ապահով կեանքը:

12. — Հիմնովին սուտ է այն տարածայնութիւնը, թէ ընկ. Դրօ ռուս եպիսկոպոսի մը ձեռամբ Պետառիկորսկի մէջ հայ տիրացու մը բաճաճայ ձեռնադրած է. ընկ. Դրօ ոչ մէկ գործ ունեցած է հոգեւորականներու հետ:

13. — ԵՐԲ ԳԵՐՄԱՆ ԲԱՆԱԿԻ ՆԱՀԱՆՋԸ ՍԿՍԱԾ Է, ԸՆԿ. ԴՐՕ ԽՈՐՀՈՒՐԴ ՏՈՒԱԾ ԵՒ ՅՈՐԴՈՐԱԾ Է, ՈՐՊԷՍՁԻ ՀԱՅՈՒԹԻՒՆԸ ՉԼՔԷ ԻՐ ԲՆԱԿԱՎԱՅՐԵՐԸ ԵՒ ՉՆԱՀԱՆՋԷ ԳԵՐՄԱՆ ԲԱՆԱԿԻՆ ՀԵՏ:

14. — Երբ գօր. Վլասով բանակ կազմակերպած է կուելու համար ռուսերու դէմ՝ առաջարկած է կովկասեան ազգերուն, ինչպէս եւ հայերուն, զինապէս մասնակցիլ պատերազմին, սակայն ընկ. Դրօ մերժած է այս առաջարկը այն յայտարարութեամբ, որ իր միակ մտահոգութիւնը՝ հայ ժողովուրդի Ֆիզիքական գոյութիւնը եղած է:

15. — Ընկ. Դրօ միշտ կապ պահած է կովկասեան ազգերու ներկայացուցիչներու հետ՝ անվարդ վէճերէ խուսափելու եւ հայութեան շուրջ ստեղծուած փրովոֆասիոններու մթնոլորտը փարատելու համար:

16. — Ազգ. Խորհուրդներու կազմալուծումէն յետոյ, գերմանները կը ստեղծեն յարաբերութիւններ մշակող Կապի Մարմին մը, որուն մասնակցած չէ ոչ մէկ դաշնակցական:

Ինչպէս յայտնի է, յաճախապէս, մանաւանդ խորհրդային գրիչները, շիլ նպատակներով կը պղտորեն մթնոլորտը Շթուկարտ համախմբուած հայութեան շուրջ:

Այս հայութիւնը բաղկացած է, ընկ. Դրօ ըստ մեզի.

1. — Ռուսիոյ եւ Եւրոպայի զանազան վայրերէն բռնի աշխատանքներու համար Գերմանիա բերուած հայերէ:

2. — Ախորավայրերէ փրկուածներէ:

3. — Զանազան վայրերէ հոն ապաստանած հայերէ:

Հայ ժողովուրդին կը մնայ Շթուկարտէն հանել իր այս տարագիր զաւակները և ապահով վայրերու մէջ պարկեշտ աշխատանքի պայմաններ ստեղծել անոնց համար:

Սեղմ տողերու մէջ տուինք պատկերը այն կեանքի, որ հայութեան մէկ հսկայ հատուածը, երկրորդ համաշխարհային պատերազմի ամբողջ տելողութեան, ապրած է գերման իշխանութեանց տակ, այդ իշխանութեանց հետ միասին ապրելով նաև գերման հսկայածաւալ կայսրութեան ճարճատու մը, անոր անօրինակ տազնապներն ու գալարումները եւ այդ կայսրութեան աննախընթաց և ահեղագոյն կործանումը:

Տուինք — անշուշտ ընդհանուր գիծերով — պատկերը նաև այն գործերուն, որ ծանրագոյն պայմաններու տակ, այդ շրջանին, կատարուած են գերման ահեղագոր ու ծաւալուն կայսրութեան մէջ, անոր թէ՛ վերելքը և թէ՛ անկման օրերուն:

Իբրև արդիւնք այս իշխանութեանց վկայագրենք հոս, այսօր երբ սարսափով լի վեցամեայ անօրինակ սպանդը վերջացած և անցած է պատմութեան, հետեւեալ անվիճելի իրողութիւնները, —

**ա. — ԳՐԵԹԷ ԲԱՑԱՌԱԲԱՐ ՄԵՐ ՑԻՇԱՏԱԿԱՍ ԱՇԽԱՏՈՒԹԵԱՆՑ ՇՆՈՐՀԻՒ ԿԱՐԵԼԻ ԴԱՐՁԱԻ ՊԱՏԵՐԱԶՄԻ ԳԵՀԵՆՆԵՐԷՆ ԱՆԿՈՐՈՒՍՏ ՓՐԿԵԼ ՄԵՐ ԺՈՂՈՎՈՒՐԴԸ:**

**բ. — ԱՅՍ ՄԵՍ ԵՒ ԱՆՈՒՐԱՆԱԼԻ ՎԱՍՏԱԿԸ ԿԱՐԵԼԻ ԵՂԱԻ ՁԵՌՔ ԲԵՐԵԼ ՈՉ ԹԷ ՆԱՑԻ ԻՇԽԱՆՈՒԹԵԱՆՑ ՊԱՀԱՆՋՆԵՐՈՒՆ ԸՆԴԱՌԱՋԵԼՈՎ, ԱՅԼ ԽՈՀԵՄԱԲԱՐ, ՅԱՃԱԽ ՄԵՍ ՎՏԱՆԳՆԵՐՈՒ ԳՆՈՎ ԻՍԿ, ԱՅԴ ՊԱՀԱՆՋՆԵՐՈՒՆ ԸՆԴԴԻՄԱՆԱԼՈՎ:**

**գ. — ՊԱՏԵՐԱԶՄԻ ԱՄԲՈՂՋ ՇՐՋԱՆԻՆ, ԱՇԽԱՏԱԿՑՈՒԹԵԱՆ ԵՒ ԳՈՐԾԱԿՑՈՒԹԵԱՆ ՀԻՄ ԾԱՌԱՅԱԾ Է, ՆԱՑԻ ՁԻՆՈՒՈՐԱԿԱՆ ԻՇԽԱՆՈՒԹԵԱՆՑ ՀԵՏ, ՈՉ ԹԷ ՁԻՆԱԿՑՈՒԹԻՒՆԸ ԵՒ ԿՌԻԻԸ ԴԱՇՆԱԿԻՑ ԱՅՍ ԿԱՄ ԱՅՆ ՊԵՏՈՒԹԵԱՆ ԴԷՄ, ԱՅԼ ՄԻԱՅՆ ԵՒ ԲԱՑԱՌԱԲԱՐ ՄԵՐ ԱՆՊԱՇՏՊԱՆ ԺՈՂՈՎՈՒՐԴԻ ՖԻԶԻԲԱԿԱՆ ՓՐԿՈՒԹԵԱՆ ՄԵՍ ՈՒ ԾԱՆՐԱԳՈՅՆ ՀՈԳԸ:**

**դ. — ԱՌ ԱՅԴ, ԱՄԷՆԷՆ ԱՌԱՋ, ԳԻՏԱԿԱՆ ՄԵՍ ՃԻԳ ՍՊԱՌԵԼՈՎ ԵՒ ԱՀԱԳԻՆ ԱՇԽԱՏԱՆՔ ԿԱՏԱՐԵԼՈՎ, ԿԱՐԵԼԻ**

ԵՂԱԾ Է ԱՊԱՑՈՒՑԱՆԵԼ, ՈՐ ՀԱՅՈՒԹԻՒՆԸ ԱՐԻԱԿԱՆ ԾԱԳՈՒՄ ՈՒՆԵՑՈՂ ԺՈՂՈՎՈՒՐԴ ՄԸՆ Է:

Ե.— ՀՆԱՐԱԻՈՐ ԲՈԼՈՐ ՄԻՋՈՅՆԵՐԸ ԳՈՐԾԱԴՐԵԼՈՎ ԿԱՐԵԼԻ ԴԱՐՁԱԾ Է ՀԱՅՈՒԹԻՒՆԸ ՀԵՌՈՒ ՊԱՀԵԼ ՏԱՂՍՏԱՆԻ ՇՐՋԱՆԻՆ ՄԷՋ ԾԱԻԱԼԱԾ ԽՌՈՎՈՒԹԻՒՆՆԵՐԷՆ, ՀԱՅԱՍՏԱՆԸ ՀԵՌՈՒ ՊԱՀԵԼ ԱՊՍՏԱՄԲԱԿԱՆ ՇԱՐԺՈՒՄՆԵՐԷ, ԱՐԳԵԼՔ ԸԼԼԱԼ ԱՆԿԱՐԳԵԼԱԻՈՐԴՆԵՐՈՒ ԱՌԱՔՈՒՄԻՆ ԴԷՊԻ ՀԱՅԱՍՏԱՆ ԵՒ ՏԵՂԱՀԱՆՈՒԹԵԱՆՑ ԾՐԱԳԻՐՆԵՐԸ ԽԱՓԱՆԵԼՈՎ՝ ՀԱՅՈՒԹԻՒՆԸ ԿԱՊՈՒԱԾ ՊԱՀԵԼ ԻՐ ԲՆԱԿԱԾ ՎԱՅՐԵՐՈՒՆ:

Գ.— ԵՒ, ՎԵՐՋԱՊԷՍ, ԽՆԱՄՔ, ՀՈԳԱՏԱՐՈՒԹԻՒՆ ԵՒ ՊԱՇՏՊԱՆՈՒԹԻՒՆ ՎԱՅԵԼԱԾ ԵՆ ԳՐԱԻԵԱԼ ԳՕՏԻՆԵՐՈՒ ՄԷՋ ՄՆԱՑԱԾ ԵՆ ՆԱԵՒ ԱՅՆ ԲՈԼՈՐ ՀԱՅՆԵՐԸ, ՈՐՈՆՔ ԻՐԵՆՑ ԴԱԻԱՆԱՆՔՈՎ ՀԱՄԱՅՆԱՎԱՐՆԵՐ ԷՒՆ:

Հնդհանուր առումով այս է գործը այն մարդոց — իսկ ասոնց մէջ առաջին հերթին ընկ. Դրօյի — որ երկրորդ մեծ պատերազմին Եւրոպայի մէջ գտնուելով՝ ոչ թէ «խոհեմաբար» մէկդի քաշուեցան, այլ կրկի՛ն ու վերստի՛ն նետուեցան կրակներու մէջ՝ իրենց ժողովուրդին ծառայելու համար:

Այս ծառայութիւնը, թող ներուի մեզ գէթ անցողակի նաեւ այս պարագան շեշտել, արժեց, մասնաւորաբար ընկ. Դրօյի, իր անհատական փայլուն գործի և իր ապահով տնտեսութեան ամբողջական քայքայումը:

Սակայն այս ծառայութիւնը բերաւ վարձատրանք մը, որ կարելի չէ փոխարինել որեւէ գանձով ու փառքով, բերաւ գրեթէ անկորուստ փրկութիւն միւս հատուածի ամբողջ հայութեան:

Աւելի մեծ վարձատրանք — մարդկօրէն անհնար է ակընկալել:

\* \* \*

Երկու խօսք եւս և մենք կը փակենք մեր ըսելիքը:

Երկու անգամ մենք առիթ ունեցած ենք անդրադառնալու ընկ. Դրօյի անուան կապուած խնդիրներուն. առաջին անգամ ասկէ հինգ տարի առաջ, երբ մեր ընկերը անզուգական Համոն՝ իր ընդարձակ, եօթը սիւնակնոց «Բաց ճամակ»ը կը զետեղէր «Յուսարեեր»ի 1948 Ապրիլի 24ի թիւին մէջ, ուղ-



դուած քանաստեղծ Ա. Իսահակեանի, իբրև պատասխան «Արկածախնդիրներ» խորագրով անոր յօդուածին, իսկ երկրորդ անգամ ասկէ շուրջ երեք տարի առաջ, «Յուսարբեր»ի 1945 Օգոստ. 9ի և 10ի թիւերուն մէջ, երբ մենք, «Մեր Պատասխանը» խորագրով զոյգ խմբագրականներու մէջ, կը փորձէինք գէթ համեստ պատնէշ մը ցցել այն փրովոքասիոններու առջեւ, որ այնքան մեծ առատութեամբ Երեւանէն բերած էին իրենց հետ Ազգ. Եկեղ. Համաժողովի պատուիրակները:

Թող ներուի մեզ գէթ քանի մը տող յիշատակել հոս այդ գրութիւններէն, ցոյց տալու համար, թէ մենք, կտրւած ըլլալով հանդերձ մեր ընկերներէն, հոգիով որքան ճիշդ կը տեսէինք թէ՛ անոնց գաղափարական պատկերը և թէ գաղափարական խորքը անոնց կատարած գործերու:

Հինգ տարի առաջ, այն անստոյգ և խաւարամած օրերուն, յաւէտ անմոռանալի Համոն, իր խօսքն ուղղելով Երեւանի պատգամախօսին՝ քանաստեղծ Ա. Իսահակեանի՝ կը գրէր:

«Տարաբախտաբար, քո գրութեան մէջ կայ միայն ամբաստանութիւն, փաստեր չկան սակայն, չկայ ոչ իսկ մէկ փաստ՝ իբրև բացառութիւն:

«Կարելի չէ ենթադրել, թէ դու փաստեր ունէիր, բայց չհրապարակեցիր՝ խղճալով Դաշնակցութեան:

«Ո՛չ, այդպէս չէ. եթէ խիղճը խօսած լինէր մէջդ, կամ ոչինչ չէիր հրապարակի (քանի որ փաստեր չունէիր) և կամ կը հրապարակէիր՝ փաստերն ու դէպքերը յիշատակելով:

«Զես արել այս վերջինը, որովհետեւ այդ փաստերը բացակայել են քեզ: Ամբաստանութիւնդ մէկ կրկնութիւնն է այն զրպարտութեանց, որ 1920ից ի վեր քո իշխանաւորների կողմից յեղյեղում են Դաշնակցութեան հասցէին:

«Ասեմ, թէ ինչո՞ւ շես կարողացել որեւէ փաստ յիշատակել:

«Նախ՝ ընկերներիս մասին:

«Դու վկայում ես.— Ա. Խատիսեան, Դրօ Կանայեան և Ա. Աբեղեան, առանց ամաչելու, առանց խղճի խայթի Հէտլէրի արիւնոտ կառքին լծուելով՝ նրա աղետալի բռնակալութիւնը կը փառաբանեն»:

«Ընդ այս յայտարարութիւնից մնում է եզրակացնել, որ իմ ընկերները լուրջամբ չէ՛ որ փառաբանանք են կատարում, այլ կատարում են բարձրածայն:

«Արդ, բացի քեզանից ո՛չ ոք, ո՛չ մէկ տեղ և ոչ մէկ անգամ, պատերազմի բովանդակ տեւողութեան, շուրջ շորս տարի, այս ընկերների բերանից լսած չէ ոչ իսկ մէկ բառ:

«Նրանք լուռ են, լուռ են բոլորը և լուռ են տարիներից ի վեր:

«Երկրորդ՝ լուռ է նաեւ Հ. Յ. Դաշնակցութեան Եւրոպայի մամուլը. և լուռ է ոչ այն պատճառով, որ հրատարակում է, բայց չի փառաբանում Հիտլերին, այլ որ ընդհանրապես չի հրատարակում: Ներելի է ենթադրել, որ ամբաստանութիւնդ յիշատակած անձերի հասցէին եթէ արդարացի լինէր, խափանուած չէին լինի այն օրգանները, որ տարիներից ի վեր հրատարակում էին Եւրոպայի ոստաններում: Այդ օրգանները կը մնային՝ քո յիշատակած փառաբանանքը հիւսելու համար: Չեն մնացել, որովհետև ո՛չ փառաբանանք կայ և ոչ փառաբանող:

«Երրորդ՝ չկայ այս ընկերների ստորագրութիւնը կրող նաեւ որեւէ փաստաթուղթ — ազդ, հրաւէր, յայտարարութիւն, կոչ, թռուցիկ, յօդուած և այլն — ուղղուած հանրութեան: Չորս տարիներից ի վեր այս ընկերները լուռ են ոչ միայն բերանով, այլ լուռ են նաեւ գրչով:

«Չորրորդ՝ որեւէ յայտարարութիւն չկայ նաեւ այս ընկերների անունից, այսինքն չկայ մէկ խօսք — գրաւոր կամ բերանացի — որ արած լինէր ուրիշ անձանոթ մէկը մեր ընկերներից, այս խօսքը վերագրելով քեզ ծանօթ անուններին: Նման դէպք պատահած չէ այս շորս տարիների ընթացքին ոչ իսկ մէկ անգամ»:

Ինչպէս կը տեսնէք, հինգ տարի առաջ անմոռանալի Համոն տառը-տառին կ'ըսէր, այն, ինչ որ այսօր կը կրկնէ ընկ. Դրօն:

Իսկ ասկէ երեք տարի առաջ, երբ Պերլինն ու Հոոմը դաշնակից իշխանութեանց տակ կը գտնուէին արդէն, պատասխանելով ընկ. Դրօյի և իր գործակիցներու շուրջ ծաւալած փրփուքասիտներուն, մեր 1945 Օգոստ. 10ի խմբագրականին մէջ կը գրէինք.

«Երէկ, երբ Հոռմը եւ Պերլինը անմատչելի ամբողջներ էին դաշնակից բանակներու համար, մեր հակառակորդները կրնային մոլորանքի մատնել միամիտ ընթերցողը:

«Այսօր սակայն, երբ Ֆաշիզմի եւ նացիզմի այդ գոյգ ամբողջները իրենց գաղտնի դիւաններով դաշնակից բանակներու եւ իշխանութեանց հսկողութեան տակ են, այլեւս դժուար է մոլորանքի մատնել մինչեւ իսկ միամիտ ընթերցողները:

«Տարիներով գործակցած ենք Ֆաշիզմին եւ նացիզմին.

«Տարիներով եղած ենք սերտ յարաբերութեանց մէջ այս երկու ուժերուն հետ:

«Մասնաւորաբար ասոնց հետ ծրագիրներ մշակած եւ գործեր կատարած ենք:

«Գեղեցի՛կ. եթէ այդպէս է, ո՞ւր են փաստերը. շէ՞ որ Ֆաշիզմի եւ նացիզմի գաղտնի դիւանները ձեր տրամադրութեան տակ են. ինչո՞ւ զանոնք շէք հրապարակել եւ հանրութեան սեփականութիւն շէք դարձնել:

«Չէ՛ք ընտր ՈՒ ՊԻՏԻ ՉԸՆԷՔ, ԱՆԳԱՄ ՄԸՆ ԱԼ ԿԸ ԿՐԿՆԵՆՔ, ՈՐՈՎԸԵՏԵԻ ՆՄԱՆ ՓԱՍՏԵՐ ՉՈՒՆԵՔ ԵՒ ՉԷՔ ԿՐՆԱՐ ՈՒՆԵՆԱԼ»:

Տարիներ կ'անցնին ու այս «փաստաթուղթ»երը մէջտեղ չեն գար, որովհետեւ փաստաթուղթերու դէզեր կը քրքրեն օրնիրուն, կը պրպտեն ու կ'որոնեն, սակայն մեր «արդարամիտ» դատախազները այդ դէզերուն մէջէն ոչինչ չեն գտներ:

Այս չի խանգարեր, սակայն, որ ընկ. Դրօյի, իր գործակիցներու, ինչպէս և համայն Դաշնակցութեան շուրջ ծաւալած փրովոքասիոնները շաճին, շքազմանան և շկրկնւին նոյն թափով և յամառութեամբ, ինչպէս առաջ:

Որովհետեւ անքաւելի է «գառան» յանցանքը «գայլ»ին առջեւ. որովհետեւ մեծագոյն յանցանքը Դաշնակցութեան անոր մէջ կը կրնայ, որ Մոսկուան զինք կ'ուզէ լափել, կ'ուզէ տրորել և փոշիացնել...

«ՈՎ ՈՐ ԴԵՌ ԻՆՔՉԻՆՔ ԴԱՇՆԱԿ Կ'ԱՆՈՒԱՆԷ,— կը պատգամէր Վ. Մուրթով,— ՉԻ ԿՐՆԱՐ ՈՐԵԻՔ ԱՅԼ ԴԵՐ ԽԱՂԱԼ, ԲԱՑԻ ՍՈՎԵՏ ՀԱՅԱՍՏԱՆԻ (Կարդա՛՛ Սովետ Միութեան.— «Յ.») ԹՇՆԱՄԻ ԴԵՐԷՆ»:

Ահա հոս է թէ՛ ընկ. Դրօյի, թէ՛ իր գործակիցներու և թէ՛ համայն Դաշնակցութեան միակ և մեծագոյն յանցանքը:

«Թշնամի՛» է Դաշնակցութիւնը Ազգին՝ և Հայրենիքին, որովհետեւ Դաշնակցութիւնը Բոլշեւիզմի ասիատիպ «ընկերավարութեան» շահերը չի՛ դասեր Հայ Ժողովուրդի շահերէն՝ ինչպէս որ Լենին կը վարդապետէր, և դաւը Հայրենիքին դէմ «պրոլետարական» առաքինութիւն չի՛ նկատեր՝ ինչպէս որ Լենին կ'ուսուցանէր.

«Թշնամի՛» է, որովհետեւ ԱԶԳՈՒՐԱՅ և ՀԱՅՐԵՆԱԴԱԻ Բոլշեւիզմին Դաշնակցութիւնը կը հակադրէ իր ԺՈՂՈՎՐԴԱՊԱՇՏ և ՀԱՅՐԵՆԱՄՈՂ խօսքը և գործը:

Ա. Իսահակեանի ուղղած իր «Բաց նամակ»ը ընկ. Համո կ'եզրափակէր հետեւեալ տողերով.

«Զերկարեմ խօսքս, ահա մի քանիսը իմ ունեցած փաստերից, միայն գլխաւորները յիշատակելով:

«Կարելի չէ հերքել այս փաստերից ե՛ւ ոչ մէկը. ուրանալ կարելի է՝ ճշմարտութիւնն ու պարկեշտութիւնը խաշելով, սակայն հերքել — երբե՛ք:

«Իսկ ի՞նչ կայ քո ծանր ամբաստանագրի մէջ իբրեւ փաստ, իբրեւ դէպք և իրողութիւն:

«Ոչի՛նչ. կայ սէր դէպի Պղատոնը, դէպի քո նոր իշխանաւորը, սակայն չկայ յարգանք դէպի Ճշմարտութիւնը, դէպի այն Սրբութիւնը, որին երկրպագել ես քո բովանդակ դաշնակցական կեանքի ընթացքին:

«Այս ներելի չէ քեզ:

«Ո՛չ թէ աջակցել, այլ ոգի ի բռին պայքարել պէտք է անպարկեշտ գրիչների ու բերանների դէմ, որոնք շար նպատակներով թոյն ու որոմ են ցանում մէկ անպաշտպան, մէկ անմեղ ժողովրդի և նրան հաւատարմաբար ծառայած մէկ առաքինի կուսակցութեան շուրջ:

«Ներելի չէ շարերի և զրպարտիչների այս կառքին լծուել մանաւանդ այսօր, երբ գիտես, թէ ի՛նչպէս բոլոր վատագի ձկնորսները քաղաքական բոլոր ջրերը պղտորելով՝ նպատակ ունեն քո ժողովուրդի կեանքը վտանգել և մոխիրի վրայ նըստեցնել նրա վերջին մնացորդները»:

Թող ներուի մեր մեզ անզուգական ընկերոջ այս տողերով փակել մեր խմբագրականներու այս շարքը:

Դրաստամատ Կանայեան, որ մեր ազատագրական շարժման եւ Հայաստանի Անկախ Հանրապետութեան մէջ իր պատուաւոր տեղն է գրաւած ԴՐՕ անունով, ծնած է Արարատեան դաշտի Սուրմալու գաւառի Իգդիր աւանին մէջ, 1884 թուին:

Բարեկեցիկ ընտանիքի զաւակ, ընկեր Դրօն ուղարկուած է Երեւան, կրթութիւն ստանալու ռուսական գիմնազիայի մէջ: Գիմնազիայի լրիւ դասընթացը շաւարտած, 1904ին ընկեր Դրօմտած է զինւորական ծառայութեան մէջ, պատրաստուելու համար իբրեւ ռուս բանակի սպայ: Սակայն հայ ժողովուրդի ալեծուսի կեանքը թոյլ չէ տուած Դրօյին լրացնելու իր զինւորական կրթութիւնը: 1905 Փետրուար ամսու սկիզբը, Բագուի զինւորական նահանգապետ Նակաշիձէն թաթարներու ձեռքով կազմակերպեց հայերու կոտորածը Բագուի մէջ: Երբ այդ կոտորածի լուրը կը հասնի Հիւսիսային Կովկասի Պետիգորսկ քաղաքը, ուր զինւորական ծառայութեան մէջ էր ընկեր Դրօ, քանի մը օրով արձակուրդ կը ստանայ եւ կը մեկնի բանակէն, այլեւս երբեք չվերադառնալու համար: Ընկ. Դրօ կ'երթայ Բագու: Նակաշիձէի կազմակերպած հայասպան ոճիրը չէր կրնար անպատիժ մնալ: Եւ Բագուի կոտորածէն երկու ամիս շանցած, 1905 Մայիսին, Նակաշիձէն կ'իյնայ հայերու վրիժառու բազկի հարուածէն: Այդ բազուկը 20 տարեկան Դրօն էր:

\* «Դրօ», Փարիզ, 1956 թ.:

Բազուն եղաւ վտանգի ահազանգը, որ ստիպեց կալմա-  
կերպել հայկական ինքնապաշտպանութիւնը: Հայ-թաթարա-  
կան բախումները ստացան կանոնաւոր պատերազմի կերպա-  
րանք: 1905ին եւ 1906ին ընկեր Դրօ մասնակցած է հայկա-  
կան ինքնապաշտպանութեան կռիւներուն՝ Նիկոլ-Դումանի եւ  
Սերաստացի Մուրատի հրամանին տակ:

Հայ-թաթարական կռիւներու ընթացքին, զօրավար Ալի-  
խանով-Աւարսկին աւերած էր հայկական գիւղեր Հին Նախի-  
ջեւանի շրջանին մէջ: Իսկ ատկէ առաջ, 1905ի ռուսական յե-  
ղափոխական շարժման ժամանակ, այդ զօրավարը անխնայ  
կոտորած եւ աւերած էր Վրաստանի Գորի կոչուած լեռնային  
շրջանը: Երկու դրացի ժողովուրդներու արեան համար պա-  
տասխանատու էր զօր. Ալիխանով-Աւարսկին: Վրացիներու  
կողմէ զայն պատժելու փորձը ձախողած էր: Այդ մահա-  
փորձէն ետք ցարական կառաւարութիւնը Ալիխանով-Աւար-  
սկին նշանակած էր Ալեքսանդրապոլի (Գիւմրի) շրջանի  
զինուորական նահանգապետ: 1907ին Ալիխանով-Աւարսկին  
պատժող ձեռքը դարձեալ եղաւ ընկեր Դրօյի անվրէպ հա-  
րուածող բազուկը:

1908ի վերջը ցարական կառավարութիւնը ձեռնարկեց  
դաշնակցականներու ծանօթ զանգուածային ձերբակալութեան:  
Ամէնէն կատաղի կերպով հետապնդուածներէն մէկը Դրօն էր:  
Թուրքիա սահմանադրութիւն հռչակած էր եւ Դրօ անցաւ  
Թրքահայաստան եւ հաստատուեցաւ Հին Բայազէտ, որ մօ-  
տաւորապէս 30—40 մղոն միայն հեռու էր Դրօյի հայրենի,  
Իգդիր աւանէն:

Համաշխարհային առաջին պատերազմը արդէն սկսած էր,  
թէեւ Թուրքիան կռուի մէջ շէր մտած, բայց բոլոր նշաններէն  
կ'երեւար, որ Թուրքիոյ մասնակցութիւնը պատերազմին՝ ժա-  
մանակի խնդիր էր միայն: Կովկասի ռուսական բանակի  
սպայակոյտը պատրաստութիւններ կը տեսնէր յանկարծակիի  
չգալու թրքական յարձակման պարագային: Սպայակոյտը հայ  
կամաւորական գնդերու պատրաստութեան ծրագիր ալ ունէր:  
Եւ ահա զինուորական իշխանութեան պնդումին վրայ, Դրօն  
Բայազէտէն կը կանչուի ետ եւ Իգդիրի մէջ կը կազմակերպէ  
Հայ կամաւորական Երկրորդ Գունդը: Ռուս-թրքական պատե-

րազմի սկսելուն պէս Դրօյի գունդը կ'անցնի սահմանը եւ կ'արշաւէ Արաղա-Քերկրի-Վան ուղղութեամբ: Բայց առաջին իսկ մեծ կռիւին, ծանր կերպով կը վիրաւորուի մեր ընկերը: Գրեթէ մահամերձ վիճակի մէջ ռազմակաշտէն Կախ Իգդիր, ապա Թիֆլիս կը փոխադրուի, ուր, շնորհիւ բժշկական խնամքի, երկու ամիսէն ոտքի կ'ելլէ: Ողնայարի մօտերը մտած գնդակը մնաց Դրօյի մարմնին մէջ:

1915 Մարտին Դրօ կրկին իր գնդին գլուխն անցած, Քեռիի եւ Համազասպի գունդերուն հետ, իբրեւ յառաջապահ ռուսական բանակի, կ'արշաւէ դէպի Վան: Թրքական պաշարումէն ազատած Վան մտնող առաջին գունդը եղած էր Դրօյի գունդը:

Այնուհետեւ մեր միւս շորս կամաւորական գունդերուն հետ մասնակցած է բազմաթիւ կռիւներու, մինչեւ 1916ի աշունը, երբ Կովկասեան ճակատի հրամանատար հայատեաց մեծ իշխան Նիկոլայ Նիկոլայեւիչ ցրուեց հայ կամաւորական գունդերը:

1918ին, երբ բոլշեւիկներու դրդումով ռուս բանակը լքեց ռուս-թրքական ճակատը, հայկական նորակազմ ուժերու մէկ մասին գլուխն անցած՝ Դրօ պաշտպանեց Արարատեան դաշտի ճակատը: Այդ ճակատին վրայ թուրքերը երբեք չկրցան յաջողութիւն ունենալ: 1918ի մայիսեան ճակատագրական կռիւներու ժամանակ ընկեր Դրօ վարեց Բաշ-Արարանի յաղթական ճակատամարտը:

Նոյն տարուան Գեկտեմբեր ամսուն, Վրաստանի կառավարութեան թշնամական վերաբերումը Հայաստանի հանդէպ պատճառ եղաւ, որ Վրաստանի եւ Հայաստանի միջեւ պատերազմ սկսի: Իբրեւ Դիլիջան-Լոռի զօրամասի հրամանատար, Դրօ ղեկավարած է հայկական ուժերը հայ-վրացական պատերազմին մէջ:

Հայկական բանակը Դրօյի հրամանին տակ դուրս քշեց վրացական զօրքերը Հայկական Լոռիէն: Գեկտեմբեր 13էն սկսած, անընդհատ կռիւներու մէջ պարտուած վրացական զօրքերը նահանջեցին Թիֆլիսէն ոչ հեռու գտնուող Սադախլու երկաթուղային կայարանը, ուր հասան Գեկտ. 31ին: Վրճառական ճակատամարտը, որ տեղի պիտի ունենար այդտեղ, տեղի չունեցաւ, որովհետեւ անգլեւֆրանսական զինուորա-

կան ներկայացուցիչներու միջամտութեամբ զինադադար կնքուեցաւ եւ վերջ գտաւ հայ-վրացական ցաւալի բախումը:

Հանրապետութեան վերջին շրջանին Դրօ վարեց Հայաստանի ռազմական նախարարի պաշտօնը: Պաշտօնին բերումով իր վրայ էր դրուած Հայաստանի մայրաքաղաքի պաշտպանութեան հոգը:

1920ին, երբ տեղի ունեցաւ սովետեւթուրք միացեալ յարձակումը Հայաստանի վրայ, դարձեալ ընկեր Դրօյի վիճակուեցաւ պաշտպանել Արարատեան դաշտի ճակատը թուրքերուն դէմ: Եւ դարձեալ, ինչպէս 1918ին, թուրքերը ոչ մէկ մատնաշափ հող կրցան գրաւել գինու զօրութեամբ: Ամէն տեղ այդ ճակատին վրայ թշնամին հանդիպեցաւ Դրօյի դեկավարած արի զօրամասերուն, որոնք երբեք չընկրկեցան: Այդ ճակատին վրայ թուրքերու հողային գրաւումները տեղի ունեցան զինադադարի պայմաններով միայն:

Հայ եւ ռուս բոլշեւիկները, ռուսական Կարմիր Բանակի օգնութեամբ, տիրացան իշխանութեան: Հայաստանի կառավարութիւնը եւ Մոսկուա ստորագրեցին համաձայնագիր: Խորհրդային նորակազմ կառավարութեան մէջ մտան ընկեր Դրօ եւ Համբարձում Տէրտէրեան, որոնց իշխանութիւնը հազիւ շաբաթ մը տեւեց:

Երբ Բոլշեւիկները Երեւանի մէջ հաստատուեցան, ընկեր Դրօն տարին Մոսկուա, իբրեւ տեսակ մը աքսորական: Երկու տարիի շափ Դրօն մնաց Մոսկուա, այն յոյսով, որ բոլշեւիկները թուրքերէն ետ պիտի առնեն Կարսն ու Սուրմալուն, զորս թուրքերը գրաւած էին բոլշեւիկներու օժանդակութեամբ: Համոզուելով սակայն, որ բոլշեւիկները ոչինչ պիտի ընեն Հայաստանէն խլուած հողերը ետ ստանալու համար, Դրօ գտաւ միջոցը խորհրդային իշխանութենէն անցագիր ստանալու եւ անցնելու Ռումանիա:

Համաշխարհային Երկրորդ պատերազմի ընթացքին գերման բանակին կողմէ գրաւուած երկիրներուն մէջ հայութեան պաշտպանութիւնը եղաւ Դրօյի մեծ ծառայութիւններէն մէկը. հայ ժողովուրդին:

Իր կեանքի վերջին տարիները ընկեր Դրօ անցուց Մերձաւոր Արեւելքի հայկական գաղութներուն մէջ: 1946էն սկսած, շորս սնգամ եկաւ Միացեալ Նահանգներ:



1905էն ի վեր Դրօշի կիւնը՝ ընկերուհի Գայիանէն եւ զաւակը՝ Մարտիկ հաստատուած են Պոսթըն, Մեր անզուգական ընկերը իր կեանքի վերջին ամիսները անցուց իր ընտանիքին մօտ:

## ԴՐՕՅԻ ՅՈՒՂԱՐԿԱԽՈՐՈՒԹԻՒՆԸ

Կիրակի, 18 Մարտ, կէսօրէ ետք, տեղի ունեցան ողբացեալ Դրօշի յուղարկաւորութիւնն ու թաղումը, մեծ շուքով եւ ի ներկայութեան հոծ բազմութիւններու:

Պոսթընի մեծագոյն եկեղեցիներէն՝ Թրինիթի Չըրչին ներսըն ու դուրսը լեցուած էր հազարաւոր յուղարկաւորներով, որոնք եկած էին իրենց վերջին յարգանքը յայտնելու մեծանուն հերոսին: Հարիւրաւոր ընկերներ եւ հայրենակիցներ եկած էին Մեծագոյն Պոսթընի եւ շրջակայ քաղաքներէն եւ հեռաւոր այլ վայրերէ, ինչպէս՝ Նիւ Եորքէն, Ֆիլատելֆիայէն, Տիթրոյիթէն, Փոնթիաքէն, Շիքակոյէն, Ուաշինկթընէն եւ այլն:

Ընդարձակ եւ շքեղ եկեղեցին լեցուած էր սգաւորներով, մինչեւ վերնատունը:

Ժամը 1,30ին, մեր սիրեցեալ ընկերոջ դագաղը, Եռագոյնով ծածկուած, թափօրով առաջնորդուեցաւ եկեղեցի: Թափօրին առջեւէն կ'երթային քահանայ հայրերը, դպիրներու հետ, որոնց կը հետեւէին Հ. Յ. Դ. Ամերիկայի Կ. Կոմիտէին անդամները, դագաղը շրջապատելով, յետոյ հանգուցեալին սգաոր պարագաները, Այրի Տիկին Գայիանէ Կանայեան, զաւակը՝ Մարտիկ, եւ իր աղջիկն ու փեսան՝ Տոքթ. եւ Տիկին Պ. Բրուտեան, եւ վերջապէս ծոպակիրներ, քանի մը շարք, երեք առ երեք հետեւելով դագաղին:

Ամէնէն ետք՝ ժողովրդական զանգվածները:

Յուղարկաւորութեան արարողութիւնները սկսան ճիշտ ժամանակին, լուսազարդուած եկեղեցւոյ մէջ, նախագահութեամբ Արժ. Տ. Արսէն Աւ. Քհյ. Սիմէոնեանցի եւ մասնակցութեամբ հինգ քահանաներու:

Դասին մէջ, իբրեւ սգակիր կեցած էր Վենետիկի Միաբա-

ճուխնան Արքահայր՝ Գերապայծառ Ս. Վ. Ուլուհոճեան, որ  
յատկապէս եկած էր Տիթրոյիթէն:

Արարողութիւնները, ներդաշնակ ու տպաւորիչ, ներկայ  
աւելի քան 2500ի բաղմութիւնը համակեցին խոր սուզով եւ  
կսկիծով:

Արարողութեանց վերջաւորութեան, Արժ. Տ. Սիմէոնեանց  
Քհ. պատշաճ դամբանական մը խօսեցաւ, յուզումով, Յետոյ,  
Կ. Կոմիտէի ատենապետ ընկ. Տոքթ. Տաղլեան հետզհետէ բեմ  
հրաւիրեց՝ Լ. Յ. Դ. Կ. Բիւրոյի ներկայացուցիչը՝ ընկ. Կո-  
պեռնիկ Թանտրճեանը, Լ. Յ. Դ. Ամերիկայի Կ. Կոմիտէի ներ-  
կայացուցիչ՝ ընկ. Վարուժան Օզանեանը եւ Ամերիկայի Կո-  
միտէներուն կողմէ ընկ. Վ. Ահարոնեան, որոնք սրտառու  
խօսքերով ներկայացուցին հանգուցեալին մեծագործութիւն-  
ները: Խօսք առին նոյնպէս Անկախ Ուքրանիոյ նախագահը՝  
Պ. Վիտ Վիսքիյ, որ յատկապէս եկած էր Նիւ Եորքէն, եւ իր  
ծաղովաւրդին ցաւակցութիւնները յայտնեց:

Արարողութիւններէն ետք, դազաղը տարուեցաւ Մասնի  
Օպերն գերեզմանատանը, Քէյմպրիճ, ուր հաւաքուած էր  
նաեւ ստաւար բաղմութիւն մը, հակառակ աննպաստ կլիմա-  
յին:

Թաղման կարգը կատարուեցաւ, համատարած սուգի եւ  
արցունքի մէջ, եւ ընկերոջ դազաղը գերեզման դրուեցաւ,  
Ծոագոյնի եւ Հայաստանէն ալ մը հողի հետ միասին: Հողա-  
թումբին առջեւ խօսեցաւ միայն ընկ. Բեգլար Նաւասարդեան,  
յուզումով, Եգիպտոսի «Յուսարեր»ին կողմէ. նկատի ունե-  
նալով ցուրտը, ուրիշ ընկերներ՝ վերապահեցին իրենց խօսքը,  
Սրահին համար: Վերջին պահուն երգուեցաւ «Մեր Հայրե-  
նիք»ը, ներկաներուն կողմէ, խոր յուզումով:

Թաղումէն ետք, հոգեճաշ տրուեցաւ, «Հայրենիք»ի սրահին  
մէջ, Լ. Օ. Միութեան Միջվարչականի տիկիներուն կողմէ:  
Սրահը լեցուած էր բերնէ բերան: Ներկաները ճաշեցին, սե-  
ղաններու շուրջ լուրորած, որմէ ետք, ընկ. Տաղլեան խօսք  
տուաւ մէկէ աւելի ընկերներու: Այսպէս՝ խօսք առին ընկ.  
Զարեհ Զարգուն, Լ. Օ. Մ. Կ. Վարչութեան կողմէ, ընկ.  
Վ. Դարպասեան Լ. Ս. Դ. Կ. Վարչութեան կողմէ, ընկ.  
Գ. Մխիթարեան «Հայրենիք»ի Խմբագրութեան եւ Գահիրէի  
«Յուսարեր» Մշակութային Ընկերու. Դեան կողմէ, ընկ. Յովհ.

Տէր Յովհաննէսեան Գահիրէի Հ. Կ. Խաչին կողմէ եւ վերջապէս ընկերներ՝ Արշաւիր Շիրակեան, Եդ. Սահակեան, Տոքթ. Գարբինեան (Տիթրոյթ), Վ. Աֆրիկեան, Տոքթ. Պաղտասարեան (Նիւ Եորք), Վաղարշակ Թովմասեան (Լոս Անճէլըս), Ար. Կիրակոսեան եւ Տիգ. Տէվոյեանց (Նիւ Եորք), որոնք վեր առին ընկերոջ կեանքն ու գործը եւ պանծացուցին: Ընկ. Նաւասարդեան կարդաց ցանկը բոլոր այն Կոմիտէներուն եւ Մարմիններուն, հայ ու օտար, որոնք ցաւակցական հեռագիրներ տուած էին եւ ծաղկեպսակ դրկած:

Այս տպաւորիչ եւ յուզամնալից հաւաքոյթէն ետք, ներկաները իրենց ցաւակցութիւնը յայտնեցին հանգուցեալին սգաւոր ընտանիքին:

Հաւաքոյթը փակուեցաւ Տ. Արսէն Քհչ. Սիմէոնեանցի աղօթքով եւ «Հայր Մեր»ով, որ երգուեցաւ ներկաներուն կողմէ: Ընկ. Տաղլեան շնորհակալութիւն յայտնեց Հ. Օ. Մ. տիկիններուն, իրենց պատրաստած ճաշին եւ սպասարկութեան համար, Կարգադիր Յանձնախումբին՝ որ ամբողջ շաբաթ մը աշխատած էր եւ հսկած յուղարկաւորութեան կարգադրութեանց վրայ, ինչպէս նաեւ ներկաներուն, որոնք հակառակ ձիւնին ու աննպաստ կլիմային, հեռաւոր քաղաքներէ եկած էին:

Դրօշի յուզարկաւորութիւնը եղաւ համազգային վշտի արտայայտութիւն մը եւ սիրոյ ու խոր յարգանքի արժանավայել եւ անմոռանալի ցոյց մը, որ իր նախընթացը չէ ունեցած:

# ԹՇՆԱՄՈՒ ԳՆԴԱԿԸ ՀԱՆՒԱԾ

## ԴՐՕՑԻ ԹՈՔԻ ՄԻՋԻՑ

---

Մեր ողբացեալ ընկերոջ՝ Դրօշի մահից յետոյ, վիրաբուժական գործողութեամբ հանուած է թշնամու գնդակը, որ 41 տարուց ի վեր մնում էր նրա ձախ թոքի մէջ: Հանուած է Շաւի սիրտը:

Թէ՛ գնդակը և թե սիրտը պահում են Պոսթըրնի մէջ, յառաջիկային Դաշնակցութեան թանգարանը ուղարկելու համար:

## ԴՐՕՅԻ ՊԱՏԳԱՄՆԵՐԻՑ

Քանի որ բռնութեան տակ է մեր հայրենիքը՝ Հայաստանը, քանի որ մեր հողերը բռնագրաւուած են, 2. 3. Դաշնակցութիւնը ունի իր պայքարը եւ Դաշնակցութեան զաւակները, իբրեւ հայ ժողովրդի հարազատ զաւակներ, պիտի շարունակեն այդ պայքարը — արիւնով կ'լինի, գրիչով կ'լինի, պայքարով կ'լինի, մինչեւ Հայը հաւաքուի իր բոյնին մէջ, Հայը հային կառավարի, ո՛չ անգլիացին, ո՛չ ամերիկացի, ո՛չ ռուսը, ո՛չ թուրքը, Հայը լինի իր երկրին տէրը, Հայը լինի իր ազատութեան տէրը:

Համլետ Գևորգյան «Դրոն»	.	.	.	.	.
Յուշեր	.	.	.	.	.
Բուշեհիկներն ինչպէս դրժեցին իրենց խոստումները					

### Հավելված

Վկայություններ	.	.	.	.	.
Մամուլը Դրոյի մասին	.	.	.	.	.
Դրոն եւ իր գործը	.	.	.	.	.
Կենսագրական նօթեր	.	.	.	.	.
Դրոյի յուղարկաւորութիւնը	.	.	.	.	.

Կենսագրական  
Հուշեր  
Վկայություններ

Հանձնված է շարվածքի՝ 2.05.91 թ.: Ստորագրված է տպագրության՝  
24.06.91 թ.: Ֆորմատ՝  $84 \times 108^{1/32}$ : Թուղթ՝ տպագր. № 1: Տառատեսակ՝  
«Գրքի սովորական»: Տպագրություն՝ բարձր:  
Տպաքանակ՝ 30 000: Պատվեր՝ 519: Գինը՝ պայմանագրային:  
«Ազատ խոսք» հրատարակչություն, Երևան-9, Մաշտոցի 58:  
Հայաստանի Հանրապետության Նախարարների խորհրդին առընթեր  
մամուլի կոմիտեի Հակոբ Մեղապարտի անվան :պոլիգրաֆկոմբինատ,  
Երևան-9, Տերյան Շ1: